

3 vols. in 1

10 1812

The Original Edition

RELIGION
ANTIQUAE
VERBIS ROMAE

RECEIVED

LIBRARY


THE ROYAL

RELIQUIAE
ANTIQUAE
VRBIS ROMAE.



RELIQVIAE
ANTIQUE
VRBIS ROMAE





RELIQVIAE
ANTIQVAE
VRBIS ROMAE,

Quarum singulas

INNOCENTIO XI. ALEXANDRO VIII. & INNOCENTIO XII.
P. P. M. M.

diligentissime perscrutatus est, ad vivum delineavit,
dimensus est, descripsit, atque in aes incidit


BONAVENTURA AB OVERBEKE.

OPVS POSTVMVM

MICHAEL AB OVERBEKE

suis sumptibus edi curavit.

TOMVS I.



AMSTELAEDAMI

excudit IOANNES CRELLIVS. Anno cdo 16cc viii.

CVM PRIVILEGIO.

卷之五

七

七

七

七

七

七

七

七

七

七

七

七

七

七

七

七

七

七

七

七



EXPLICATIO TABVLAE DEDICATORIAE.

STA, LECTOR,
ET STVPENS INTVERE COLVMNAM,
NON TRAIANAM, NON ANTONINIANAM,
DE FICTIS POTIVS QVAM VICTIS
POPVLIS;
DE QVIBVS TRIVMPHVS, ANTE DEBELLATIONEM,
EST CONSVPECTVS;
SED VERE HEROINAE
ANNAE REGINAE,
DEBITAM;
QVAE CLASSES HOSTIVM PROFLIGAVIT;
AD MAXIMOS EVROPAE FLVVIOS,
RHENVN, DANVBIVN, TAGVN, PADVN, SCALDIM,
TROPAEA STATVIT;
MVLTA GENTES AB EXITIO LIBERAVIT,
MONSTRORVN DOMITRIX,
NOVA ASTRAEA,
REGNA ANGLIAE ET SCOTIAE
IN VNVM CORPVS COALESCERE IVSSIT.

COELO DELAPSVM ANCILE,
ANNA SEMPER AVGVSTA

COLVMNAM MERITIS DEBITAM
VVLTV IMPERII MAIESTATE DIGNO,
MAGIS QVAM OMNIA TROPAEA, ADORNAT.
ANTEIT VINDEXT SCELERVIVSTITIA,
HARPYIAS VIRVLENTAS, VIPERINAS
ICTIBVS FVGANS, CAEDENS, OCCIDENS.
COELVM ILLAE FRVSTRA VENENATIS VAPORIBVS
INFICERE TENTARANT,
DEMISSE E COELO FVLGINE PEREVNT,
DVM FAMA INTEREA RERVIVGESTARVM
PER ORBEM LIBERATVM LATE SPARGITVR,
ATQVE EX EVROPA IN AMERICAM TRANSIT.
AMBITIONEM, FRAVDEM, AVARITIAM
SVB DOLOSIS LARVIS, IVRE COMMENTICIO, REBELLIONIBVSQVE
NIMIS DIV DOMINATAS,
EXPVLIT, DEPRESSIT, CONCVLCAVIT
SELECTA MANVS HEROVM,
IMPROBIS LABORIBVS HERCVLI PERSIMILIVM,
ORBEMQVE TERRARVM PROPE DISSILIENTEM
ITERVM CONNEXV ADAMANTINO FIRMAT.
REVIXIT FELICITAS PVBLICA,
AD PILEVM AB AVGVSTA REVOCATA;
VERO DEO OB LIBERATAM RELIGIONEM LITANS,
ABVNDANTIAM INTER ARMA SVMMAM
GRATO ORE PROFESSA;

POST

POST ARCTISSIMAM CONIVNCTIONEM
REGNORVM, ORDINVM, ANIMORVM,
QVAE DEBETVR

REGINAE ANNAE,

EI AETERNITATEM, QVAM MERITA EST, OFFERT;
NON VT CRVDELIBVS TYRANNIS,
QVI DE FAMA, APVD POSTEROS, BONA NON SECVRI,
COLOSSOS, PYRAMIDES, ARCVS TRIVMPHALES
EXSTRVI SIBI CVRARVNT,
QVAE MONVMENTA TEMPORIS EDACIS VIM
SVSTINERE NON POTVERVNT;
VT PVLCHRE HVIVS OPERIS TABVLAE DEMONSTRANT.

PERENNIORES ERVNT
ANIMIS GRATIS MORTALIVM INSERTA
ANNAE AVGVSTAE,

IVSTAE, AC BENEFICAE MONVMENTA;
CVI CERTATIM ADSVNT ET GRATIAS AGVNT
IN VNVM GENTIS VNIVS CONVENTVM
ADSCITI OMNES MAGNAE BRITANNIAE ORDINES,
PRAESVLES, NOBILES ET POPVLI ORATORES,
VERITATIS AC LIBERTATIS EGREGIA COLVMINA,

LEGIONVM VICTRICIVM BRITANNICARVM
SIGNIS CINCTA,
VNO ORE AETERNITATEM REGINAE PRAENVNCIANT;
VTQVE IN COELVM SERO REDEAT
DEVM OPTIMVM MAXIMVM,
QVO QVAM DIVTISSIME MAGNA BRITANNIA,
IMO ET TOTA EVROPA,
TVTELARI HOC SVO GENIO
FRVATVR, ORANT.

SERE-

S E R E N I S S I M A E
A C P O T E N T I S S I M A E
M A G N A E B R I T A N N I A E , F R A N C I A E
E T H I B E R N I A E
R E G I N A E
A N N A E ,

F I D E I D E F E N S O R I , &c. &c. &c.



U M humani generis primi parentes, A V G V S T A , in beatissima illa Paradisi sede , a Deo Optimo Maximo collocati fuissent, neglecto Creatoris mandato, sua culpa effecerunt, ut e laetissimis illis viretis , in quibus sine labore & cura aeternum vivere poterant , expellerentur , terramque non sine magna molestia colere necesse haberent , & duram ac difficilem vitam agere, quam tandem morte commutarent.

c

Nec

DEDICATIO.

Nec ita multo post Cāinus, invidia in fratrem permotus, primus omnium sanguine humano, occiso innocente Abele, terram cruentavit; & tametsi Deus poenas caedi nondum proposuisset, tamen diritate & conscientia facinoris perculsus, graviores sibi imminere, quam ut eas ferre posset, exclamavit. Mox in omne nefas humanum genus ruit, Divinamque Justitiam usque adeo provocavit, ut immisso terris diluvio omnes homines, excepto Noacho, cum ejus familia, deleret.

Exsiccatīs deinde cluvionis aquis, in fertilissimum Babyloniae solum sese hominum tenues reliquiae transtulere. Eo temporis intervallo, vetitum est a Deo homicidium, poena mortis in caedis auctorem constituta; qua de causa, Deus etiam interdixit animalium sanguine vesci, ne a sanguinis brutorum degustatione, ad effundendum humanum sanguinem, paullatim gradus fieret.

Nec tamen haec obstiterunt quominus, aucto hominum numero, humani generis familiae ac societates se invicem bello impeterent. Videmus, a tempore Abrahami, Orientis Reges bellum Palaestinis intulisse, Lotumque fratris ejus filium captivum abduxisse; quem ille vi recepit, & in pristinas sedes reduxit. Vetitum quamvis sit homicidium, pio tamen & justo bello se & suos tueri, ac vindicare in libertatem licet; quin & non justum modo, verum etiam laude dignum existimatur. Nulla enim causa erat, cur violentis hominibus male mulctandi, spoliandi, ac caedendi alii traderentur.

Mirandum prorsus est, cum hominibus, eo aevo & sequentibus, plus esset agri, ejusque fecundissimi, quam opus erat, ut se suosque sustentarent, eos tam cito ad tantam feritatem devenisse, ut suis agris incultis relictis, alienos invaderent. Chananaea ipsa latius multo habitabatur, quam colebatur, cum Abrahamo Lotoque, quaquaversum liberet, cum pecudibus & familia, ire liceret.

Sed praedam & rapinas, his bellis, quaerebant homines otio & voluptatibus dediti, ut alieni laboris fructibus potirentur. Quae causa condendarum & muniendarum Urbium fuisse videtur; neque enim in agris, propter frequentia bella & latrocinia, securis semper esse licuit; praesertim iis qui solum vicinis fertilius colebant, aut divitias nonnullas sibi comparant, invidiamque facinorosorum hominum in se concitabant. Quin & saepe factum, ut ex fertilissimis terris in alias minus fecundas migrarent infelices coloni; quo in sterilibus potius agris libertate fruerentur, quam in fertilibus fervirent.

Verum ne hac quidem ratione potentiorum tyrannidem fugere potue-

D E D I C A T I O.

tuerunt; quamvis eam regnandi aviditatem absurdam esse interdum intelligere se fatis ii quoque significarent, qui ea maxime laborabant; ut Philippus ille Macedonum Rex, qui cum in palaestra cecidisset, conversusque corporis sui in pulvere vestigium vidisset, *Dii boni*, inquit, *universum terrarum orbem appetimus, quibus tam exiguum ejus portionem natura tribuit!* Attamen nec ipse alieni minus appetens postea fuit, nec filius Alexander cupiditati frenum propterea imposuit; qui unicum orbem sibi victoriis domandum esse datum gemebat; quamvis Asiae tantum partem & extimas Indiae oras subigere potuerit, cum in adolescentiae flore, venenato poculo hausto, extinctus fuerit, postquam nefario ausu divinos sibi honores exhiberi postulasset.

Nec Reges tantum, verum etiam ipsas Respublicas aliena invadendi libido vexavit, ut satis constat exemplo Romanae Reipublicae; cujus Reges non majore cupiditate finitimorum agros invaserant, quam postea fecit Respublica, sub Consulum, Tribunorum Militarium aut Dictatorum auspiciis. Tum cives adsueti magnis exercitibus diu imperare, & aliena armis occupare, coeperunt de ipsa invadenda Republica, opprimendaque patria sua cogitare; quod liquet ex Marii & Sullae bellis civilibus, quodque nimis feliciter exsequutus est C. Julius Caesar; quamvis postea in Senatu, ab iis, qui superbiam hominis & tyrannidem pati non poterant, fuerit occisus. Hoc ejus exitu deterreri non potuit Augustus, quin patriae jugum variis artibus imponeret, vicinosque omnes populos, ne exceptis quidem Germanis, quos sua paupertas tutos praestare debuisset videbatur, imperio premeret. Quod & alii postea Principes fecerunt, donec a Gothis, Vandalis, aliisque barbaris populis imperium ipsum Romanum invaderetur; & merito, quid enim erat justius, quam eos, quibus fertilissimi & amoenissimi Europae, Asiae atque Africae tractus satis non erant, quique frigidi Septemtrionis egenos populos parum feracibus terris expellere, aut obnoxios habere conabantur, ab iis, rerum mutatis vicibus, pessime haberi, atque in servitutem redigi?

Principes autem illi & patriae suae & generi humano graves, non satis habuerunt vivi laudari, aut Historicorum conductorum calamo vitia, sub virtutum nomine, Posteritati commendari; sed & sumtibus immensis ac labore maximo vastissimas moles & splendidissima aedificia exstruxerunt; quae tamen omnia temporum injuria, vel Barbarorum, quos dixi, ira, aut penitus, aut maxima ex parte corruerunt; ita ut nihil jam supersit, praeter rudera ac parietinas, quae eorum inanem superbiam posteris ridendam exhibent. Ostendunt hoc ad oculum

D E D I C A T I O.

lum eorum monumentorum reliquiae, quae in hoc Opere accuratissime delineatae spectantur. Hinc liquet quanti sint a sapientibus ac piis Principibus habenda hujusmodi inanis gloriae monumenta; quod & nonnulli etiam olim, apud Ethnicos, probe viderunt.

Eximia sunt, hanc in rem, Juvenalis (*Sat. X. 132.*) verba :

*Bellorum exuviae , truncis adfixa tropaeis
Lorica , & fracta de casside bucula pendens ,
Et curtum temone jugum , victaeque triremis
Aplustre , & summo tristis captivus in arcu ,
Humanis majora bonis creduntur ; ad haec se
Romanus , Grajusque ac Barbarus Induperator
Erexit , causas discriminis atque laboris
Inde habuit ; tanto major famae sitis est , quam
Virtutis !*

Cum vero Christiani Principes ad rerum gubernacula accessissent, spes facta videbatur mortalibus vitae pacatoris; sed, proh dolor! res longe aliter cecidit. Multo enim inter se atrocius faevierunt, quam Ethnici fecerant, & Euangelium ipsum, quod pacis & juris divini ac humani observantiores eos reddere debuerat, praetexere coeperunt, ut nefanda bella & latrocinia exercerent. Opiniones suas, quas Religionem Christianam vocabant, ferro & igne propagarunt, & aliter sentientes, licet DEVM eundem colerent, Servatoremque JESVM CHRISTVM agnoscerent, exquisitis suppliciis persequuti sunt.

Sed nec ad res civiles quod attinet, atque ad hanc vitam pertinentes, prudentiam aut justitiam majorem ostenderunt. Pravi, nimirum, consilarii, privatamque utilitatem suam, neglecta Imperii salute, quaerentes, eos ad omnia mala impulerunt. Principibus suaserunt, non quae ad publicum commodum spectabant, sed ea quibus eos maxime delectari norant; ut ejusmodi adulatione amplissima munera, & immensas divitias, quibus sustentarent luxum suum, sibi compararent.

Nonnulli etiam, quorum major fuit nequitia, Principes hortati sunt ad ea, quae ipsorum Principum familias potentiores ac illustriores reddere posse videbantur; sed quae civium omnium & totius regni commodis adversabantur. Conati sunt summates viros, & quorum auctoritas apud populares maxima erat, in odium atque invidiam apud Principes adducere, suspectosque pravorum consiliorum reddere; ne rerum administrationi adhiberentur, & incolumitati patriae fidelibus monitis confulerent. Clientes vero suos & pauperiores amicos, qui a se pen-

derent,

D E D I C A T I O.

derent, ad publica Concilia adgregari curarunt. Reges denique, a prima adolescentia, ad bella suscipienda adhortati sunt; quae justae, an injustae essent, minime sua interesse putabant. Neque causae longe accersitae umquam illis defuerunt, cur sanctissima, & jurejurando solemniter confirmata foedera rumperentur.

Si ipsos Principes mitiore, pacisque & justitiae amantiore animo esse contigerit, ad nocentiora consilia sese converterunt, suspensionesque eis injecerunt, quasi a civium studiis sibi timere debuissent, seditionesque in regnis suis expectare; nisi pro libidine, sine ulla legum reverentia, iis imperitarent, vectigalibusque ac tributis intolerandis miseros ad paupertatem redigerent. Itaque Principes ab iis occoccati putarunt, maximam gloriam ac majestatem suam esse sitam in eo, ut mancipiis & pauperibus potius, quam liberis & divitibus, imperarent. Multo aequior ac sapientior fuit priscus ille Macedoniae Rex, qui, cum audiret Regibus omnia aequa & honesta esse, reposuit, ita videri *Regibus barbarorum ac ferorum populorum, sed sibi ea dumtaxat esse honesta, quae honesta essent; & haec tantum aequa, quae sola aequa essent; ac justa, quae justa essent.*

Alioquin idem hominum genus Principes laudis paullo cupidiores, nec satis scientes, quam in re vera laus sita sit, ad imitandum Alexandrum, qui totius orbis imperium adfectabat, impulit; quo pacto optimi alioqui forte futuri Reges, si bonos Consiliarios nacti fuissent, in tyrannos, homicidas, latrones, suorumque, aequae ac aliorum omnium, juratos hostes mutati sunt. Quaerunt, nimirum, Aulici, quae dignitatibus, in mediis turbis, augeantur; magnorum munerum proventu ditentur; spoliisque & praeda, ex vicinis rapta, regias opes sibi congerant. Itaque finitimos populos, quibus, nulla alia de causa, ipsi privatim sunt inimici, quasi hostes publicos armis persequuntur; nec religioni ducunt propterea opes & sanguinem civium profunderere. Quin & ex compilatione privatorum ingentes apud se coaccervant thesauros, dum suae avaritiae ac libidini regia mandata praetextunt.

Iis artibus fit, ut summae rerum praesint saepissime homines scelerati, exiguaeque sit, aut nulla bonorum Consiliariorum copia; quod recte, apud Tacitum, (*Hist. Lib. I. c. 15.*) animadvertit Galba Imperator, in egregia illa ad Pisonem, quem sibi adoptarat, adloquutione: *Fidem, inquit, libertatem, amicitiam, praecipua humani animi bona, tu quidem eadem constantia retinebis; sed alii per obsequium imminuent. Irrumpet adulatio, blanditiae, pessimum veri adfectus venenum; sua cuique utilitas.*

DEDICATIO.

litas. Etiam ego ac tu simplicissime inter nos hodie loquimur; ceteri libentius cum fortuna nostra, quam nobiscum; nam suadere Principi quod oporteat multi laboris; adsentatio erga Principem quemcumque sine adfectu peragitur.

Tua vero, REGINARVM MAXIMA, singularis prorsus est felicitas; cujus Publicum Concilium iis constat, quorum maxime interest Te feliciter regnare, Regnumque Tuum copiis omnibus abundare, & quam optime ad Legum normam administrari. Praefules, Nobiles ac Comitatum Deputati eo omnes spectant, ut nihil omittat populus eorum, quae ad firmandum, stabiliendumque imperium Tuum pertineant, ut publicae felicitatis primum, sub Deo Optimo Maximo, instrumentum sis & habearis; nec Tu, AVGVSTA, ulli rei dees, quae ad beandos omnes, qui Tibi parent, quidpiam conferre possit. Ab hisce Regni Tui Proceribus, populique Oratoribus, libere simul ac reverenter quae videntur monentibus, sine fuco & fallaciis, quae omnium interest a Te sciri, cognoscere potes.

Quin etiam rerum arcaniorum participes, in Privato Concilio, Tibi legisti viros prudentia, probitate atque integritate morum notissimos, & populo acceptissimos. Hi Te ad ea dumtaxat hortantur, quae ad omnium Ordinum dignitatem ac salutem faciunt; qualium consiliorum penuria, multis Principibus malae administrationis potissima fuit causa. Nemo profecto meliorem possit comminisci regiminis formam ea, in qua totius Regni & Regum Senatus sapientia & existimatio in eo sita est, ut quaerant quomodo quam optime sit Imperio; neque penes paucos homines infidos & malevolos sit rerum administratio publicarum.

MAIESTATEM TVAM nunc totus cum stupore intuetur terrarum orbis, tanta sapientia beatissimi regni habenas moderantem; praesertim cum non ita pridem in discrimine versaretur non Europa modo, sed & remotiores terrarum orae, quarum securitati, victoriis Tuis, prospexisti, ita ut brevi tempore gentes omnes Christianas jugo, quod earum cervicibus, per utrumque Hemisphaerium, imminabat, liberatas nos visuros, armis Tuis iustissimis, ominari jam possumus. Cum probe scires, sanguini humano parcendum esse, quoad ejus fieri potest, ad bellum gerendum non nisi necessario descendisti; quod pie ac iuste suscipi potuit, imo & debuit, ut non Regnorum Tuorum dumtaxat, sed etiam totius propemodum humani generis facultates omnes, & iis pretiosior, libertas contra eas invadentes defenderentur.

Accedit

D E D I C A T I O.

Accedit ad cetera in cives Tuos merita, quod in hoc gravissimo belli atrocissimi tumultu, divisa antea Magnae Britanniae regna, prudentia, clementiaque Tua, in unum sub lenissimo Tuo ac justissimo imperio coaluerint, & indissolubili vinculo juncta, in posterum sint futura. Propter tam praeclari consilii, a Decessoribus Tuis frustra antehac tentati, felicem eventum, gratulantur Tibi totius pulcherrimae Insulae populi, & gratum etiam animum suum probare student, subministratis alacriter sumtibus ad tantum bellum sustentandum necessariis; nec vitam suam in confirmanda, propagandaque Imperii Tui gloria profundere recusant. Norunt, nimirum, pretiosius nullum esse totius Britannicae gentis bonum, quam ut libertate, justo imperio temperata, in perpetuum fruatur; nec timeat ne vicinae gentis invasione ulla turbetur, aut cujusquam artes sibi possint nocere. Nec minus iis constat opes suas & sanguinem cum securitati regnorum Tuorum, tum Europae totius felicitati impendi, nec in cujusquam usum privatim interverti.

Longe aliud spectabant Romani, aliique libertatis humani generis hostes, qui & vicinorum perniciem, & civium obnoxiam servitutem quaerebant; victoriae enim eorum, qui post Julium Caesarem imperarunt, si paucos, ut Ulp. Trajanum & M. Aurelium, excipias, non minus relatae sunt de civibus, quam de exteris populis; iis enim fiebat, ut foris formidolosi victoribus exercitibus ad augendam civium Romanorum servitutem abuterentur; quod de ceteris etiam Imperii Despotici auctoribus intelligendum, ubicumque vixerint; numquam enim ferocius suis imperarunt, quam cum victores & spoliis vicinorum onusti redierunt. Paucissimi semper fuerunt ab omni aevo Principes, quorum ea cura fuerit, ut ad legum normam, si res essent eis secundiores, imperarent, populorumque sibi parentium tranquillitatem & divitias, non minus ac suas, prout decebat, curarent.

Deus vero faxit, MAXIMA REGINA, ut omnes Populorum Rectores, qua patet terrarum Orbis, ad Tui felicissimi regiminis exemplum, tamquam summi Numinis imagines conspicuae, certatim humani generis utilitatibus studeant, Justitiamque, qua omnes virtutes continentur, quam sanctissime domi & foris colant. Beati sane essent omnes populi, si hoc fieret, simulque operam darent, ut ex praecepto Dei eum colerent, magnifica ejus opera, cum reverentia & admiratione, scrutarentur, viamque salutis ingressi constantissime, sub summarum Potestatum praesidio, eam tenerent, donec singuli suo fato, omnibus extinctis bellis, placide interirent. Tum vero honesta stu-

D E D I C A T I O.

dia, & praeclarae artes colerentur & promoverentur, cum frequentibus bellis ubique ferme prostrata jaceant. Tu, AVGVSTA, jam exemplo ceteris praeivisti, quae cum populo libero, diviti & industrio praesis, effecisti ut etiam in medio bello, in Britannia & Hibernia, remotioribusque Americae locis, a Britannicis coloniis occupatis, ubique hodie artes floreat, maximaque Veterem inter & Novum Orbem sint commercia, quorum ope terrarum omnium divitiis, quasi apud se natis, fruuntur. Nihil amplius optandum nobis superest, nisi ut praesidio, auxilioque Tuo, pax toti Europae communis (neque enim regnorum Tuorum finibus Providentia Tua clauditur) tandem illucescat, firmaque & stabilis in posterum sit. Servet vero & incolumem praestet Te Deus, ut pulcherrimum hoc coeptum perficere possis! Secundet consilia Ducum exercituum Tuorum, & ejus praesertim, qui summae rerum in pedestribus copiis praestit, felicitis ac invicti MARLEBURGII, fortes ac obsequentes praestet iis milites, quemadmodum ad hunc usque diem fecit, & praesertim proxime elapso anno & hujus initio contigit. Territo hostium exercitu & clade non una contrito, munitissimam urbem, eo spectante & frustra ringente, capere, ac duas alias saeviente jam hieme, recuperare licuit. MAIESTATIS TVAE prudentia ac fortia consilia mortales omnes in aeternum praedicent, sempiternasque Tibi gratias habeant & agant! Sicuti ego hodie facio, natus & educatus in civitate libera populi Tecum arctissimo foedere conjuncti; & qui a proavis usque fortissime & constantissime libertatem suam armis adseruit, & nunc conjunctim cum Tuis copiis tuetur, Divinumque ea in re favorem prorsus singularem expertus est & experitur.

Non in animis tantum Tuorum Britannorum, sed & nostrorum Bataavorum habebis consecrata gloriae Tuae monumenta, multo perenniora hisce, quorum rudera summa arte picta, Tibi, submissa reverentia, Do, Dico, Consecroque. Eversa sunt monumenta illa victoriarum Romani Populi, jacentque in ruderibus suis; sed aeternum vivet Tui memoria, apud animos vicinarum praesertim Gentium, & cum Britannica confederatarum, eaque erit quam optimi quique Principes sibi exoptant. Memores erimus Tui, non ut sunt infelices populi memores eorum, a quibus in servitutem fuerunt redacti, aut male mulctati, quos etiam mortuos horrent; sed quasi HEROINAE coelo, ad communem humani generis utilitatem, demissae.

Ignosceas vero obsecro, quod sacram MAIESTATIS TVAE imaginem Operi huic praefigere non reformidarim. Optant mortales
omnes

DEDICATIO.

omnes de facie quoque nosse eam Reginam, cujus tanta in tam insignem humani generis partem sunt merita. Imitatus sum, ea in re, gentes excultissimas, quibus moris fuit imagines & monumenta praeclarorum hominum habere in promptu, & omnium oculis exposita, ut ad eorum imitationem praestantes quique animi exstimularentur; quibus nihil fuit umquam, nec erit pulchrius, quam quod Tu, SERENISSIMA REGINA, facis, & quod exprimere licet Romani Tragici (*Senec. Octav. v. 472.*) verbis, quibus hanc Epistolam claudam:

*Pulchrum eminere est inter ILLUSTRES VIROS,
Consulere patriae, parcere adflictis, fera
Caede abstinere, tempus atque irae dare,
Orbi quietem, seculo pacem suo.*

HAEC SUMMA VIRTUS, PETITUR HAC COELVM VIA.

Haec de Te, Tuique similibus Principibus, quotquot sunt, eruntque, sentiebat & volebat

MAIESTATIS TVAE

Devotissimus atque humillimus Cultor

MICHAEL AB OVERBEKE.

f 2

AVCTO.





A V C T O R I S P R A E F A T I O A D L E C T O R E M.



Uod vides opus, Benigne Lector, utinam, aliquot abhinc centenis annis fuisset inchoatum & absolutum Non jam profecto tot praeclara Aedificia, & Palatia maxima tenebrarum oblivionis & ignorantiae perpetua nocte jacerent obruta, sepultaque.

Equidem mirari satis nequeo, neminem Veterum extitisse, qui studuerit, & hoc egerit, ut quam exactissimas haberemus delineatas & depictas tabulas aeneas, & effigies veras Templorum, Aediumque splendidissimarum, quæ in Veterum Scriptorum monumentis laudibus fummis efferuntur; quo tempore Roma abundavit ingenti numero praestantium Architectorum, Chalcographorum, Pictorum, Sculptorum, peritorumque artium Mechanicarum. Et tamen horum aliqui non indiligentem praestiterunt operam, caventes, nimirum, ne splendor & gloria Urbis Principis posteritati serae penitus forent ignota; ut summa cum eruditione principia artis suae, & ipsam quoque aliquatenus Romanam Urbem, quae merito suo omnium magnarum Urbium Regina habetur; & ut vere Martialis pronunciat, (*Lib. XII. Epig. 8.*)

*Terrarum Dea, gentiumque Roma,
Cui PAR est nihil, & nihil SECVNDVM.*

Et de qua minime falso Propertius dixit; (*Lib. III. Eleg. 21.*)

*Omnia Romanae cedant MIRACVLA terrae,
Natura hic posuit, quidquid ubique fuit.*

oculis nostris quasi contemplandam praeberent, ac describerent. Etenim accurata demum totius Urbis delineatione, & exactissimis Aedificiorum illius tabulis acri incisus, perfecta imago Civitatis amplissimae impressa plane haereret, & infixam mentibus nostris.

De magnitudine Urbis hujus, & moeniorum ambitu, acerrime inter se digladiantur Eruditi. Plinius numerat triginta passuum millia. Viderint Doctiores, cujus sententia verissima sit dicenda. Ego, Romae vivens, pedestri itinere circuitum hodiernorum murorum illius emensus, ab utraque Tiberis ripa, comperi, ut nunc sunt Muri Urbis, qui feruntur ab Aureliano primum constructi, restitutive fuisse, completi majora & horaria milliarum quinque, quae conficiunt viginti millia passuum.

Quantus vero hujus Sedis Imperii Romani splendor fuerit, animo & oculis nostris intelligendum, & conspiciendum praebebit sequens Breviarium rerum, & aedificiorum illius maxime memorabilium. Fuerunt hic Portae, ut Plinius scripsit, xxxvii. Templi ccc. & plura. Basilicae x. Arcus Marmorei xxxvi. Obelisci magni vi. parvi lxii. Fora xi. Thermae xi. Aquae xiv. Castra aquarum xv. Pontes vii. Granaria cccxxvii. Montes vii. Circi ii. Theatra iii. Amphitheatra ii. Colossi Marmorei li. Aenei xxxvii. Equi magni xxiii. Deaurati lxxx. Eburnei lxxxiv. Statuae sine numero. Columnae Cochlides ii. Naumachiae v. Nymphaeae xv. Ludi iv. Macella ii. Lacus mcccii. Campi viii. Silvae xxxii. Bibliothecae xix. Senatula iv. Capitolia i. Aedes Sacrae ccccxiv. Vici ccccxvi. Insulae lxxviii. Domus majores mcccxx. Balnea dcccvi. Pistrina ccliv. Lupanaria xlv. Jani xxxvi. Latrinae publicae xlv. Castra xi. Tabulae & signa sine numero. Vicomagistri dclxxii. Curatores xxxiii. Cohortes Praetoriae x. Urbanae iv. Vigilium vii. Excubitoria xiv. &c. &c.

Paucis autem abhinc seculis, & hoc praesertim nostro aevo, aliqui in lucem rursus edere harum Antiquitatum Scriptores sunt conati, quorum Libros Typographi exornarunt effigibus Aedificiorum antiquorum, utcumque pro ipsorum arbitrio exornatis, & delineatis a pluribus, non omnino rudibus sculptoriae artis magistris.

AUCTORIS PRAEFATIO

Etenim haud immerito arbitrabantur, suis Libris ingens decus & pretium accessurum, ab illustratione effigierum & imaginum istiusmodi. Sed contra accidit illis, ut his picturis suis omnia redderent incertiora, & minus cognoscenda. Pictoriae enim artis studiosi, qui Romae degunt, in eo unice elaborant, non ut exacte & diligenter expriment rudera, & reliquias veterum Aedificiorum; sed potius ut sui in his instituti ac consilii rationes festerent. Verbi gratia, delineaturi ruinas Templi cuiusdam, Palatii, aut Thermarum, depingunt illius Antiqui aedificii columnas duas, tresve, aut quatuor; vel etiam fragmentorum e terra erutorum partes quasdam, ad artis suae studium maxime utiles & idoneas. Atque mox parti aedificii hujus conjungunt aliquid ex alio quodam Aedificio vetere, vel quod viderunt ipsi, vel quod ingenii eorum est commentum, prout existimant haec omnia spectatoribus maxime placitura, & convenientia futura, testificandae peritiae suae, in pingendi arte. Hinc haud infrequenter accidit, ut si quis icones istiusmodi conferat cum rebus ipsis, uti Romae conspiciuntur, is sphingem quamdam, aut chimaeam, sive monstrum multifor- me, & ex variis corporibus ac fragmentis compositum se videre arbitretur; quamvis istae imagines pictae in semet elegantes interdum habeantur, valdeque placeant pictoriae artis amatoribus.

Est & aliud harum picturarum tabularum vitium: frustra in iis quaeras plurimas Romae Veteris ruinas, quarum in Antiquariorum Libris frequens fit mentio, eo quod admirationi fuissent Romanis & advenis nondum vastata, & collapsa Palatia, & aedificia isthaec. Nimirum, fragmenta & parietinae mirabiles structurarum istiusmodi nihil videntur posse facere ad gloriam pictorum, in suis aereis tabulis illas exprimentium, illustrandam, & proinde ab omnibus fere negliguntur, & a paucis Romae etiam cognoscuntur, aut inquiruntur.

Haec me cogitatio, in illa Urbe peregrinantem, movit, ut, ad privatos usus meos, Veterum Monumentorum ruinas maxime precipuas delinearem, & in effigiebus chartaceis describerem. In patriam postea reversus, placuit hic labor meus, non artis modo nostrae, sed & omnis eruditionis & Antiquitatum studiosis; auctoresque mihi fuerunt, ut quidquid hoc erat operis mei, publici juris facerem. Sed interea ipse mihi hac in parte minime satisfaciebam, conscius multa desiderari ad perfecti Libri istius consummationem.

Altera igitur vice adunda mihi Roma fuit, ut quae illic reperiebantur reliqua mirandorum Aedificiorum rudera, diligentiore oculo perlustrarem, nitideque depingerem, quidquid in parietinis superesset verusti operis, vel etiam hoc aevo nostro restituti, Portas, nimirum, Tempia, Basilicas, Sepulcra, Arcus Triumphales, Obeliscos, Fora, Columnas, Thermas, Balnea, Fontes, Aquaeductus, Castra aquarum, Pontes, Insulas, Granaria, Hortos, Montes, Palatia, Circos, Curias, Theatra, Amphitheatra, &c.

Ut domum redii, haud inconsultum fore duxi, si iconibus meis, qualemcumque adjungerem historiae veteris descriptionem, ex probatissimis Auctoribus collectam, brevissimamque. Etenim nostri non est instituti, quod ingenti studio doctissimeque alii plures, hisce in rebus satis erudito aevo nostro, persequuntur, pertractare arcana omnia & primordia Urbis ac Imperii Romani.

Nolui tamen silentio praeterire Conditores & Auctores praestantium Urbis Aedificiorum, sive publicorum, sive privatorum, & quae faciebant aliquid ad cognitionem utilitatis, magnificentiaeque Operum singulorum.

Hic mihi tum consulendi & inspiciendi erant, quotquot habere potui Auctores, Latini in primis, immo & Antiquarii Italici & Gallici, ut ex his colligerem quoddam quasi Florum Corpusculum, prout maxime mihi videbatur commodum, quibus scriptis intermiscui, quae a me, ceu teste oculato, observata Romae fuerant. Dedi autem operam, ne incondite & perturbate cuncta conscriberentur; aut nimis multa colligerentur; quaeque legentibus taedium & fastidium adferrent; quod plerisque harum Antiquitatum collectoribus, variae eruditionis laudem in aliena messe temere captantibus, merito vertitur vitio, qui nihilominus multa praetermittunt, quae ex aliorum scriptis pendenda sunt curiosis harum rerum, & addiscenda.

Non omisi Inscriptiones necessarias, Numismata antiqua & hodierna, operique huic inservientia, mensuras Geometricas, Architecturae ordines, marmorum genera, & quae detexeram Architectorum nomina.

Interea dum huic uni studio totus incumberebam, plurima sese obtulerunt mihi dubia & incerta, unde extricare & expedire memet minime poteram, nisi tertia quoque vice repetito itinere Romam me conferrem. Hujus autem diligentiae meae hunc fructum tuli, ut glorier; nihil in his observa-

tis

A D L E C T O R E M.

tis meis, quoad ejus fieri potuit, praetermissum esse, quae spectabant ad rudera & reliquias Aedificiorum Veterum, & in solis ruinis suis superstitum, quae quidem in Urbe viscebantur, temporibus Paparum Innocentii XI. Alexandri VIII. & Innocentii XII, anno proximo ante horrendum, totique Italiae funestissimum terrae motum, qui Anno dñi 1687. sub Clemente XI. ingentibus damnis affecit Urbem ipsam, & has quoque Antiquitatis priscoe parietinas, & Monumenta vetusta; nocuit tamen in primis ruinis nobilissimi Amphitheatri Flavii, quod Colosseum vocant.

Ipse denique manu mea locorum omnium icones, Romae a me ad vivum, ut loquuntur, expressas, aeri incidere volui, quo accuratius prodirent, & ab aliis Romae viventibus, ac peregrinantibus cognoscerentur melius; non veritus, quin hic labor meus, sanequam non exiguus, jucundissimus gratissimusque omnibus justis artis pictoriae, sculptoriaeque, venerandorumque Romanae quondam potentiae indiciorum, & documentorum, etiam nunc remanentium, aestimatoribus & amatoribus sit futurus. Vale.

AVCTOR AD LECTOREM.



Observandum in primis est, si quis effigies consideret Templorum & Aedificiorum Veterum, prout videmus eas expressas in Numismatibus vetustis, minime illas convenire cum ruinis dirutorum, & structura atque elegantia eorum, quae supersunt. Hujus differentiae & discriminis ingentis vera haec est ratio.

Quum primis Urbis & Reipub. temporibus, exiguae modicaeque illius essent opes, Diis erigebantur, & construebantur sub dio dumtaxat altaria nuda, aut sub tabernaculis stramine tectis. Hujus generis fuit Ara, quae vocabatur Maxima. Templo vero ipsa aut lignea erant, aut plane rustica.


Haec tamen omnia, crescentibus Reipub. opibus, auctoritate ac jussu Consulium & Senatus, Imperatorum, Virorumque potentium & illustrium, commutata fuere, in amplissima aedificia & templa. Et si forte vel incendio, vel aliam quamvis ob causam aliquid eorum erat restituendum, omnia ea elegantiores & magnificentiores in modum insaurabantur.

Saepe etiam usu venit, ut in Numis sola conspiciatur imago Dei cujusdam, cujus Numini sacrum habebatur non expressum in eo templum, propterea forte, ne quid foret ambiguum in ratione cultus Dei istius. Hujusmodi quid observasse mihi videor in Numo IO. MAX. CAPITOLINVS. Nullum quippe est dubium, quin Tarquinius Priscus extruxerit Deo huic, in ipso Reipub. principio, Templum, omnium sui seculi splendidissimum. Atqui in Numo nihil ejus visitur, nisi sola Etrusca Aedificii, suffulta pilis, aut columnis duabus, subter quas Jupiter, quasi sedens, exprimitur.

Nonnumquam Antiquorum & ingentium Aedificiorum ruinis superstructae videntur aedulae parvae, nullius splendoris & artificii, ita ut ne minimam quidem similitudinem, aut convenientiam habeant cum structura vetustarum aedium, quibus sunt superimposita. Hoc vero exinde accidit, quia Gothi, Vandali & peregrinae gentes aliae, quibus Urbs devicta paruit, iisdem antiquis & dirutis aedificiis vice domuum, aut propugnaculorum, adversus hostiles adgressiones, uterentur.

*Est & hoc, quod monere Lectorem volumus. Ut reperiantur Inscriptionum loca, ubi necessarium id fore duximus, notis quibusdam ea designavimus, tam in effigiebus aeri incis, quam in discriptionibus Explicationum earundem. Earum notarum signa haec sunt, ✠, *, C.*

Magnitudinem Palmi Romani etiam hic apponendam duxi, cujus unius mensura usus sum, in dimensionibus mechanicis Antiquorum Aedificiorum Columnarum & Pilarum.



EDITORIS PRAEFATIO.



Auctor Operis hujus, Agnatus meus **BONAVENTURA AB OVERBEKE**, a pueritia miro ingenii impetu ferebatur ad amorem artis pingendi effingendique, invitis quamquam patre & consanguineis, a quibus ad Litterarum studia destinatus erat. Sed ille obsecundare desideriis gnati tandem fuit coactus. Tradiderunt igitur eum erudientum illustribus hac in arte magistris cum nostratibus, tum extraneis, Parisiis & alibi, atque etiam longe celeberrimo in historiis pingendis artifice Gerardo de Lairelle, cujus quoque domestico contubernio multis annis usus est, antequam primae suae in Italiam profectio-
ne accingeret, & post reditum.

Inde reversus totum se contulit ad hoc genus artis istius, quae in historiarum & imaginum Veteris aevi descriptionibus, ac tabulis versatur, in quem finem, quum Romae prima vice peregrinaretur, inter alia multa pictoriae diligentiae exercitia & ingenii lusus, nonnulla nobilissimorum Urbanæ magnificentiae Monumentorum rudera & parietinas delineavit.

Ad postremum intermisso priore instituto suo perdiscendae artis pictoriae, & imaginum vivis coloribus perpoliendarum (quo in studio multum jam profecerat) animi gratia effigies duntaxat humanas, & quae ad id praeterea requirebantur, effingebat. Istorum tamen laborum suorum nihil in lucem proferre umquam est conatus; sed hoc, quod videtis, Opus consummare, & priusquam fatis concederet edere vehementer optavit: neque tamen voti sui compos factus est, quamquam effigies omnes ipsemet aeri jam inciderat.

In effigie Tituli, quam ipse lethali impeditus morbo (interiit quippe phthisios specie quadam confectus) perficere non potuit, usus est opera & ministerio sculptoris Matthiae Pool, qui eandem absolutam, quatuordecim ante fatalem illius horam diebus, Auctori nostro retulit. Ornamenta Pyramidii Obelisci Pamphilii praeterea desiderabantur, quae iussu meo sunt expedita.

Tabula vero Urbis, quam sculptori tradiderat, nondum erat perfecta; hanc ego postea absolvendam dedi; & ornamenta illius effingere iussi pictorem Ottomarum Elliger. Effigiem porro Auctoris biennio ante mortem ipsius depictam, sculpendam commisi defuncto nuper Vermeulen Antverpiensi; sed in Dedicationis imagine meum propositum pictor & sculptor sunt secuti. Numismata nondum quoque aeri erant incisa, quod meo demum mandato nominatus Pool effecit; ipsos etiam veros Nummos conquisivi ex Armariis Illustrissimi Comitis Swartzburgii, Dominorumque de Barry & Uilenbroek; quique in iis non reperiebantur, ex optimorum ea de re Auctorum libris decerpandos, omnesque, ut aequabile Opus foret, ad unius formae magnitudinem redigendos curavi. Duobus autem lineolis intermediis conjunctos exhibui Nummos, quorum effigies binæ referebant simul causam & auctorem cudendi Nummi; quorum vero effigies auctorem Nummi non adjunctum habebant, eos unica lineola conjunctionis notavi.

Descriptionem denique Operis totius ipsemet adhuc superstes Auctor absolverat, unica Murorum Romanae Urbis historia excepta, quam inchoaverat; eam porro consummandam dedi, usus consilio Eruditissimi Clarissimique Domini Joannis le Clerc, prout etiam feci in versione Operis totius Gallica, concinnata diligentia & studio viri docti.

Haec erant illa, Lector, quorum te penitus ignarum esse nolui, cogniturum caetera ex ipsius Auctoris Praefatione.

P R I V I L E G I E.

DE STAATEN van HOLLANT ende WESTVRIESLAND, doen te weeten, Alsoo Ons vertoont is by MICHEL VAN OVERBEKE, wonende tot Amsterdam, dat hy Suppliant voornemens was in 't ligt te geeven, *alle de tegenwoordige Overblyfsels der Antique Gebouwen der Stad Rome, door wyle BONAVENTURA VAN OVERBEKE, geduyrende desselfs verblyf in Italien naa het leven geteykent, ende naderhand hier te Lande door den selven in kopere platen gebraght, met bygevoegde Beschryvinge der selve, dogh vermits den Suppliant bedugt was, dat het voorz. Werk in het licht komende, door ymant anders, 't sy in 't geheel of ten deele, ofte by aparte platen, soude moogen nagemaakt oft de beschryvinge naagedrukt werden, waerdoor hy Suppliant seer groot naadeel soude koomen te lyden, soo keerde hy Suppliant sigh met alle eerbiedigheyt tot Ons, verzoekende, dat Wy hem Suppliant geliefden te begunstigen, met een Privilegie om de voorz. Wercken, geduyrende den tyt van vyftien eerst aghtereenvolgende Jaaren, alleenigh te mogen verkopen, ofte doen verkopen, met verboth, dat niemant geduyrende den voorz. tyd, eenige van dien 't sy in 't groot of kleyn, in 't geheel ofte den deele, ofte by aparte platen soude moogen naamaaken, of op eenigerhande wyse in koper brengen, off buyten deese Provincie naagmaakt ofte in 't koper gebraght, soude mogen inbrengen, veruuylen ofte verkopen, ofte ook de Beschryvinge naa te drukken ofte naagedrukt in deese Landen te brengen op seekere groote pene by ons tegens de Contraveuteurs te statuereen; SOO IST, dat Wy de saeck en 't voorz. verzoek overgemerkt hebbende, ende genegen wesende ter beede van de Suppliant, uyt onse regte wetenschap, Souveraine Maght en Authoriteyt, den selven Suppliant Geconlenteert, Geaccordeert ende Geoctröjeert hebben, Consenteeren, Accordeeren ende Octröjeeren hem mits deelen, dat hy geduyrende den tyd van vyftien eerst aghter een volgende Jaaren, *alle de voorz. tegenwoordige overblyfsels der Antique Gebouwen der Stad Rome, door wyle BONAVENTURA VAN OVERBEKE geduyrende desselfs verblyf in Italien naa het leven geteykent, ende naderhand door den selven in kopere platen gebraght, met bygevoegde beschryvinge der selve, binnen den voorz. onsen Landen, alleen sal mogen drukken, uytgeven ende verkopen, verbiedende daerom allen en een iegelyk het voorz. Werk in 't geheel of ten deel, in 't groot oft in 't kleyn ofte by aparte platen naa te maaken ofte op eenigerhande wyse in 't koper te brengen, ofte oock de Beschryvinge naa te drukken, off elders nagedrukt in de voorz. onsen Lande te brengen, op verbeurte van alle de naagmaakte ofte naagedrukte, en ingebraghte ofte verkofte Exemplaren, en een boete van drie hondert guldens daer en booven te verbeuren, te Appliceeren een derde part voor den Officier die de Calange doen sal, een derde part voor de Armen der plaatse, daar het Casus voorvallen sal, ende het restteerende derde part voor den Suppliant; Alles in dien verstaande, dat Wy den Suppliant met deesen onsen Octröje alleen willende Gratificeeren, tot verhoedinge van synen schade, door het nadrukken van het voorz. Werk, daar door in geenigen deele verstaan, den inhoud van dien te Authoriseeren ofte te Advouereen, en veel min het selve onder Onse protexië en bescherminge eenigh meerder Credit, aansien ofte reputatie te geeven, nemaer den Suppliant, in cas daer inne iets onbehoorlyks soude Influeeren, alle het selve tot synen laste sal gehouden weesen te verantwoorden, tot dien eynde wel expresselyk begeerende, dat by aldien hy deesen Onsen Octröje voor het selve Werk sal willen stellen, daar van geen geabbrevieerde ofte gecontraheerde mentie sal moogen maaken, nemaer gehouden weesen, het selve Octröy in 't geheel en sonder eenige Omisfie, daar voor te drukken ofte doen drukken, en dat hy gehouden sal syn een Exemplaar van het voorz. Werk, gebonden en wel geconditioneert, te brengen in de Bibliotheecq van Onse Universteit tot Leyden, ende daer van behoorlyk te doen blycken, alles op pene van het effect van dien te verliesen; Ende ten eynde den Suppliant deese Onsen Consente en Octröje mogen genieten als naer behooren, lasten Wy allen en een iegelyk dien het aangaan magh, dat sy den Suppliant van den inhoud van deesen, doen laten en gedooogen, rustelyk, vreedelyk en volkomentlyk, genieten en gebruycken, cessierende alle beleth ter contrarie; Gedaan in den Hage onder Onsen Groten Zegele, hier aen doen hangen den 18^{de} Augusti, in 't Jaar Onses Heeren en Saligmaakers, duyftent seveca hondert en seven.**


A. HEINSIUS, v.


Ter Ordonnantie van de Staaten


SIMON VAN BEAUMONT.

(L. S.)

PORTA











P O R T A

F L V M E N T A N A, nunc P O P V L I.



FLVMENTANA dicebatur, quod esset prope Tiberim. Docet hoc Festus, in voce *Flumentana*. *Flumentana*, inquit, *porta Romae appellata, quod Tiberis partem ea fluxisse affirmant*. Fuit haec alio loco sita, atque quo nunc est porta *Populi*. Equidem sita fuit ad ripam Tiberis, ubi nunc sunt Farnesiorum aedes; vel non longe a Campo Florae, e regione murorum, quos Ancus rex construxerat in Janiculo. Hinc Livius (*Lib. XXXIV. cap. 21.*) *Tiberis infestiore quam prius impetu illatus Urbi, duos pontes, aedificia multa, maxime circa portam Flumentanam evertit*. Aurelianus hanc, credo, transtulit eo loco, ubi nunc est, quando hac parte Urbis moenia protulit, quae a via Flaminia, hanc portam transeunte, nomen accepit.

POPULI nunc vocatur, forte quia, sita in vicinia Mausolei Augusti, proceras circa se habuit populos, quibus obumbrabatur sepulcrum istud, conditum quondam prope aedem S. Rochi: vel quod Augustus silvas, huic aedificio circumdatas, publicarat in usum Populi Romani. Quamquam hoc esse verius arbitror, quod propinqua aedes B. Virginis, quam extruxit Paschalis II. Pontifex, cognominata fuerit a Populo Romano.

Exornata haec porta fuit a Pio IV. Pont. Max. (uti probat suprapositus Nummus) columnis, ornamentis, imaginibusque SS. Petri & Pauli, juxta delineationem Michaelis Angeli Bonarotae. Jacobus autem Barozius da Vignola opus absolvit, inscriptionemque hanc illi imposuit.




PIVS. III. PONTIF. MAX.
PORTAM. IN. HANC. AMPLI-
TVDINEM. EXTVLIT. VIAM.
FLAMINIAM. STRAVIT.
ANNO. IIII.

Hanc portam refecit Alexander VII. variisque ornamentis & insignibus suae gentis augustiorem reddidit, opereque supra januam inferendum curavit marmoreum lapidem, cum hoc lemmate.

FELICI FAVSTOQUE INGRESSVI

Quae eadem verba leguntur in Numismate quodam Pontificis hujus, exprimente effigiem Pontificis & portae ipsius. (quod hic superius etiam exhibetur) Indicatur autem hoc Titulo & Numismate felix in Urbem adventus Christinae, reginae Suecorum, Romam invitatae ab hoc Pontifice.

Haec porta e Tiburtino constructa est lapide; columnae illius e marmore factae sunt varii coloris, ordine Dorico, quarum diametros est quatuor palmorum Romanorum.





P O R T A

COLLATINA, nunc PINCIANA.



OLLATINA PORTA erat proximo loco post Flumentanam. De hac Livius (*Lib. I. cap. 37.*) ait: *Collatia, & quidquid circa Collatiam agri erat, Sabinis a rege Tarquinio ademptum.* Nominis rationem tradit Festus, in voce *Collatia*. *Collatia oppidum fuit prope Romam, eo quod opes aliarum civitatum ibi fuerint collatae, a qua porta Romae Collatina dicta est.* Quin, & nostra quoque aetate, ex consuetudine Veterum, *Collatia* dicitur, quidquid agri Romani habetur circa eam portam.

Sunt qui existimant, moenia, in quibus nunc haec est porta, Belisarium extruxisse; & idcirco portam Flumentanam & hanc nostram collocant extra Urbem antiquam. Doctiores tamen censent, a Belisario fuisse instaurata moenia, quae diu ante fuerant posita, moenibusque a Collina porta productis, Collatinam aliis fuisse additam, aut cum Flumentana eo loco, ubi nunc cernitur, translatam.

PINCIANA hoc ferme tempore dici coepit, quod proxima esset palatio senatoris Pincii. Testis Procopius, Belisarii in bello Gothico comes. (*Bell. Goth. Lib. I. cap. 18.*) Neque enim ab eo hoc nomine vocaretur, nisi jam prius moenia eousque prolata fuissent; atque porta isthaec habuisset id nomen, vulgo cognitum.





P O R T A

5

AGONENSIS, QUIRINALIS, SALARIA, LAVERNALIS, SALVTARIS.

nunc C O L L I N A.



AGONENSIS nomine appellatam testatur Festus, in voce *Agonia*. *Agonia*, inquit, sacrificia, quae fiebant in monte. Hinc Romae mons *Quirinalis Agonius*, & *Collina Porta Agonensis*.

QUIRINALEM fuisse quoque dictam, his verbis docet, in voce *Quirinalis*: *Quod ea in collem Quirinalem iretur; sive quod proxime eam esset Quirini sacellum*. Idem, nimirum, auctor tradit, inundato circo Flaminio, *Agonales ludos*, qui in eo celebrabantur, extra portam fuisse peractos. Ludi vero ipsi *Agonales* dicebantur; quia celebrabantur in honorem *Dei Agonii*, qui rebus agendis praeerat, teste Festo eodem, in voce *Agonium*. Antiquitus ergo his duobus nominibus hanc portam fuisse insignitam, satis constat: vel quod iis ludis rex sacrorum hostiam immolare esset solitus, quam veteres *Agonium* vocabant: vel quod hi ludi peragerentur in montibus, quos *Agones* vocabant.

SALARIA dicebatur quoque prisca, a via nominis huius. De hac via loquitur Plinius (*Lib. XXXI. cap. 7.*) *Sal apud antiquos magna auctoritate, sicut apparet ex nomine Salariae viae, quoniam illa sal in Sabinos portari consueverat*. Sive, ut Festus vult, in voce *Salaria*: *Quia per eam Sabini sal a mari deferrebant*. In hanc viam incidit Nomentana; & nulla alia, ut constat, via commodior est euntibus in Sabinos. Testis Tacitus (*Hist. III. cap. 78.*) *Ut transversis itineribus per agrum Sabinum via Salaria Urbem introiret*. Quod ipsum satis luculenter patet ex hac inscriptione, seu titulo, inciso in altero latere pontis Narsetis, quem pontem fuisse ostendit viae Salariae.

IMPERANTE. D. N. PISSIMO. AC. TRIUMPHALI SEMPER. IVSTINIANO. PP. AVG. ANN. XXXVIII
NARSES. VIR. GLORIOSISSIMVS. EX. PRAEPOSITO. SACRI. PALATII. EX. CONS
ATQVE. PATRICIVS. POST. VICTORIAM. GOTHICAM. IPSIS. EORVM. REGIBVS
CELERITATE. MIRABILI. CONFLICTV. PVBLICO. SVPERATIS. ATQVE. PROSTRATIS
LIBERTATE. VRBIS. ROMAE. AC. TOTIVS. ITALIAE. RESTITVTA. PONTEM. VIAE. SALARIAE. VS
QVE. AD. AQVAM. A. NEFANDISSIMO. TOTILA. TYRANNO. DISTRVCTVM. PVRGATO. FLVMINIS. ALVEO
IN. MELIOREM. STATVM. QVAM. QVONDAM. FVERAT. RENOVAVIT.

Altera vero haec est; literis paulo melioribus.

QVAM. BENE. CVRBATI. DIRECTA. EST. SEMITA. PONTIS.
ATQVE. INTERRUPTVM. CONTINVATVR. ITER.
CALCAMVS. RAPIDAS. SVBIECTI. GVRGITIS. VNDAS.
ET. LIBET. IRATAE. CERNERE. MVRMVR. AQVAE.
ITE. IGVTVR. FACILES. PER. GAVDIA. VESTRA. QVIRITES.
ET. NARSIM. RESONANS. PLAVSVS. VBIQVE. CANAT.
QVI. POTVIT. RIGIDAS. GOTHORVM. SVBDERE. MENTES.
HIC. DOCVIT. DVRYM. FLVMINA. FERRE. IGVVM.

LAVERNALIS item vocabatur, quod duceret euntes ad ejus Deae templum, in via Salaria.

SALVTARIS vero appellabatur, ab aede Salutis, illi proxima.


COLLINA nunc dicitur, vel a collibus Quirinali & Viminali: vel ab Urbis tribu, quae ab hoc loco denominabatur. Varro (*de LL. lib. IV. p. 16. Ed. Scal.*) *Partes Urbis tribus dictae, & ab locis Suburana, Esquilina, Collina, Palatina*.

Tribus extra hanc portam milliariibus, Hannibal castra sua posuit, juxta amnem Anienem. Livius *Lib. XXXVI. cap. 10.*

C

PORTA





P O R T A ⁷

VIMINALIS, FIGVLENSIS, CATVLARIA, NOMENTANA,
nunc S. A G N E T I S, & P I A.



VIMINALIS PORTA sequitur Quirinalem, cum monte ejusdem nominis, in quo sita est, & ab eo dicta. Regum autem tempore, in aggere Tarquiniū fuisse eam commemorant. Strabo (*Lib. V. ubi loquitur de Urbe*) In aggere, ait, medio tertia est Porta, ejusdem nominis cum colle Viminali. Viminalem quoque nuncupatam censent, non a monte tantum Viminali, sed & ab ara Jovis Viminii. Festus de illa ita loquitur (in voce *Viminalis*.) *Viminalis & porta, & collis appellabatur, quod ibi Viminum silva fuisse videtur, ubi est & ara in Viminio consecrata.*

FIGVLENSIS etiam appellabatur, forte a figulis, qui extra illam suas habebant officinas.

CATVLARIAM fuisse NOMENTANAM, censent, inter Doctos, Panvinus & Donatus, moti auctoritate Festi (in voce *Catularia*.) *Catularia, inquit, porta Romae dicta est; quia non longe ab ea, ad placandum Caniculae sidus, frugibus inimicum, rufae canes immolabantur, ut fruges flavescerent ad maturitatem perducerentur.* Huc spectat etiam Ovidii testimonium (*IV. Fastorum* §. 905. *prope finem*.)

Hac mihi, Nomento Romam cum luce redirem,

Obstitit in media candida pompa via.

Flamen in antiquae lucum Rubiginis ibat,

Extā canis flammis, exta daturus ovis.

Paullo infra rationem hujus sacrificii adscripsit Poëta (§. 941.)

Pro cane fidereo canis hic imponitur arae:

Et, quare pereat, nil nisi nomen habet.

S. AGNETIS eadem nunc dicitur, ab aede huic Divae sacra, extra pomoerium.

PIA vocatur hodie etiam, quia Papa Pius IV. veterem clausit, & aliam, huic proximam, amplio-rem extruxit in formam augustiorem, deque suo nomine appellari voluit, hoc in marmore insculpto titulo,


PIVS. III. PONT. MAX.
PORTAM. PIAM.
SVBLATA. NOMENTANA. EXTRVXIT.
VIAM. PIAM.
AEQVATA. ALTA. SEMITA.
DVXIT.

Pilae striatae prope basin latae sunt palmos Romanos quatuor, cum dodrante, operis Dorici. Ipsa porta lapide constat Tiburtino, ornamentis ex marmore confectis.

D

PORTA





P O R T A

QVERQVETVLANA, nunc CLAVSA.



Biſtruſta nunc haec eſt porta, quam noſtrae aetatis plerique *Inter-aggeres* nominarunt, omni tamen probabili ratione nominis huius carentes: ſiquidem longe ab ea poſitus fuit, qui *Tarquini agger* dicitur. Et quum Urbis ambitus adhuc anguſtior eſſet, in medio ejus aggeris reperiebatur *porta Viminalis*.

Ego autumo, a Plinio *Querquetulanam* dici (*Lib. XVI. cap. 10.*) *Silvarum* certe diſtinguebatur inſignibus. *Fagutali Jovi* etiam nunc, ubi *lucus Fageus* fuit; *porta Querquetulana*; colle, in quem *Vimina* petebantur. Erat igitur *Viminum ſilva* in colle *Viminali*, unde & huic colli nomen. Ejus latitudo, relicto ambitu vivarii, perficitur paullo plus ſtadiis tribus: & muri prius extendebantur fere a porta nunc *S. Agnetis* ad hanc *Claufam*, ſi fundamenta operis ſpectes. Ergo liquet, abſurdum eſſe, ſi quis dixerit, ſpatio tam exiguo portam, nomine *Inter-aggeres*, poſitam fuiſſe inter *Viminalem* & *Querquetulanam*, quarum alteram *Strabo*, (*Lib. V. ubi de Roma*) alteram vero *Plinius* (*loco citato*) in eodem *Viminali* fuiſſe ſcribunt.

Nonnulli tamen volunt, *Querquetulanam* in monte *Coelio* ſtetiſſe, quoniam *Tacitus* (*Ann. IV. cap. 65.*) ſcribit: *Coelium montem Querquetulanum prius vocitatum*. Et *Festus* inquit: *Nymphas Querquetulanas appellatas, praefidentes querqueto, quod genus ſilvae erat intra portam, quae ab ea dicta ſit Querquetulana*.

Itaque hinc ſatis patere exiſtimo, portam *Querquetulanam* eam eſſe, quae nunc *Claufa* eſt, prope *Caftrum Praetorium*, vel non longe ab eo.





P O R T A

EXQVILINA, METIA, PRAENESTINA, TIBVRTINA, TAVRINA,
LIBITINA, nunc S. LAURENTII.



EXQVILINA ab exquiliis, ubi fuerat condita, dicitur. Testis Horatius (V. *Epod.* v. 100.)

*Post insepulta membra different lupi,
Et Exquilinae alites.*

Nec dissentit Tacitus, qui (*Lib. II. Annal. cap. 32.*) scribit: *Sumptum more prisco extra portam Exquilinam de nocentibus supplicium.* Porphyrio ad Horatium notat, in regione Aggeris, extra portam Exquilinam, solita fuisse pauperum corpora vel comburi, vel projici. Projecta fuisse dicto loco docet Horatius; combusta Plautus. (*Casina. Act. II. sc. 6. v. 2.*)

Ch. *Illum aedepol videre ardentem te extra portam Metiam.*

Cl. *Credo ecastor velle.*

METIAM aliquando eam fuisse dictam hinc liquet.

Istis in locis (R. P. Bernardus Montefauconius, in *Diario suo Italico*) vivarium erat, teste Procopio (*Hist. Gothic. Lib. I. cap. 19. fere in fine.*) sive receptaculum animalium, ad Urbis moenia, proxime portam Exquilinam, non autem propter castra Praetoriana, ut Ligorio visum, refragante apertissime Procopio. Ligorium secuti sunt plerique omnes, qui Romae ichnographiam ediderunt; & quod mirum, nullo alio, quam Procopii testimonio, qui tamen diserte ad portam Exquilinam vivarium locat.

PRAENESTINA etiam dicitur, quia per eam tenditur Praeneste versus. Nunc illi nomen est *Palestrina*.

Flaminius Vacca (quondam non ignobilis sculptor Romanus, qui Romae floruit sub finem seculi XV. cujusque schedas Italicas suo Diario inseruit, Latinoque sermone edidit Montefauconius) a porta S. Laurentii viam Praenestinam semper ducit. Et sane isthac Praeneste olim itum fuisse, non absurdum vero; quando P. Victor portam Tiburtinam, Gabinam item nuncupat, a Gabiis, qui ad viam Praenestinam erant.


TIBVRTINA vocatur, quia per eam iter est versus Tibur.

TAVRINAE nomen accepit, a reperto ibidem loci capite tauri; uti id ostenditur in coelato tauri capite, quod conspicitur in fronte interiore ipsius portae.

LIBITINA fuit quoque dicta, quoniam per eam efferrentur cadavera mortuorum, in campum Exquilinum, commune plebis sepulcrum. Vox autem *Libitinae* & Deam ipsam significat, & opus libitinariorum. In hujus quoque Deae templo vendebantur & locabantur, quae ad sepulturam spectabant.

S. LAURENTII hodiernum illius nomen est. Is quippe martyr uctus est super cratem ferream, impositam ardentibus prunis, in *Viminali*, ubi nunc est aedes S. Laurentii, cognomento in *Panisperna*, sublatu eadem nocte a S. Hippolyto, & per Exquilias extra Urbem coemeterio Cyriacae, in agro Verano, sepultus est. Refert autem Anastasius, in S. Silvestro, fuisse hoc in loco extructum templum, in honorem S. Laurentii, a Constantino. Eodem, dicit, *tempore Constantinus Augustus fecit Basilicam Beato Laurentio Martyri, via Tiburtina, in agro Verano, supra arenarium cryptae, &c.* Nomen vero *Panispernae* Montefauconius probabiliter vitiatum censet, ex nomine *Perperna*, cujus inscriptio istic reperta fuit. Hinc enim, corrupto per plebejum usum vocabulo, *Panisperna* factum fuit. Ecclesia vero haec eo loco structa fertur, quo S. Laurentius in craticulam coniectus est; ajuntque, craticulae partem istic asservari. Ex actus porro S. Laurentii habemus, ibidem olim fuisse thermas Olympiadis.





P O R T A

LABICANA, LAVERNALIS, NAEVIA, RAUDVSCVLANA, nunc M A I O R.



LABICANAM Plinius portam hanc appellatam scribit a via, quae per eam ducebat. Verba Plinii sunt (*Lib. XXXVI. cap. 5.*) *Mars est etiam nunc sedens colossus, ejusdem in templo Bruti Callaici, apud circum eundem, ad Labicanam portam cuncti.*

LAVERNALIS dicitur a *Laverna*, Dea furum, quae si extra hanc portam habuit aram, fuit etiam eidem Deae lucus extra portam Collinam, illi propinquam, docente Acronne, in Horatium (*Lib. I. Epist. xvi.*)

NAEVIA vocatur a plerisque, quae Exquilinae est proxima, quod sita esset in nemoribus *Naevii*, ut ait Varro. *Naevius enim loca, ubi ea sic dicta, coluit. Naevia silva dicta juxta Urbem, quod Naevii cujusdam fuerit, auctore Festo, in voce Naevia.*

RAUDVSCVLA porta, inquit Varro, quod *aerata* fuit. *Aes raudus dictum, ex eo in veteribus mancipiis scriptum, raudusculo libram ferito.* Hujus portae mentionem quoque facit Valer. Maximus (*Lib. V. cap. 6. Exemplo 3.*) *Dignam pietatem, quae quod ad solidam gloriam attinet, septem regibus praeservatur, cujus testandae rei gratia capitis effigies aereae portae, qua excefferat, inclusa est, dictaque Raudusculana, quod olim aera raudera dicebantur.*

MAIOR porta nunc appellatur, forte quod aedificata sit cum ingenti operis magnificentia, unde & *Aquae Claudiae Castellum* vocatur. Ejus conditorem Belisarium fuisse crediderim; ille siquidem Urbis muros, a Gothis dirutos, restituit. Verumtamen alium in locum translatam ab eodem fuisse, verisimile mihi videtur; quod Veteres non folerent Aquaeductuum formis, vel Castello, portas subijcere.

Hunc autem Aquaeductum pertransibant Aquae triplices, *Aqua Julia, Aqua Claudia, & Aqua Marcia.* Tres hic visuntur Inscriptiones memorabiles.

Prima Inscriptio haec est, quatuor versuum; sed dissentiunt Viri Docti in ea interpretanda & legenda.



TI. CLAUDIVS. DRVSI F. CAISAR. AVGVSTVS. GERMANICVS. PONTIF. MAXIM
TRIBVNICIA. POTESTATE. XII COS. V. IMPERATOR. XXVII PATER. PATRIAE
AQVAS. CLAVDIAM. EX. FONTIBVS. QVI. VOCABANTVR. CAERVLEVVS. ET. CVRTIVS. A. MILLIARIO. XXXV
ITEM. ANIENEM. NOVAM. A. MILLIARIO. LXII. SVA. IMPENSA. IN. VRBEM. PERDVCENDAS. CVRAVIT

Altera, quae hic legitur, Inscriptio haec est.



IMP. CAESAR. VESPASIANVS. AVGVST. PONTIF. MAX. TRIB. POT. II IMP. VI. COS. III. DESIG. IIII. P. P
AQVAS. CVRTIAM. ET. CAERVLEAM. PERDVCTAS. A. DIVO. CLAVDIO. ET. POSTEA. INTERMISSAS. DILAPSASQVE
PER. ANNOS. NOVEM. SVA. IMPENSA. VRBI. RESTITVIT

Tertiae Inscriptiois haec sunt verba.



IMP. T. CAESAR. DIVI F. VESPASIANVS. AVGVSTVS. PONTIFEX. MAXIMVS. TRIBVNIC
POTESTATE. X. IMPERATOR. XVII. PATER. PATRIAE. CENSOR. COS. VIII
AQVAS. CVRTIAM. ET. CAERVLEAM. PERDVCTAS. A. DIVO. CLAVDIO. ET. POSTEA
A. DIVO. VESPASIANO. PATER. SVO. VRBI. RESTITVIT. CVM. A. CAPITIS. AQVARVM. A. SOLO. VETVSTATE. DILAPSAS. ESSENT. NOVA. FORMA. REDVCENDAS. SVA. IMPENSA. CVRAVIT

Constitit haec porta tribus portis, constructis opere rustico, ex Tiburtino Lapide.





P O R T A

COELIMONTANA, ASINARIA, LATERANA, nunc S. I O A N N I S.



COELIMONTANAM ad portam pervenimus, denominatam a Monte, in cujus margine fuit condita. L. Corn. & Q. Minutio Cos. Fulminis igne tactam fuisse docet Livius (*Lib. XXXV. cap. 9.*)

ASINARIA dicta fuit, temporibus posterioribus. Testis Procopius (*Lib. I. de Bello Gothic. cap. 12.*) *Contigit autem, ut die una, eodemque tempore, & Belisarius cum Imperatoris exercitu, per portam, quam Asinariam dicunt (Neapoli enim veniebat) Urbem iniret, & per Flaminiam Gothi excederent.* Hanc Anastasius Bibliothecarius, *in vita Silverii Papae*, Lateranensi Basilicae proximam fuisse affirmat. *Veni, inquit, ad portam Asinariam, juxta Lateranos, & Civitatem tibi trade.* Quamobrem haec Fulvii quoque sententia est, *Asinariam* dictam fuisse hanc portam, quod per eam intrarent *asinarii*, venientes e Neapolitano regno ad Urbem. Alii collocant portam Asinariam inter Coelimontanam & Latinam, quae erat sita ad viam Asinariam, unde denominabatur. Hac deinde porta obstrueta, Asinariae nomen translatum fuit in portam Coelimontanam.

Via Campana incipit ab hac porta, cujus meminit Suetonius, & aliquot antiquae Inscriptiones (*In opere Gruteri pag. DCXL n. 13.*)

H V I C
M O N V M E N T O . I T E R
A D I T V S . A M B I T V S . D E B E T V R
E X . S E N T E N T I A . E R O T I S . A V G . L
I V D I C I S . A . V I A . C A M P A N A
P V B L I C A . &c.

Et alia Inscriptio Neapoli (*apud Gruterum pag. CCCLXXIV. n. 5.*)

M . B A S S A E O . M . F
P A L . A X I O
P A T R . C O L . C V R . R . P
I I . V I R . M V N I F . P R O C . A V G
V I A E . O S T . E T . C A M P . &c.

Via item Tusculana initium cepit, vel ab hac porta, vel non longe ab ea, ex hac eadem via Campana. Hanc Tusculanam viam una cum Albana instauravit M. Messala, sub Augusto Caesare. Testatur id Tibullus (*Lib. I. Eleg. 7.*)

*Nec taceam monumenta viae, quae Tuscula tellus
Candidaque antiquo detinet Alba lare.
Namque opibus congesta tuis hic glareae dura
Sternitur, hic apta jungitur arte silex.*

LATERANENSIS quoque dicebatur, quod proxima esset Palatio Lateranensium Familiae. Et videntur hic, in toto ambitu moenium reliquo, simulacra fenestrarum veteris Palatii Lateranensis.

S. IOANNIS LATERANENSIS hodie vocatur, quia adjacet Basilicae nominis hujus. Restaurata est mandato Papae Gregorii XIII. Pontif. Max. prout haec nos docet Inscriptio.

✠
G R E G O R I V S . X I I I . P O N T . M A X .
P V B L I C A E . V T I L I T A T I . E T .
V R B I S . O R N A M E N T O . V I A M .
C A M P A N A M . C O N S T R A V I T .
P O R T A M . E X T R V X I T .
A N N O . M . D . L X X I I I I .
P O N T . I I I I .

Tota haec porta fabricata est e Lapide Tiburtino.

H

P O R T A





P O R T A

GABIVSA, & METRONIS, vel METRODII.




GABIVSAM hanc portam plerique existimant fuisse in angulo murorum, sub Coelio-lo, quae porta nunc clausa est. Nomen traxit exinde, quod iter aperiret in Gabios, cui oppido, jam diu diruto, successit hodiernum *Gallicanum*.

Et haec quidem illa clausa & obturata porta est, per quam Aqua Marrana, a Mariano oppido nomen habens, teste Fabricio (*Descr. Urbis Romae. cap. 15.*) Romam ingreditur. Haec autem Marrana eadem est, quae vocatur Aqua Crabra, oriturque prope locum Frascati dictum, & quum subter portam Gabiulam Romam intravit, Circum Maximum transiens, in Tiberim tandem se exonerat.

METRONIS eam S. Gregorius (*Lib. IX. Epist. 69.*) appellat. *Ascensis*, inquit, *caballis*, per *Metronis* portam exeuntes, ut eos in *Latinam*, vel *Appiam* viam sequerentur. Porta obinde haec *Gabiulsa*, & *Clausula*, creditur fuisse eadem, cum porta *Metronis* & *Metrodii*, propter nominis similitudinem, & quia S. Gregorius eam ponit non longe a via Latina & Appia.





P O R T A

VALERIA, FERENTINA, PIACVLARIS,
nunc L A T I N A.




VALERIA PORTA vocatur à Via *Valeria*.

FERENTINA dicitur haec eadem, ab oppido Hernicorum. Etenim Strabo (*Lib. V.*) in *via Latina Ferentium urbem fuisse asserit*. Dubium igitur non est, quin haec porta sit eadem, quam Plutarchus (*in Romulo, ubi de prodigiis*) *Ferentinam* nominavit. Rationem addit, dicens: *Romulus expiationibus civitates expurgavit, quas adhuc etiam Ferentinam ad portam observari tradunt*. Sunt, qui ita dictam volunt, quod per eam iter esset proficiscentibus ad *Ferentinos*, Hernicorum populos. Et fortasse a *Ferentino*, Latinorum castello, nomen est sortita, quod in ea via fuit. Veritas tamen silentio praetereunda non est. Denominabantur siquidem portae, vel a proximis, vel a maxime celebribus, & frequentioribus locis. Castellum vero *Ferentinum* nullius erat nominis, & vix notum, longiusque Roma aberat, quam *Anagnia*, vel *Compitum*, vel *Roboraria*. Exilimo igitur, *Ferentinam* portam, & *S. Joannis*, aut aliam in vicinia, eandem esse, dictamque a celebri nemore, aut fano *Ferentino*, quo communis totius Latii populorum conventus celebrabatur, in cujus aquis Turnus Herdonius est submersus, dolo Tarquini Superbi. Livius (*Lib. I. cap. 51.*) Cluverius autem satis certis probat argumentis, fuisse hoc Templum, aquasque illius, prope Antrum Ferratum, & Marinum.

PIACVLARIS quoque dicebatur, auctoribus Plutarcho, *ab expiationibus a Romulo ibi institutis*, ut modo audivimus: & Festo, in voce *Piacularis*, dicente: *Piacularis porta Romae appellatur, propter aliqua piacula, quae ibidem fiebant; vel, ut ait Cloutius, ex sacro, quod per aliquem piaculo solvitur; aut aliqua piandi propitiandique causa immolatur*.

LATINA porta, ante mille annos, dicebatur, quod exeuntes per eam duceret in Latium. Et manet etiam nunc hoc illi vetus nomen. Primum tamen & antiquissimum ignoratur.





P O R T A

CAPENA, APPIA, CAMOENA, FONTINALIS, MADIDA,
nunc S. S E B A S T I A N I.



APENA PORTA Latinam proxime sequitur. Nominis Erymon habet Solinus. *Italum regem ex Sicilia cum Syracusanis ad Janum venisse, ac ejus consilio auxilioque civitatem juxta Albam condidisse, Capenam nomine, & ab ea postmodum Capenam portam denominatam.* Servius Grammaticus aliam adfert Etymologiam, qui super hoc Virgili loco (*Lib. VII. AEn. 697.*) *Lucosque Capenos*, scribit: *Unde (hoc est a Capenis lucis) & porta Capena, quae juxta Camoenas est, nomen accepit.* Cum eo consentit Asconius Pedianus, notans; *extra hanc portam lucum, & aedem Camoenarum fuisse.* Revera autem varia hujus nominis derivatio adfertur. Aut enim deducitur a Capenatibus populis Latinis, aut a Capenate fluvio, aut a Capena, Urbe prope Albam, ab Italo rege conditam.

Frequens hujus portae fit mentio apud Poëtas, Propertius (*Lib. IV. Eleg. 3. in fine.*)

Armaque cum tulero portae votiva Capenae.

Juvenalis (*Sat. III. v. 11.*)

Substitit ad veteres arcus, madidamque Capenam.

Ad quae verba Vetus Scholiastes scribit: *Madidam ideo, quia supra eam aquaeductus est, quem nunc appellant Arcum Jullanem.* Martialis (*Lib. IV. Epigr. 47.*)

Capena grandi porta qua pluit gutta.

APPIA fuit etiam appellata, a via Appia, eam transeunte. Frontinus enim docet fuisse eam in via Appia. Verba ejus sunt (*De Aquaeductibus Lib. I.*) *Appius Censor viam Appiam a porta Capena usque Capuam munivit.*

CAMOENA fuit etiam a nonnullis vocitata. Testantur enim Asconius Pedianus, Servius, Victor & Sext. Rufus; aedem Camoenarum fuisse extra hanc portam, & obinde hoc nomine olim cognitam.


FONTINALIS nomen accepit ab ubertate fontium, uti volunt aliqui.

MADIDAM Juvenalis vocat, quod depresso loco esset condita, quamvis alii ita denominatam velint, propter Aquaeductum. Priorem sententiam firmare videtur Cicero, ad Q. Fratrem (*Lib. III. Epist. 7.*) scribens. *Romae & maxime Appia, ad Martis, mira prolevis; Crassipedis ambulatio ablata, horti, tabernae plurimae, magna vis aquae usque ad piscinam publicam.*

S. SEBASTIANI nomine nunc dicitur, propter Sancti hujus templum, quo per illam iter est.

Est vero observandum, in effigie addita exhiberi partem interiorem hodiernae portae Capenae, quae propter elegantiam aedificii existimatur quaedam pars esse reliqua cujusdam Arcus Trajani: siquidem Donatus in Roma sua (*Lib. III. cap. 13.*) ex Victore notat; in hac Urbis regione existisse Arcum Trajani, diversum ab eo, qui in Foro Imperatoris hujus visitur. Accedit, quod canalis Aquaeductus transit per Zophorum portae ipsius, aquas usque in Thermas Antoninianas devehens, & in montem Aventinum: neque tamen soliti erant Romani formis aquaeductuum portas subjicere, prout jam diximus in explicatione portae Majoris.





P O R T A

NAVALIS, TRIGEMINA, OSTIENSIS,

nunc S. P A V L I.



NAVALIS dicitur, quia in propinquo aderant Romanorum Navalia, Aventinum inter & Tiberim, non autem in regione Transtiberina, ut falso aliis fuit persuasum.

TRIGEMINAE portae veteris vestigia novimus extare in vineto ad Tiberim. Fuit haec enim alium in locum ab Imperatore Claudio translata, quum prius non longe abesset ab aede S. Mariae Scholae Graecae. Plinius refert, tenues extra hanc foli-
tos stipem petere (*Lib. XXXIV. cap. 5.*) dicens: *Extra portam Trigeminam, unciaria sipe collata.*
Et Plautus eodem alludit, in *Captivis* (*Act. I. Sc. I. v. 22.*) ubi sic loquitur Parasitus.

Vel extra portam ire Trigeminam ad sacculum licet :

Quod mihi ne eveniat, nonnullum periculum est.

Trigemina fuit denominata, quod ea contra Curatios Trigemini Horatii egressi sint, ut Scriptores quidam antiqui volunt. Sed alii censent, quod, tempore Horatiorum, ad Aventinum muri Romani non porrigerentur: quamobrem multo fit verisimilius, Horatios porta Trigonia (quae in muro Romuli Aventinum spectabat) egressos, & propterea posteros, deceptos similitudine vocabulorum *Trigoniae*, & *Trigeminae*, nomina distincta confudisse.

OSTIENSIS dicebatur, quod ab hac porta initium caperet via Ostiensis, non admodum longa, quae duceret Ostiam. Hoc nomine ejus portae mentionem faciunt Ammianus Marcellinus, Procopius, & alii ejus aetatis Scriptores.

S. PAVLI hodie vocatur a templo, ad quod per illam itur, quodque, a Constantino erectum, amplificavit postea Augusti alii.





P O R T A

NAVALIS, RIPAE, VINARIA,

nunc PORTVENSIS.



NAVALIS PORTAE meminit Festus, in voce *Navalis*. *Navalis*, inquit, *Porta a vicinia navalium dicta*. Haec autem ante alias Navalibus propior adjacet. Hanc ergo *Navalem* antiquo nomine dictam fuisse nullus dubitaverim.

RIPAE porta vocatur etiam hodie, quia condita est in ripa Tiberis.

VINARIAE nomine fuit quoque cognita, quod prope eam vina externa, & in primis Campana, ac Tusca venderentur. Erant autem in ambitu Transtiberino tres portae, & inter eas haec *Portuensis*, quod ad portum Ostiensem duceret, ubi muri feruntur reseci ab Arcadio & Honorio; aliae duae portae fuerunt *Aurelia*, & *Septimiana*.

PORTVENSIS nunc dicitur, quia per eam iter est ad portum Romanum, seu Ostiensem, a Claudio Imperatore extructum, & totius quondam Orbis clarissimum. Secundum Tiberim, prope hanc portam, fuerunt horti Julii Caesaris.

Legebatur olim supra portam Veterem haec sequens Inscriptio, quae exstat apud Gruterum (*pag. CLXV. n. 1.*)

S

P

Q

R

IMPF. CAESS. DD. NN. INVICTISSIMIS. PRINCIPIBUS. ARCADIO. ET. HONORIO. VICTORIBUS. AC. TRIVMFATORIBUS. SEMPER. AVGG
OBINSTAVRATOS.VRBLAETERNAE.MVROS.PORTAS.AC.TVRRES.EGESTIS.INMENSIS.RVDERIBVS.EX.SVGGESTIONE.V.CET.INLYSTRIS
MILITIS. ET. MAGISTRI. VTRIVSQVE. MILITIAE. AD. PERPETVITATEM. NOMINIS. EORVM. SIMVLACRA. CONSTITVIT
CVRANTE D. N. M. Q. EORVM

In hujus Inscriptionis explicatione & lectione non consentiunt Viri Docti. Vox enim STILICONIS, in Textu Inscriptionis omissa, & penitus propemodum in Lapide erasa, a quibusdam Viris doctis additur; qui & Versus ultimi Lacunam ita supplendam censent; FL. MACROBIO. LONGINIANO. V. C. PRAEF. VRBIS.

Hanc portam postea restauravit Papa Innocentius X. ut insignia illius supra eam posita ostendunt. Tota est ex lapide Tiburtino. Architectus ejus fuit Marcus Antonius de Rubeis.





P O R T A

AVRELIA, IANICVLENSIS, TRAIANI, nunc S. PANCRAII.



AVRELIA PORTA, secunda Janiculi, nomen accepit, vel ab *Aurelio* viro Confulari; vel ab oppidulo Hetruscorum prope Ostiam condito, quod *Forum Aurelii* dicebatur; vel ab *Aurelio Imperatore*; vel a *via Aurelia*, quae per eam exibat per maritimam Tusciae oram, agros & silvas, atque Pisas usque extendebatur. De hac via Cicero loquitur (*Philip. XII. cap. 9.*) *Tres viae sunt ad Mutinam, a superno mari, Flaminia, ab infero Aurelia, media Cassia.*

In hac Via, uti & in aliis viis, *Flaminia, Appia, Latina*, etiamnum conspiciuntur multi loculi, urnae & sepulchra antiqua, sed vetustate collapsa. Viae hujus mentionem fieri vidi in Inscriptione maritima, apud Onuphr. Panvinium, in Descript. Urb. Rom. in Graeviani Thesauri Tom. III. pag. 260.

M. F. GAL. PRIMVS. X. VIR. STLI
IVD. TRIB. LEG. VII. GEM. FELICIS
HISPAN. CITERIORIS. Q. VRBANO
AEDILI CVRVL. PRAETORI CVRAT
VIAE. AVRELIAE. PRO. COS. LY
CIAE. PAMPHILIAE. COS
POLIMVS. LIB

Sunt & qui censent portam hanc nomen suum accepisse a Tribunali Aurelio, cujus meminit Cicero (*in Pisonem cap. 5.*) *Persequere connexos his funeribus dies. Pro Aurelio Tribunali, ne convivente quidem te, quod ipsum esset scelus.* Haec porta & nomen & locum suum amisit, quum Papa Leo IV. pomeroio prolato, Vaticanum montem hortis & Basilica S. Petri, Palatioque Pontificio ornaret.

IANICVLENSIS nomen habuisse eam liquet, quod sita erat in cacumine seu dorso *Janiculi* montis, a quo & *pons Janiculensis* denominatur, sed *Aureliae* nomen est vetustius. *Janiculi* vero montis nomen a *Jano* manasse fertur, unde in eodem monte *porta Aurelia* hoc nomine fuit cognita, quae seculo XIII. etiam *Aurea* dicta fuit, teste Scriptore Anonymo apud Montefauconium, in Diario.

TRAIANA & *Confularis* fuit etiam aliquando dicta, ut aliqui volunt; sed auctoritate carent testimonium, fide dignorum.

S. PANCRAII porta hodie nominatur, a propinquo eidem Templo S. Pancratii. Saepe Procopius meminit portae hujus, quam modo *Pancratanam*, modo S. Pancratii appellat. (*de Bel. Goth. Lib. I. cap. 15.*) *Inter haec, inquit, Bessas, qui Praenestinam portam custodiendam acceperat, ad Belisarium misit, qui nuntiaret, teneri ab hostibus Urbem, per portam aliam ingressis, quae supra Tiberim est, & S. Pancratii dicitur. Et (cap. 18.) Ad portam vero Pancratanam, quae trans Tiberim est, quum hostium copiae*

PORTA S. PANCRATII

copiae pervenissent, ob loci difficultatem, nihil per eos gestum memoria dignum est: namque locus acclivis, & ea e regione murus ad invadendum difficilis.

In hac porta Janiculensi talem Inscriptionem posuit Papa Urbanus VIII.



VRBANVS. VIII. PONT. MAX.
ABSOLVTIS. CIVITATIS. LEONINAE. MONVMENTIS.
ET. MOENIBVS. AC. PROPVGNAVLIS. AD. TYBERIM.
VSQVE. EXCITATIS. IMMINENTEM. VRBI. IANICVLVM.
ET. TRANSTYBERINAM. REGIONEM. CIRCVMDVCENS.
PVBLICAE. SECVRITATI. PROSPEXIT.
ANNO. DOMINI. M. DC. XLIV. PONTIF. XXI.

Marcus Antonius de Rubeis, Architectus, fecit delineationem portae hujus ea forma, qua nunc conspicitur. Tota constructa est ex Lapide Tiburtino.





P O R T A

FONTINALIS, SVBTVS-IANVM,

nunc SEPTIMIANA.



FONTINALIS prisco nomine nuncupatur, hoc est, *Sacra Deabus Fontium*. Auctor Festus, in voce *Fontinalia*, *fontium sacra, unde & Romae Fontinalis porta*. Livius (*Lib. XXXV. cap. 10.*) *AEdiles alteram porticum ad portam Fontinalem, ad Martis aram, qua in campos iter esset, perduxere*. Per campos intelligit *Vaticanos*. Et fiebant ad hanc portam Fontium sacra, coronatis pueris & fontibus. Arbitrantur aliqui, hanc portam, & *Capenam* eandem esse. Sed Livius (*Lib. XXXIII. cap. 11.*) eas diversas esse ostendit, & de *Capena* quidem loquitur; de *Fontinali* vero loco citato. *Fontinalis* meminit vetus hoc Epigramma, quod legitur in Onuphrii Panvinii Descript. Urb. Romae, in Thesauri Graeviani *Tom. III. pag. 258*.

DIS. MANIBVS
A. . A P I D I
M A I I O R I S
T A B E L L A R I
A. P O R T A
F O N T I N A L I

SVBTVS-IANVM Blondus interpretatur vocem *Settignana*, quo nomine haec porta quoque dicitur; ab eodem etiam existimatur esse *Vetus Fontinalis*, ob aquarum scaturientium antiquissimos ductus ac siphones, ipsius illic tempore repertos.

SEPTIMIANA vero dicenda fuerat, ut liquet e Spartiano (*in Septimio Severo. cap. 19.*) *Opera ejus, inquit, publica exstant Septizonium, & thermae Septimianae, in Transiberina regione ad portam sui nominis*. Etenim hic Imperator eam de suo nomine dici voluit, teste eodem Spartiano, ubi refert; eum extruxisse thermas in Janiculo, ad portam sui nominis. Erat ibi quoque *Janus Septimianus* cum ara, quae non parvum sunt hujus rei argumentum. Et affirmant aliqui, in Fastigio Frontis portae hujus, Septimii Imperatoris nomen fuisse insculptum. Est haec tertia porta Janiculi, in ordine omnium ultima. Porta haec sequentem Inscriptionem habet.

A L E X A N D E R. V I.
P O N T. M A X I M V S.
O B. V T I L I T A T E M. P V B L I C A M.
C V R I A E S. P. Q. R.
A. F V N D A M E N T I S. R E S T I T V I T.





TEMP L V M

F A V N I, five C L A V D I I,

nunc S. STEPHANI ROTVNDVM.

31



EMPLVM hoc exstat, in montis Coelii dorso medio. Forma ejus circularis est. Olim creditur Fauno dicatum fuisse, nunc Divo Stephano sacrum habetur.

Faunus dicitur ἀπὸ τῆς Φωνῆς, quod futura praediceret voce, non signis. Et hunc quidem Deum, ex peregrinis, aliquando solum Romani coluere. Victor *de orig. gent. Rom. cap. 4.*

CLAVDII Templum hoc etiam fuisse fertur. Intelligitur autem Caesar Claudius; teste Sexto Rufo. Quamprimum enim Nero Imperium fuerat adeptus, Claudium retulit in Divos, decrevitque ei Templum & Flaminem Claudianum. Docet id Tacitus (*in fin. Lib. XII. cap. 69.*) Coelestes, ait, honores Claudio decernuntur. Suetonius (*Neron. cap. 9.*) Orsus hinc a pietatis ostentatione, Claudium apparatissimo funere elatum laudavit, consecravitque. Scribit itaque Dion (*in Claudio Lib. LX.*) L. Julium Gallionem, fratrem Senecae, dixisse, Claudium unco in coelum tractum fuisse, quia fuerat necatus. Et Nero ipse dicebat, boletos cibum Deorum esse, quod Claudius boleto, veneno infecto, in numerum Deorum relatus fuisset. Agrippina ergo illi templum facere coepit, sed Nero diruit, postea Vespasianus insinnavit. Suetonius (*in Vespasiano cap. 9.*) Fecit Templum D. Claudii in Coelio monte, coeptum quidem ab Agrippina, sed a Nerone prope funditus destructum.

Sphaericum erat, & in orbem ornatus gratia habebat columnas, aequaliter dispositas. Ordo autem columnarum triplex fuisse creditur. Hortus adjunctus extremi ordinis tantum monstrat reliquias. Fuit ergo triplici ambitu, & porticibus splendidissimum, atque quoad structuram unum ex elegantissimis, antiquitate ex vetustissimis, spatio ex amplissimis.

Nardinus cum Donato ejus est sententiae, ut neget tam elegans & arte summa constructum templum convenire Fauno, agresti & silvestri Deo. Sed haec sententia facile corrui. Faunus enim unus fuit ex primis Italiae Regibus: quamquam & alii existimant, templum hocce Bacchi fuisse, quoniam Rufus & Victor illius templum in monte Coelio collocant. Nardinus vero cum Donato censent, Victorem & Rufum recte tradidisse; fuisse hoc templum Claudii, non Fauni; quod & Suetonius voluisse putatur, in locis jam supra commemoratis. Blondus certe sua aetate hanc Ecclesiam describit, ceu unam ex pulcherrimis totius Urbis, testaturque obductam & vestitam fuisse crustis marmoreis, & undequaque opere Musivo ornatissimam.

Simplicius I. Pont. Max. hoc templum reaedificavit, An. Christ. CCCCLXVII. dedicavitque illud S. Stephano, Martyrum Principi, teste Platina, in ejus vita.

THE NEW YORK
PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.





TEMPLVM

VENERIS & CVPIDINIS.



EMPLVM VENERIS & CVPIDINIS haud procul a porta Naevia fuisse, tradunt Auctores. Antiquarii autem Veneris & Cupidinis templum stetisse existimant, ad dextram Basilicae Sessorianae, ubi etiam nunc ostenduntur ingentia veteris aedificii rudera.

Templum profecto Veneris & Cupidinis, & Basilica Sessoriana pro aedificio uno & eodem haberi nequeunt. Templum enim Sanctae Crucis in Hierosolymis a Constantino Magno superstructum est fundamentis Basilicae Sessorianae. Ruinae vero Templi Veneris & Cupidinis aliquanto spatio inde absunt, quod egomet praefens observavi, vidique.

Notandus est Ovidii locus (*e Lib. I. Art. Amat. §. 69.*) pessime a Fulvio adductus;


*Aut ubi muneribus nati sua munera mater
Addidit, externo marmore dives opus.*

Nam nulla hic est designatio situs Templi cujusdam; & Poëta intelligi potest de alio quovis aedificio; & quae praecedunt apud Poëtam §. 67. multo id probant clarius.

*Tu modo Pompeja lentus spatiare sub umbra,
Cum sol Herculei terga Leonis adit.*

Donatus etiam (*Lib. III. cap. 17. sub finem*) hunc Ovidii locum interpretatur de Porticu Oclaviae, vicina Theatro Marcelli, cujus illa mater erat.





TE M P L V M

ROMVLI, ad radices MONTIS PALATINI,

nunc S. THEODORI.

ROMVLI TEMPLVM stetit quondam ad montis Palatini radices, in lateris ejus medio, quod est versus Capitolium, ubi nunc est aedes sacra Divo Theodoro. Dionysius id intellexit, dicens (*Lib. I. cap. 50.*) in narratione historiae hujus, (*pag. mihi 65.*) *Antrum visitur, Palatinis conjunctum aedificiis, secundum viam, quae in Circum fert. Et in propinquo est area, casum hunc, aere antiqui operis expressum servans, lupam videlicet duobus pueris ubera praebentem.* Ostenditur hodieque haec Lupa cum pueris in Capitolio.

Montefauconius etiam testatur, signa Fulminis, quo istam hanc Lupam narrat Cicero (*III. Cat. cap. 8.*) etiam nunc in ea conspici, quam Flaminius Vacca inventam narrat in Foro Romano.

Templum hoc vetus est, & sphaericum, habetque in fastigio fenestram rotundam, quo per medium testi intrat lumen; & in fundo impluvium, quo excipiuntur imbres; estque situm in Velabro, sub Palatino monte.

Prope hoc Templum erat Spelunca, in qua de capro luebatur, unde locus nomen traxit, & *Lupercal* dictus est. Servius (*ad illud Virgilii, AEn. VIII. v. 343.*)

— *gelida monstrat sub rupe Lupercal.*

Alii hoc nomen inde deducunt, quod illic Lupa infantes nutriverit. *Lupercalium* vero morem originem traxisse ab Urbis Conditoribus quidam volunt. Sed variant opiniones, uti de vocis etymologia, ita & de loco. Ait enim Servius (*ad illa verba Virgilii, AEn. VIII. v. 907. Rumore secundo &c.*) in Circo fuisse. *Tiberis Rumon dictus est, unde Ficus Ruminalis, ad quam ejeti sunt Romulus & Remus; quae fuit, ubi nunc Lupercal in Circo.* (Nardinus emendat *Comitio*) *hac enim labeatur Tiberis, antequam Vertumnus factis sacrificiis averteretur.*

Montefauconius vult, *Lupercal* spelacum fuisse, ad radices Palatini, ita dictum a lupa, Remi & Romuli nutrice, ab Evandro olim consecratum *Pani Lycae*, quasi dicas *Lupali*: & non procul inde fuisse *Ficum Ruminalem*, ad quam ejeti sunt Remus & Romulus infantes. Haec autem prope Forum, ex latere Palatini, erant.

Ficum hanc ipsam alii dictam volunt a *ruma*, id est, mamma. Et ita Plinius (*Lib. XV. cap. 18.*) *Quae nutrix Romuli & Remi appellata, quoniam sub ea inventa est lupa, infantibus praebens rumam (ita vocabant mammam) miraculo &c.* Item Livius (*Lib. X. cap. 23.*) *Eodem anno Cn. & Q. Ogulnii Aediles Curules &c. & ad Ficum Ruminalem simulacra infantum Conditorum Urbis sub uberibus lupae posuerunt.* Fuisse haec ex aere, indicat Plinius (*dicto loco.*) *Miraculo ex aere juxta dicato.*

Luperca Dea nomen accepit suum ab hac Lupa, juxta Arnobium adversus Gentes (*Lib. IV. sub initium.*) *Quod abjectis infantibus pepercit lupa, non mitis, Luperca, inquit, Dea est, auctore appellata Varrone.* Atque in laudem Deae hujus instituti leguntur *Ludi Lupercales.*

Servius eodem in loco *Lupercal*, & *Ficum Ruminalem* vult fuisse. At vero *Lupercal* fuit, ubi nunc *D. Theodori* est aedes; quae olim fuit, ut diximus, *Templum Romuli.* *Ficus* vero *Ruminalis* in Comitio. Docet hoc Tacitus (*Annal. Lib. XIII. cap. 58.*) *Eo, inquit, anno, quo certatum est inter Hermunduros & Catos, ruminalem arborem in comitio, quae supra octingentos & quadraginta annos Romuli Remique infantium texerat, mortuis ramalibus, & arescente trunco diminutam, prodigii loco habitum: donec in novos foetus reviresceret.* At vero, si pueri in proxima alluvie sunt expositi, ubi *Ficus* erat *Ruminalis*, secundum Tacitum, necesse erit dicere: Fluvium hunc Forum Romanum ea tempestate alluisse, expositosque pueros fuisse in alluvie proxima. Mihi

tamen, qui haec loca oculis lustravi meis, magis probatur, expositos fuisse infantes apud Luperca, nutritos vero ad arborem. Neque tamen fuit *Luperca*, ubi stetit *illa arbor*. Plutarchus hoc innuit (*in Romulo*.) Locum, ait, *Germalum* vocant, sed pridem *Germano* nomen fuerat, quod germanos fratres vocamus; nec porro longius *Ficus Ruminalis*. *Scapbae*, seu cistae, cuidam impositos Romulum & Remum Faustulus commisit Tiberi, avehendos quo eos ferret vis aquae fluentis. Servata fuit haec cista multis post seculis, & adhuc aevo Plutarchi, ut ipse scribit (*in Romulo*.)


Sunt & qui arbitrantur; *Ruminalem Ficum* a Romulo nomen accepisse, quasi *Romularem*. Sed alii nominis etymon deducunt a lacte, infantibus praebito; quia pars gutturis *ruma* dicitur. Festus vero (*in voce Ruminalis*) ita vult denominatam, quod mamma *rumis* appellaretur.

Adrianus I. hoc Templum restauravit, super ruderum antiquorum monumenta, an. Chr. lxxcclxxiv. sacrumque voluit esse D. Theodoro. Hujus opus reficiendum postea curavit Papa Nicolaus V. An. clxxxxcl.

Leguntur autem Romanae mulieres antiquitus huc tulisse male se habentes & infirmos infantes suos, existimantes; quod Romulo ac Remo hic locus fuisset felix & secundus, eundem saluti fore suis quoque parvulis. Mansit haec superstitio ad Christianorum usque tempora. Malo igitur huic prospicere cupientes Papae, dedicarunt hoc Templum *S. Theodoro*, martyri Graecorum, qui dicitur vulgo *S. Toto*, ferturque Patronus esse infantium infirmorum & aegrotorum, qui & hodieque illius tutelae commendantur.

Nihil denique in hoc Templo animadversione dignum, hoc quidem tempore nostro, ostenditur.





T E M P L V M

ROMVLI, & REMI, in FORO ROMANO, nunc SS. COSMAE & DAMIANI.



EMPLVM hoc conditum est in via Sacra, prope turrim, quae *Comitum* dicitur. Parte sua posteriore formam habet quadratam, anteriore sphaericam, in summitate vero tecti unicam duntaxat fenestram, apertam, & luce sua totum aedificium collustrantem; in pavimento item fossulam, ad excipiendum imbres ac pluvias, haud secus ac Pantheon.

Fuit hoc Templum Romuli ac Remi, quod Livius fuisse scribit prope Forum (*Lib. X. cap. 46.*) *Aedem Quirini, quam in ipsa dimicatione votam apud neminem veterem auctorem invenio, ab Dictatore patre votam, Filius Consul (Papirius) dedicavit, exornavitque hostium spoliis, quorum tanta multitudo fuit, ut non templum tantum, forumque bis ornaretur, sed sociis etiam, colonisque finitimis, ad templorum, locorumque publicorum ornatum, dividerentur.*

Dedicatum fuit a Carvilio Cos. (ut volunt alii) victis Samnitibus, & ex eorum spoliis exornatum. Erat hoc templum olim constructum ex quadratis lapidibus Tiburtinis; sed eorum magnam partem, ex hujus templi muris acceptam, avexerunt RR. Patres Societatis Jesu, ad aedificandam S. Ignatio, conditori sui Ordinis, aedem sacram.

Sunt, qui existimant, fuisse hoc templum Castori & Polluci sacrum, sed errore non obscuro. Nam Suetonius & Ovidius scribunt, aedem Divorum istorum fuisse in Foro, ad Lacum Juturnae, proximumque huic loco Templum Julii Caesaris.

Papa Felix IV. An. Christ. lxxx sacrum esse jussit hoc templum S. Cosmae & S. Damiano. Hujus Papae Epitaphium in hoc Templo ostenditur.

HIC. REQUIESCIT. S. FELIX. PAPA. ET. MARTYR.
QVI. DAMNAVIT. CONSTANTIVM. HAERETICVM.

Urbanus VIII. Papa, An. dō lxxxiii. per architectum Ariguzzi, rudera Templi hujus terris obruta erui, novoque aedificio superimposito instaurari jussit, ornamentisque multis tam intrinsecus, quam extrinsecus illud decoravit, uti sequens demonstrat titulus.

VRBANVS. VIII. PONT. MAX. TEMPLVM. GEMINIS.
VRBIS. CONDITORIBVS. SVPERSTITIOSE. DICATVM.
A. FELICE. IIII. S. S. COSMAE. ET. DAMIANO. FRATRIBVS.
PIE. CONSECRATVM. VETVSTATE. LABEFACTATVM.
DEIECTIS. LATERIBVS. PARIETIBVS. TOTIVS. BASI-
LICAE. A. SE. EXAEDIFICATAE. EXCITATIS. FORNICE.
MEDIO. INTER. INFERIOREM. ET. HANC. EXTRVCTO.
NOVO. IMPOSITO. LAQVEARI. AREA. DENIQVE.
COMPLANATA. IN. SPLENDIDIOREM. FORMAM. REDEGIT.
ANNO. SAL. M. DC. XXXIII.

Flaminius Vacca refert quoque, vidisse se, ab operis, terram effodientibus, erutam tabulam marmoream, in qua sculpta erat Urbis Romanae Ichnographia simul & Scenographia. Hanc hodie amissam, sed prius Fulvius Ursinus in schedis descriptam, in sua servavit bibliotheca, quae Vaticanae accessit. Exinde has tabulas depromptas commentario illustravit erudito Petrus Bellorius, uti videre est in Tom. IV. Graeviani Thesauri Antiquitatum Romanarum.

In lateribus Templi hujus fuit olim conspicua haec imago Urbis Romae, opere anaglypho, cujus adhuc reliquiae quaedam conspiciuntur, in Palatio Ducis Parmensis, quas docto etiam Commentario illustravit Raphaël Fabretti.

Duo frustra columnarum ex Templo vetere paganorum superstitum ordinis sunt Corinthii cum diametro palmorum fere quatuor.





TEMPLUM

PACIS.



ACIS ARAM primus erexit Augustus, quam Agrippa post eum auxit. Ovidius (I. Fast. v. 709.)

*Ipsum nos carmen deduxit Pacis ad Aram,
Haec erit a mensis fine secunda dies.*

Templum hocce Vespasianus perfecit. Josephus (Lib. VII. de Bello Judaico, cap. 24. in fine) Post triumphos Vespasianus Pacis Templum aedificare decrevit; itaque mira celeritate, & quae hominum cogitationem superat, effectum est. Suetonius (in Vespasiano, cap. 9.) Fecit & nova opera, Templum Pacis, Foro proximum. De eo Herodianus (Lib. I. cap. 14.) Quod unum, inquit, opus cunctorum tota Urbe maximum fuit, atque pulcherrimum.

Longitudo ejus erat pedum CCC. latitudo CC. Fornix ornata erat aere deaurato.

Vespasianus hoc Templum Pacis posuerat, ceu monumentum felicitatis domus suae, pace parta; ut indicat Inscriptio Basis cujusdam in aedibus Farnesianis, quam allegat Jos. Castalio, in Descript. Templi Pacis, in Thef. Graev. (Tom. IV. pag. 1850.)

PACI AETERNAE
DOMVS
IMP. VESPASIANI
CAESARIS. AVG
LIBERORVMQ. EIVS
SACRVM

Nili statua ingens in hoc Templo cernebatur, de qua Plinius (Lib. XXXVI. cap. 7. ubi de marmorum generibus) Invenit eadem Aegyptus, quem vocant Basalten, ferrei coloris atque duritiae. Unde & nomen ei dedit. Numquam hic major repertus est, quam in Templo Pacis, ab Imperatore Vespasiano Augusto dicatus: argumento Nili, sexdecim liberis circa ludentibus, per quos totidem cubiti, summi incrementi augentis se amnis, intelliguntur.

Ganymedis statuam fuisse quoque in hoc Templo auctor est Juvenalis (Sat. IX. v. 22.)

— — — & Ganymedem
Pacis, & advectae secreta palatia Matris.

Venus Marmorea, opus artificiosissimi sculptoris Timantis, etiam servabatur in hoc Templo, cujus Divinitati sacrum habebatur.

Jalysf imaginem inter picturas egregias Templi hujus recenset Plinius (Lib. XXXV. cap. 10.) Propter hunc, inquit, Jalysf, ne cremaret tabulas Demetrius rex, quum ab ea parte sola posset Rhodum capere, non incendit.

In hoc Templo servabatur etiam imago canis, opus Protogenis. Locus Plinii est (*cap. cit.*) *Est in ea canis mire factus, ut quem pariter casus & ars pinxerim. Non iudicabat Protogenes, se exprimere in eo spumam anhelantis posse; cum in reliqua omni parte, quod difficillimum erat, sibi ipsi satisfacisset: displicebat autem ars ipsa, nec minui poterat, & videbatur nimia, ac longius a veritate discedere, spumaque ipsa pingi, non ex ore nasci, anxio animi cruciatu, cum in pictura verum esse, non verosimile vellet: absterferat saepius, mutaveratque penicillum, nullo modo sibi approbans: postremo iratus arti, quod intellexeretur, spongiam eam impexit in viso loco tabulae, & illa reposuit ablatis coloribus, qualiter cura optabat, fecitque in pictura fortuna naturam.*

Vespasianus in hoc Templo reposuerat praedam, Hierosolymis captam a filio ejus Tito, exceptis folis Tabulis Legis, & purpureis Templi velis, quae in Palatio custodiri iussit, teste Josepho (*Lib. VII. Bell. Jud. cap. 24.*) qui & meminit solummodo trium Templi instrumentorum, quae a Romanis maximi fiebant, & in triumpho fuerant portata, recensens *Candelabrum aureum, Mensam auream, & Legem*, reliqua nullo ordine inter alia spolia prius ferebantur, interque ea probabiliter haec fuit Arca Foederis, quae etiam nunc asservatur in aede S. Joannis Lateranensis, quam utpote ligneam non magni fecerant Romani, prout illa priora. Arcam hanc Zorobabelem fecisse credo, ad exemplum prioris, quae fuerat in Templo Salomonis, & Legem forte aliis lapidibus incisam, in eam reposuerat.

Conferebant se ad hoc Templum frequentes aegroti ex more, votorum faciendorum causa, ut tradit Galenus (*in Libro de pulsibus.*)

Incendio periit tempore Commodi Imperatoris, teste Herodiano (*Lib. I. cap. 14.*) *Nam quum, inquit, neque imbres, neque nubes, tantumque exiguus terrae motus antecessisset, seu nocturni casu fulminis, seu igni aliquo, in ipso terrarum motu veluti extritio, totam de improviso Pacis Templum consumptum incendio est. &c.* Adeoque per noctem debacchatus ignis multos ex opulentis egenos reddidit.

Bibliotheca etiam cum Templo, eodem periit incendio.

Paulus denique V. Pont. Max. transtulit ex ruderibus Templi hujus columnam unam marmoream, praegrandem, striatamque, quibus olim sustinebatur operis fornx, eidemque superimposuit simulacrum B. Virginis, ex aere fuso inauratum, quod visitur in area, ante vestibulum *Basilicae*, cognomento *Majoris*.

Superfunt etiam nunc tria ingentia fornicum fragmenta, ad S. Mariae Novae, cum hortis Piis juncta.





PANTHEON.

nunc S. MARIAE ROTVNDVM.



Emplum hoc, a quo primum positum extractumque sit, ignoratur. Verum Inscriptio isthaec in porticus Zophoro legitur litteris majoribus.



M. AGRIPPA. L. F. COS. TERTIVM. FECIT

Plinius (*Lib. XXXVI. cap. 15.*) ait : *Pantheon Jovi Ultori ab Agrippa factum.* Gnaris tamen artis & rationum Architectonicis, ex totius operis forma, satis quoque liquet, non uno eodemque tempore hoc templum fuisse conditum; siquidem corona porticus non cohaeret, neque congruit formae & operi templi ipsius, quum illa pulchrior sit, perfectiorisque artis opus. Dion (*Lib. LIII.*) hoc confirmare videtur, usus vocabulo *ἐτελέσσε*. Verba ejus sunt : *Pantheon quoque perfecit Agrippa.*

Vestibulum autem, sive porticus fulcitur columnis XVI. grandibus, ordinis Corinthii, & quaelibet constat uno ac solido lapide Granito Orientali. Non tamen omnium columnarum una est crassities & mensura : nam crassissimarum diametros est sex palmorum Romanorum & pollicum decem; tenuium sex palmorum & quinque pollicum.

Vasta & praealta ea moles columnarum, ex uno & solido lapide confectarum, aliquos in eam cogitationem induxit, ut existimarent, consiliorum & fundendorum lapidum artem viguisse apud Veteres; atque exinde fieri potuisse has columnas, quanta vellent magnitudine. Sed huic sententiae refragantur notae Hieroglyphicae, in Obeliscis ex Aegypto advectis, & testimonia Auctorum Veterum, memorantium historias advectarum ex Aegypto columnarum, narrante Ammiano Marcellino. Plinius item descripsit magnitudinem navis, qua Claudius advexerat Obeliscum Circi Maximi ex Aegypto.

Erat vero Pantheon, Agrippae aetate, tectum regulis aereis, ut quidam volunt, inauratis. Intus tota aedes aut marmorata, aut marmoreis crustis exornata fuit, exterius tectorio illita, a fronte vero aereis laminis crassitudine quadrantis, argentoque, auroque illitis tecta. Fornix nunc plumbeis, olim argenteis laminis cooperta fuerat, quas Constantinus Tertius, Heraclii nepos, Romam veniens, sustulit, simulque omnes statuas, ex aere, aut marmore, ad Urbis ornatum positas, omniaque templorum ornamenta paullo decentiora detraxit, navibusque ad id paratis imposuit, Constantinopolin avehenda.

Duo loculamenta majora conspiciuntur in Porticu, ad utrumque latus, in quibus statuae Augusti, & Agrippae olim collocatae fuere; de quibus Dion (*Lib. LIII.*) *Voluit Agrippa in eo Augusti quoque statuam collocare, nomenque operis ei adscribere : neutrum autem eo accipiente, in Pantheo ipso Caesaris prioris, Augusti & suam in Vestibulo posuit.*

PANTHEON dicitur quasi πάντων Θεῶν, omnium Deorum. Caeterum Templum hoc etiam particulatim aliis Diis quibuldam consecratum fuisse videtur, uti jam ex Plinio observavimus, testante, Jovi Ultori fuisse sacrum. Dion quoque (*Lib. cit. de Operibus Agrippae*) haec habet. *Pantheon quoque perfecit Agrippa. Id sic dicitur fortassis, quod in simulacris Martis & Veneris multas Deum imagines acciperet : ut vero mihi videtur, inde id nominis habet, quod forma convexa fastigiatum, coeli similitudinem ostenderet.*

In hemisphaerio summo medium lumen est, sub ejusque impluvio medio aquae coelestes excipiuntur, per foramina disposita. Religio autem fuit Veteribus, non continuare tecta Templorum. Ita & intermissum cernebatur Jovis Capitolini tectum, ut sub dio esset Terminus, & immobile Saxum sub coelo.

Nequeat quis verbis exprimere templi hujus magnificentiam. Lithostratum enim habet intrinsecus pulcherrime exornatum marmoribus variis, columnasque in ambitu, structurae nobilis, & epistylis egregie concinnatas, atque inter ipsas facella, in quibus circumquaque statuae quondam fuere positae.

Statuae Veneris ex auribus pendeat margarita mirandae magnitudinis & pretii summi, quam, teste Macrobio, Cleopatra regina in auribus gesserat. Alteram Cleopatra aceto consumptam deglutierat in convivio, quo M. Antonium sumptibus superare contendeat, quando hauustu uno centies fectertium (hoc est, 625000 florenorum pretium) exhibit. Qui superfuerat unio, victa & defuncta regina, Romam ex Aegypto delatus, dissecus est, faciaeque sunt ex una duae margaritae, Venerisque simulacro consecratae.

Hadrianus Templum hoc aliquatenus vetustate collapsum restituit, uti tradit Spartianus (*cap.* 19.) Julius vero Capitolinus, in vita Antonini Pii, haec habet de templi hujus refectione (*cap.* 8.) Opera ejus haec exstant, templum Hadriani honori Patris dicarum, instauratum Amphitheatrum, sepulcrum Hadriani, templum Agrippae. Nam & Imperatores, Septimius Severus & Caracalla, hoc quoque Templum instaurarunt. Testantur id Inscriptiones, quae in duabus Epistylis fasciis leguntur.



IMP. CAES. L. SEPTIMIUS SEVERUS, PIVS, PERTINAX. ARABICVS. ADIABENICVS. PARTHICVS. MAXIMVS. PONTIF. MAX. TRIB. POT. XII. COS. III. P. P. PROCOS. ET



IMP. CAES. M. AURELIUS ANTONINVS, PIVS, FELIX, AVG. TRIB. POTEST. V. COS. PROCOS. PANTHEVM VETVSTATE CORRVPVVM. CVM OMNI CVLTV RESTITVIT

Papa Bonifacius IV. consentiente Phoca Imperatore, hoc templum consecravat B. Mariae Virgini, an. lxxvii.

Urbanus VIII. omnia ex metallo fabricata & fusa opera ex hoc templo sustulit, ad pondo 450274. relictis duntaxat binis ejusdem materiae portis, etiamnunc illic videndis. Papa hic Urbanus ex hoc metallo conflavit ornamenta Basilicae S. Petri, & tormenta majora, in tutelam Arcis S. Angeli. Est haec moles illa aenea, Petri & Pauli, Ecclesiae Principum, sepulcro imposita. Unum horum tormentorum factum fuit e clavis, qui tabulas aereas nectebant. Docet hoc Titulus, & duo clavi in tubo machinae expressi.

EX. CLAVIS. TRABALIBVS. PORTICVS. AGRIPPAE.

Ipse Papa, quod diximus, fatetur, Inscriptione hac marmori incisa, & ad latus portae Templi hujus legenda.

VRBANVS. VIII. PONT. MAX.
VETVSTAS. AHENEL. LACVNARIS.
RELIQVIAS.
IN. VATICANAS. COLUMNAS. ET.
BELLICA. TORMENTA. CONFLAVIT.
V. T. DECORA. INVTLIA.
ET. IPSI. PROPE. FAMAE. IGNOTA.
FIERENT.
IN. VATICANO. TEMPLO.
APOSTOLICI. SEPVLCRI. ORNAMENTA.
IN. HADRIANA. ARCE.
INSTRVMENTA. PVBLICAE. SECVRITATIS.
ANNO. DOMINI. MDCXXXII. PONTIF. IX.

Turres, quae conspiciuntur geminae, supra Vestibulum Templi hujus, ad Campanarum sonitus edendos, construi ad majorem Templi ornatum jussit idem Pontifex Max, uti testatur secunda Inscriptio marmorea, ad alterum portae latus conspicienda.

PANTHEON.
 AEDIFICIVM. TOTO. TERRARVM. ORBE.
 CELEBERRIMVM.
 AB. AGRIPPA. AVGVSTI. GENERO.
 IMPIE. IOVI. CAETERISQ. MENDACIBVS. DIIS.
 A. BONIFACIO. IIII. PONTIFICE.
 DEIPARAE. ET. SS. CHRISTI. MARTYRIBVS. PIE.
 DICATVM.
 VRBANVS. VIII. PONT. MAX.
 BINIS. AD. CAMPANL. AERIS. VSV. M.
 TVRRIBVS. EXORNAVIT.
 ET. NOVA. CONTIGNATIONE. MVNIVIT.
 ANNO. DOMINI. MDCXXXII. PONT. IX.

Alexander VII. Pont. Max. refecit tectum, trabibusque compegit grandibus, crassisque. Capitulum quoque Columnae in angulo porticus, quod vetustate corruptum erat, cum parte Fastigii restitui curavit, decoravitque, Epistylis marmoreo imposito.

Clemens vero IX. cinxit porticum ipsam cancellis ferreis, uti hodie visitur.





TEMPLV M

MINERVAE,

nunc S. MARIAE SVpra MINERVAM.




EMPLVM hoc situm fuit olim, ubi nunc est *Coenobium Dominicanorum*. Et testantur Fulvius & Marlianus, se illic vidisse rudera ejus residua.

TEMPLVM MINERVAE, seu *Minervium*, Pompejum habuit auctorem. Indicat Plinius (*Lib. VII. cap. 26.*) *Hos ergo (Pompejus) honores Urbi tribuit in delubro Minervae, quod ex manubiis dicabat.* Addenda est & Inscriptio, a Pompejo in eo templo posita, quam marmori incisam legisse, se Marlianus refert, continentem fortassis brevium illud rerum, a Pompejo Magno in Oriente gestarum, de quo Plinius loquitur (*loco citato*) *Cn. Pompejus Magnus, Imperator, Bello XXX. annorum confecto, fufis, fugatis, occisis, in deditionem acceptis, hominum centies vices, semel LXXXIII. millibus: depressis, aut captis navibus DCCCXLVI. oppidis, castellis mille quingentis XXXVIII. in fidem receptis: terris, a Maeotis lacu ad Rubrum mare, subactis, votum merito Minervae.*

Fuit hoc Templum quondam magnificentissimum, & in eo consecratum erat Deae Minervae simulachrum, ab Sacerdotibus multis modis adoratum & cultum. Victores, e bello reduces, huic Deae sacrificare in eo solebant, ceu Deae armorum, quae & *Bellona* appellatur, hoc est, *Belli Dea*. Imago autem ejus armata erat aegide, & clypeo, cui caput Medusae erat incisum, illudque tenebat manu sinistra, dextra gerens lanceam, seu hastam, indutaque tunica talari.

Fulvius in hunc modum monumenta Templi hujus describit. *Exstant autem undique ejus Templi parietes quadrati & oblongi, ferme sine tecto.* Erat enim templum non magnum, testudinatum, incrustatum, multisque ornamentis decoratum. *Visitur autem ejus forma in hortis Dominicanorum, per multos haecenus annos incultum, ac deformatum, & nulli rerum usui serviens, nisi immunditiis.* Hodie vocatur S. MARIAE SVpra MINERVAM.





T E M P L V M

S A T V R N I,

nunc S. A D R I A N I.

Euit hic antiquissimis temporibus nihil omnino exstructum, praeter altare unicum, erectum jam ante natum quoque Romulum. Sacrum id erat Saturno, cinxitque illud Tullus Hostilius aedificio Templi elegantis, eidemque Deo consecrati. Saturnus vero divitiarum Deus tutelarior habebatur. Hinc liquet, ex quam exiguo saepe initio opera nascantur pulcherrima. Procedente siquidem tempore, accrescentibus Populi Romani opibus, aedificia publica, & Deorum quoque templa, ornatus & magnificentius exstruebantur. Fuere haec olim lutea, lignea & straminea; sed mutabantur postea in marmorea, & lapidibus pretiosis exornata. Hinc fit, ut Nummi, templorum & aedificiorum simulacra exhibentes, praeserant formam struendarum vilium, & quovis ornatu carentium, quorum postea forma magnifica fuit, & sumptuosa, ac praegrandis; ut dissimilis plane sit eorum facies in Nummis, atque fide optima describuntur in historiis, eo quod Nummis caremus, veras harum struendarum formas repraesentantibus.

Saturni Templum proxime vicinum fuisse Templo Concordiae, censent Antiquarii, eo nempe loco, ubi nunc aedes est *S. Adriani*. Consentunt haec cum Veterum testimoniis. Servius (*apud Donatum Lib. II. cap. 14.*) *Offa*, inquit, *Orestis ab Aricia translata Romam, & condita ante Templum Saturni, quod est ante clivum Capitolinum.*

Conditor ejus primus fertur fuisse Tati, sed dedicavit illud Tullus Hostilius. Dissentit tamen Solinus (*cap. 11.*) *Aedem*, inquit, *quae Saturni aerarium fertur, comites ejus (Hercules) condiderunt.* Macrobius item (*Lib. I. Saturn. cap. 8.*) docet; Votivum Templum Saturni consecrasse Tullum Hostilium, quum bis de Albanis, & tertio de Sabinis triumphasset; atque hoc etiam tempore Saturnalia tum fuisse Romae instituta. Gellius (*apud eundem*) credit; exstructum fuisse ex Senatus-Consulto, Luciumque Furium, Tribunum militum, operi perficiendo praefuisse. Livius autem (*Lib. II. cap. 21.*) scribit: *Dedicatum fuisse Sempronio & Minutio Coss. Poplicola denique, teste Plutarcho (in ejus vita circa medium) aerarium constituit Saturni aedem, quae etiam manet.*

Omnis certe pecunia, redacta ex vestigalibus Provinciarum, & tributis, in hoc Templo custodiebatur. Erat porro in penitrali intimo Templi hujus locus dictus *aerarium sanctius*, cujus meminit Cicero (*Lib. VII. ad Attic. Epist. 20.*) Hic servabatur *Aurum*, appellatum *Vicesinarium*, quo, non nisi summa necessitate urgente, Senatus utebatur. Livius (*Lib. XXVII. cap. 12.*) & idem (*Lib. XLI. cap. 28.*) scribit, *Appium Claudium Centonem, ovatione ex Celtiberis, tulisse in aerarium millia pondo argenti, & quinque millia auri.*

Ferunt, Saturno Rege nullum furtum fuisse commissum, quia nihil erat cujusquam privatum, & ideo aerarium in Saturni Templo esse constitutum; justitia tum quippe colebatur, & fides: prout hoc docent Festus & Macrobius. Et tradit Cyprianus (*Tract. IV. de idolol. vanit. sub initium*) *nummos signare in Italia primum instituisse Saturnum, & inde aerarium a Saturno vocari.*

Servabantur quoque in hoc Templo *monumenta publica, & rationum libri*. Hinc Suetonius (*Augusto, cap. 32.*) ait: *Tabulas veteris aerarii, & debitorum, vel praecipuum calumniandi materiam, exussit Caesar.*

Reponebantur & eodem in Templo *signa militaria*, Livio teste: (*Lib. IV. cap. 22.*) *Signa*, inquit, *ex aerario prompta, feruntur ad Dictatorem.* Horum duo communia erant; roscum pro peditibus cum titulo *S. P. Q. R.* & caeruleum pro equitibus: maris enim color est caeruleus, seu Dei illius, cujus inventum fabulantur equum fuisse.

Libri Elephantini hoc quoque in Templo custodiebantur, in quibus erant conscriptae *Tribus XXXV.* & cum iis *publicarum rationum libri.*

Censores denique in hoc ipso Templo iusjurandum subire cogebantur.

Hujus Templi, in quo erat aerarium, mentionem facit Inscriptio marmorea vetus, apud Gruterum (*pag. LXXI. n. 2.*)


S A N C S A L .
T. P E T I D I V S . T. F
F A B . L V C E I V S
VIII VIR. AED. PLEB
P O T E S T A T . V I I I V I R
II F A N O R . VIII VIR. III
A E R A R I S A T
S . P . D . D

Hodie, mutato nomine, S. HADRIANI dicitur, estque situm ante *Forum Romanum*, post *Nervae*, a latere *Caesaris*, unde in *tribus foris* vulgo appellatur.









T E M P L V M

V E N E R I S & R O M A E.



EMPLVM hoc conditum est An. Urb. Cond. Icccclxxxviii. Pompejano & Attiliano Coss. sub Hadriano. Cassiodorus (*in Chronico*) His Consulibus Templum Veneris & Romae factum est, quod nunc Urbis appellatur. Dicitur & unius Veneris Templum ab Eusebio (*in Chronico*) Templum Veneris ab Hadriano Romae factum.

TEMPLVM VENERIS (de quo loquuntur Victor & Rufus) & ROMAE, quod seorsim Rufus commemorat, non est dubitandum, quin fuerint *duo templa*, ab Hadriano conjuncta, & seorsim dedicata duabus his Deabus. Horum Templorum sub unius nomine meminit Dion (*Lib. LXIX. in Hadriano, in initio*) his verbis: *Veneris & Romae Templi descriptionem ad eum mittens*, (ad Apollodorum Architectum) quippe significans, sine illius opera & ministerio etiam ingentia aedificia exstrui posse, quarebat, an illud aedificium recte se haberet? Rescripsit de templo, sublime illud, & concavum fieri oportere, ut ex loco superiori in Sacram usque Viam insignior prospectus esset, & magis conspicuus. Concavum, ad excipiendas Ludorum machinas, quae in eo latenter compingi, & item ex occulto in Theatrum duci possent.

Templi sedes & pulchritudo colligitur ex his Claudiani dictis (*Lib. II. in Silic. v. 224.*)

*Ergo avidae tantosque novi spe Consulis annos
Elusae, dominae pergunt ad limina Romae.*

Et (*mon. v. 227.*)

*Conveniunt ad testæ Deae, quae candida lucent
Monte Palatino.*

Verum Prudentius, non secus ac Rufus, duo distincta fuisse Tempia testatur (*contra Symmachum Lib. I. v. 216.*)

*Lanigerosque Deum templis adstare ministros
Ac Sacram resonare Viam mugitibus ante
Delubrum Romae: colitur nam sanguine & ipsa
More Deae, nomenque loci, ceu numen habetur:
Atque Urbis Venerisque pari se culmine tollunt
Templa, simul geminis adolentur thura Deabus.*

Verumtamen Spartianus consentit in eo cum aliis, dicens (*in Hadriano, cap. 19.*) Templum Veneris & Romae, etiam esse Templum Urbis. At si Prudentio credimus, duo haec diversa Tempia fuerunt, pariete fortasse conjuncta uno & eodem; opusque fuisse Hadriano dignum, minime dubitandum, etsi id male a nonnullis fuerit intellectum.

Exstruendi hujus aedificii causa, loco suo motus ab Hadriano est Colossus Neronis, quem a Nerone positum prope Sacram Viam, docti suspicantur. Auctor Spartianus (*cap. 19.*) *Translulit & Colossum, stantem, atque suspensum per Decianum architectum de eo loco, in quo nunc Templum Urbis est, ingenti molimine, ita ut operi etiam elephantes viginti quatuor exhiberet.*

Frons Templi Romae e superiore loco spectabat Viam Sacram versus, ut indicat Dion & Prudentius. Hinc conjiciunt, arcam ante Templum ex eadem coepisse Via, unde gradibus sublata prospectum Templi eminentiorem faciebat. Ammianus porro (*Lib. XVI. cap. 6.*) post Capitolium & Pantheon, commemoratione dignum aedificium duxit. Manetque opinio, magnificentiorem & pulchriorem ab Hadriano factam hanc aedem, quod simul in ea colerentur Venus & Roma, ceu parens ac soboles.

Tectum tegulis aereis instructum transtulit Honorius I. Pontifex : Anastasius (*in ejus vita*) Cooperuit Ecclesiam omnem B. Petri, ex tegulis aereis, quas levavit de templo, quod appellatur Romae.

In hoc autem Templo, Romae Urbi sacro, ac si Dea & ipsa fuisset & Aeterna, colebatur sanguine & incenso thure, quod ex Prudentio jam est observatum. Fuitque hoc Templum fortasse non aliud ab eo, quod Servius Veneris Romanae nominat. Urbis autem dies natalis colebatur XII. Kal. Maji.

Duo sunt septa conjuncta, quae adhuc visuntur in hortis S. Mariae Novae. Has docti viri recte arbitrantur, reliquias esse Templi Veneris & Romae. Fulvius tamen existimat, esse reliquias eas residua Templorum Isidis & Serapidis, errore manifesto : quia illa fuerunt extra regionem ejus nominis. Marlianus vero censet, eas esse ex Templo Solis & Lunae, sed auctoritate caret, & idoneo situs indice. Testimonia enim Auctorum veterum eo nos ducunt, ut credamus, Templum Solis vicinius Theatro fuisse.

Duas exhibemus hujus Templi icones.





T E M P L V M

I A N I

51



EMPLVM JANI fuisse aliqui suspicantur, quae supersunt ruinae veteris aedificii, apud aedem S. Georgii, in Foro Boario. Fulvius autem docet, quod *Transitorium* fuerit, illudque nomen postea cum Jano sit translatum ad *Forum Nervae*, ab eo tempore *Transitorium* nuncupatum.

Multi existimant, illud, de quo loquimur, aedificium, non fuisse templorum publicorum unum, sed ex iis molibus saxeis, quadratis, nullisque januarum claustris munitis, quae dicebantur *Jani Compitalitii*, quo conveniebant tempore pluvio omne genus negotiatorum, ejusdemque usus cum nostris Porticibus, negotiatorum conventibus destinatis, quas *Bursas* vulgo dicimus, quaeque a Cicerone vocantur *Transitiones perviae* (II. de Nat. Deor. cap. 27.) De his Janis loquitur Auctor idem (II. de offic. cap. 25.) *Sed toto hoc de genere, de quaerenda, de collocanda pecunia, etiam de utenda, commodius a quibusdam viris ad medium Janum sedentibus, quam ab ullis Philosophis, ulla in Schola, disputatur.*

JANI vero *Compitalitii* appellabantur vulgo *Transitoria* isthaec, quod populus continuo per ea transiret, quemadmodum de *Foro Nervae* legimus, ubi fuit tale *Transitorium*. Ita Victor; *Jani*, inquit, *per omnes regiones incrustati, & ornati signis. Janus ejusmodi marmoreus hodieque conspicitur in Foro Boario, satis integer, prout id ostendit effigies adjuncta.*

JANI templa plura in Urbe fuisse, vel exinde constat, quod tertium Jani templum construxerit C. Duilius, prope Forum Olitorium, hoc est, inter Theatrum Marcelli & Tiberim; etsi alii velint a Numa id prius conditum, sed a Duilio instauratum, ampliatumque fuisse. Tacitus (*Lib. II. Ann. cap. 49. §. 3.*) *Et Jano, inquit, Templum Tiberius dedicavit, quod apud Forum Olitorium C. Duilius struxerat, qui primus Rem Romanam prospere mari gessit, triumphumque navalem de Poenis meruit.* Aliud hoc Jani templum fuit ab eo, quod a Numa fertur fuisse conditum extra portam Carmentalem, cui duae fuerunt portae, quas aperire, quum bellum esset, in pace vero claudi, legitimum habebatur, ut scribit Servius.

Bifrons cur sit dictus, his verbis docet idem Servius (*ad Virg. XII. AEn. v. 198. Janumque bifrontem &c.*) *Postquam Romulus & Titus Tatius in foedera convenerunt, Jani simulacrum duplicis frontis effectum, quasi ad imaginem duorum populorum.* At tortalis Janus, gentis Italicae primus conditor, ipse fuit Noachus, cui tribuitur facies gemina, quod utrumque Mundum viderit, ante & post diluvium. Gerard. Voss. de Theol. gentil. Lib. I. cap. 18.

Ruinae hujus aedificii superstitēs evincunt fuisse illud grande, quadratum, exque albo marmore constructum, portarum quatuor, & compluribus loculamentis ornatum.

Templum illud Jani, quod claudabatur tempore pacis, & apertum relinquebatur tempore belli, egregie describit nobis Procopius (*de Bell. Goth. Lib. I. cap. 20.*) *In medio foro, ex adverso Capitolii, Jani sacellum, ex aere, quadratum, tantae amplitudinis, quanta Jani statua integri poterat, aenea etiam, & non minor quam quinquepedalis, portae utrimque aeneae.*





TEMPLVM

I V N O N I S R E G I N A E.



EMPLI hujus situs fuisse videtur in vicinia aedis S. Sabinae. Livius (*Lib. XXVII. cap. 37.*) *Per Boarium Forum in Clivum publicum, atque in Aedem Junonis Reginae perfectum.* Fuit hoc Templum votum, aedificatum, & dedicatum a Camillo, expugnatis Vejis. In hoc itaque Templum Vejis translata est statua Deae. Livius *Lib. V. cap. 21, 22, & 31.*

De hoc Templo, uti & Dianae haec leguntur apud Livium (*Lib. XL. cap. 52.*) *Alter ex Censoribus, M. AEmilius petiit ab Senatu, ut sibi dedicationis Templorum Reginae Junonis & Dianae, quae bello Ligustino ante annos octo vovisset, pecunia ad Ludos decerneretur. Viginti millia aeris decreverunt. Dedicavit eas aedes, utramque in Circo Flaminio, ludosque scenicos, triduum post dedicationem Templi Junonis, biduum post Dianae, & singulos dies fecit in Circo.*

In hoc eodem Templo servabantur quoque ejusdem Deae Junonis statucae duae, e cupresso, magna-que cum pompa eo delatae bello Punico II. Livius (*Lib. XXVII. cap. 37.*) *Post eas duo signa cupressae Junonis Reginae portabantur, &c. Simulacra cupressae in aedem illata.*

Sunt, qui Porticum ante Templum S. Angeli, in Foro Piscario, existimant fuisse Templi Junonis; sed ab aliis tribuitur ea Mercurio. Sequens autem Inscriptio declarat, qui fuerint instauratores ejusdem, incendio consumptae.



IMP. CAES. L. SEPTIMIUS. SEVERVS. PIVS. PERTINAX. AVG. ARABIC. ADIABENIC. PARTHIC. MAXIMVS

TRIB. POTEST. XI. IMP. XI. COS.

IMP. CAES. M. AVRELIVS. ANTONIVS. PIVS. FELIX.

COS. PROCOS

INCENDIO. CORRVP.TAM. RESTITVERVNT.

Duas istas lacunas Eruditi ita suppleunt; secundi versus III. P. P. ET. tertii vero versus AVG. TRIB. POTEST. VI.

S. Sabinae aedis plurimae & pulcherrimae columnae marmoreae satis demonstrant, desumptas esse eas, ex spoliis diruti in vicinia Templi alicujus veteris, aut eodem in loco inventas.

Superstites columnae sunt striatae, quarum diametros est palm. Rom. IV. & pollicum XI. ex marmore Pario, ordinis Corinthii.

THE
MUSEUM
OF
THE
CITY OF
BOSTON





TEMPLVM

FORTVNAE VIRILIS,

nunc S. MARIAE AEGYPTIACAE.

FORTVNAE VIRILIS TEMPLVM Rex Servius condidit, notante hoc Dionysio, in Urbe ipsa, inque Regione ea, in qua ripa Tiberis tota fuit, inter portas Trigeminam & Flumentanam, ad Pontem Palatinum ruptum, nunc S. Mariae, prope Templum Herculis. Et hic quidem verus loci situs est, ubi sacra haec AEdes nunc quoque conspicitur. Verba Dionysii sunt (*Lib. IV. Antiq. cap. 33.*) *Servius Tullius, duobus Templis conditis, altero BONAE FORTVNAE, ob perpetuum ejus favorem, in Foro Boario; altero FORTVNAE VIRILIS, sicut hodieque cognominatur, in ripa Tiberis, provectus jam aetate.*

In hoc Templo hodie etiam nunc conspiciuntur in lateribus columnae septem, in frontibus vero singulis, anteriore & posteriore, quatuor, striatae, ex lapide Tiburtino, ordine Ionico. Eminent hae columnae ex parietibus mediam duntaxat partem, altera muro est inclusa, operique conciliat firmitatem & robur. Tectorium ejus factum est ad regulam antiquorum. Ad Ortum aestivum quoque parietis est inserta columella ex alabastro, quae claro Solis ortu, luce perspicua, & lumine fulgente, incendere parietes videtur. De hoc Templo intelligendus est Ovidius (*VI. Fast. v. 568.*)

*Lux eadem, Fortuna, tua est, auctorque, locusque;
Sed superinjectis quis latet aede togis?*

S. MARIAE AEGYPTIACAE Templum Volaterranus (*Lib. XXX. cap. quod a Romanis Fortuna praecipue colebatur*) dicit fuisse Templum Bonae Fortunae: Fulvius contra, *Pudicitiae Patriitiae*. Attamen hoc fuisse creditur olim in Foro Boario, regionis octavae. Marlianus vero & Nardinus rectius in eo agnoscunt *Templum Fortunae Virilis*, secuti auctoritatem Dionysii. Suadet hoc quoque structura ejus Ionica, quae media est inter Corinthiam & Doricam, atque, ex Vitruvii sententia, huic Deae potius convenit; nam & ipsa media est, bona, scilicet, & mala.

Simulacrum hujus Deae cernebatur in hoc Templo, opertum duabus togis undulatis, haud aliter atque olim reges Romani undulatas & praetextas togas gestare fuerant soliti. Testis Varro (*Lib. I. de Vita Populi Romani.*)

Virgines in hoc Templo thure sacrificabant Deae huic, credebantque, si quod vitium in corpore habuissent, virum futurum id ignoraturum.

Dies, quo cultus ejus Deae publicus peragebatur, fuit Aprilis primus, planeque alius, ac *Fortis Fortunae*: docet hoc Ovidius (*Lib. IV. Fast. v. 145.*)

*Discite nunc, quare Fortunae thura Virili
Detis eo, calida qua locus bumet aqua.
Accipit ille locus posito velamine cunctas,
Et vitium nudi corporis omne videt.
Ut tegat hoc, celetque viros, Fortuna Virilis
Praestat, & hoc parvo thure rogata facit.
Nec pigeat tritum niveo cum lacte papaver
Sumere, & expressis mella liquata favis.*

Fuit olim hoc Templum etiam *Fovi*, Solique sacrum, uti nos docet Inscriptio Verus, quam Julius Sanctus

56 T E M P L U M F O R T V N A E V I R I L I S .


torius Cardinalis, Patronus Armenorum, restituendam curavit. Hoc enim Templum illi genti habendum datum est. Verba Inscriptionis haec sunt.

HOC DVDVM FVERAT FANVM PER TEMPORA PRISCA
CONSTVCTVM PHAEBO, MORTIFEROQVE IOVI.
QVOD STEPHANVS VETERI PVRGAVIT STERCORE IVDEX &c.

Stephanus iste, quisquis fuerit, aedem hanc consecraverat Divae Virgini. An lxxxclxxii, sedente Papa Joanne VIII.

Licet hinc conicere; eadem Tempia, temporibus diversis, dedicata fuisse Diis pluribus; quod & hodieque accedit Christianorum Basilicis. Tolluntur autem hac ratione lites plurimae dicentium, Tempia quaedam eorum Divorum non fuisse, quorum feruntur, quod legimus, ibidem loci alterius Dei fuisse Templum, moti auctoritate Scriptorum quorundam. Facile enim fieri potuerit, ut dissidentium uterque vera dixerint, ignorantes discrimina mutatorum temporum, & rationes dedicationum variarum.

Columnarum Templi hujus diametros esse cognoscitur palmorum Rom. VI. pollicum III. Constant autem lapide Tiburtino, ordinis Ionici.





T E M P L V M

HERCVLIS in FORO BOARIO,

nunc S. STEPHANO a le CROZZE,

vel MADONNA del SOLE.



HERCVLES Aram tantummodo habuisse fertur, quum Evander in Italia regnum obtineret. Meminit hujus Virgilius (VIII. *Aeneid.* v. 271.)

*Hanc Aram lucro statuit, quae Maxima semper
Dicetur nobis, & erit quae Maxima semper.*

Sunt, qui existimant, a magnitudine operis hanc Aram Maximam fuisse dictam. Serv. *Ingens est, inquit, ara Herculis, sicut videmus hodieque.* Solinus de hac Ara (cap. 2.) *Suo quoque Numini Hercules instituit Aram, quae Maxima apud Pontifices habetur, eum se ex Nicostrata, Evandri matre, quae a vaticinio Carmentis dicta est, immortalem comperisset.*

Ara haec Herculis maxima in veneratione apud accolae habebatur. Nam & apud eam Hercules ipse creditur boum decumas obtulisse: pollicitusque fuerat, beatissimam vitam consecuturos, qui sibi consecrarent bonorum decumam. Fecerunt hoc Sulla, Lucullus & M. Crassus. Jussit quoque Hercules ut ab hac Ara, & his sacris arcerentur mulieres, quas veniit attingere, aut degustare quidquam, quod immolatum super eam fuisset. Gellius (*Lib. XI. cap. 6.*) *Mulieres Herculeo sacrificio abstinent.* Macrobius (*Saturn. I. cap. 12.*) *Instituti hujus hanc causam ferunt: Herculi, quum boves Geryonis per Italiam ageret, sitienti mulier respondit; non licere sibi bibendam aquam praebere viris, quod eo die celebrarentur Deae feminarum sacra; nec fas esset, ut ex eo apparatu viri quidquam degustarent.* Hercules igitur, sacra facturas, feminarum praesentiam est abominatus.

Ad hanc Aram Romani jusjurandum, & pacta, quae firma esse vellent, peragebant, teste Dionysio (*Lib. I. cap. 40.*) *Remansit exinde jurisjurandi vetus vocabulum, ME HERCVLES, quod per ellipsin dicitur, pro, ita me Deus Hercules servet.*

Aedes autem Herculi sacra erat in Foro Boario, & in eam, aetate Solini, ut ipse testatur (cap. 2.) ingressus non erat canibus, neque muscis. *Sacellum, inquit, Herculis in Foro Boario est. In illud Divinitus neque canibus, neque muscis ingressus erat, ita argumenta & convivii, & majestatis ejus remanebant. Etenim quum viscerationem sacricolis daret, Myiagrum, id est, muscarum congregatorem Deum dicitur imprecatus; clavam vero in aditu reliquisse, cujus olfactu refugerent canes.*

Templum hoc Herculis fuit parvum, & rotundum, ambituque suo complectebatur viginti columnas marmoreas, ordinis Corinthii.

Dicta fuit haec aedes *Herculis Victoris*, quam Sixtus IV. Pont. Max. solo aequavit. Proxime S. Anastasiam sita olim erat *Ara Maxima Herculis*, cujus statua ex spelaeo quodam eruta fuit, aeneaque & inaurata erat, quae ad Capitolii Palatium Conservatorum allata est. Id vulgo dicitur; verum Flaminii Vacca, apud Montefauconium, in Diario (quem is fide dignum fuisse affirmat) se refert accepisse, statuas illam in Foro Romano, proxime Arcum Severi, repertam.

Fuerunt illic quoque hi duo Tituli, Deo Herculi positi in duabus basibus, ut videre est apud Gruterum (*pag. XLVII.*)

DEO. HERCVLI
INVICTO
C. IVL. POMPONIVS
PVDENS
SEVERIANVS
V. C. PRAEF. VRB

F f

Altera

Altera Inscriptio apud Gruterum haec est.

HERCVLI. IN
VICTO
M. CASSIVS
HORTENSIVS
PAVLINVS. PR. VRB
XV. VIR. SACRIS
FACIENDIS
DONVM. DEDIT

Si Plinio credimus (*Lib. XXXIV. cap. 7.*) Evander ipse Statuam Herculi consecraverat, in Foro Boario, dicebaturque ea *Hercules Triumphalis*; solebat enim illa per triumphos triumphali habitu vestiri.

Blondus hanc *Ædem* non *Herculis* esse, sed *Vestæ*, conatur ostendere, ex his Ovidii versibus (*III. Fast. v. 11.*)

*Ilia Vestalis (quid enim vetat inde moveri?)
Sacra lavaturas mane petebat aquas.
Ventum erat ad molli declivem tramite ripam :
Ponitur e summa fœdilis urna coma.
Fœssa resedit humi; ventosque accepit aperto
Pectore; turbatas restituitque comas.
Dum sedet; umbrosæ salices, volucresque canoræ
Fecerunt somnos, & leve murmur aquae.*

At hi versus non probant *Ædem Vestæ*, prope Tiberim fuisse. Festus autem vult; Regem Nūmam consecrasse aedem Vestæ rotundam. Persuaserat enim sibi, hanc Deam esse terram, quæ sustineret hominum vitam, eandemque esse formam pilæ, ut Dea coleretur templo sui simili. Sed Ovidius credidit (*VI. Fast. v. 257.*) anno Urbis quadagesimo Templum Vestæ fuisse conditum formam sphaericam, quam & Festus ei tribuit. Dicebatur *Vesta*, quod variis rebus sit vestita & ornata. Cicero (*de Nat. Deor. Lib. II. cap. 27.*) *Vesta*, inquit, nomen a Graecis. Ea enim est, quæ ab illis *ἑστία* dicitur: Vis autem ejus ad aras & focos pertinet: itaque in ea Dea, quæ est custos rerum intimarum, omnis & precatio & sacrificatio extrema est.


Nullum autem fuit ejus Deæ simulacrum, ut ignis nullam habere queat certam suæ similitudinis, & actionis effigiem. Hoc testatur Ovidius (*VI. Fast. v. 295.*)

*Esse, diu stultus, Vestæ simulacra putavi:
Mox didici curvo nulla subesse tholo.*

Savellorum familia hoc Templum restituit, dedicavitque *S. Stephano*, Beatorum Martyrum primo. Sub hoc Templo hodie cernuntur reliquiae *Cloacæ Maximæ*, quam exstruxerat Rex Tarquinius Priscus.

Columnarum, Templum ambientium, diametros continet palmos Rom. IV. & pollic. III. ex Patrio Marmore striatarum, ordinis Corinthii.





TEMPLV M

IOVIS CAPITOLINI,

nunc ARA COELI.



IOVIS OPT. MAX. TEMPLVM inchoavit Tarquinius Priscus, ex praeda, seu manubiis, de Apiola captis, prout Plinius tradit (*Lib. III. cap. 5.*) Deinde Tarquinius Superbus librarum argenti XL. M. hoc est, 2000000 florenorum, impendit in ponendis fundamentis. Plutarchus (*in Poplicola*) Consecrationem tamen obire ipse non potuit, quamvis opus ad tectum fere pervenisset: regno enim & tyrannide excidit, Templique dedicationis gloriam coactus fuit relinquere Horatio, collegae Poplicolae. Discimus hoc ex Inscriptione, incisâ marmorî, exstante in AEde D. Agathae, quae tamen in Opere Gruteri inter supposititias legitur, (*pag. 1. num. 1.*)

Dionysius figuram ejus sic describit: (*Lib. IV. cap. 64.*) *Templum suum est & fundatum in alta crepidine, octo jugerum ambitu, ducentis ferme pedibus patens per latera singula, pari propemodum longitudine, atque latitudine vix quindecim pedum differentia. Frons ejus meridiem spectat. Porticum habet, cum triplici ordine columnarum: in lateribus ordo duplex est. Tres AEdes pares communibus continentur lateribus, media Jovis, hinc & inde Junonis & Minervae, sub eodem tecto & pinnaculo. Hoc dicit, fuisse in eo Templo tria facella aequalia, communia inter se habentia latera, hoc est, interstructos parietes, sustentibus pilis lateritiis dealbatis, quas postea in columnas mutavit Dictator Sylla, desumptas e Templo Graeci Jovis Olympici, teste Plinio (*Lib. XXXVI. cap. 6.*) Idem Auctor (*Lib. citato cap. 25.*) de Pavimento haec notat. *Romae sculpturatum in AEde Jovis Capitolini primum factum est, post tertium Punicum Bellum initum.**

Fuerunt igitur haec tria facella, de quibus Dionysius loquitur, quorum medium Jovi erat sacrum, cujus utrumque latus claudebant Junonis & Minervae, *sub una aquila*, hoc est, sub uno tecto, aquilae alis inumbrato, unaque velata tectura: unde & Aufonius dixit (*Grypho. v. 42.*)

Trina in Tarpejo fulgent consortia Templo.

Macrobius autem, (*Lib. III. cap. 4.*) his verbis docet, cur Tarquinius haec Numina sub eodem tecto statuerit. *Sed, inquit, qui diligentius eruunt veritatem, Penates esse dixerunt, per quos penitus spiramus: per quos habemus corpus: per quos rationem possidemus. Esse autem medium aethera Jovem: Junonem vero imum aëra cum terra: & Minervam summum aetheris cacumen. Et argumento utuntur; quod Tarquinius Demarati Corinthii filius, Samoibractis religionibus mystice imbutus, uno templo, ac sub eodem tecto Numina memorata conjungit. Lucem hinc accipit locus Ovidii (*Lib. II. Trist. v. 289.*)*

Cum steterit Jovis aede; Jovis succurret in aede,

Quam multas matres fecerit ille Deus.

Proxima adoranti Junonia templa subibit,

Pellicibus multis hanc doluisse Deam.

Pallade conspecta, natum de crimine virgo

Sustulerit quare quaeret Erichthonium.

G g

Et

Et in Consolatione ad Liviam, ferme prope finem.

*Jupiter ante dedit sati mala signa cruenti,
Flammifera petiit cum tria templa manu:
Fumonisque gravi nocte, impavidaque Minervae,
Sanctaeque & immensi Caesaris ista domus.*

Jovis statua, sellae curuli insidens, in hoc Templo conspiciebatur, manu gerens fulmen aureum, pondo L. aderat & sceptrum, & in capite corona radiata. Statua eadem fuerat primo fictilis, Juvenalis (*Sat. XI. v. 15.*)

*Hanc rebus Latii curam praestare solebat
Fictilis, & nullo violatus Iuppiter auro.*

Et Ovidius (*I. Fast. v. 202.*)

Inque Iovis dextra fictile fulmen erat.

Trajanus postea, devicta Asia, aureum Jovi dedicavit simulacrum. Hoc indicat Martialis (*Lib. XI. epig. 4.*)

Sculptus es aeterno nunc primum Iuppiter auro.

Divitiae Templi hujus tam ingentes fuere, ut vix fidem mereantur. Tam immensa quippe in eo reperiebatur vis statuarum marmorearum, & metalli omnis generis, tabularum exquisitissimarum, tantumque scutorum, spoliolorum hostilium, tropaeorum, tot signa militaria, tantus numerus gemmarum, tamque grandis multitudo auri, sive summa arte elaborati, sive rudis, congesti, collectique a Triumphantibus, Magistratibus Romanis, aliarumque urbium Praefectis, Imperatoribus, Regibus, & populis externis, ex voto, vel donis, vel multa. Sed & Augustus unus legitur, unica donatione contulisse, in cellam Jovis Capitolini, XVI. millia librarum auri, gemmasque & margaritas ad HS. quingentes (hoc est, 3125000 florenorum) Suetonius (*Aug. cap. 30. in fin.*) Coronae aureae hic servabantur multae, Attalus donarat unam pondo CCXLVI., aliam Philippus Macedonum Rex pondo c. aliam Lampfaceni pondo LXXX. aliam Alabandenses pondo L. Aristobulus donarat *Vitem auream* quingentorum talentorum (hoc est, 7500000 florenorum) Hiero *victoriam auream* pondo CCCXX.

Consules novi deducebantur a populo sacrificatum in illud Templum, unde eos populus comitabatur rursus in Curiam. Faciebant autem ideo Jovi in suo Templo rem Divinam, quod Jovi non minus, quam Jano, omne initium deberetur. Inde & hoc Proverbium natum: *Ab Iove principium.*

Orationes in hoc Templo saepe habitas fuisse, & *Senatusconsulta* frequenter in eo fieri fuisse solita docet Cicero (*de Nat. Deor. Lib. I. ubi de T. Graccho.*)

Tabularum aenearum, Templo, vel Porticibus affixarum, quantus fuerit numerus, indicat Suetonius (*in Vespasiano cap. 8.*) *Tria millia tabularum aenearum, quae simul cum Templo conflagraverant, restituenda suscepit.* Meminit & Josephus (*Lib. XIV. Antiq. Judaic. cap. 17. prope finem*) Columnarum aenearum, quibus incisae fuisse tradit Leges foederis, cum Iudaeis isti. *Quando, inquit, tam manifesta argumenta exhibuimus nostrae cum P. R. amicitiae, ostensis aeneis columnis, & tabulis in Capitolio usque nunc durantibus.* Foederum quoque cum Carthaginiensibus initorum pacta, tabulis aeneis insculpta, ab AEdilibus hic servata fuisse, commemorat Polybius (*Lib. III. cap. 5.*)


Libros Sibyllinos, in conclavi subterraneo Templi hujus, a Decemviris fuisse servatos, Dionysius Halicarnassaeus refert, (*Lib. IV. cap. 70. toto*) qui & una cum Bibliotheca sunt combusti.

Incendio autem consumptum fuit, An. U. C. ccccxxv. sed Sylla Dictator restituit, eoque vita functo Catulus dedicavit. Iterum arsit bello Civili Vitelliano, sed refici paullo post curavit Vespasianus. Denique sub Tito rursus combustum Domitianus reaedificavit, commemorant haec Tacitus (*Hist. III. cap. 72.*) Suetonius (*Vitell. cap. 15.*) Tacitus (*Hist. IV. cap. 53.*) Suetonius (*Domit. cap. 5.*)

Templum hoc Christianis sacris dicatum, nunc appellatur *ARA COELI*. Caeterum in Ecclesiam hodiernam de Ara Coeli ascenditur, grandi scala marmorea, CXX. admodum graduum, qui olim, ut quibusdam placet, a templo Quirini, in Quirinali sito, illuc avecti sunt. Templum hodiernum Franciscanorum est, solum duplici Columnarum serie, quas putant, Iovis Capitolini fuisse. Plura de antiquitatibus Templi hujus scire avidus, legat Justi Rycquii commentarium *de Capitolio Romano.*

TEM-





T E M P L V M

C O N C O R D I A E.



CONCORDIAE vocem deducit Varro a corde congruente.

CONCORDIAE TEMPLVM hoc vovit Camillus, cuius votum Senatus ratum habuit, iussitque illud aedificari. Testatur id Plutarchus (*in Camillo.*) Locus Ovidii (*Lib. I. Fast. v. 637.*) dignus est, qui adscribatur:

*Candida te niveo posuit lux proxima Templo,
Qua fert sublimes alta Moneta gradus:
Nunc bene prospicies Latiam, Concordia, turbam;
Nunc te sacratae restituere manus.
Furius (amiquum) populi superator Hetrusci
Voverat; & voti solverat ante fidem.
Causa, quod a Patribus sumptis secesserat armis
Vulgus; & ipsa suas Roma timebat opes.
Causa recens melior: passos Germania crines
Porrigit auspiciis, Dux venerande, tuis.
Inde triumphatae libasti munera gentis;
Templaque fecisti, quam colis ipse, Deae.
Haec tua constituit Gentrix, & rebus, & ara,
Sola toro magni digna reperta Fovis.*

Discimus hinc Templum Concordiae, quod Furius Camillus vovit, constructum ob seditionem, Romae ortam, Populum inter & Senatum; flagitante, scilicet, Plebe, ut alter Consulum crearetur, ex suo corpore. Id quum Plebs a Senatu obtinuisset, dicatum est Templum Concordiae in Foro, Populi adstante concione, seu corona.

Templum hoc non longe absuit a carcere: id Dio tradit (*Lib. LVIII. ubi de Sejani morte agitur*) Eodemmet die Senatus coactus prope carcerem, in Aede Concordiae. Huic sententiae congruit, quod legitur in tabulis Farnesianis Vestigii Veteris Romae, editis a Viro illustri Petro Bellorio, ubi (*Tab. IX.*) legitur vox ORDIA, non integre, pro CONCORDIA, hoc est, *Templo Concordiae.*

Existimant vulgo Porticum octo Columnarum, quae hodie visitur, sub imo clivo Capitolii, ad Arcum Severi, esse partem residuam Templi hujus. Legitur illic haec Inscriptio.

✠
SENATVS. POPVLVSQVE. ROMANVS
INCENDIO. CONSVPTVM. RESTITVIT

Integra fere Porticus etiamnunc superest, extraque humum eminet, quamvis solum terrae ruinis undique sit oppletum. Gruterus hanc habet Inscriptionem (*pag. C. n. 6.*)

D. N. CONSTANTINO. MAXIMO. PIO. FELICI AC
TRIVMPHATORI. SEMPER. AVGVSTO. OB. AMPLIFI
CATAM. TOTO. ORBE. REM. PVBLICAM. FACTIS. CON
SILIISQ. S. P. Q. R.
DEDICANTE. ANICIO. PAVLINO. IVNIOR. C. V. COS
ORD. PRAEF. VRBI

S. P. Q. R.
AEDEM. CONCORDIAE. VETVSTATE. COL
LAPSAM. IN. MELIOREM. FACIEM. OPERE
ET. CVLTV. SPLENDIDIORE. RESTITVE
RVNT

H h

Tem-

Templum Concordiae suos quoque habuit gradus, prout de eo loquitur Rycquius (*cap. 42.*) patetque id ipsum ex Templi hujus reliquiis. Ichnographia quoque Templi hujus id ipsum probat. Hanc autem delineavit nobis Palladius, architectus nobilis; in ea vero enumerantur gradus viginti quinque, quibus in Templum Concordiae ascendeatur. Habuisse autem hoc Templum Gradus complures, quibus in illud ascendeatur, apertissime Cicero demonstrat (*in Philippica VII. cap. 8.*) *Equites Romani, inquit, qui frequentissimi in gradibus Concordiae steterant.*

Coniunctum huic Templo fuisse *Senaculum* Auctores commemorant. Docent quippe; *Senacula* tria Romae fuisse, in quibus *Senatus* haberi solitus sit, unum ubi nunc est aedes Concordiae, inter Capitolium & Forum, in quo solebant Magistratus duntaxat cum Senatoribus deliberare. *Senaculum* alii vocant. Varro (*Lib. IV. de LL.*) ait: *Senaculum vocatum, ubi Senatus, vel ubi Seniores confisterent, dictumque* *γερουσίαν.*

Fuit autem supra *Graecostasin*, ubi aedes Concordiae & Basilica Opimii. Templum enim hoc fuisse clivo Capitolino proximum, ex pluribus cognoscere licet testimoniis Ciceronis. Hic enim Consul, Senatu in AEdem Concordiae convocato, eodem adduxit conjuratos deprehensos; atque circum Templum hocce, custodiae causa, Equites disposuit Romanos, dicitque eos fuisse in clivo Capitolino. *Cum, inquit, (II. Ph. cap. 8.) in hac cella Concordiae, in qua, me Consule, saluatae sententiae dictae sunt. Et (ibid. cap. 7.) Quis enim Eques Romanus, cum Senatus in hoc templo esset, in clivo Capitolino non fuit. Et alibi: (orat. pro Sext. cap. 12.) Equites Romanos duros illius diei poenas, qui, me Consule, cum gladiis in clivo Capitolino fuissent.*

Hoc quoque Concordiae Templum cellam habuit, ut ex Cicerone didicimus. De hac enim idem Auctor loquitur (*Phil. III. cap. 12.*) *Armatus in cella Concordiae, quum Senatum haberet, inclusit. Et (in V. cap. 7.) In cella Concordiae collocari armatos, latrones, sicarios, e templo carcerem fieri.*

Servabantur denique, teste Plinio (*Lib. XXXIV. cap. 8.*) in hoc Templo simulacra Apollinis & Junonis, opus Battonis; Latonae puerperae, Apollinem & Dianam sustinentis, opus Euphranoris; AEsculapii & Hygiae, opus Nisicerati; Martis & Mercurii, opera Tifcratis; Cereris & Iovis, & Minervae, opera Sthenis; & Victoriae.

In Fronte autem Fastigii Templi hujus videnda erat Statua Victoriae, quae fulmine tacta decidit & periit, M. Marcello Claudii & M. Valerio Coss.

Columnae Porticus hujus cernuntur factae ex marmore Granito, distincto punctis nigris, albisque. Non sunt autem unius crassitudinis, aut coloris; unde liquet, huc translatas esse, ex rudibus aedificii alterius, & huic insertas. Ipsemet enim eas mensus sum, verumque id esse comperi. Capitula harum columnarum marmoris sunt Parii, uti & bases; harum structura est Ionica tota, verum capitula ordinis Dorici & Ionici, inter se mixti. Quae autem octo exinde supersunt Columnae cum Trabeatione, & parte Tympani, harum columnarum diametros est palmorum Rom. VI. & unius ferme pollicis. Exhibemus duas hujus Templi reliquiarum effigies.







T E M P L V M

I O V I S S T A T O R I S .



TEMPLUM hoc Antiquitatum Interpretes plerique collocant in ipso Foro; sed facile refelluntur. Carent quippe Antiquorum Scriptorum auctoritate, quorum id nemo testatur. Facit huc, quod Romulus pulsus sit a Sabinis, & in fugam conjectus, *toto hoc spatio, quantum est Forum*, ut testatur Livius (*Lib. I. cap. 12.*) *ad usque Palatii portam*. Ergo Romulus hoc in loco Templum posuit: ipse vero repulit postea Sabinos ad usque Vestae Templum, quod extremo ab ea parte Foro fuit. Ovidii hoc indicat carmen (*Fast. VI. v. 395.*)

*Forte revertebār festis Vestalibus, illa,
Qua Nova Romano nunc Via iuncta Foro est.*

Certa ergo hinc conjectura est; non pervenisse Forum usque ad portam Palatii, AEdemque Jovis Statoris. Habuit quoque Tarquinius Priscus domum suam apud Fanum Jovis Statoris, & illic, quum esset occisus, Tanaquil ejus uxor de fenestra, unde prospiciebatur in Viam Novam, populum fuit allocuta. Livius (*Lib. I. cap. 41.*) *Quum clamor impetusque multitudinis vix sustineri possent, ex superiore parte aedium, per fenestram in Novam Viam versus (habuit enim Rex ad Jovis Statoris AEdem) populum Tanaquil alloquitur.* Appiani autem testimonium apertissime & clarissime nostram probat sententiam. Is (*Lib. II. de B. C.*) ait: *Subduxerunt tamen invitum (Bibulum) amici in Fanum Jovis Statoris, Foro proximum.*

De eo sic Dionysius (*Lib. II. cap. 52.*) *Romulus Jovi Statori Templum posuit, apud Portam Mugoniam, ducentem e Via Sacra in Palatium.* Ovidius (*VI. Fast. v. 793.*)

*Tempus idem Stator AEdis habet, quam Romulus olim
Ante Palatini condidit ora jugi.*

Templi hujus locum antiquum Cicero ostendit, Jovem precatus his verbis, priusquam abiret in exilium, (*oratione ea cap. 10.*) *Teque, Jupiter Stator, quem vere hujus Imperii Statorem majores nostri nominaverunt, cujus in Templo hostilem impetum Catilinae repuli a muris: cujus Templum a Romulo victis Sabinis in Palatii radice cum victoria est collocatum, oro atque obtestor, ferio opem pariter Reipub. cunctaeque civitati, meisque fortunis.*

Itaque Romulus condidit hoc Templum ex voto in Bello Sabinorum, quod apertissime declarat Livius. Hujus verba sunt (*Lib. I. cap. 12.*) *Jupiter tuis avibus jussus hic, in Palatio, prima Urbi fundamenta jeci: Arcem jam scelere emptam Sabini habent, inde hic armati superata valle media tendunt. At tu, Pater Deum hominumque, hinc saltem arce hostes, deme terrorem Romanis, fugam foedam siste. Hic ego tibi Templum Jovi Statori, quod monumentum sit posteris, tua praesenti ope servatam Urbem esse, voveo.* Primus autem omnium Romulus hoc Templum Jovi Statori voverat, non autem absolverat. Post eum enim novo voto illud absolvendum statuerunt in Consulatu suo Posthumius Metellus & Atilius Regulus Coss. ut apud Livium legitur (*Lib. X. cap. 36.*) Nam Romulus Fanum tantum fecerat, qui locus templo effatus fuit, ut paullo post idem scribit Auctor (*cap. 37. in fin.*)

Perierat autem Neroniano incendio etiam Iovis Statoris aedes, quam Romulus voverat, ut notat Tacitus (*Ann. XV. cap. 11.*) Sed vel Nero ipse, vel Senatus Populusque Romanus restituendam curaverant.

Solebat in hoc Templo Senatus frequenter haberi, & conciones. Testis Cicero (*in Cat. II. cap. 6. & saepe*) Notandum est autem, quod Senatusconsulta jure fieri non poterant, nisi in loco ab Auguribus constituto, qui & *Templum* dicebatur. Et contra *Curia* erat *Templum*. Auctores Gellius & Varro. Illud enim intererat inter *Aedes sacras* & *Templa*, quod in his jure percriberentur Senatusconsulta; in illis vero numquam. Hanc tamen distinctionem nos in his Notatis non servavimus, quo facilius cognoscerentur loca, quae descripsimus.

Rudera porro Templi hujus conspiciuntur, hac aetate nostra, in ipso Foro. Forum quippe nunc amplius porrigitur in longitudinem. Et fama vetus est, viris quoque doctis in hanc sententiam consentientibus; Columnas tres striatas, quae hodie videntur in Foro Romano, prope Palatium & Hortos Farnesianos, cum admirandi opificii Epistylis & Corona, istius Templi Veteris esse monumenta, Porticu in fronte ordine columnarum duplici, in latere simplici. Nescimus autem, utrum plures paucioresque fuerint. Detur tamen tres fuisse tantum, utique loci spatium, & operis altitudo satis indicant, aedificium, cujus fuerunt, censeretur non posse in vetustis, & prisca operis. Sunt enim ordinis Corinthii, quod Vitruvius (*Lib. I. cap. 2.*) *Jovi Statori* non convenire fatetur, sed Diis hilarioribus *Veneri, Florae, Proserpinae, Nymphis*.

Columnarum vero istarum striatarum Diametros continet palmos Rom. VI. & pollices totidem marmoris Parii, ordinis Corinthii. Duae constant frustis majoribus quinque, una quatuor. Et Aedificium totum fuit marmoreum, ut e ruinis liquet.

Nonnulli putant, tres has columnas pertinuisse ad Templum Julii Caesaris; sed contra sciendum est, probabile videri non posse; Augustum extruxisse Julio Caesari Templum tantae magnitudinis, & tam divitis ac elegantis operis; ut qui non ignoraret, in quanto esset odio apud Romanorum praestantissimos recens tum nimis Julii Caesaris memoria, propter oppressam ab eo libertatem. Hae enim columnae monumenta sunt archaestonicae priscae & artis summae.





TEMP L V M

ANTONINI ET FAVSTINAE,

nunc S. LAVRENTII in MIRANDA.



FAVSTINAE TEMPLVM stetit in Via Sacra, Trebellius Pollio, in Galliено filio (cap. 1.) docet. Fuit denique hactenus statua in pede montis Romulei, hoc est, ante Sacram Viam, intra Templum Faustinae, advehta ad arcum Fabianum.

Ex Porticu Templi hujus superfunt etiamnunc Columnae decem ingentes, cum Capitulis, Epistyllis & Inscriptione hac.



DIVO. ANTONINO. ET
DIVAE. FAVSTINAE. EX. S. C

De Templo Faustinae, uxoris M. Antonini Philosophi, Capitolinus in Marco (cap. 26.) ait: Petiit a Senatu, ut honores Faustinae, aedemque decernerent. Et mox. Divam etiam Faustina a Senatu appellatam gratulatus est. Sed & fecit coloniam vicum, in quo obiit Faustina, & excitavit eidem Templum, cujus memoriam Caracalla abrogavit. Spartianus (in Antonino Caracalla, cap. 11.) Antoninus, inquit, inter Deos relatus est, habet templum, habet Salios, habet Sodales Antoninianos, qui Faustinae templum, & Divale nomen eripuit, quod ei sub Tauri (montis) radicibus fundaverat maritus, in quo postea filius hujus Elagabalus Antoninus sibi, vel Fovi Syrio, vel Soli, incertum id est, templum fecit. De morte M. Antonini Victor haec scribit (in Epitome.) Ejus morte nuncio Romam pervecto, omnes pari sensu praesumpserunt, Marcum coelo receptum esse, ob cujus honorem templa, columnae, multaque alia decreta sunt. Et idem (de Caesaribus.) Qui sejuncti in aliis Patres ac Vulgus, soli omnia decreverunt, templa, columnas, sacerdotes. De Templo Julius Capitolinus (cap. 18.) Templum ei constructum, dati Sacerdotes Antoniniani, & sodales, & flamines, & omnia, quae de sacris decrevit antiquitas. Templum igitur hoc aedificatum est, ex auctoritate & decreto Senatus, uti liquet ex Inscriptione, supraposita An. Chr. ut quidam arbitrantur, CLXXVIII.

Prope Templum Faustinae fuit Regia; in hac sacra fiebant a Rege sacrificulo, & in eam reliqui Pontifices convocabantur a Pontifice Maximo.

Martinus V. Pontifex Maximus, ex Familia Columnarum, hoc Templum Societati Pharmacopolarum dedit, An. c18000000. quod tunc gaudebat titulo Ecclesiae Canonicae. Hodie dicitur Templum D. Laurentii in Miranda.

In ipso Templo supra Portam subter Insignibus Papae Martini V. haec legitur Inscriptio.

OPTIMO. PRINCIPI. OTHONI. COLUMNAE.
MARTINO. V. PONTIFICI. MAXIMO. CIVIS.
AVTHORITATE. HOSPITALE. ERECTVM. AC.
IVS. PATRONATVS. ELARGITVM. ANNO. DOMINI.
M. CD. XXX. COLLEGIVM. AROMATARIORVM.
AMPLISSIMIS. MVNERIBVS. ET. PIORVM. FRATRVM.
ELEMOSYNIS. DECORATVM. GRATI. ANIMI.
SIGNVM. POSVIT. ANNO. DOMINI. M. DC. VII.

Columnae Templi hujus omnes ex unico & solido lapide Augusto factae sunt. Augustus enim primus hoc genus lapidis Romam advexit, ad majorem Urbis ornatum. Hic lapis Italus dicitur Pietra Cipolina, quod quasi foliis confet, seu crustulis, ad instar alii.

Diametros Columnarum est palmor. Rom. VI. & pollicum VII. ordinis Corinthii.







T E M P L V M I O V I S T O N A N T I S .



IOVIS TONANTIS Templum posuisse Augustus fertur, apud Clivum Capitolii. Suetonius id testatur (*cap. 29.*) Consecraverat hoc Augustus, *quum in expeditione Cantabrica periculo se liberatum agnosceret. Nam itinere nocturno lecticam ejus fulgor perstrinxerat, servumque praeluentem exanimarat.* Verba Suetonii etiam haec notanda sunt (*cap. 91.*) *Quum dedicatam in Capitolio AEdem Tonanti Jovi assidue frequentaret, somniavit, queri Capitolinum Jovem, cultores sibi abduci, seque respondisse, Tonantem pro Fanitore ei appositum. Ideoque mox tintinnabulis fastigium aedis redimivit, quod ea fere januis dependebant.*

Plinius (*Lib. XXXV. cap. 6.*) commemorat, quibus lapidibus fuerat exstructa haec AEdes. *Inter hos (inquit) primum (ut arbitror) marmoreos parietes habuit scena M. Scauri, non facile dixerim seclos, an solidis glebis positos, sicut est hodie Jovis Tonantis aedes in Capitolio.*

Statua Jovis, exemplar aeris Deliaci, quo Polycletus fertur fuisse usus, servabatur in hoc Templo; Plinius (*Lib. XXXIV. cap. 2.*) & ante ipsam fuerant illic statuae Castoris & Pollucis, opus *Hygiae*, seu (ut in Plinio legitur) *Hegiae*. Plinius (*Lib. XXXIV. cap. 8.*)

Reliquiae, quae etiam nunc supersunt ex hoc Templo, conspiciuntur in ipso Clivo Montis Capitolini, tres nimirum Columnae marmoreae, cum egregii operis Trabeatione, plusquam dimidia parte tenus defossae sub terram. Fuit hic angulus Vestibuli, seu Pronai Templi ipsius. Ostendit Zophorus ab AEdis latere instrumenta ac vasa sacrificiorum Veterum; diductus autem a fronte in latioris marmoris tabulas praefert unum verbum absque R.



E S T I T V E R .

Unde colligitur, instauratum aliquando Templum hoc fuisse.

Totum opus, quantum ex rudibus conjicitur, ex solidis glebis Parii Marmoris erat constructum. Effigiem autem Templi hujus exhibet Augusti Nummus.

Columnarum superstitem diametros complectitur palmos Romanos VI. pollicesque III. suntque omnes striatae, marmoreae, ordinis Corinthii.







B A S I L I C A

N E R V A E,

cujus nunc partem facit ECCLESIA S. BASILII.



NERVAE BASILICA fuit in Foro ejus: sed sunt, qui dubitent, an Basilica Nervae; an potius Templum sit Minervae; quodve potissimum AEdificium eo nomine sit censendum.

Revera tamen fuit vel Templum, vel Basilica, vel certe pars Palatii Imperatoris Nervae. Et dubitare nefas est, quin id Forum sit Nervae, ubi hoc AEdificium, vel rudera ejus ostenduntur. Verumtamen non longe hinc area Templi reperitur. Unde vicinitas duorum istiusmodi templorum fecit forte, ut alterum pro altero haberetur.

Fori hujus spatium certo posse definiri, non video. Hoc exploratum affirmo; murum veterem, uti hodie videmus, enormem & angulosum, factumque e quadratis magnisque lapidibus, una cum Arcu ad viae transitum, fuisse in finibus Fori intercisum.

Muri pars magna adhuc superest, quo nimirum Forum Nervae cingebatur, & quocum conjunctum fuit AEdificium memoratum, uti hoc ostendit adposita effigies illius. Constat hic murus saxis quadratis, cum anfractibus multis, reductisque contra architecturae elegantiam. Apparet autem exinde, viae huic contiguae & antiquae flexus alios non fuisse, quos & sequi debuit ipsa AEdificii substructio.

Fori autem totius & AEdificii adjuncti ichnographiam & orthographiam egregie descripsit nobis Antonius Labaccus, in suo de Architectura libro.

Ingentes istae Columnae tres, quibus campanaria turris Ecclesiae S. Basilii monialium superstructa est, ad marmorei AEdificii latus, reliquiae Templi Imperatoris Nervae dicuntur esse. De hoc Templo intelligendus est Plinius, in Panegyrico (*cap. XI.*) *Nervam lacrymis primum, ut filium decuit, mox templis honestasti, non imitatus illos, qui hoc idem, sed alia mente fecerunt.*

Reliquiae illius AEdificii, quae superfunt, tres sunt Columnae striatae, ordinis Corinthii, cum unica pila; omnes immerfae humo parte quadam, grandaeque, & perpulchrae, cum magnificentissima Trabeatione, ex marmore Pario factae, unde splendorem & magnificentiam AEdificii veteris conjectare possumus.

Pars Palatii Nervae, ingentibus columnis, & lapidibus quadratis ornati, cernitur etiam hodie, inter Comitum & Militiae turrim, cum inclusa Ecclesia S. Basilii. Arcus vero, qui adhuc superest, pro *Arcu Nervae*, corrupte dicitur *Arcu Noei*.

Istarum Columnarum diametros mensurae est palmorum Rom. VII. & pollic. X. omnes sunt striatae, & marmoreae, ordinis Corinthii.





T E M P L V M

P A L L A D I S.

71



DE hoc PALLADIS TEMPLO loquitur *Aurelius Victor*, in vita *Nervae*: *Dedicato, dicit, Foro, quod appellatur Pervium, quo Aedes Minervae eminentior consurgit, & magnificentior.*
Fori Palladii primus conditor fuit *Domitianus*, *Palladis* cultor devotissimus, ut *Doctores* nemo nescit. Habuit autem hoc Forum *AEdem Minervae*. Manifestissimum hujus rei indicium est fragmentum aedificii antiqui, quod hodieque cernitur in via illa recta, inter *Turrim Comitum* & *Pantanos*. Constat opere elegantissime sculpto, columnisque ordinis Corinthii. Nec dubitem, quin hoc pertinuerit ad Templum Palladis: siquidem in ejus fastigio sculptura cernitur anaglyphica. Harum una Palladem refert tunicatam sine aegide, sed galeatam, & sinistra gerentem clypeum; dextra vero, quae fracta videtur, tenuit hastam.


Martialis quoque satis indicat, hanc *AEdem* sitam fuisse, quo loco fuerat taberna, ubi vendebatur suus liber (*Lib. I. Epigr. 2.*)

*Libertum docti Lucensis quaere Secundum,
 Limina post Pacis, Palladiumque Forum.*

Hoc Forum fuit exstructum miro artificio ab *Apollodoro*. Antiquarii credidere, *Forum Romanum*, vel aliud aliquod in Palatino monte fuisse *Forum Palladium*. Sed decepit eos nomen *S. Andreae in Pallara*; nam initiales litterae eadem plane sunt, docentque, *Panvinio* affirmante, *Forum Palladium* aliud nullum esse, atque *Forum Nervae*. Rationes *Panvinii* non quidem sunt certissimae, sed tamen minime spernendae.

Hoc tempore de eo opere supersunt duae tantum Columnae, cum parte Vestibuli, in cujus Zophoro pulcherrimae cernuntur imagines anaglyphicae, & in iis sculptae Artes Palladis, ex marmore. Columnarum istarum dimidia pars propemodum obruta tellure latet, partium conspicuarum diametros est palmorum IV. & pollicum IX.





BASILICA

C A I I & L V C I I.

BASILICA CAII & LVCIJ fuit haud procul a moenibus, inter Portam Exquilinam & Naeviam. Fuerunt autem in Exquilis *Horti Caji & Lucii, Caesarum*. Hi erant nepotes Augusti ex Julia filia & M. Agrippa, adoptati ab Augusto, in spem & successionem Imperii. Horti vero illorum procul dubio fuerunt prope Basilicam & Porticum. *Basilica* haec insignis fuisse creditur, uti & Porticus, quod Augustus sub nomine nepotum, Caji & Lucii, memorandum quid statuere decreverat.

Ingens cavitus videtur ante Hortos illos. Est haec rotunditatis perfectae, sed repleta exaggeratione versus viam publicam. Hanc si diligenter consideres, dixeris fuisse lacum antiquum, effossum opere humano ad Naumachiam. Id Dion certe sentire videtur, scribens (*Lib. LXVI. prope finem.*) *Extra hunc locum pugnatum est ab aliis in horto Caji & Lucii, quem Augustus perfodi ob eam causam iusserat.* Alii hic pro horto reponunt *lucum*. Sed verisimile est & hortos & lacum fuisse in Exquilis. Exquilias enim Augustus repurgavit, sepulcris amotis, & producto pomoerio, ut locus iste fieret salubrior & ornatior.

Hic certe Nemus Caji & Lucii fuisse videtur, si quis modo accurate inspexerit ciratum modo locum Dionis, ubi ita pergit: *Ibi enim primo die bellum navale, caedesque belluarum facta est, lacu, qua parte statuas spectat, asseribus inaedificato, & foris ac tabulatis undique incluso.*

AEdificium quoddam verus decagonum e lateribus hodie in vinea quadam ostenditur, pone S. Matthaei aedem. Et sunt qui arbitrantur esse id Basilicam Caji & Lucii. Nam & Suetonius scribit (*cap. XXIX.*) *Quaedam etiam opera sub nomine alieno, nepotum scilicet & uxoris, sororisque fecit, Porticum Basilicamque Lucii & Caji.* Decepit tamen illos hodiernum loci hujus nomen, *Galluccio*, sive *Galluzzo*, veluti corruptum ex vocibus *Caji & Lucii*. Et fortasse locum hunc hodieque vocant *Thermas Galutii*. Sed incerta sunt haec omnia, quoad situm loci.

Haud longe ab AEdicula S. Mariae Aegyptiacae, quam, teste Panvinio, Pyrrhus Ligorius credit Basilicam fuisse Caji & Lucii, effosae sunt bases, cum his Inscriptionibus, e Gruteri Thesouro, (*Pag. CCXXXIV. Num. 4. & 5.*) petitis:

C. CAESARI. AVGVSTI. F
PONTIFICI. COS
DESIGNATO
PRINCIPI. IVVENTVTIS

Item.

L. CAESARI. AVGVSTI. F
AVGVRI. COS
DESIGNATO
PRINCIPI. IVVENTVTIS

Nihil autem certi hinc conficitur. Nam & egomet memini, me vidisse Romae, & per totam Italiam, quamplurimas Inscriptiones, cum suis lapidibus ex longè sejunctis locis advectas, atque tam ad ornatum, ut non amitterentur, quam ut firmiora redderentur aedificia, parietibus aedium & structurarum quarumlibet fuisse insertas.

Sunt & multi, qui existimant, hanc AEdem fuisse *Minervae Medicae*, quam Rufus & Victor huic Urbis regioni tribuunt, quaeve, quo loco fuerit, ignoratur. Nomen vero *Panthei Minervae Medicae*, quod apud Rufum legitur, quodque aedi huic adscribere videtur rotunditatem Templo Panthei similem, lectorem reddit incertior. Rev. Pat. Montefaucon fatetur, se totum pedibus ire in hanc antiquiorem sententiam eorum, qui hoc templum esse arbitrantur *Pantheon Minervae Medicae*, Nam regio ea ipsa est. Panthei formam haud obscure produnt apfides, statuis Numinum excitatae. Adhaec


O o

post

post vicum Urbi Pileati in Exquilina regione consequenter vicum Minervae Rufus enumerat. Vicus autem Urbi Pileati ab urso pileato, qui hodieque e vicino visitur, nomen mutuatus est, ut vicus Minervae a templo ejusdem nominis. Unum autem Minervae templum in Exquilina regione memoratur, videlicet Minervae Medicae, quod Pantheon ab Rufo vocatur, & proximum est Urso Pileato. Fornix adhuc superest, sed in ruinam vergens, & nisi instauretur, brevi sine adversario periturus est. Opus est lateritium, sed olim marmoribus vestitum, ornatumque columnis.

Alii contra existimant, fuisse hoc Templum *Herculis Callaici*, auctore Bruto structi, quem & *Callutium* vocant, unde natum corruptum vocabulum *Callaicus*, ex depravata veteris sermonis pronuntiatione, minime vero Caji & Lucii Basilicam, uti Fulvius volebat. Nam & Plinius (*Lib. XXXV. cap. 14.*) testatur, aedem istam ex lateritio lapide fuisse constructam, prout quoque esse cernuntur superstites hujus Templi ruinae.





BASILICA

ANTONINI,

nunc DOGANANOVA.



BASILICAM ANTONINI Victor statuit prope Columnam ejus, & erat hoc in fine Fori.


Porticus, sive Templi ruina exstabat olim in Platea *Petrae*, ut vocatur, juxta AEdem *D. Stephani de Trullo*, cujus AEdificii neque principium, neque finis apparet. Nihilominus columnae marmoreae undecim, ingentesque, quae supersunt, cum trabecatione, aliqui Basilicam, alii vero Porticum malunt dicere. Sed multo rectius ipsum fuisse Templum conjicitur: nam & hoc ostendunt parietes solidi, & pars fornicis, quae respicit aedes Seminarii Romani.

In hac Antonini Basilica, quam Victor ponit in Regione IX. conservabatur *Rationarium Provinciarum*, in quo perscripta legebantur, quot, & quanam Imperio subjectae essent Provinciae, & qui ad eas regendas missi fuissent Praefides & Rectores, ita ut haberetur *Notitia Magistratum Imperii Romani*.

His ruinis superstruxit Papa Innocentius XII. Palatium, ubi vectigalia solvuntur, cujus pulcherrimum ornamentum faciunt undecim istae superstites columnae. Architectus ejus fuit Eques Fontana.

Diametros istarum columnarum continet palmos Romanos VI. poll. V. sunt vero ex marmore Pario, ordinis Corinthii.





S E P V L C R V M

C E S T I I



Pyramis haec ingens conspicitur apud Portam S. Pauli, constructa ex lapidibus marmoreis, magnis, & quadratis. Olim ea sita erat extra Urbis moenia, sed ab Aureliano ita muris est inserta, ut pars ejus introrsum, pars vero extrorsum vergat. Tota haec moles est quadrata, figura pyramidalis, ad modum ignis in acutum tendens, dictaque Pyramis ἀπὸ τῆς πυρός. Licet alii aliud vocis etymon adferant, a genere scilicet lapidis Thebaici, apud Aegyptios, quem πυροπόκιλον vocant Graeci.

Fuit haec moles Sepulcrum C. Cestii VII. Viri Epulonum. Liquet hoc ex titulo, inciso in utroque latere, intra Urbem versus Septemtriones, & extra illam versus Austrum.

C. CESTIVS. L. F. POB. EPVLO. PR. TR. PL
VII. VIR. EPVLONVM

In altera vero parte extra Urbem, quae spectat Austrum, litteris multo minoribus, haec duntaxat legas.

OPVS. APSOLVTVM. EX. TESTAMENTO. DIEBVS. CCCXXX
ARBITRATV
PONTI. P. F. CLA. MELAE. HEREDIS. ET. POTH. L

At paullo infra, in latere utroque versus Septemtriones & Austrum.

INSTAVRATVM. AN. DOMINI. M DC LXIII

Epulones autem erant genus Sacerdotum, auctoritate & opibus alios omnes vincientium. Ita dicebantur ab epulis, teste Cicerone (*III. de Orat.*) quoniam epulas Diis instruendi potestatem haberent, & indicere lectisternia cum epulis.

Alexander VII. Pont. Max. decrevit, hoc sepulcrum Cestii, jam ruinam minitans, restituere. Terra ergo egerenda & amovenda fuit, donec perveniretur ad operis crepidinem, ad altitudinem palmorum XXII. Hic tum reperiabantur sparsim jacentia columnarum fragmenta, operis striati, quae erectae positaeque sunt ad latus Pyramidis Septemtrionale, supra crepidines, ex lapide Tiburtino ibidem inventas; ea parte Pyramidis, qua per ostium illius ad interiora patet introitus. Inventae & bases, uti & egregii operis capitula. Eodem quoque tempore duae bases quadratae e marmore sunt repertae, super una earum pes adhuc conspicitur aereus, unde colligitur statuæ altitudo, palmorum XIV. vel XV. Hanc positam fuisse C. Cestio, ex Inscriptione patet, quae eadem legitur in utraque basi, unde & duas eidem positas fuisse statuas, non est dubium. In Basibus ambabus legebatur, unius exempli & argumenti, Titulus.


M. VALERIVS. MESSALA. CORVINVS
P. RVTILIVS. LVPVS. L. IVNIVS. SILANVS
L. PONTIVS. MELA. D. MARIVS
NIGER. HEREDES. C. CESTI. ET
L. CESTIVS. QVAE. EX. PARTE. AD
EVM. FRATRIS. HEREDITAS
M. AGRIPPAE. MVNERE. PER
VENIT. EX. EA. PECVNIA. QVAM
PRO. SVIS. PARTIBVS. RECEPER
EX. VENDITIONE. ATTALICOR
QVAE. EIS. PER. EDICTVM
AEDILIS. IN. SEPVLCRVM
C. CESTI. EX. TESTAMENTO
EIVS. INFERRE. NON. LICVIT

Pyramidi crepido e Tiburtino lapide subtrata est trium palmorum & dodrantis altitudine, opus fusti-

fustinens, quod CLXV. palmos cum besse altum, in quadrum ad CXXX. palmos protenditur, laeminis undique marmoreis candidissimis obtectum, sesqui-palmi crassitie, reliquas ab omni latere paries XXXVI. palmos crassus est. Statim supra crepidinis planitiem conclave continetur XXVI. palmos longum, latum XVIII. altum XIX. Haec interior cavitas facta erat, ad cadavera plura recipienda; parietes pictis candelabris, vasis vinariis, tibiis, mulierum lugentium, & geniorum alatorum imaginibus pulchre illustrati.

Sunt, qui arbitrantur, harum imaginum pictorem fuisse Pacuvium Poëtam, alii Arellium, magni nominis pictorem, quem Plinius (*Lib. XXXV. cap. 10. sub finem*) reprehendit, quod Dearum imagines pingeret, ad similitudinem dilectarum mulierum.





SEPVLCRVM

BIBVLI.



Ub Capitolio, qua parte Mons ipse Forum Trajani spectat, ad Macellum Corvorum, sic dictum a Familia Corvina, sive Corvinorum, exstat adhuc monumentum Sepulcri cum hac Inscriptione.




C. POBLICIO. L. F. BIBVLO. AED. PL. HONORIS
VIRTVTISQVE. CAVSSA. SENATVS
CONSVLTO. POPVLIQ. IVSSV. LOCVS
MONVMENTI. QVO. IPSE. POSTEREIQVE
EIVS. INFERRENTVR. PVBLICE. DATVS. EST

Ex hoc titulo liquet, fuisse hunc C. Publicium Bibulum AEdilem Plebis. Quia vero in Urbe nemo sepeliebatur, ideo honoris illius Viri, virtutisque causa, in ipso Sepulcri titulo adscriptum id fuisse, cognoscitur. Neque tamen clare satis indicatur; fueritne hoc Monumentum in ipsa Urbe, aut extra illam; quamvis vel exinde satis constet, intra moenia fuisse, quia caeteroqui privilegio non fuisset opus. Similis enim beneficii privilegium Claudii publice concessum fuisse legimus, quorum sepulcrum erat prope Portam Carmentalem. Testis Suetonius, in Tiber. (cap. 1.) *Agrum, inquit, insuper trans Anienem clientibus, locumque sibi ad sepulturam sub Capitolio publice accepit.* Itaque Romanae consuetudinis fuisse hinc conjicitur, ut bene de Repub. meritis de publico sepulcra in hac Urbis parte darent.

Verba haec Inscriptionis, SENATVSCONSVLTO POPVLIQVE IVSSV, ostendunt, datum & positum fuisse hoc Sepulcrum, quo tempore maxima fuit Reipub. potentia & auctoritas.

Hoc autem *Publicii Bibuli* Sepulchrum fuit, ab altera parte Capitolini Montis, prope Portam Triumphalem. Effigies aeri incisa exhibet quidquid ex eo etiam nunc superest.





MAVSOLEVM

31

sive SEPVLCRVM HADRIANI,

nunc CASTRVM S. ANGELI.



Sepulcrum suum, sive Molem hanc aedificavit Hadrianus, ad ripam Tiberis, juxta sui nominis Pontem, non longe ab Hortis Domitiae. Capitolinus, in Antonino (*cap. 5.*) Hadriano, apud Bajas mortuo, reliquias Antoninus Romam pervexit, sancte ac reverenter, atque in Hortis Domitiae collocavit, hoc est, in Sepulcro, quod ipse sibi construxerat. Testis Dion, in Hadriano (*in fine*) Sepultus est in ripa Fluminis, juxta Pontem Aelium, illic enim sepulcrum conditum: jam enim Augusti monumentum repletum erat; nec ququam amplius in eo sepeliebatur. Spartianus. (*cap. 19.*) Fecit & sui nominis Pontem, & Sepulcrum juxta Tiberim. Inscriptio sequens hoc ostendit.

L. AELIO. CAES. DIVI. HADRIANI.

AVG. P. COS. III. P.

In hoc autem ipse primus creditur sepultus fuisse, atque post eum omnium Antoninorum cineres conditos illic esse docent Inscriptiones, & in iis haec sequens.

IMP. CAES. DIVI. TRAIANI. PARTHICI. FILIO
DIVI. NERVAE. NEPOTI. TRAIANO. HADRIANO
AVG. PONT. MAX. TRIB. POT. XXII. IMP. II
COS. III. P. P. ET. DIVAE. SABINAE
IMP. CAESAR. T. AELIVS. HADRIANVS
ANTONINVS. AVG. PIVS. PONT. MAX. TRIB. POT. II
COS. DES. III. P. P. IMP. II

PARENTIBVS. SVIS

Antonini Pii epitaphium, in Hadriani mole, Romae.

IMP. CAESARI. T. AELIO. HADRIANO
ANTONINO. AVG. PIO. PONTIF. MAXIM
TRIB. POT. XXIII. IMP. II COS. III. P. P.

Sic & Lampridius, in vita Commodi (*cap. 17.*) narrat, jussu Pertinacis, Commodum fuisse translatum in monumentum Hadriani. Et Julius Capitolinus, in Vero (*cap. 11.*) Veri cadaver illatum fuisse in illud idem sepulcrum. Errant enim, qui hoc de Severo intelligunt, quia hic Auctor loquitur de Aelio Vero, & quod in eodem etiam Pater ejus naturalis fuerat sepultus.

Quod vero attinet ad Severi cadaver, de eo Spartianus refert (*in vita Severi cap. 24.*) Severi Imp. urnulam auream, reliquias ejus continentem, in Antoninorum sepulcro illatam esse. De cadavere autem ejus scribit. Severus illic, ubi vita functus est, incensus fuit.

S s

Proco-

Procopius his verbis describit totam molem: (*Lib. I. cap. 18. in initio*) *Hadriani quondam Imp. sepulcrum extra portam Aureliam* (Alii hic legunt *AEliam*) *jacu lapidis impositum. Primus ejus ambitus quadrati figuram habet. Constat enim totus ex marmore Pario, summa artificum diligentia aedificatus. In medio vero hujus quadrati rotunda moles assurgit, excelsa altitudine, & tanta, ut in suprema ejus parte area sit, cujus diametros vix jacu lapidis transigitur.*

Itaque moles haec Hadriani duos habuit ambitus: primus quadratus ex solidis lapidibus fuit: interior rotundus ex lapidibus coctis, in crustatus Pario marmore; habuitque duplicem columnarum ordinem, quas nunc translatas videmus ad S. Petri Basilicam ornandam. Sed Montefauconius adnotat, Molis Hadrianae columnas in Ecclesiam S. Pauli exportatas fuisse; atque Casinenses Monachos id tenere, ex antiquis instrumentis mutuatos: Columnae porro istae, numero LXXX. forma spectabili, totam Ecclesiae molem sustinent. In istarum columnarum locum, novo muro tota moles est circumdata, ad Arcis munitionem. Pontifices enim Arcem ex hac mole construxerunt munitissimam, complexi utrumque hunc ambitum Sepulcri Hadriani, quam vocarunt *Castrum S. Angeli*, coque utuntur ad Urbis ipsius coercitionem.

Fuit in summo fastigio antiquitus ornata statuis & signis hominum, equorum, quadrigarumque, omnibus miro artificio elaboratis, ex Parii marmoris genere albilimo. Manderunt autem haec decora inviolata, usque ad bellum Gothicum secundum. Tunc enim milites Belisarii partim sunt demoliti integra relicta; partim quae erant fracta dejecerunt in hostes. Deceant enim instrumenta belli alia & idonea, quibus se defenderent, ita ut necessitate cogerentur, fragmentis statuarum hostes, scalis ascendentes repellere.

In cacumine molis hujus stetit olim *Nux aenea*, inaurata, inusitatae magnitudinis: & credebantur a multis, quamvis ex conjectura penitus incerta, cineres & ossa Hadriani servata fuisse in hac Nuce, quae nunc in Palatii Pontificii loco, *Belvedere* dicto, posita conspicitur, una cum duobus pavonibus aeneis, inauratis, qui quatuor olim fuisse teruntur. Nucem autem hanc pineam ideo sepulcro impositum fuerant, ut planctum adumbraret Magnae Deum matris, occiso Aty Sacerdote ejus, qui in pinum conversus fingitur. Pavones addebantur, ut ostenderetur, Augustas etiam in hoc sepulcro fuisse conditas. Placebat enim Imperatoribus, ut vulgus crederet uxores Imperatorum, in consecratione, alis pavonum, Junonis exemplo, in coelum vehi, uti hoc ex Numismatibus satis liquet, & constat.

Est id autem in hac mole maxime mirandum, quod intus rota oppleta & obstructa cernitur, vixque unis sufficiens scalis locus sit relictus, ad descensum in ejus interiora. Dixeris constructam potius munimento cuidam bellico, quam monumento sepulchrali. Tot nempe sumptuum & laboris impendebant Romani, ut aeternam & manentem firmitatem aedificiis suis darent, nominisque sui memoria foret immortalis & sempiterna.

Caeterum, si Spartiano credimus (*cap. 8.*) Antoninus Pius Hadriani Patris sepulcrum instauravit, eique Templum dedicavit.

Bonifacius IX. Mausoleum Hadriani primus in Arcis formam construxit; post eum Alexander VI. munitiones illius multum firmavit; Paulus IV. novas majoresque adjunxit; hunc postea secutus Pius IV. hinc inde diruta a Philiberto Auriaco, Borbonii Ducis exercitus Caesarei succellore, moenia Castri hujus restauravit; denique Urbanus VIII. hanc Arcem variis modis reficiendam curavit, munivitque quinque propugnaculis, fossisque profundis: quo tempore e fundo terrae eruta fuerunt plurima statuarum frustra, quae milites Belisarii in hostes dejecerant.





MAVSOLEVM

AVGVSTI



DE Mausoleo hoc illustris Suetonii locus est, in Augusto (*cap. 100. in fin.*) *Augustum*, inquit, in Mausoleo condiderunt, id opus inter Flaminiam viam, ripamque Tiberis sexto (alii legunt tertio) suo Consulatu exstruxerat, circumjectasque silvas, & ambulationes in usum populi, tunc jam publicarat. Tacitus (*Lib. IV. Ann. cap. 44. §. 5.*) hoc Mausoleum vocat Octaviorum tumulum, quemadmodum Caji Julii tumulus legitur, in Epit. Livii (*Lib. CXL*) Et Strabo, in descriptione campi Martii (*Lib. V.*) Commemoratione dignissimum est, quod Mausoleum appellant: excelsis fundatum molibus, lapide niveo, & perpetuae viriditatis arboribus coopertum, in summum usque verticem, ad fluminis ripam exaggeratum. In summo autem positum est Caes. Augusti simulacrum, ex aere fabricatum. Sub aggere ipso sunt ejus loculi, & cognatorum, & necessariorum: a tergo vero lucus est, mirifica continens ambulacra. In medio autem Campi spatio ejus busti exstat ambitus, & hic ipse niveo perfectus lapide, ferreos in circuitu cancellos habens, & plantatas interius prae se ferens populos. Exstat vero etiam nunc interior murus orbicularis, reticulato opere: cum tamen olim, ut videtur, tres fuerint muri, invicem distantes, quorum intervalla rursus spatii quibudam distinguebantur, ut loculi plures efficerentur, quo seorsum condi singuli possent.

Voluerat enim Augustus, ut Mausoleum hoc non suum modo, sed omnium quoque cognatorum & Imperatorum esset sepulcrum. Augusti autem sepulcrum hic in medio locum suum habuit, a lateribus autem in muro conspiciebantur effossi loculi cognatorum & amicorum, quibuscum communem sibi esse illam sepulturam mandaverat. Testatur hoc Albinovanus (*Consol. ad Liviam, v. 65.*)

Vidimus erepta moerentem stirpe sororis.

Luctus, ut in Druso, publicus ille fuit.

Condidit Agrippam, quo te, Marcelle, sepulcro;

Et cepit generos jam locus ille duos.

Vix posito Agrippa, tumuli bene janua clausa est:

Perficit officium funeris, ecce, soror.

Ecce, ter ante datis jactura novissima Drusus

A magno lacrimas Caesare quartus habet.

Claudite jam, Parcae, nimium reſerata ſepulcra;

Claudite: plus juſto jam domus iſta patet.

Etiam Tacitus aperte testatur, Germanici cineres illatos fuisse in hoc Mausoleum (*Lib. III. cap. 115. Ann.*) Dies, inquit, quo reliquiae tumulo Augusti inferebantur, modo per silentium vastus, modo plorantibus inque, plena Urbis timera, conlucentes per Campum Martis faces.

Augustus testamento jusserat, ut res a se gestae, tabulis aeneis incisae, ante molem tumuli sui suspenderentur. Dicitur & hic locus in laudem Augusti, Pacis & Victoriae, & P. P. inscriptionem habuisse, & olim fuisse incrustatus marmore Lunenti. Interior murus, multis figuris, & ornamentis reticulato opere variatus. Opus ipsum erat rotundum, sed intrinsecus ad fastigium ejus ascendebatur via plana, & cochlearum more paulatim allurgente, quod ex structura quatuor, aut quinque clavium, inemet praesentem observasse, memini.

Locus vero, ubi combustus fuerat Augustus, in Campo erat medio, albo distinctus saxo, ferreisque cancellis, & umbrosa arborum corona. Hinc colligunt, credibile videri, fuisse illic exusta quoque Augustorum, succellorum illius, cadavera, vel cadaverum certe simulacra, & effigies. Herodianus (*Lib. IV. cap. 2.*) Letum extra Urbem perferunt in Martium Campum, ubi, qua latissimum Campus patet, suggestus conjungit.

Habuit haec moles in parte anteriore duos Obeliscos, quorum unum ad AEdem Liberianam Maximae

ximae Virginis in Exquilis, per Sixtum V. erectum videmus: alter vero fractus sub terra latet a tergo Aedis D. Rochi.

Inventa hic quoque fuit talis Inscriptio.


PRO C. MAVSOLEI
M. VLPIVS
AVG. L. AEGLVS
IMAGINEM
CORINTHIAM
TRAIANI CAESARIS
COLLEG. FAENARIOR
D. D.

Inventum hic est aliud quoque marmor, cum hoc Epiraphio.

DIS. MANIB
M. VLPIO
MARTIALI
AVG. LIB
A. MARMORIBVS

Subter hoc AEdificium ingentes adhuc reperiuntur cellae, profundissimaeque, in quibus hodie reconduntur vina plurima, frigoris causa, adversus aestum Solis. Sunt & hic varia ambulacra, ruinis hinc inde, ut ipsemet vidi, oppleta.





SEPVLCRV M

five COLUMNNA TRAIANI.



COLUMNNA haec, jussu Senatus Populique Romani, erecta est, in honorem & memoriam perpetuam Imperatoris Trajani, prout ex illius patet Inscriptione, in basi.

SENATVS. POPVLVSQVE. ROMANVS
IMP. CAESARI. DIVI. NERVAE. F. NERVAE
TRAIANO. AVG. GERM. DACICO. PONTIF
MAXIMO. TRIB. POT. XVII. IMP. VI. COS. VI. P. P
AD. DECLARANDVM. QVANTAE. ALTITVDINIS
MONS. ET. LOCVS. TAN BVS. SIT. EGESTVS

In ultimo versu Inscriptiois hujus desunt syllabae aliquot, has Marlianus ita supplet *TANTIS operibus*. Egnatius *TANTIS opibus*. Donatus *TANTIS ex collibus*. Gruterus *TANTIS rudibus*. Tot modis Viri docti restituere hanc Inscriptioem, in ultimo versu detritam, sunt conati. Sed Montefauconius (*in Diario suo*) veram ejus lectionem adtulit, ex Anonymo quodam, edito a V. Cl. Mabillonio (*in IV. Analecti. Tomo pag. 502.*) MONS. ET. LOCVS. TANTIS. OPERIBVS. SIT. EGESTVS. Addit Montefauconius; Marlianus veram attigit lectionem TANTIS. OPERIBVS. Nemo enim arbitretur, Anonymum IX. seculi conjecturis Inscriptioem hanc restituisse, sed qualis suo tempore legebatur, integram intactamque exarasse.

Suspiciantur, Trajanum ipsum Columnnam hanc numquam vidisse; eo quod, e Persis rediens, in itinere apud Seleuciam, Ciliciae urbem, fluxu sanguinis decesserit.

Columnna haec fuit posita, ut ossa Trajani sub ea quiescerent, & cineres ejus illic custodirentur Testis Dion (*Lib. LXIX. in initio.*) *Traiani, inquit, ossa in illius Columnna condidit.* Et Cassiodorus (*in Chronico*) *Ossa in urna aurea collocata, sub Columnna Fori, quae ejus nomine vocatur, recondita sunt.* Eutropius (*Lib. VIII.*) scribens. *Solus omnium intra Urbem sepultus.* Verumtamen hoc fuisse privilegium facile concedimus, sed non uni huic tributum. Cicero enim (*Lib. II. de Legibus cap. 23.*) Legem XII. Tab. ea de re sancitam, ita interpretatur. *Hominem mortuum, inquit, Lex in XII. Tabulis, in Urbe ne sepelito, neve urito (credo vel propter ignis periculum. &c.)* Clari tamen Viri interdum in Urbe sepeliebantur, singulari privilegio, quorum posteri, teste Cicerone (*ibid.*) hoc jure tenuerunt; & ii, qui Legibus erant soluti, ut Imperatores, & Virgines Vestales, qui sepulcra sua habebant in ipsa Urbe.

At cur sub Columnna? Ejus rei haec ratio redditur. Apud Majores, Principes, nobilesque viri sub montibus sepeliebantur. Virgilius huc respicit, dicens, (*VI. Aeneid. v. 234.*)

*Monte sub aërio, qui nunc Misenus ab illo
Dicitur.*

Neque tamen omnibus in locis, ubi sepulcra erant excitanda, montes reperiebantur. Hinc factum; ut super cadavera, aut pyramides fierent, aut ingentes aedificarentur turres, & columnae. Dicta vero columnna putatur, quod culmen sustineret: sed postea etiam ad pompam & magnificentiam erigebantur.

Columna haec tota, intus & foris, ex marmore Pario est constructa, lapidibus constans integris & majoribus XXXIII. stylobata constar VIII. frustis ingentibus: plinthus unico: torus unico: scapus XXII: capitulum unico: stylobata statuae unico. Ad summum ejus culmen ascenditur per gradus CLXXXV. qui illustrantur fenestris XLIII.

Extrinfecus insculptae sunt, opere anaglyphico, res gestae Trajani, in bellis contra Armenios, Parthos & Dacos, Regemque eorum Decebalum. Dividitur autem hoc Bellum in expeditiones duas, in medio Columnae hujus divisas, ab intermedio Victoriae simulacro, ab utraque parte tropaeis cincto, in quibus conspiciuntur insignia gentium Dacorum & Sarmatarum, ut videre licet in effigie Columnae hujus (n. 58.) Bella vero haec repraesentantur imaginibus MMD. magnitudinis propemodum palmorum trium, & quod admirabilius habetur, opera unius sculptoris & scalpri.

In hac Columna conspiciuntur munitionum formae plures, pontes, propugnacula, navesque, opera quoque militaria plurima, lignantium, fossas agentium, adaquantium equos, castra metantium, aedificantium, in triumpho euntium, tropaea ferentium. Habentur & in ea formae galearum, thoracum, scutorum, clypeorum, zonarum, lituorum, pugionum, pilorum, gladiatorum, pharetrarum, armorumque aliorum; trajectory item, castra, adlocutiones, sacrificia, pugnae, & victoriae in ea cernuntur. Apollodorus, statuarius celeberrimus, Architectus hujus Columnae fuisse scribitur.

In fastigio habuit colossus, seu statuam ipsius Trajani, ex aere inaurato, cujus sinistra tenebat hastam, dextra vero orbem, seu pilam auream, & intra eam reconditi ejus servabantur cineres, ut volunt aliqui. Alta fuit haec statua pedes Romanos XXI. at vero, ut Bellorius numerat XVIII. Pondus totius Columnae fuit quinquagies decies centenorum millium librarum. Deprehendit enim Camillus Agrippa, Mediolanensis Architectus, exacto calculo, eam molem aequare bis mille centum admodum mensuras, quas Romani vocant *Carrettate*, quarum singulis palmis octoginta libras tribuunt.

Haec tam sumptuosa & praeclara moles merito suo illustre habetur Romanae potentiae, & magnitudinis argumentum; Memphiticis certe Pyramidibus nulla parte est inferior, nec minoris aestimanda.

Paulus III. Pontif. Max. totam ejus basin, ruderibus obrutam, erui & detegi curavit, ita ut nunc circui possit. Dominicus autem Fontana Eques eam restauravit, omnibus in locis, ubi quid corruptum, aut a temporum injuria deletum reperiebatur, jubente Sixto V. qui & An. cdo Io LXXXVII. in locum statuae Trajani, quae inde deciderat, aut fuerat ablata, restituit super hanc Columnam simulacrum Sancti Petri, altum palmos Rom. XIX. ex aere deaurato. Est autem eum in modum constituta, ut spectet in Vaticanum, ubi augustissimum ejus est templum.

In Fastigio Columnae, ad S. Petri pedes incisa, & in quatuor partes distincta, legitur haec Inscriptio.

SIXTVS. V. B. PETRO. APOSTOLO. M D LXXXVIII.

Columna tota, ab ejus imo, usque ad Sancti Petri capitis verticem, alta est palmos Romanos CXCIII. cum dimidio. Diametros ejus prope basin complectitur palmos XVI. cum sesqui pollice, ita ut hic diametros totidem in se contineat pollices, quot moles tota palmos alta esse cognoscitur.

FINIS TOMI PRIMI.

I N D E X

E F F I G I E R V M.

Ut Operi inferantur e regione Titulorum a Bibliopego.

Effigies primi Tomi omnes Notam habent Lit. a

T O M V S I.

Num.		Pag.	Num.		Pag.
	<i>Titulus Generalis.</i>		16.	<i>Templum Fauni.</i>	31
	<i>Effigies Tituli.</i>		17.	<i>Veneris & Cupidinis.</i>	33
	<i>Titulus Operis. Tom. I.</i>		18.	<i>Romuli ad radices M. Palatin.</i>	35
	<i>Dedicationis Effigies.</i>		19.	<i>Romuli & Remi in Foro Rom.</i>	37
	<i>Explicatio illius.</i>		20.	<i>Pacis.</i>	39
	<i>Dedicatio.</i>		21.	<i>Panteon.</i>	41
	<i>Effigies Auctoris.</i>		22.	<i>Templum Minervae.</i>	45
	<i>Praefatio Auctoris.</i>		23.	<i>Saturni.</i>	47
	<i>Admonitio ejusdem ad Lectorem.</i>		24 & 25.	<i>Veneris & Romae. II. Tab.</i>	49
	<i>Editoris Praefatio.</i>		26.	<i>Iani.</i>	51
	<i>Privilegium.</i>		27.	<i>Iunonis Reginae.</i>	53
	<i>Typus Urbis Romae.</i>		28.	<i>Fortunae Virilis.</i>	55
1.	<i>Porta Flumentana.</i>	1	29.	<i>Herculis in Foro Boario.</i>	57
2.	<i>Collatina.</i>	3	30.	<i>Iovis Capitolini.</i>	59
3.	<i>Agonensis.</i>	5	31 & 32.	<i>Concordiae. II. Tab.</i>	61
4.	<i>Viminalis.</i>	7	33.	<i>Iovis Statoris.</i>	63
5.	<i>Querquetulana.</i>	9	34 & 35.	<i>Antonini & Faustinae. II. Tab.</i>	65
6.	<i>Exquilina.</i>	11	36 & 37.	<i>Iovis Tonantis. II. Tab.</i>	67
7.	<i>Laticana.</i>	13	38.	<i>Basilica Nervae.</i>	69
8.	<i>Coelimoniana.</i>	15	39.	<i>Templum Palladis.</i>	71
9.	<i>Gabiusa.</i>	17	40.	<i>Basilica Caii & Lucii.</i>	73
10.	<i>Valeria.</i>	19	41.	<i>Antonini.</i>	75
11.	<i>Capena.</i>	21	42.	<i>Sepulcrum Cestii.</i>	77
12.	<i>Navalis, vel Trigemina.</i>	23	43.	<i>Bibuli.</i>	79
13.	<i>Navalis Ripae.</i>	25	44.	<i>Mausoleum, sive Sepulcrum Hadriani.</i>	81
14.	<i>Aurelia.</i>	27	45.	<i>Augusti.</i>	83
15.	<i>Fontinalis.</i>	29	46.	<i>Sepulcrum, sive Columna Trajani.</i>	85

RELIQVIAE
ANTIQVAE
VRBIS ROMAE,

Quarum singulas

INNOCENTIO XI. ALEXANDRO VIII. & INNOCENTIO XII.
P P. M M.

diligentissime perscrutatus est, ad vivum delineavit,
dimensus est, descripsit, atque in aes incidit


BONAVENTURA AB OVERBEKE.

OPVS POSTVMVM

MICHAEL AB OVERBEKE

fuis sumptibus edi curavit.

TOMVS II.



AMSTELAEDAMI

excudit IOANNES CRELLIVS. Anno cdo Idcc viii.
CVM PRIVILEGIO.

THE NEW YORK
PUBLIC LIBRARY

ASTOR LENOX TILDEN FOUNDATION
1200 Broadway New York City

THE NEW YORK
PUBLIC LIBRARY





L' A R C D E T I T E.



L'Arc de TITE, qui est bâti de Marbre, & le plus ancien qu'il y ait aujourd'hui, est situé entre la Place Romaine & l'Ampithéâtre de Flavius, tout auprès de l'Eglise de S. Marie la Neuve.

L'Inscription suivante nous apprend qu'il fut érigé à l'honneur de Tite par le Senat & le Peuple Romain.



SENATVS
POPVLVSQVE. ROMANVS
DIVO. TITO. DIVI. VESPASIANI. F
VESPASIANO. AVGVSTO

C'est-à-dire, *Le Senat & le Peuple Romain consacrent ce Monument à l'honneur de Tite Vespasien Auguste, Fils de Vespasien.*

Lucius Faunus rapporte une autre Inscription, qui fut trouvée dans le voisinage, parmi des ruines, & qui étoit peut-être sur la façade du second Arc. La voici,

IMP. TITO. CAESARI. DIVI. VESPASIANI. F
VESPASIANO. AVG. PONTIFICI. MAXIMO
TRIB. POT. X. IMP. XVII. COS. VIII. P. P
PRINCIPI. SVO. S. P. Q. R
QVOD. PRAECEPTIS. PATRIS. CONSILII. SVE. ET
AVSPICIS. GENTEM. IVDAEORVM. DOMVIT. ET
VRBEM. HIEROSOLYMAM. OMNIBVS. ANTE. SE
DVICIBVS. REGIBVS. GENTIBVSQVE. AVT. FRVSTRA
PETITAM. AVT. OMNINO. INTENTATAM. DELEVIT

C'est-à-dire, *Le Senat & le Peuple Romain consacrent ce Monument à la gloire de Tite Cesar Vespasien Auguste, Fils de Vespasien, Souverain Pontife, Tribun pour la 10. fois, Imperator pour la 17, Consul pour la 8, Pere de la Patrie, leur Prince, pour avoir, par les conseils & sous les auspices de son Pere, domté les Juifs, & détruit la Ville de Jerusalem, que tous les Généraux d'Armée, avant lui, plusieurs Rois & Nations avoient attaquée inutilement, ou dont ils n'avoient osé faire le Siege.*

Son Triomphe des Juifs est représenté en relief sur les Murailles, au dessous de la voute de cet Arc. D'un côté, on y voit l'Empereur dans un Char, couronné par une Victoire ailée, l'Arche de l'Alliance vient ensuite, & il y a des Licteurs, ou des Sergens, qui précèdent avec douze faisceaux. De l'autre côté paroissent les Trophées, le Chandelier d'or, les Tables de la Loi, & plusieurs Vases du Temple de Jerusalem. Tite est au milieu de la Voute, sur un Aigle, dont les ailes sont déployées, & qu'il tient de l'une & de l'autre main. Les Juifs représentés sur les Façades, avec les mains attachées derrière le dos, sont conduits en esclavage, comme un troupeau de Bêtes. On peut lire Jofephe là-dessus (*Liv. VII. de la Guerre des Juifs, Ch. 24.*) où il parle de la magnificence de cet Arc, & de la pompe de ce Triomphe.

Il y en a qui croient que cet Arc fut érigé après la mort de Tite ; parce qu'il y paroît sur un Aigle , & qu'ils prennent cela pour une marque de son Apothéose. Il semble même qu'Herodien est de cette opinion , lors qu'il parle (*Lib. IV. cap. 2.*) en ces termes : *Car, dit-il, c'est la coutume des Romains, de consacrer les Empereurs, qui laissent des Enfants, ou des Successeurs, après leur mort; & ceux à qui l'on fait cet honneur, sont mis, à ce qu'ils prétendent, au rang des Dieux.* Quoi qu'on n'accordât cet honneur à personne, qu'après que le Corps étoit inhumé, que les Ceremonies des Funeraillies étoient achevées, & que le Bûcher étoit réduit en cendres; Angelo & Nardin veulent que cet Arc fut élevé durant la Vie de Tite, & que l'Epithète de *Divus*, que l'Inscription lui donne, n'est pas une preuve du contraire, puis qu'on le donnoit quelquefois aux Empereurs vivans. Mais je ne suis pas de leur avis, apuié sur le témoignage de Tacite, (*Ann. XV. cap. 74. § 4.*) qui dit, *Je trouve dans les Commentaires du Senat, que Cerealis Anicius désigné Consul fut d'opinion, Qu'on élevât au plutôt, & aux dépens du public, un Temple à l'honneur du Divin Neron. Anicius le lui decernoit, comme s'il avoit déjà quitté le faite des Grandeurs mortelles, & qu'il méritât la veneration des Hommes; mais ce n'étoit qu'un présage de sa mort future : car un Prince n'est mis au rang des Dieux, qu'après qu'il a cessé de vivre entre les Hommes.* J'embrasse donc le sentiment d'Olaus Borrichius, qui s'exprime de cette maniere : *Je suis persuadé, dit-il, que cet Arc fut érigé, après la mort de Tite, comme son Apothéose, qui paroît sur la Voute, en est une preuve sensible. On y voit cet Empereur sur le dos d'un Aigle, prêt à s'envoler au Ciel, & je m'étonne qu'Angelo, & Nardin, qui est d'ailleurs fort exact, n'y aient pas pris garde.*

Les Colomnes en sont canelées, de Marbre de Paros, & de l'Ordre composé; & leur Diametre est de 2 Palmes Romains & 10. Pouches.

Nous donnons ici trois différentes Estampes de cet Arc, afin qu'on en puisse mieux connoître toutes les parties.









A R C V S S E P T I M I I S E V E R I

3



RCVS SEPTIMII SEVERI exstat etiamnum ad radices Capitolii, cum hac Inscripti-
one.



IMP. CAES. LVICIO. SEPTIMIO. M. FIL. SEVERO. PIO. PERTINACI. AVG. PATRI. PATRIAE. PARTHICO. ARABICO. ET
PARTHICO. ADIABENICO. PONTIFIC. MAXIMO. TRIBVNIC. POTEST. XI. IMP. XI. COS. III. PROCOS. ET
IMP. CAES. M. AVRELIO. L. FIL. ANTONINO. AVG. PIO. FELICI. TRIBVNIC. POTEST. VI. COS. PROCOS. P. P
OPTIMIS. FORTISSIMISQVE. PRINCIPIBVS
OB. REM. PVBLICAM. RESTITVTAM. IMPERIVMQVE. POPVLI. ROMANI. PROPAGATVM
INSIGNIBVS. VIRTVTIBVS. EORVM. DOMI. FORISQVE. S. P. Q. R

Fuere quondam hujus Inscriptionis litterae aerae omnes, & bipedales, sed a Gothis, in Urbis dire-
ptione, erasae & sublatæ.

Arcus iste in Imperatoris hujusce honorem positus, erectusque est, Parthis altera jam vice devictis,
Herodiano (*Lib. III. cap. 9.*) & Dione (*Lib. LXXV.*) testibus, eodemque tempore florentibus.

Marianus, Panvinus & Nardinus, uti & Hadrianus Auzoutius, vir antiquitatum omnium scientissi-
mus, affirmant; Severo mortuo, ab Antonino Caracalla malignissime erasum fuisse verum quartum,
in quo haec verba fuisse suspicantur.

ET. P. SEPTIMIO. GETAE. NOBILISSIMO. CAESARI. OPT

In quorum locum haec, quae superius leguntur, subicere jussit.

OPTIMIS. FORTISSIMISQVE. PRINCIPIBVS

Est haec autem conjectura non prorsus vana; siquidem marmoris superficies aliquanto hic est depres-
sior, & indicat, priores litteras erasas esse, substitutis aliis, & ipsae litterae non ejusdem sunt magnitudi-
nis, qua aliae. Idem Caracalla simili forte modo delevit, & mutavit quaedam in Arcu Severi, in Foro
Boario.

Ad hujus Arcus superius spatium ascensus est, per gradus quinquaginta marmoreos.

In parte Arcus suprema, seu planitie tecti, conspicuus olim fuit ipse Imperator Caracalla cum
Patre & Fratre, triumphali habitu, insitens curru, quem sex equi praecedebant & trahebant, cujusque
latus utrumque claudebant bini equites armati, cum peditibus duobus, prout hoc testantur Numismata,
Arcus hujus effigiem referentia.

In ipso Arcu, opere anaglyphico, marmore Pario expressae cernuntur hujus Severi res feliciter gestae
contra Parthos, Arabas, & Adiabenos, post extinctos & occisos Pescennium Nigrum & Clodium Albi-
num, Imperii hostes & tyrannos. Visuntur hic quoque Victoriae alatae cum tropaeis, genis, varii
generis frugibus, & animalibus devictarum Provinciarum, Diisque Fluminum.

Fornix floribus aliisque ornamentis excisis decoratus conspicitur.

Junctae sunt Arcui octo Columnae striatae, ordinis compositi, quarum diametros est palmor.
Rom. III. & pollic. XI.





A R C V S ⁵

HORATII COCLITIS vulgo habitus,

revera I N C O G N I T V S.




ADfirmat Marlianus, nihil certi se habere, quid de hoc ultimae Antiquitatis Monumento sit statuendum. Plane enim ambiguum manet, fueritne Fornix Antiquus, an vero una veterum Urbis Portarum. Et, si vera sunt, quae leguntur in Descriptione Urbis, edita per Franciscum de Seine, Parisiis (*pag. mihi 600.*) marmore vestitum hoc monumentum mansisse, usque ad Sixti IV. tempora; non caret ratione probabili, hoc in loco posse inveniri verum situm veteris Portae Trigeminae, de quo cruditi multum inter se digladiantur. Portae enim alicujus formam magis prae se fert structura hujus monumenti, quam antiqui cujusdam Fornicis, sive Arcus. Quin & Inscriptio hic reperta, & a Marliano adducta, nihil habet, quod probet contrarium, aut aliquid non obscurum indicet.

P. LENTVLVS. CN. F. T. QVINTVS. CRISPINVS
VALERIANVS. EX. S. C. FACIVNDVM
CVRAVERE. IIDEMQVE. COMPROBAVERE

Horatii autem Coclitis Arcum hic stetisse (si fuit aliquis) non mihi fit verisimile. Longius enim abest a Ponte Sublicio; & satius videtur, ut muri Urbis veteris hic collocentur potius, quam aliquis locus celebrior intra moenia. Constat autem, Arcus & Fornices positos fuisse semper, in maxime frequentatis Urbis vicis, ac viis. Et sunt praeterea incertissima omnia, quae de usu & discrimine Fornicum, & Arcuum leguntur, apud Auctores praefatos, ut puta Romuli, atque forte hujus etiam Horatii Coclitis, & aliorum.





A R C V S

SEPTIMII SEVERI in Foro Boario,

vulgo dictus A V R I F I C V M.



N FORO BOARIO, non longe ab AEde Divi Georgii, visitur Arcus marmoreus, quem Argentarii, & Negotiatores istius Fori posuerunt Septimio Severo, Juliae Augustae, Filiiſque, Antonino Caracallae & Getae, prout in Inſcriptione ejus legitur.



IMP. CAES. L. SEPTIMIO. SEVERO. PIO. PERTINACI. AVG. ARABIC. ADIABENIC. PARTH. MAX. FORTISSIMO. FELICISSIMO
PONTIF. MAX. TRIB. POTEST. XII. IMP. XII. COS. ♦ III. ♦ PATRI. PATRIAE. ET

IMP. CAES. M. AVRELIO. ANTONINO. PIO. FELICI. AVG. TRIB. POTEST. VII. COS. III. P. P. PROCOS. FORTISSIMO. FELICISSIMOQVE. PRINCIPI. ET
IVLIAE. AVG. MATRI. AVG. N. ET. CASTRORVM. ET. SENATVS. ET. PATRIAE. ET. IMP. CAES. M. AVRELI. ANTONINI. PII. FELICIS. AVG
PARTHIC. ♦ MAXIMI ♦ BRITANNICI. ♦ MAXIMI ♦

ARGENTARI. ET NEGOTIANTES. BOARI. HVIVS. ^{LOCI. QVI.} _{INVEHENT} DEVOTI. NVMINI. EORVM

Getae vero nomen, occiſo eo, eraſum ab ejus Fratre Antonino Caracalla, deprehenditur ex litteris depreſſis, ac mutatis: & primo quidem ad illa verba.

PROCOS. FORTISSIMO. FELICISSIMOQVE. PRINCIPI

Quorum vice reſtituenda erunt.

ET. P. SEPTIMIO. GETAE. NOBILISSIMO. CAESARI

Sic pro illis.

PARTHICI. MAXIMI. BRITANNICI. MAXIMI

reponendum.

ET. P. SEPTIMI. GETAE. NOBILISSIMI. CAESARIS

Quod dicimus, colligitur quoque ex cognomine PARTHICI, quod multo poſt patrem mortuum Caracalla ſibi demum ſumpſit.

In Inſcriptionis ultimo verſu, poſt vocabulum LOCI, leguntur infra quaſi ſcriptae duae voces aliae, QVI. INVEHENT. Eſſe eas de Negotiatoribus intelligendas conjicit Nardinus, qui nempe ad ſolendas Arcus impenſas conferre pecunias recuſarint, ideoque haec verba a caeteris addita, poſt decretum factum; ne illi, qui recuſarant, priuſquam contuliſſent, admitterentur, ad merces ſuas illic vendendas.

In hoc Arcu, Hercules ab uno latere comitem habet Bacchum: & ſane Dii utrique Severi auſpices fuerunt. Sed in alio latere, Bacchi ſimulacrum aut temporum injuria periit, aut lateret incluſum muro proxime adjunctae Eccleſiae Sancti Georgii, cum angulo Arcus ipſius. In pilis utriuſque lateris ſculptae ſunt aquilae, cum clypeis & imaginibus Severi, & Filiorum ejus: & infra ſacrificialis pompa, victimarius, victima & popa cum ſecuri.

Tom. II.

D

Plurima

Plurima exstant in hoc Arcu triumphalia ornamenta, non autem tropaea, sed tantum signa militaria, & sacrorum insignia, sive ad publica vota, obreditum Severi, Parthis devictis. Herodianus (*Lib. III. cap. 9.*) sive ad Secularia, celebrata hoc anno. Zosimus (*Lib. II. cap. 5.*) ejusdem Imperatoris Tribunitia potestate XII.

Arcum ingressis a dextris visuntur Severus & Julia, sacra peragentes ad tripodem; sive sit haec Dea Pax cum caduceo, cui haerebat alia imago, e marmore abrafa. A sinistris cernitur Caracalla pariter sacrificans ad tripodem, abrafo quoque Geta fratre.

In Basibus etiam sculpta videntur sacrorum instrumenta; hinc lituus, praefericulum, patera, pileus flaminius, aspergillum, cultri. Ab altera parte acerra, securis, patera, victimae, praefericulum, malleus, ampulla. Infra victimarii, popa taurum feriens, tibicen, camillus, sacerdos. Occidentale latus Arcus Parthos captivos catenis vinctos a Romanis exhibet. Orientale latus muro Ecclesiae S. Georgii conclusum tegitur. Infra stat bubulcus baculo boves agens, index Fori Boarii.

Opus totum marmore constat Pario. Pilarum vero lateris latitudo est palmi Romani unius & decem pollicum. Frontis vero palmi unius, & octo pollicum. Ordo operis est compositus.





A R C V S G A L L I E N I

9



ARCUS GALLIENO Imperatori positus conspicitur, apud AEdem D. Viti, omnibus tamen ornamentis carens. Legitur in fasciis Titulus sequens.


GALLIENO.CLEMENTISSIMO.PRINCIPL.CIVIS.INVICTA.VIRTVS.SOLA.PIETATE.SVPERATA.EST.ET.SALONINAE.SANCTISSIMAE.AVGV
M. AVRELIVS. VICTOR. DEDICATISSIMVS. NYMINI. MAIESTATI QVE. EORVM

Arcus hic fuit etiam Triumphalis. In ejus Inscriptioe, Saloninae Augustae fit mentio, sed non constat exinde, ejus jussu & auctoritate a Marco Aurelio Victore fuerit positus. Trebellius Pollio (*Gallieno cap. 10.*) Denique Odenatus, statim bellum Persis, in vindictam Valeriani, quam ejus filius negligebat, indixit. Nisibin & Carras statim occupat, tradentibus sese Nisibenis, atque Carrenis, & increpantibus Gallienum. Nec defuit tamen reverentia Odenati circa Gallienum; nam captos Satrapas, insultandi prope gratia, & ostentandi sui, ad eum misit, qui cum Romam deducti essent, vincente Odenato triumphavit Gallienus. &c.

Caeterum jussu Senatus Populique Romani, ob aliquam ab hostibus reportatam victoriam, Imperatoribus Arcus triumphales erigebantur. Ita Druso in Via Appia, propter Germaniam devictam, excitatus fuit Arcus, de quo loquitur Suetonius (*in Claudio cap. 1.*) & habemus ejus effigiem, in Nummis Arschoanis (*Tab. XIX. Num. 14.*) Sed & ipsi Germanico unus fuit exstructus Romae, teste Tacito (*An. II. cap. 83.*) Neroni etiam Arcus fuit positus, in area Capitolii, post Parthos a Domitio Corbulone caesos, ut ait Tacitus (*An. XIII. cap. 4.*) qui etiam conspicitur in Nummis Arschoanis (*Tab. XX. Num. 19.*) Quin etiam erectus fuit Arcus triumphalis, Tiberio Principe, ob signa Vari recuperata, prope Templum Saturni, ut prodidit Tacitus (*Annal. II. cap. 41.*) qui & aliorum Arcuum meminit, ornatorum simulacris Drusi & Germanici, ab utroque latere Templi Martis Ultoris (*An. II. cap. 64.*) Denique Domitianus solitus erat, nulla de causa, passim per Urbem construere Arcus, cum quadrigis & tropaeis, ut Suetonius notat (*in ejus vita cap. 13.*) Et habemus talem Arcum Domitiani in Nummis Arschoanis (*Tab. XXXII. Num. 9.*)

Totus hic Arcus e Tiburtino factus est lapide, cum ejusdem materiae Pilis, ordinis Corinthii, latis palm. Rom. III. & pollic. VII.





A R C V S C O N S T A N T I N I



ARCUS CONSTANTINI, totus ex Pario marmore factus, stat in initio viae Appiae, ad imum angulum Montis Palatini, versus Orientem. Paene integer est, & illae-
sus. Senatus Populusque Romanus hunc Arcum poni curavit, Maxentio ad Pontem
Milvium devicto, sicut hoc ostendunt Inscriptiones ab utraque parte, uno & eodem
exemplo, scriptae.



IMP. CAES. FL. CONSTANTINO. MAXIMO
P. F. AVGVSTO. S. P. Q. R
QVOD. INSTINCTV. DIVINITATIS. MENTIS
MAGNITVDINE. CVM. EXERCITV. SVO
TAM. DE. TYRANNO. QVAM. DE. OMNI. EIVS
FACTIONE. VNO. TEMPORE. IVSTIS
REMPVBLICAM. VLTIVS. EST. ARMIS
ARCVM. TRIVMPHIS. INSIGNEM. DICAVIT

A fronte, qua Colossæum respicit, legitur a dextra, supra bina Numismata.

VOTIS. X. a sinistra VOTIS. XX

Ab altera vero fronte, quae viam Appiam spectat, a dextra legitur eodem loco.

SIC. X. a sinistra SIC. XX

Indicantur his verbis *Vota decennialia & vicennialia*, nuncupata totidem annis salutis ejus a Populo. Mos hic, derivatus ab Augusto, vigeat ad illam usque aetatem. Dion (*Lib. III.*) *Caesar*, inquit, *Augustus*, quo longius Romanos a suspitione Regiae potestatis, sibi propositae, abduceret, imperium in suos decennale suscepit. Et, cum primum decennium exivisset, aliud quinquennium: post decennium, ac eo finito aliud iterum decretum est, ita ut, continuatis decenniis, per totam vitam summam Imperii obtinuerit. Quam ob causam posteriores quoque Imperatores, etsi non ad certum tempus, sed per omne vitae spatium iis Imperium deferatur, tamen singulis decenniis festum pro ejus renovatione agunt, quod hodie etiam fit. Facile ergo hinc licet conjicere, Senatui Populumque Romanum, ut gratificarentur Augustis, votorum mentionem fecisse in ipso Arcu, hujus renovationis Imperii per festa decennialia habita ratione.

Haec igitur vocabula VOTIS X & VOTIS XX. & SIC. X SIC. XX. Idem plane significant. Est autem frequens mentio votorum X, XX, XXX, XXXX. in Numismatibus.

ARCUS ipse triumphalibus ornamentis est exsculptus, & in his sunt simulacra belli, oppidorum, fluviorum, gentium, quas devicerant. Sub Arcu medio ex latere utroque conspicitur effigies Trajani, (non Constantini, ut mox dicetur) marmorea, inter signa & cuneos militares, sive insidentis equo, & invadentis accurrentium hostium catervas; sive stantis, gentibusque victis imperantis. Supra ejus verticem Victoria lauream sustinet, addunturque Tituli LIBERATORI VRBIS. Ab altera parte idem Trajanus, victor in Urbem redit, devictis Dacis, Roma & Victoria comitibus, quae capiti ejus lauream imponit cum hoc Titulo FVNDATORI QUIETIS.

Est vero in primis notatu dignum, esse quaedam in hoc Arcu mira arte sculpta; quaedam vero nullo modo probari. Et quidem non immerito praeclara illa arbitrantur ex aliquo Trajani monumento fuisse detracta. Hoc autem cum maxime comprobant Trajani imagines cum simulacris Dacorum & Partiorum, ab eo subjugatorum. Quae item supra Arcus hujus columnas positae superiunt octo statuae bellicissimae, earum capita (si Jovio credimus) Laurentius Mediceus clanculum sustulit, Florentiamque avexit.

Est igitur hic Arcus ex variis ruinis vetustorum operum, & Trajani praesertim monumentorum,
Tom. II. F nulla

nulla tamen habita ratione temporum, & ordinis rerum gestarum, congestus. Hujus rei conspiciuntur tria egregia exempla, in hac addita effigie. Nimirum in parte superiore, versus Montem Coelium, videtur icon praelii equitum Romanorum contra Dacos: in Dacorum clypeis leonum, in Romanorum Fulminis conspiciuntur insignia. Paullo infra in Numismate habes imaginem Victoriae palmiferae, similitudine genii insistentis curru Solis Orientis, inter Phosphorum & Oceanum, seu Mare, palmiferi fenis specie. In interiore Arcus porta stat Trajanus, equo insidens, lanceam tenens, hostem ferientis imagine, & Dacos oppugnans, qui vel sub pedibus ejus jacent; vel accurrentes vitae veniam precantur; vel quorum amputata capita a militibus Romanis Caesari offeruntur, inter quos duo sunt signiferi.

Quod vero attinet ad Victorias alas, Flumina supra minores fornices, captivosque ac signiferos, in stylobatis columnarum, cum tabellis parvis, sub Numismatis, ad Constantini aetatem & res gestas est trahendum. Dat hic Constantinus congiarium populo, loquitur in Senatu, adgreditur muros, pugnat, triumphat. Haec vero omnia tam ineleganter & imperite sunt elaborata, ut dolendum sit optimi marmoris bonam partem in iis operibus fuisse corruptam. Haec sculptorum & pictorum arti perniciēs primum coepit tempore Gallieni, prout id ipsum ostendunt quoque Numismata sub hoc Imperatore, & eum sequentibus, cusa. Senatus enim Romanus, ut Imperatoris Constantini triumphorum recordationem posteritati redderet non ignotam, praestantissima Trajani monumenta destruere non est veritus.

In Arcus hujus effigie, quam exhibemus, altera, haec in primis observanda veniunt. Quatuor hic visuntur icones, desumptae ex Arcu Trajani opere anaglyphico.

In prima Tabella, seu effigie, Trajanus Ctesiphonta profectus, pro concione multa praefatus, ex suggestu Parthenaspatem Regem Parthorum nominat. Parthenaspates praefens adstat, in pellita chlamyde, sed braccatus, ante suggestum, & inferiore loco sub Imperatore adstant & Romani, ac milites, gestantes signa relata, & tercula victoriarum.


In secunda, transfugarum unus, in Mysiam profectus, ad occidendum Trajanum, coram Imperatore sistitur, cui indicat insidias Decebali. Dion (*Lib. LXVIII.*)

In primo Numismate ostenduntur Trajani venatores, & servi custodes canum & equorum.

In altero, quod Herculi Victori & Rustico sacrum habetur, cernitur Trajanus, capite detecto, pateram dextra tenens, ante accensum ignem in ara.

Paullo infra Constantinus transgressus Alpes, captisque plurimis in Italia Urbibus, quum Ruricii Maxentium Ducem profligasset, Veronam occupat.

Columnas striatas etiam nunc Arcus hic habet septem, una namque periit & abest, ordine Corinthio, diametros illarum est palmorum Rom. III. & poll. XI.







O B E L I S C V S

S. M A H V T I.

13




OBELISCVS hic quando, & a quo Romam sit advectus, ignoratur. Inventus fuit terra obrutus prope Templum Isis, erectusque ante AEdem Sanctorum Bartholomaei, Alexandri & Mahuti Episcopi, a quo etiam fuit denominatus, temporibus Pauli V. Dicitur a nonnullis stetisse in Foro Minervae.

Isium, Serapium & Minervium templa inter se vicina fuere, prope viam eam, quae hodie, ab Obelisco S. Mahuti, usque ad aream Collegii Romani, porrigitur. Favet huic conjecturae alterius Obelisci fragmentum, muro Ecclesiae S. Mahuti insertum, quod annis abhinc aliquot ad posticum Collegii Romani fuit: uti & alius integer, quem retro Ecclesiam Minervae, ad januam minorem, quae altari majori proxima est, in terra abiectum, illi S. Mahuti similem memorant. Et plura talia fragmenta in eadem vicinia reperta fuisse, aliqui testantur.

Est autem coloris rubicundioris prae aliis, uno & solido constans lapide marmoris Graniti. Habet autem altitudinem palm. XXVII. cum dimidio; latitudo ejus continet palm. III. & dimidium.





O B E L I S C V S

B A R B E R I N V S.

13




BELISCVS hic etiam nunc ostenditur fractus in frustra tria, in Palatii Barberinorum area. Et sunt, qui suspicantur, hic fuisse Circum Aureliani. Mera tamen haec est conjectura, quamvis Donatus eam repudiandam neget, dicatque, fieri potuisse, ut Circus hic ab Elagabalo sit constructus, sed ab Aureliano instauratus.

Creditur hic Obeliscus in Aegypto primum fuisse erectus a Rege Ramesse, aut patre illius Sethoso, unde Romam fuit avectus ab Antonino Caracalla, aut Aureliano, secundum alios, qui erigi eum iussit in suo Circo. Hodie vocatur *Obeliscus Barberinus*, quoniam Franciscus Barberinus Cardinalis a Campo Verano transferri eum curavit, ante Palatium suum, in Monte Quirinali, ubi jacet diffractus, plenusque notis Hieroglyphicis. Totus fuerat caesus ex uno & solido marmore Granito.

Extra theatrum Castrense fuisse Hortos, & Circum Elagabali, satis evidenter ostendit loci situs. Pyrrhus vero Ligorius scribit, sua aetate etiam magnificum sibi visum fuisse hunc Circum, in cuius medio erectus steterit Obeliscus hic, de quo loquimur. Sine dubio autem Circum hunc refecit, exornavitque Aurelianus, at nequaquam primus construxit, quidquid alii contra male sentiant, docente Borrichio, *Dissert. de Antiq. U. R. facie, cap. 7.*

THE HISTORY OF THE
CITY OF LONDON

FROM THE FOUNDATION OF THE CITY
TO THE PRESENT TIME
BY
JOHN STOW
1597



O B E L I S C V S

L V D O V I S I A N V S.

Inter Montes Quirinalem, & Pincium, in angustissima, & postrema vallis parte, Collinam Portam versus, vestigia cernuntur Circi Antiqui, hoc nostro quoque tempore, cujus muri & sedilia conjuncta erant rupi Collis Quirinalis ab una, & Pincii ab altera parte. In medio vallis hujus jacuit antea Obeliscus, Hieroglyphicis litteris insculptus, sed diffractus, qui nunc ostenditur in Hortis Ludovisiis. Credibile est, hunc Circum illum fuisse, in quo celebrabantur Ludi Apollinares, quum Circus Flaminius, inundatione fluminis, aqua jaceret repletus. Horum Ludorum aliquoties meminit Livius, praesertim (*Lib. XXX. cap. 38.*) his verbis. *Ita abundavit Tiberis, ut Ludi Apollinares, Circo inundato, extra Portam Collinam, ad AEdem Erycinae Veneris sint parati.*

Fuit hic Circus tempore Claudii extra muros; sed Aurelianus, prolatis iisdem, intra muros conclusit, quomodo adhuc muri Urbis cernuntur. Situs autem fuit eo in loco, quem Fulvius ex *Girlo*, voce barbara, *Girulum* vocat, quamvis corrupta videatur ex *Circulus*.

Et hic quidem, qui in Hortis Sallustianis erectus fuerat Obeliscus, idem est ille, qui confractus jacet in Hortis Ludovisiis, inscriptus notis, sive litteris Aegyptiis, Lunaeque dicatus fuisse creditur. Non modico abest intervallo a cavea, sed incertum, quam ob causam eo sit translatus.

Itaque *Ludovisianus* dicitur, ab Hortis Principis nominis hujus. Prius *Sallustianus* appellabatur, ab Hortis Sallustianis, ubi creditur stetit erectus ab Imperatore Claudio, post Caligulae mortem, a quo aliqui existimant, eum ex Aegypto Romam fuisse advectum, ubi Rex Sethos eum fieri, & poni jusserat.

Plinius docet (*Lib. XXXVI. cap. 9, 10, & 11.*) similiter, ab Augusto duos Obeliscos Romam advectos fuisse, tertiumque in Vaticano positum stetit. *Sequentes eum* (inquit Ammianus *Lib. XVII. cap. 4.*) *Imperatores advexerunt plures, quorum alter est in Vaticano, alter in Hortis Sallustii, duo in Augusti monumento sunt.* Erant ergo sex, non quinque, quomodo & apud Victorem legitur. Duo enim alii steterunt in Circo Maximo. Major fuit pedum CXXXII. Minor pedum LXXXVII. & semis. Unus in Vaticano pedum LXXII. & unus item in Campo Martio pedum LXXII.

Hic noster Ludovisianus in tria frustra fractus jacet, medio eorum supra humum eminente, reliquis duobus terra contextis.

Totus fuit caesus ex marmore Granito.





O B E L I S C V S

19


M E D I C E V S.



BELISCVS, qui stat in Hortis Ducis Florentiae, in monte Pincio sitis, ab eo quoque fuit denominatus. Huc autem translatus est ex Circo Florae, ubi steterat erectus ab Imperatore Claudio. Ignoratur, quando, & a quo ex AEgypto Romam sit advectus.

Factus est ex uno lapide marmoris Graniti, plenusque litteris Hieroglyphicis. Subter eum positae sunt quatuor testudines aereae, sed deauratae. Hujus Obelisci altitudo est palm. XXII, latitudo, prope basin, palm. III. cum parte quarta.





O B E L I S C V S

M A T T H E I V S.

21



OBELISCVS hic ita dicitur, quia in hortis Ducum Mattheiorum positus est, & erectus in Monte Coelio, auctoritate & iussu Ducis Cyriaci Marthaei, uti ex Inscriptione liquet.


CYRIACVS. MATTHEIVS
OBELISCVM. HVNC. A. POPVLO
ROMANO. SIBI. DATVM. A
CAPITOLIO. IN. HORTOS
SVOS. COELIMONTANOS
TRANSTVLIT. VT. PVBLICÆ
ERGA. SE. BENEVOLENTIÆ
MONVMENTVM. EXSTARET
AN. MDLXXXII

Discimus hinc, Ducem Mattheium, permittente Populo Romano, & donante, hunc Obeliscum auxisse in suos Hortos Coelimonanos, e Capitolio, ubi dejectus jacuerat in Horto Ecclesiae, quae dicitur *Ara Coeli*.

In ejus parte superiore paucae tantum apparent notae Hieroglyphicae. Ferturque ex AEgypto etiam advectus fuisse, auctoremque operis sui habuisse Regem Ramessem.

Solidus & unicus hic est lapis marmoris Graniti. Altus est hic Obeliscus palm. XXXVI. latus prope basin palm. IV.





O B E L I S C V S

S. M A R I A E M A I O R I S.



Victor (*in Appendic. ad Regiones*) refert, stetit ante Mausoleum Augusti Obeliscos duos, magnitudinis ejusdem. Fragmenta unius, quae in media jacebant via, Sixtus V. Pont. Max. jussit aveli, & in pristini Obelisci formam reponi, atque erigi, ante hortos suos, quos habebat in Exquiliis, ante AEdem S. Mariae. Alter vero etiam nunc prostratus jacet, & contractus, post AEdem S. Rochi, ubi prior fuerat inventus.

Obeliscus hic caret omnibus notis Hieroglyphicis, erectusque est, An. MDLXXXVII. Habet autem in vertice S. Crucis signum, una cum Insignibus Pontificis, tribus nempe montibus & stella, statque e regione Viae Felicis, ab hoc ipso summo Pontifice apertae, ac stratae.

Inscriptiones habet a quatuor lateribus basis has sequentes.

CHRISTVS.
PER. INVICTAM.
CRUCEM.
POPULO. PACEM.
PRÆBUIT.
Q V L
AVGVSTI. PACE.
IN. PRÆSEPE. NASCI
VOLVIT.

CHRISTI. DEI.
IN. ÆTERNVM. VIVENTIS.
CVNABVLA.
LÆTISSIME. COLO.
QVI. MORTVI.
SEPVLCHRO. AVGVSTI
TRISTIS.
SERVIEBAM.

CHRISTVM. DOMINVM.
QVEM. AVGVSTVS.
DE. VIRGINE.
NASCITVRVM.
VIVENS ADORAVIT.
SEQVE. DEINCEPS.
DOMINVM.
DICI VETVIT.
ADORO.

SIXTVS. V. PONT. MAX.
OBELISCVM.
ÆGYPTO. ADVECTVM.
AVGVSTO.
IN. EIVS. MAVSOLEO.
DICATVM.
EVERSVM. DEINDE. ET.
IN. PLVRES. CONFRACTVM.
PARTES.
IN. VIA. AD. SANCTVM.
ROCHVM. IACENTEM.
IN. PRISTINAM. FACIEM.
RESTITVTVM.
SALVTIFERÆ. CRVCI.
FELICIVS.
HIC. ERIGI. IVSSIT.
AN. M D LXXXVII. PONT. III.

Et hic quidem idem *Obeliscus* est, quem in acclivitate Montis Exquilini, prope Basilicam Liberianam S. Mariae Majoris, crexerunt versus Septentriones, post erectum jam Obeliscum, in area Vaticana, jussu Sixti V.

Vocatur autem *Exquilinus*, a monte in quo positus fuit. Dicitur etiam *Claudianus*, ab Imperatore Claudio, qui existimatur eum Romam advexisse, & posuisse in Mausoleo Augusti, An. post Chr. Nat. LXII. in Valle Martia; ubi hoc Augusti monumentum magnificentissime fuerat extructum.

Hic unus esse fertur ex duobus Obeliscis, a Smarre & Esre Aegypti Regibus factis, jacuitque in tria frustra contractus, ab eo tempore, quo Urbs a Gothis est vastata. Habuit sine fulcris a basi usque ad verticem, absque ornamentis illi additis longitudinem palmorum LXVI. Cum omnibus ornamentis longus conspicitur, palmos Rom. centum & undecim ac semis. Caret vero notis Aegyptiacis: quia Rex, auctor illius, aut morte occupatus, aut aliam quamvis ob causam impeditus fuit. Potuerunt etiam nulli fuisse Hieroglyphae eo seculo. Erexit illum Fontana, Architectus celeberrimus. Fuit in initio unicus & integer lapis, marmoris Graniti.





O B E L I S C V S

25

P O P V L I



BELISCVS hic fuit Augusti Caesaris primus, positusque ab eo in Circo Maximo, ut liquet ex hac Inscriptione, legenda in duplici fronte veteris Basis illius, unde & discimus Soli fuisse consecratum.

IMP. CAESAR. DIVI FIL. AVG
PONTIFEX. MAXIMVS
IMP. XII. COS. XI. TRIB. POT. XIV
AEGYPTO. IN. POTESTATEM
POPVL
ROMANI. REDACT

SOLI. DONVM. DEDIT

De hoc Obelisco loquitur Plinius (*Lib. XXXVI. cap. 9.*) *Is autem Obeliscus, quem Divus Augustus in Circo Magno statuit, excisus est a Rege Semneferco, quo regnante Pythagoras in Aegypto fuit, centum viginti quinque pedum est, & dodrantis, praeter basin ejus lapidis.* Et Ammianus item Marcellinus (*Lib. XVII. cap. 3.*) *Augustus item Obeliscos duos ab Hieropolitana civitate transfudit Aegyptia, quorum unus in Circo Maximo, alter in Campo locatus est Martio.* Soli dicatum fuisse, docet etiam Tertullianus (*de Spectaculis cap. de loco*) *Circus Soli principaliter consecratur: cujus aedis medio spatio, & effigies de fastigio aedis emicat, quod non putaverunt sub tecto consecrandum, quem in aperto habent.*

Sixtus autem V. Pontifex Max. collocavit eum ante Portam Flaminiam, prope Templum S. Mariae Populi, in nobilissimo trivio, cujus via prima extenditur circa ortum Solis sub colle Pincio, altera Flaminia nomine, & ultima Leonina, a Leone X. prope fluvium Tiberim aperta, & strata.

In vacuis basis illius antiquae frontibus has duas Inscriptiones addidit dictus Pontifex Maximus.

ANTE. SACRAM.
ILLIVS. ADEM.
AVGVSTIOR.
LÆTIOREQVE. SVRGO.
CVIVS. EX. VTERO.
VIRGINALI.
AVG. IMPERANTE.
SOL. IVSTITIÆ.
EXORTVS. EST.

SIXTVS. V. PONT. MAX.
OBELISCVM. HVNC.
A. CÆSARE. AVG. SOLI.
IN. CIRCO. MAXIMO. RITV.
DICATVM. IMPIO.
MISERANDA. RVINA.
FRACTVM. OBRVTVMQVE.
ERVLI. TRANSFERRI.
FORMÆ. SVÆ. REDDI.
CRVCIQVE. INVICTISSIMÆ.
DEDICARI. IVSSIT.
A. M. D. LXXXIX. PONT. IV.

Eques Fontana scribit, a semet ipso fuisse eum e Circo Maximo translatum, ubi diffractus jacuit in tria frusta, erexitque illum cura sua, quo in loco nunc conspicitur. Plenus est literis Hieroglyphicis, Tom. II.

N

exci-

excisusque ex uno marmoris Graniti lapide. Altus fuit, priusquam a Fontana erigeretur, palm. CX. qui & tres palmos inferiores, injuria temporis corrosos, ei ademitt, ita ut hodie altitudinem habeat palm. CVII. Quae latissimae ejus partes sunt, prope basin, latae sunt palm. X. cum dimidio; prope pyramidium vero palm. VI. cum binis tertiis. Minores partes, prope basin, latitudinem habent palm. IX. cum dimidio; prope pyramidium palm. V. cum tribus quartis.





O B E L I S C V S

S. MARIAE SVpra MINERVAM.



QUum Patres Ordinis S. Dominici, quibus cessit Templum Deae Minervae, in suis Hortis murum forte quendam struere statuisent, in fundamentis egerendis, repere-
runt Obeliscum, terra obrutum, jacere ad profunditatem quindecim fere palmorum.
Hunc Alexander VII. Pont. Max., omnis eruditionis amator summus, iussit collocari,
in Foro ante Templum S. Mariae supra Minervam. Praefecit autem operi huic Ber-
ninum Equitem, qui varias machinas & bases excogitavit, supra quas Obeliscus ere-
ctus altius consisteret, & augustior appareret. Elegit vero eam, qua exprimitur Elephante, dorso
Obeliscum sustinens. Addidit & binas Inscriptiones ea in basis parte, quae Templum respicit.

SAPIENTIS. ÆGYPTI.
INSCVLPTAS. OBELISCO. FIGVRAS.
AB. ELEPHANTO. BELLVARVM. FORTISSIMA.
GESTARI. QVISQVIS. HIC. VIDES.
DOCUMENTVM. INTELLIGE.
ROBVS TÆ. MENTIS. ESSE.
SOLIDAM. SAPIENTIAM. SVSTINERE.

In ejusdem basis latere aduerso.


VETEREM. OBELISCVM.
PALLADIS. ÆGYPTIÆ. MONVMENTVM.
E. TELLVRE. ERVTVM.
ET. IN. MINERVÆ. OLIM.
NVNC. DEIPARÆ. GENITRICIS.
FORO. ERCTVM.
DIVINÆ. SAPIENTIÆ. ALEXANDER. VII.
DEDICAVIT. ANNO. SALVTIS.
M. DC. LXVII.

Obeliscus hic inventus fuit, in ruinis Templi Isis, caesus ex uno & solido marmore Granito, plenusque figuris Hieroglyphicis. Interpretandi vero hujus Obelisci provinciam dederat hic Pont. Max. Athanasio Kircher, cuius Doctissimi Viri commentationes in eum leguntur in Volumine Romae impresso A. 1666.

Ex minorum Obeliscorum unus est, quorum P. Victor testatur quadraginta quatuor Romam ad-
vectos fuisse, partim Imperatorum Romanorum studio elegantiae monumentorum, partim ut glo-
riam magnitudinis & splendoris Urbis Romanae redderent aeternam. Lapis Ægyptius, unde factus
est, dicitur vulgo *Granito rosso*, qui teste Plinio, cui *Syenites* dicitur (*Lib. XXXVI. cap. 8.*) reperitur in
unica Ægypti Provincia Thebana, & nusquam alibi terrarum.

Altus est palm. XXIV. inferior basis III. palm. cum una sext. superior latitudo II. palm. cum tribus
quartis.





O B E L I S C V S V A T I C A N V S.

29



OBELISCVS hic, iussu Imperatoris Caligulae singulari, ex Aegypto primum fuit adve-
ctus. Docet id Plinius (*Lib. XVI. cap. 40.*) ubi navem, qua translatus est, describit.
Abies, inquit, admirationis praecipuae, in navi, quae ex Aegypto, Caji Principis iussu,
Obeliscum in Vaticano statutum, quatuorque trunco lapidis ejusdem ad sustinendum cum
adduxit. Qua nave nihil admirabilius visum in mari certum est. Centum viginti millia
modiorum lentis pro saburra ei fuere, longitudo spatium obtinuit magna ex parte Ostiensis
portus latere laevo: ibi namque demersa est a Claudio Principe, cum tribus molibus, turrium altitudine in ea
exaedificatis, ob id Puteolano pulvere advecto. Tradit id ipsum Suetonius (Claud. cap. XX.) Portum Ostiae
exstruxit, circumducto dextra sinistraque brachio, & ad introitum profundo jam salo mole objecta, quam
quo stabilius fundaret, navem ante demersit, qua magnus obeliscus ex Aegypto fuerat advectus, congestis-
que pilis superposuit altissimam turrim in exemplum Alexandrini Phari, ut ad nocturnos ignes cursum navi-
gia dirigerent. Idem Plinius scribit, hunc unum ex omnibus in erectione fractum fuisse (Lib. XXXVI.
cap. 2.) Tertius Obeliscus Romae, in Vaticano Caji & Neronis Principum Circo, ex omnibus unus omnino
fractus est in molimine; quem fecerat Sesostridis filius Nuncoreus.

Caligula hunc Obeliscum discaverat Imperatoribus Augusto & Tiberio, prout ex illius vetere con-
stat Inscriptione, in duobus Obelisci lateribus prope Basin sculpta.

D I V O . C A E S . D I V I
I V L I I . F . A V G V S T O
T I . C A E S . D I V I . A V G
F . A V G V S . S A C R V M

Solus de omnibus Obeliscis permansit erectus in loco, qui proximus est Sacrario Basilicae S. Petri, ubi
olim fuerat Circus Principum Caji & Neronis, donec Sixtus V. Pont. Max. vir animi praegrandis, tranf-
ferri illum curaret in aream, ante Basilicam eandem. Quod autem difficultatibus maximis rem hanc in-
tricatissimam videret Pontifex, concilium instituit Cardinalium & Summatum, in diem xxiv. Augusti,
Anni MDLXXXV. ut decernerent rationem & modum, transferendo & rursus erigendo Obelisco accommo-
datum. His Consultoribus placuit, ut omnes litteris imbuti, Matheos periti, Architecti, Ingeniarii, &
caeteri viri, scientia, vel rerum usu pollentes, Romam advocarentur, quorum, spatio trium hebdomadarum,
fuere quingenti, sed sententiis discrepantes, qui se obtulerunt: unius tamen Dominici Fontanae senten-
tiam esse antefendam, omnium suffragiis judicatum est. Construxerat autem modulum suae inventio-
nis e ligno, Obeliscumque e plumbo conflatum, praesentibus omnibus congregationis membris, suble-
vavit, singularum motionum rationes & fundamenta demonstrans.

Ipse Pontifex ad hoc opus Fontanam, ut est apud Athanasium Kircherum (*in OEdipi tom. III. pag. 371.*)
exstimularat, his argumentis usus. Quod antea Reges Aegyptii & Romanorum Imperatores efficere po-
tuerunt, nequaquam nostris temporibus, non minus illustrium ingeniorum feracibus, negatum videtur.
Verum tamen si quispiam praetenderit, sumptuum nimis praegrandem summam, is non sibi persuadeat ve-
lim, tanta nos aeris penuria laborare, ut ea ab hujusmodi coeptis animum nostrum abducat, quin potius
exacuat, ad praestanda, non dicam similia, sed majora quoque, dummodo nostrorum studio & dili-
gentia non destituamur. Agedum, Dominice Fontana, cujus ingenium jam antehac in multis innotuit

Tom. II.

P

no-

OBELISCVS VATICANVS.

nobis, serio huic negotio incumbere, ne desistas; neque curae tibi sit sumptuum magnitudo: si unus millio non sufficiat aureorum, addantur duo, aut quot eorum opus fuerint; si modo, quod imperamus, executioni mandetur.

Nec est, quod quisquam existimet, coeptum hoc minimi momenti esse, & indignum tantis curis; siquidem non Aegyptii modo Obeliscorum erectiones maximi semper fecerunt: sed & Diodorus Siculus testatur, apud Assyrios Semiramidem excisionem & erectionem Obeliscorum primum instituisse. Verba Diodori haec sunt. (*Lib. II. cap. 11.*) *Semiramis etiam saxum e montibus Armeniis excidit 135 pedes longum, 25 latum & spissum. Hoc multis asinorum bouumque jugis ad amnem deportatum; at impo-*
suit, & secundo flumine Babylonem deVectum, juxta viam nobilissimam, admirandum praetercuntibus specta-
culum, erexit. Obeliscum a figura vocant.

Ne autem Architecto deessent res & materia, ei operi necessariae, diplomate Pontifex eum munivit amplissimo, ut negotium tanto facilius & promptius expediretur. Hujus auctoritate mittebatur illi, quibuscumque rebus utilibus, quocumque in loco inventis, uti, etiam dominis invitis, soluto tamen pretio, secundum peritorum utriusque partis arbitratorum judicium. Sed & potestatem Architecto dedit, si id exigeret necessitas, domos Obelisco vicinas diruendi, postquam de refarciendo cum possessoribus, vel quorum intererat, damno conveniret. Quoque majore in honore esset apud populum, jussit, ut Fontana cum suis publice incederent armati.

Hic Architectus consultissimum sibi fore existimavit, ut cognosceret exactissimum Obelisci pondus. Huic igitur fini palmum quadratum, cubi in modum efformatum, consimile e saxo, maxima confici curavit diligentia, ejusque cubi pondus invenit octoginta sex librarum. Hunc in modum calculum inivit palmorum totius Obelisci, qui attingebant summam palmorum cubicorum 11203 $\frac{1}{2}$, quo modo invenit exactissimum pondus ipsius Obelisci esse librarum 963537 $\frac{1}{2}$.

Pondere Obelisci cognito, ad ejus rationem machinas suas fieri curavit. Construxit autem turrim, seu castellum, altitudine palmorum cxxiii., hoc est, x. palmis ipso Obelisco altius, ut adminiculo xl. ergatarum, rudentes attrahentium, & ab hominibus & equis circumvolutarum, Obeliscus in aëra sublimis levaretur.

Fama operis tam memorandi excitavit turbam spectatorum prope infinitam, non ex Italia tantum, sed ex ei vicinis quoque regionibus. Ut igitur confusione, quae ex tam ingenti populi frequentia oriri posse videbatur, mederetur Pontifex, severissimum promulgavit Edictum; ne alius quis, die erectioni Obelisci praestituta, cancellos ingrederetur, exceptis operariis; poenamque capitis in cancellorum violatores constituit. Poenas etiam minime contemnendas sanxit in eos, qui vociferarentur, screarent, strepitumve quovis modo excitarent; idque ne praedictis modis impedirentur, minusque intelligerentur mandata Architecti. Ut autem Edicti parata esset executio, Licitor (*Barigello* vocant) cum universa apparitorum turba circum intravit; & prope crucem erectam praesto aderat etiam carnifex. Itaque rei novitas, metusque poenarum effecit, ut, omnium oculis operi intentis, maximum in tanto populi concursu observaretur silentium.

Accessit ad hasce durissimas leges, sine ullius excusatione, ab omnibus servandas, ut Pontifex, cum abeuntem Fontanam fausta precatione prosequeretur, eidem diceret: *Videret, qualia adgrederetur, ut qui erroris culpam sanguine suo esset luiturus.* Verebatur enim Pontifex, ut, fracto per negligentiam Obelisco, sua apud Populum auctoritas vilesceret, sibi quoque vitio verteretur, quod tantae molis opus credidisset homini, horum coeptorum inexperto. Et meritis grave supplicium fuerat, qui spretis aliis omnibus, & forte peritioribus, ausu temerario, sibi uni executionem tam difficilis rei expetiverat. Nihilominus animum Pontificis suspensum & sollicitum reddebant benevolentia in Fontanam, & sua ipsius effervescentes ira. Jussit enim, ut, in quatuor Burgi portis, ad fugam instructi tenerentur equi, ne Fontanae praecideretur parata ad effugiendum occasio, si forte fortuitus casus infelicis eventus contingeret.

Auferri deinde Fontana jussit globum aeneum, & deauratum, Obelisco superimpositum, quem diligentissime consideratum reperit, absque commissura quacumque fuisse fustum, ita ut in eum cineres Augusti recondi nullatenus potuerint, contra quam a multis fuerat creditum. Illud tamen non negat, fuisse eum a militibus scloporum globulis, in locis quibusdam, perforatum, eidemque exinde infudisse nonnihil pulveris, vi ventorum per foramina illa immissi.

Totus dehinc Obeliscus stercis duplicibus, ne cicatricibus deformaretur, fuit testus, tabulisque ligneis postea imponebantur virgae, seu perticae ferreae, & praeterea multiplices funium contortorum & crassissimorum involutiones, si forte ferrum, quod accidit, in molitione rumperetur; funes quippe

circulis ferreis multo esse tutiores, jam a principio existimaverat Architectus. Ita autem armatus Obeliscus judicabatur habere ponduslibrarum 1043537.

Omnibus jam paratis, imploratoque Divino auxilio, die xxx. Aprilis, MDLXXXVI. quotquot adesse tanto conatui tenebantur, simul opus ipsum adgrediebantur, qui admonebantur clangore tubae; quoties vero jubebantur se continere, & sistere, audiebatur sonus campanae, quam in castelli summitate collocaverat Architectus.

Hac diligentia & cautela factum fuit, ut intra breve temporis spatium Obeliscus erigeretur, ad altitudinem palmorum duorum & quattor trium a sua basi: atque in signum laetitiae explosa tunc fuerunt tormenta. Denique Obeliscus substratae sibi trahae, cylindris volubilibus impositae, magna cura & providentia Architecti incubuit.

Postea, circum stylobatam terra excavata, usque ad altitudinem xl. palmorum a summitate soli rectum hunc jacuisse, fuit inventum: constabat autem ex pluribus lapidibus maximis. Hic duo praecipue admirabatur Architectus. Primo, fundamentum inferius superiori fuisse arctius: attamen ad Obeliscum suo loco rursus erigendum videbar, necesse sibi esse, ut rursus fragmenta horum lapidum eodem, quo Veteres, modo diserneret, quod nimirum saxa tantae molis Romae non exstarent. Deinde, quod infimi fundamenti lapidum frusta, quae ansis ferreis, plumbo testis, inter se erant juncta, quamvis aquis fuerant immersa, ansae nihilominus a rubigine, aliove corruptionis modo, essent illaesa.

Obeliscus trahae impositus, super aggerem ligneum, firmissimumque protractus fuit, in aream usque ante Basilicam D. Petri, ubi hoc eodem castello, seu turri lignea, qua usus fuerat Architectus, in Obelisco trahae imponendo, fuit iterum erectus, & stylobatae superpositus, die x. Septemb. MDLXXXVI. Denique summum Obelisci apicem exornarunt signo S. Crucis, cui eum Pontifex consecraverat, quod collocabatur supra stellam, & tres montes, gentilitium Pontificis insigne.

Fontana censet, Veteres, in Obeliscis erigendis, plus & laboris & sumptuum impendisse, atque Obeliscum huncdiu, ante primam ejus erectionem, neglectum jacuisse: pes enim diuturnitate temporis videtur corrosus, quum iis in lateribus, quae terram versus conversa fuere, politissimus sit, tamquam si nuper elaboratus fuisset, quod & hodie apparet. Ait praeterea, vera tradidisse Plinium affirmantem, eum in ipsa erectione fuisse fractum; quia apex illius non eadem, ut in aliis, factus sit proportionem, debuisse attingere altitudinem palmorum xii., quum vix vi. palmorum sit. Facilis itaque conjectura est; Veteres, postquam disruptus esset Obeliscus, Pyramidion majus efficere noluisse, ne saxi totius magnitudini decederet aliquid. Deinde apex hic non eodem modo cernitur elaboratus, uti reliquus Obeliscus, sed potius opus esse hominis rustici, eo quod minime sit politus. Et tandem Obeliscus idem, si proportionem consideres, minor est aliis Obeliscis, ut videre licet, in D. Augusti, nunc penes S. Mariam Populi Obelisco erecto; nec non in Constantis, qui hodie S. Johannis Lateranensis ornat aream in Circo Maximo repertis; ut & in Obelisco Hortorum Sallustii; & minore illo ad S. Mahutum: horum enim apices singuli unius & dimidii sunt capituli. Quod vero ad longitudinem horum Obeliscorum attinet, alii novem & dimidii, nonnulli decem capitulum altitudinem habent, usque ad Pyramidii basin; noster vero, ne quidem novem capitulum attingit altitudinem. Scribit Fontana, se in Obelisci translatione & erectione usum esse hominibus nongentis & septem, & equis centum & quadraginta.

Finita erectione Obelisci, suorum operariorum humeris sublatus Fontana gerebatur, circum cancellos omnes, domumque suam est deductus, quo confluerant tubicines tympanistaeque Urbis omnes, magno tympanorum tubarumque strepitu, ingenti cum applausu, ejus honori accinentes. Etiam hoc silentio praetereundum non est; Pontificem voluisse, ut die hoc, quo in Area Basilicae Divi Petri erigeretur Obeliscus, Orator, Regis Galliae nomine obedientiam Pontifici oblaturus, per Portam Angelicam Burgi, ingrederetur Urbem, aeramque praeteriret, ubi constitit, dum bini tractus peragerentur.

In summo Obelisci culmine Inscriptionem hanc poni jussit Pontifex.

SANCTISSIMAE. CRVCI.
SIXTVS. V. PONT. MAX.
CONSECRAVIT.
E. PRIORE. SEDE. AVVLVVM.
ET. CAESS. AVG. AC. TIB.
I. L. ABLATVM. M. D. LXXXVI.

OBELISCVS VATICANVS.

In quatuor Basibus lateribus.

SIXTVS. V. PONT. MAX.
OBELISCVM. VATICANVM. DIIS. GENTIVM.
IMPIO. CVLTV. DICATVM.
AD. APOSTOLORVM. LIMINA.
OPERO. LABORE. TRANSTVLIT.
AN. M. D. LXXXVI. PONT. II.

ECCE. CRVX. DOMINI
FVGITE. PARTES.
ADVERSAE.
VINCIT. LEO.
DETRIBV. IYDA.

SIXTVS. V. PONT. MAX.
CRVCI. INVICTAE.
OBELISCVM. VATICANVM.
AB. IMPVRA. SVPERSTITIONE.
EXPIATVM. IVSTIVS.
ET. FELICIVS. CONSECRAVIT.
AN. M. D. LXXXVI. PONT. II.

CHRISTVS. VINCIT.
CHRISTVS. REGNAT.
CHRISTVS. IMPERAT.
CHRISTVS. AB. OMNI. MALO.
PLEBEM. SVAM. DEFENDAT

In parte inferiore Basis.

DOMINICVS. FONTANA. EX. PAGO. MILIAGRI.
NOVOCOMENSIS. TRANSTVLIT. ET. EREXIT.

Obeliscus hic altus est palm. CXIII. cum dimidio. Prope Basin vero, versus Orientem & Austrum, latus est palm. XII. versus Septentriones palm. XIII. at versus Occidentem palm. XIII. cum dimidio, Quatuor autem latera ejusdem propemodum sunt latitudinis palm. VIII. Denique Obeliscus hic, una cum Basi & ornamentis, a fundo soli, ad summum apicem, altus est palm. CLXXVIII. cum dimidio.





O B E L I S C V S ³¹

P A M P H I L I V S.



Eorum in Urbe satis celebre habetur a Latinis *Agonale* dictum, estque eo in loco, ubi olim fuit Circus, juxta Nardini sententiam. *Agonale* autem dici a *Ludis Agonalibus*, non est dubium. Et hos quidem Ludos Mense Januario celebrari, Ovidius quoque scribit (*Fasl. I. y. 318.*) Ejus nominis non una redditur ratio, quarum nullam certissimam esse, monet Donatus. Laelius Bisciola (*Lib. II. cap. 2. Hor. subcis.*) Ovidii testimonium secutus, hanc probat: quod in sacrificando Victimarius, Regem Sacrorum solet percunctari, stricho jam gladio incumbens in cervicem bestiae. *Agon?* id est, *matrone*? Et hic quidem ritus festo diei nomen dedit. De eo sic loquitur Ovidius, loco citato.

*Nominis esse potes succinctus causa minister,
Hestia caelitibus quo feriente cadit.
Qui calido strichos tincturus sanguine cultros,
Semper (Agone?) rogas; nec nisi jussus agis.*

Idem auctor etiam alias rationes adfert; quia nimirum victimae cum *Agone*, hoc est, labore & vi, trahantur. Si aliis credimus, *Agonalia*, quasi *agnalia*, ab *agnis*, qui mactabantur; aut etiam a Graeca voce *Agonios* dicebantur. Festus: *Agonium ob hoc Ludum dixere, quia locus, in quo ludi primo sunt facti, fuerit sine angulo, cujus Festa Agonalia dicebantur.* Meliorem tamen nominis Etymologiam alibi adfert: *Agonium putabant Deum, praesidentem rebus agendis; Agonalia ejus festivitatem.* Apud Macrobius (*Lib. I. Saturn. cap. 4. med.*) *Antias Agonalium Ludorum repertorem Numam Pompilius refert*, qui deinde singulis annis celebrabantur in Circo Agonali. Hunc Circum instauravit certe, si non primus extruxit Alexander Imperator, qui vixit circa An. cccxxx & ejus etiam Nummi talem Circum exprimunt.

Anno MDCLI quum Innocentius X. Ecclesiae praecesset, secutus vestigia gloriosa Praedecessoris sui Sixti V. mandavit Laurentio Bernino Equiti, fratrique ejus Ludovico Bernino, ut Obeliscum hunc e Circo Caracallae, summo labore erutum, in constitutum locum transferrent, cujus partes plures miro artificio conjunctas, ab Athanasio Kircheri opera & eruditione adjutus, Eques Berninus suo splendori restituit.

Et hic quidem ille Obeliscus est, quem, ut diximus, ex Circo Caracallae translatus Papa Innocentius X. in Foro Navonio splendidissimo fonte exornavit, ut celeberrimus in Urbe locus haberet cum ornamento utilitatem.

Inscriptiones in ejus basi legendae hujus sunt exempli.

INNOCENTIVS. X. PONT. MAX.
NILOTICIS. ENIGMATIBVS. EXARATVM. LAPIDEM.
AMNIBVS. SVPER. LABENTIBVS. IMPOSVIT.
V T. SALVBREM.
SPATIENTIBVS. AMOENITATEM.
SITIENTIBVS. POTVM.
MEDITANTIBVS. ESCAM.
MAGNIFICE. LARGIRETVR.
Tom. II.

NOXIA. AEGYPTIORVM. MONSTRA.
INNOCENS. PREMIT. COLUMBA.
QVÆ. PACIS. OLEAM. GESTANS.
ET. VIRTVTVM. LILIIS. REDIMITA.
OBELISCVM. PRO. TROPHÆO. SIBI. STATVENS.
ROMÆ. TRIVMPHAT.

Q

OBE-

OBELISCVS PAMPHILIVS.

OBELISCVM.

AB. IMP. ANT. CARACALLA. ROMAM. ADVECTVM.

CVM INTER CIRCI CASTRENSIS. RVDERA.

CONTRACTVS. DIV. IACVISSET.

INNOCENTIVS. X. PONT. OPT. MAX.

AD. FONTIS. FORIQVE. ORNAMENTVM.

TRANSTVLIT. INSTAVRAVIT. EREXIT.

ANNO. SAL. M. DC. LI. PONTIF. VII.

INNOCENTIVS. X. PONT. MAX.

NATALI. DOMO. PAMPHILIA.

OPERE. CVLTVQVE. AMPLIFICATA.

LIBERATAQVE. INOPPORTVNIS. EDIFICIIS.

AGONALI. AREA.

FORVM. VRBIS. CELEBERRIMVM.


MVLTIFLICI. MAIESTATIS. INCREMENTO.

NOBILITAVIT.

Totus est ex marmore Granito, frustis collectis & conjunctis, literisque Hieroglyphicis, ab Athanasio Kirchero in ordinem digestis. Hic Obeliscus altus est palm. LXXX. Nos eum iconibus duabus expressimus.







O B E L I S C V S ³³

S. IOANNIS LATERANENSIS.



BELISCVS hic, altissimus omnium, fuit quondam erectus a Constantio Augusto, in Circo Maximo, advectus Romam ex AEgypto, ut Ammianus testatur (*Lib. XVII. cap. 4.*) per Ostiensem portam Piscinamque publicam Circo illatus est Maximo.

Dicitur, advectus fuisse ex urbe AEgyptia Heliopoli, & idem esse Obeliscus, quem Rameffes AEgypti Rex (qui ab Eusebio vocatur *Ramises*, a Iosepho *Ramphates*, ab Herodoto *Ramphitus*) collocarat Thebis in Solis Templo, ubique notatum sacris Aegyptiacae conflagrarunt. Auctor Plinius (*Lib. XXXVI. cap. 9.*) Opus id fecisse dicuntur xx. M. hominum. Ipse Rex, cum subrethurus esset, verereturque ne machinae ponderi non sufficerent, quo majus periculum curae artificum denuntiaret, filium suum adalligavit cacumini, ut salus ejus apud molientes prodesset lapidi. Hac admiratione operis effectum est, ut cum oppidum id expugnaret Cambyfes Rex, ventumque esset incendio ad crepidinem Obelisci, exstingui ignem juberet, molis reverentia, qui urbis (Thebarum) nullam habuerat.

Constantinus Magnus Alexandriam deferri eum curaverat, novam Romam suam ornaturus. Constantius vero, Patre defuncto, eum avexit Romam, erigique jussit in Circo Maximo.

Inscriptiones sequentes carminibus fuerant concinnatae, sed quia lapideis fragmentis ablatis multae voces desiderabatur, has Viri Litterati & ingenio praestantes, Joannes Hieronymus Catena, a secretis Epistolis Illustrissimi Cardinalis Alexandrini, & Michael Mercatus Physicus, Viridarii Summi Pontificis Praefectus, in hanc sententiam eas emendarunt, & restituerunt, litterisque majusculis basi veteri incidi curarunt.

PATRIS. OPVS. MVNVSQ. SUM. TIBI. ROMA. DICAVIT
AVGVSTVS. *scilicet*. CONSTANS. TIVS. ORBE. RECEPIT
ET. QVOD. NVLLA. TVLIT. TELLVS. NEC. VIDERAT. AETAS
CONDIDIT. VT. CLARIS. EXAQUET. DONA. TRIVMVIS
HOC. DECVS. ORNATVM. GENITOR. COGNOMINIS. VRIBVS
ESSE. VOLENS. CAESA. THEBIS. DE. RVPE. REVELLIT

SED. GRAVIOR. DIVVM. TANGEBAT. CVRA. VEHENDI
QVOD. NVLLO. INGENIO. NISVQVE. MANVQVE. MOVERI
CAVCASEAM. MOLEM. DISCVRRENS. FAMA. MONEBAT
AT. DOMINVS. MVNDI. CONSTANTIVS. OMNIA. FRETVS
CEDERE. VIRTVTI. TERRIS. INCEDERE. IVSSIT
HAVT. PARTEM. EXIGVAM. MONTIS. PONTOQ. TVMENTI

CREDIDIT. ET. PLACIDO. *veteris. aequa. su* CTV
LITVS. AD. HESPERIVM. TIBERI. MIRANTE. CARINAM
INTEREA. ROMAM. TAPRO. VASTANTE. TYRANNO
AVGVSTI. IACVIT. DONVM. STVDIVMQVE. LOCANDI
NON. FASTV. SPRETI. SED. QVOD. NON. CREDERET. VLLVS
TANTAE. MOLIS. OPVS. SVPERAS. CONSVRGERE. IN. AVRVS

NVNC. VELVTI. RVRSVS. RVRSI. AVVLSA. METALLIS
EMICVIT. PVLSATQ. POLOS. HAEC. GLORIA. DVDVM
AVCTORI. SERVATA. SV. CVM. CAEDE. TYRANNI
REDDITVR. ATQVE. ADITV. ROMA. VIRTVTI. REPERTO
VICTOR. OVANS. VRBIQVE. *locat. sublime.* TROPAEVVM
PRINCIPIS. ET. MVNVS. CONDIGNIS. *usque.* TRIVMVIS

Auctorem horum versuum ignorasse historiam eorum temporum docet Bargaeus (*in sua Epistola de Urbis everforibus*) Vult enim, Obeliscum hunc, Constantini patris jussu, e rupe Syene caelum & revellum; id quod falsum esse, plenumque erroris ostendit Ammianus Marcellinus (*Libro 8. Capite citato*) Et quia fustantes adulatorum ex more Constantium id sine modo strepebant, quod cum Octavianus Augustus Obeliscos duos ab Heliopolitana civitate transfulisset Aegyptia, quorum unus in Circo Maximo, alter in Campo locatus est Martio; hunc recens advectum difficultate magnitudinis territus, nec contrectare ausus est, nec movere, discant qui ignorant, veterem Principem (Augustum intelligit) translatis aliquibus, hunc intactum

Tom. II.

R

ideo

ideo practerisse, quod Deo Soli speciali munere dedicatus, fixisque intra ambitiosi templi delubra, quae con-
tingi non poterant, tamquam apex omnium eminebat. Verum Constantinus id parvi ducens, avulsam hanc
molem sedibus suis, nihilque committere in religionem recte existimans, si ablatum uno templo miraculum
Romae sacraret, id est, in templo Mundi totius, jacere diu perpeffus est, dum translationi pararentur uti-
lia. In sequentibus capitis hujus ab eodem Auctore accurate describitur erectio Obelisci, Constantii
Imperatoris jussu peracta. *Sola post haec restabat erectio, quae vix aut ne vix quidem sperabatur posse
compleri: erectisque usque periculum altis trabibus, ut machinarum cerneret nemo, innectuntur vasti funes
& longi, ad speciem multiplicium liciorum, coelum densitate nimia subtexentes: quibus colligatus mons ipse
effigiatu scriptilibus elementis, paulatimque id per arduum inane protentus, diu pensilis, hominum millibus
multis tamquam molendinarias rotantibus metas, cavea locatur in media.*

Hic Obeliscus, vastationibus Gothorum everfus, inventus est, in tria frustra diffractus, & alte sepul-
tus ad palmos xxiv. in solo paludinoso, in ruinis Circi Maximi, An. Christi MDLXXXVII. Trans-
ferebatur illinc, jubente Sixto V. Pont. Max. ante Basilicam Lateranensem, ubi tria frustra illius, mira
arte conjuncta, erigebantur, supra basin excelsam & novam, opera Dominici Fontanae, & impone-
bantur ei tres Montes cum Stella, insignia Sixti V. & in summo cacumine conspicitur signum sanctif-
simae Crucis, cui hic Obeliscus fuit consecratus. In basi nova leguntur sequentia.

CONSTANTINVS.
PER. CRVCES.
VICTOR.
A. S. SILVESTRO.
HIC BAPTIZATVS.
CRVCIS GLORIAM.
PROPAGAVIT.


FL. CONSTANTINVS.
MAXIMVS. AVG.
CHRISTIANÆ. FIDEL.
VINDE. ET. ASSERTOR.
OBELISCVM.
AB. ÆGYPTIO. REGE.
IMPRO. VOTO.
SOLI. DEDICATVM.
SEDIBVS. AVVLVSVM. SVIS.
PER. NILVM. TRANSFERRI.
ALEXANDRIAM. IVSSIT.
VT. NOVAM. ROMAM.
AB. SE. TVNC. CONDITAM.
EO. DECORARET. MONVMENTO.

SIXTVS. V. PONT. MAX.
OBELISCVM. HVNC.
SPECIE. EXIMIA.
TEMPORVM. CALAMITATE.
FRACTVM. CIRCI. MAX.
RVINIS. HVMO. LIMOQVE.
ALTE. DEMERSVM. MVLTQ.
IMPENSIV. EXTRAXIT.
HVNC. IN. LOCVM. MAGNO.
LABORE.
TRANSTVLIT.
FORMÆQVE. PRISTINÆ.
ACCVRATE. RESTITVTVM.
CRVCI. INVICTISSIMÆ.
DICA VIT.
A. M. D. LXXXVIII. PONT. IV.

FL. CONSTANTIVS. AVGVST.
CONSTANTINI. AVG. FIL.
OBELISCVM. A. PATRE.
LOCO. SVO. MOTVM.
DIVQVE. ALEXANDRIÆ.
IACENTEM.
TRECENTORVM. REMIGVM.
IMPOSITVM. NAVI.
MIRANDÆ. VASTITATIS.
PER. MARE. TIBERIMQVE.
MAGNIS. MOLIBVS.
ROMAM. CONVECTVM.
IN. CIRCO. MAX.
PONENDVM.
S. P. Q. R. DD.

Victor tradit, altitudinem hujus Obelisci fuisse pedum cxxii. sed hoc intelligendum est, a fundo
terrae ad summum ejus cacumen; tot enim pedes conficiunt palmi clxxiii. cum dimidio. Obeliscus
autem ipse, juxta Mercati mensuram, continet palm. cxlviii. cui tamen palmi iv. vetustate corrofi,
sunt ablati. Est igitur altus palm. cxxx. usque ad pyramidion, cujus altitudo palmarum xiv. addita pal-
mis cxxx. conficit palm. cxlv. Latera majora prope basin, Australe & Boreale, latitudinem habent
palm. xiii. cum quarta, prope pyramidion palm. ix. cum dimidia. Latera minora, Orientale & Se-
ptentrionale, prope basin continent palm. xii. cum tertia, prope pyramidion vii. cum tribus quartis.
Totus denique, a planitie terrae ad summum ejus apicem, altus est palm. clxxxii.





F O R U M

N E R V A E.

35

FORVM NERVAE communiter omnes opinantur fuisse ad radices Quirinalis Montis, prope Palatium, quondam Comitum, nunc Grillosum. Visitur hic reliqua pars ingentis Aedificii antiqui, cuius partem maiorem occupavit Ecclesia S. Basilii, & Monasterium Neophytarum. Superest muri pars magna etiam nunc e saxo quadrato, sed habet illa multos, & contra elegantiam attemque Architecturae reductos amfractus. Apparet hinc viae antiquae, muro huic contiguae, flexus fuisse eosdem, quos proinde sequi debuit ipsa aedificii structura. Pars interior prominet, sustentata tribus columnis grandibus, striatis, & perpulcris, cum Trabeatione magnificentissima. Et certe licet hinc conicere, quantus fuerit splendor, quantaque magnificentia Aedificii veteris.

Forum Nervae fuit post Forum Augusti, & remotius a Foro Romano. De hoc Foro Suetonius (cap. 5.) Excitavit Forum Domitianus, quod nunc Nervae vocatur. Occiso enim Domitiano, antequam aboleret Forum, Nerva successor perfecit, dedicavitque. Dicebatur vero Transitorium, non quod opportunum commodumque praeberet transitum in Fora alia, ut Marlianus, aliique putant: sic enim & Fora Augusti, & Caesaris, & alia recte appellarentur Transitoria. Sed quia in eo erat aliquod Jani Templum, cum Portis quatuor, sive Arcubus. Et hi quidem Jani Quadrilateri Transitiones vocabantur, quod transeuntibus liberum omni tempore praeberent transitum. Et sane Nerva Janum Quadrifrontem, ex delubro humiliore, transtulit in Forum suum. Martialis, (Lib. X. Epigr. 28.)

Amorum nitidique sator pulcerrime Mundi,
Publica quem primum vota precesque vocant,
Pervius exiguos habitabas ante penates,
Plurima qua medium Roma terebat iter.
Nunc tua Caesareis cinguntur limina donis,
Et fora tot numeras, Jane, quot ora geris.
At tu, sancte pater, tanto pro munere gratus,
Ferrea perpetua claustra tuere sera.

Tertius, qui Forum hoc exornavit, fuit Imperator Alexander. De eo Lampridius (in vita Alexandri cap. 28.) Statuas Colosseas, vel pedestres nudas, vel equestres, Divis Imperatoribus in Foro D. Nervae, quod transitorium dicitur, locavit omnibus cum titulis, & columnis aereis, quae gestorum ordinem continerent, exemplo Augusti, qui summorum virorum statuas in foro suo e marmore collocavit, additis gestis.

Praetereundum id quoque non est, quod in Foro Nervae rei aliquando supplicii sunt affecti, quum alia Fora tria iudiciis habendis essent dicata. Exemplum habemus in Vetronio Turino, qui, acceptis muneribus, multa petentibus, nomine Imperatoris, promiserat. De eo Lampridius refert (Ibidem cap. 36.) In Foro Transitorio ad stipitem illum ligari praecepit Alexander, & fumo apposito, quem ex stipulis atque humidis lignis fieri jusserat, necavit, pracone dicente: Fumo punitur, qui vendidit fumum.

Spatium Fori hujus certo definiri nequit, sed fuit ornatissimum, & structurae elegantis, utpote aedificari coeptum a Domitiano, aemulatione quadam Caesaris & Augusti. Neque enim Domitianus fecit opera, nisi eximia & praestantia.

Prope hanc Basilicam, de qua sumus locuti, in muro, qui Forum complectebatur, visitur etiam nunc Porta, quae transeuntibus patebat, cui nunc corrupte Arcus Noë, pro Nervae, datur nomen.

Tres denique Columnae marmoreae, striatae, & perelegantes, quae hodie conspiciuntur in hoc Foro, dicuntur esse reliquiae Templi Nervae Caesaris. Est autem iis imposita Turris campanaria Ecclesiae monialium S. Basilii ad latus marmorei Aedificii. De hoc Templo loquitur Plinius (in Panegy. cap. 11.) Nervam lacrymis primum, ut filium decuit, mox templis honestasti, non imitatus illos, qui hoc idem, sed alia mente fecerunt.

Tom. II.


S

COLUMNA

27 57 91 101 115
1 7 4 7 15







COLVMNA MILLIARIA.



COLVMNAS lapideas, indicantes spatiorum notas & signa, per totam Italiam primus statuit C. Gracchus, dimenso viarum spatio. Plutarchus (*in Gracchis*) *Elaboravit autem potissimum in viis muniendis, tam utilitatis, quam oblectamenti, & ornatus curam gerens. Ducebantur enim directae ad amussim per agros viae, atque hinc lapide quadrato sternebantur, hinc glareae aggeribus advectis referebantur. Complebat, & pontibus iungebat lacunas torrentibus, vel specubus excavatas, ac lateribus pari inter se fastigio utrimque comparatis, aequabilem habebat & visendam undique opus faciem. Adhaec viam omnem per milliarum dimensus (capit autem paulo minus octo stadia milliare) columnas lapideas, spatii signandi gratia, locavit.* Ovidius (*Il. Fast. ubi de Terminalibus.*)

*Illam lanigeri pecoris tibi, Termine, fibris
Sacra videt fieri sextus ad Urbe lapis.*

Rutilius (*Itinerario Lib. II. v. 7.*)

*Intervalla viae fessis praestare videtur,
Qui notat inscriptus milia crebra lapis.*

Una harum Columnarum milliariarum, praeferebat numerum Primum, hodie translata est in Capitolium. His longitudo viarum indicabatur, quantoque quis spatio ab Urbe abesset. Et haec quidem omnium fuit prima, Urbique proxima, ut ex illius constet Titulo. Huic Columnae etiam inscriptae videntur Inscriptiones sequentes.

In Scapi parte I. & II.

IMP. CAES. VESPA
SIANVS. AVG
PONT. MAX. TRIB
POT. VII. IMP
XVII. P. P. CEN
SOR. COS. VII. DE
SIGN. VIII.

IMP. NERVA. CAES
AVG. PONT
MAX. TRIB. POT
COS. III
PATER. PATRIAE
REFECIT

In basi vero haec sequens Inscriptio legitur.

IMP. CAESARI DIVI
TRAIANI PARTHICI F
DIVI NERVAE NEPOTI
TRAIANO HADRIANO
AVG. PONTIF. MAXIM
TRIB. POT. II. COS. II

VIATORES. QVI IPSI ET COS. ET
PR. CETERISQ. MAGISTRATIB
APPARENT. ET. H. V.

Ab utroque autem Basis latere leguntur hae duae Inscriptiones.

QVÆ PEREGRINA DIV. STETERAM.
MENSURA VIARVM.
NVNC CAPITOLINI CVLMINIS.
INCOLA SVM.
MVTIVS. DE. MAXIMIS.
LEONARDVS. COGNIVS.
LVTIVS. SABELLVS.
CONSERVATORES.
SCIPIO. HIPPLYTVS. DE ROSSI PRIOR.
IN. MELIOREM. FORMAM.
REDEGERVNT.
AN. SAL. M. D. C. XCII.

S. P. Q. R.
COLVMNAM. MILLIARIAM.
PRIMI. AB. VRBE. LAPIDIS. INDICEM.
AB. IMPP. VESPASIANO. ET. NERVA.
RESTITVTAM.
DE. RVINIS. SVBVRBANIS. VIÆ. APPIÆ.
IN. CAPITOLIVM. TRANSTVLIT.
AVCTORIBVS.
ANTONIO. MACAROTIO. DE. LEONIB.
IVLIO. GVALTERIO.
VINCENTIO. CAPOCIO.
HORATIO. MVTIO. PRIORE.


CONSS.

Tom. II.

T


COLV-





COLVMNA

DVILIA, five ROSTRATA.



COLVMNAE plures fuerunt quondam in Foro positae pro tropaeis. Et docet Plinius harum usum statuis esse vetustiore (Lib. XXXIV. cap. 5.) ubi loquitur de Maenia & Duilia. Antiquior Columnarum, sicut C. Maenio, qui devicerat priscos Latinos, quibus ex foedere tertias praedae Pop. Rom. praestabat, eodemque in Consulatu in suggestis rostra devictis Antiatibus fixerat Anno Urbis CCCCLXVI. Item C. Duilio, qui primus Navalem Triumphum egit de Poenis, quae est etiam nunc in Foro.

Fuerat haec antiquitus ornata rostris aeneis navium captarum a Carthaginienfibus, bello maritimo; teste Silio (Lib. VI. v. 663.)

*AEquoreum juxta decus, & navale tropaeum
Rostra gerens, nivea surgebat mole columna
Exuvias Marti, domumque Duillius alto
Ante omnes mersa Poenorum classe dicabat.*

Hodie marmorea duntaxat rostra in Columna nova conspiciuntur, cui basis, seu parastata potius, non procul ab Arcu Septimii, in Foro ipso Romano, proximis superioribus annis, e ruderibus effossa fuit. Quo autem auctore, aut quando haec parastata in Capitolium e Foro sit translata, ignorare me cum Ciacconio, & aliis Viris Doctis libens profiteor. Boherellus certe, & Tanaquillus Faber, & Gassendus ante hos, non arbitrantur veram esse Duillii Inscriptionem, quae inserta stat muro Palatii Conservatorum in Capitolio, ad imam scalam a sinistra in introitu. Ciacconius quoque hanc Basin Columnae ejus, post C. Caesarem, & fortasse etiam post Plinium, atque Quintilianum restitutam censet, eo quod ad antiquam scribendi rationem negligentius effecta sit & expressa, prout hoc accuratissime ab ipso Ciacconio ostenditur, per totam explicationem Inscriptionis hujus, quam supplere ex conjecturis doctissimis, in amissis vocabulis, feliciter est conatus.

Inscriptionem, quae in Basi ejus legitur, Ciacconius minoribus literis supplevit, & hujus argumenti fuisse, existimat.

C. BILIOS. M. F. COS. ADVORSOM. CARTACINIENSEIS. EN. SICELIAD
REM. CERENS. ECEST. ANO S. COGNATOS. POPLI. ROMANI. ARTISVMAD
VSEDEONED. EXEMET. LEGION. EIS. CARTACINIENSEIS. OMNEIS
MAXIMOSQVE. MAGISTRATOS. LVGANS. DOVEROS. RELICTIS
NOVEM. CASTREIS. EXFOCIONT. MACELAM. MOENITAM. VRBEM
PVCNANDOD. CEPET. ENQVE. EODEM. MACESTRATOD. PROSPERE
REM. NAVEBOS. MARID. CONSOL. PRIMOS. CESET. RESMECOSQVE
CLASESQVE. NAVALES. PRIMOS. ORNAVET. PARAVETQVE. DIEBOS LX
CVMQVE. EIS. NAVEBVS. CLASEIS. POENICAS. OMNIS. PARATASQVE.
SVMAS. COPIAS. CARTACINIENSIS. PRAESENTED. MAXVMOD
DICTATORED. OLOROM. IN. ALTOD. MARID. PVCNANDOD. VICET
XXXQVE. NAVEIS. CEPET. CVM. SOCIEIS. SEPTEMRESMOSQVE. DVCIS
QVINRESMOSQVE. TRIRESMOSQVE. NAVEIS. XX. DEPRALSET
AVROM. CAPTOM. NVMEI. DCC

ARGENTOM. CAPTOM. PRAEDA. NVMEI. CCCCLXXX C

ICRAVE. CAPTOM. AES. CCCCLXXX CCCCLXXX CCCCLXXX CCCCLXXX CCCCLXXX CCCCLXXX
CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX
CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX PONDOD
TRIUMPOQVE. NAVALED. PRAEDAD. POPLOM. ROMANOM. DONAVET
CAPTIVOS. CARTACINIENSEIS. INCENVOS. DVXET. ANTE. CVROM
PRIMOSQVE. CONSOL. DE. SICELIIS. CLASEQVE. CARTACINIENSOM
TRIUMPAVET. EAROM. REROM. ERGO. S. P. Q. R. EI. HANCE. COLVMNAM. P.

Explicatio Columnae Rostratae, a Ciacconio concinnata. Quae semicirculis includuntur, explanationis causa sunt addita.

Cajus Duilius Marci filius Consul adversus Carthaginienses in Sicilia
rem gerens, Egestanos (socios atque) cognatos populi Romani artissima
obsidione exemit. Legiones (enim) omnes Carthaginiensium (qui Egestam obsidebant, & Amilcar)
maximus (eorum) magistratus (festinandi studio) elephantis relictis
novem, castris effugerunt. Macellam (deinde) munitam (validamque) urbem
pugnando cepit. Atque in eodem magistratu prospere rem navibus mari Consul primus gessit: remiges
classisque navales primus ornavit atque paravit diebus sexaginta. Et cum his navibus, classes Punicas omnes,
paratas (ornatas) que summis copias Carthaginiensium, praesente (Annibale) maximo dictatore illorum, in
alto mari pugnando superavit;
trigintaque naves cum sociis (hoc est cum ipsis hominibus) cepit, & septiremem praetoriam,
quingueremes (praeterea) ac triremes naves xx depreffit.


Aurum captum in praeda nummi III. M. DCC.

Argentum captum in praeda nummi C. M.

AES grave captum vicies semel centena millia pondo atque in triumpho navali praedam (omnem in aerarium)

Popul. Rom. intulit.

captivos (citavi) Carthaginienses ingenuos (hoc est, nobiles aliquot) ante currum duxit:
primusque Consul, de Sicilia, & classe Carthaginiensium triumphavit. Earum rerum ergo
S. P. Q. R. ei hanc columnam posuit. vel
triumphavit. Earum rerum ergo Marti donum dedit atque dicavit.





C O L V M N A

INCOGNITA, IN CAMPO VACCINO.



OLUMNAE hujus nullam invenio mentionem esse factam, apud Scriptores Veteres, vetustaeque antiquitatis Interpretes Literatissimos. Quum Romae peregrinarer, consului super ea re antiquitatum Romanarum Doctissimos, sed inutiliter, ac frustra. Est tamen in semet satis elegans, quamvis ignota penitus Romanis, civibus suis. Si quis autem conjecturis hac in re sit locus; suspicor, unam esse ex ruinis Vestibuli Templi cujusdam. Hujus enim generis Columnae iis usibus destinabantur.

Columna ipsa est friata ex lapide Pario, habetque diametron palmor. VI. & unius pollicis, ordine Corinthio.





C O L U M N A

PACIS, five S. MARIAE MAIORIS.



OLUMNA haec stetit olim in ruinis Templi Pacis, quod maximum omnium & splendidissimum Vespasianus condiderat, & temporibus Commodi est exustum. Tota est marmorea, striata, admirandaeque altitudinis, potestque videri sustinuisse fornicis latus annexum. Hanc Papa Paulus V. inde avehit, & in Exquilini Montis area Meridiana collocari iussit in basin, quam construxit, ante Liberianam Basilicam; atque in summo culmine ejus posuit aeream statuam Virginis, Servatorem gestantis, inauratam.

Opus hoc perfecit Carolus Madernus, Architectus Mediolanensis. Statuam vero ex argilla confecit primum Guilielmus Gallus, quam ex aere deinde fudit Dominicus Ferrerus. Hujus statuæ altitudo est palmorum viginti. Columna vero explet palmos septuaginta quinque, sine basi & peristyllo. Tota autem a fundo plateae, cum statua & basi, ad palmos centum & septuaginta quinque ascendit. Diametros ejus est palmorum octo, & pollicum trium. Columna ipsa solidus est, & unicus Lapis marmoris Parii, ordinis Corinthii.

Basi superimpositi cernuntur dracones duo, & totidem aquilae, ex aere, deauratique, quos suis insculptos praeferebat Insignibus Papa Paulus V. Borghesius. Ad basin ejus idem Pontifex conduxit Aquam Felicem, & illic construxit civium bono fontem publicum.

Balthasar Ansidæus Perusinus, Basilicae Vaticanae custos, sequentem basis titulum composuit.

PAVLVS. V. PONT. MAX.
 COLUMNAM. VETERIS. MAGNIFICENTIAE. MONVMENTVM.
 INFORMI. SITV. OBDVCTAM.
 NEGLECTAMQVE. EX. IMMANIBVS. TEMPLI. RVINIS.
 QVOD. VESPASIANVS. AVGVSTVS. ACTO. DE. IVDÆIS. TRIVMPHO
 ET. REIPVBLICÆ. STATV. CONFIRMATO. PACI. DICAVÉRAT.
 IN. HANC. SPLENDIDISSIMAM. SEDEM. AD. BASILICÆ. LIBERIANÆ.
 DECOREM. AVGENDVM. SVO. IVSSV. EXPORTATAM.
 ET. PRISTINO. NITORI. RESTITVTAM.
 BEATISSIMÆ. VIRGINI.
 EX. CVIVS. VISCERIBVS. PRINCEPS. VERÆ. PACIS. GENITVS. EST.
 DONVM. DEDIT.
 AENEAMQVE. EIVSDEM. VIRGINIS. STATVAM. FASTIGIO. IMPOSVIT.
 ANNO. SAL. MDC. XIV. PONTIF. IX.


Antonius Querengus, utriusque Signaturae Referendarius, lateribus ejusdem Basis adscribi curavit
hocce Jambos.

IGNIS. C O L U M N A.
PRÆTVLIT. LV MEN. PIIS.
DESERTA. NOCTV.
VT. PERMEARENT. INVIA.
SECVRI. AD. ARCES.
HÆC. RECLVDIT. IGNEAS.
MONSTRANTE. AB. ALTA. SEDE.
CALLEM. VIRGINE.

IMPVRA. FALSI. TEMPLA.
QVONDAM. NVMINIS.
IVBENTE. MOESTA.
SVSTINEBAM. CÆSARE.
NVNC. LÆTA. VERI.
PERFERENS. MATREM. DEI.
TE. PAVLE. NVLLIS.
OBTICEBO. SÆCVLIS.

VASTA. C O L U M N A M. MOLE.
QVÆ. STETIT. DIV.
PACIS. PROPANA. IN. ÆDE.
PAVLVS. TRANSTVLIT.
IN. EXQVILINVM. QVINTVS.
ET. SANCTISSIMÆ.
PAX. VNDE. VERA. EST.
DEDICAVIT. VIRGINI.





COLV M N A

A N T O N I N I



OLVMNAM, seu cochlidem hanc, Marco Aurelio Antonino Pio, sed jam mortuo, erexit Senatus, in Foro nominis ejusdem.

Factam, ad exemplar Columnae Trajani, dedicavit, in Campi Martii area Flaminia, Senatus M. Aurelio Antonino Pio, Philosopho, ut diximus, non autem Antonino Pio, ejus focero. Siquidem, notante Nardino & Donato & aliis, in ipsa Columna insculptae imagines Marcomannici belli, quod Marcus gessit, non Antoninus Pius, una cum icuncula Jovis Pluvii, laborante siti exercitu, satis illustre documentum sunt, Columnam hanc a Senatu, & filio ejus Commodo erectam esse memoriae patris, Marci Aurelii Antonini Philosophi. Nummus vero, a Nardino, cum effigie Columnae citatus, cufus fuit in honorem Antonini Pii, exhibetque aliam columnam solidam, ei Imperatori erectam, quae anno demum M D CCH. cruta est. Vide hac de re (*Dissert. Cl. V. Johannis Vignolii, ut & R. P. Francisc. Blanchini Dissert. de Kalend. & Cyclo Caesaris.*)

Gradus habet centum nonaginta: reliqui septem, qui ab antiquae portae limine incipiebant, terra sunt obruti. Fenestellae numerantur quatuor & quadraginta in Columna, & quatuor aliae fuerunt in basi vetere, quarum una tantum mansit aperta.

In ejus fastigio summo ingens stetit statua M. Aurelii Antonini Philosophi, prout ex antiquis Scriptoribus discimus. Visuntur quoque, ut notavimus, in hac Columna imagines, exprimentes gestas in bello Marcomannico res, prout id non obscure ex historiarum fide liquet. Clarissime tamen, ut dictum, id constat ex imagine Pluvii Jovis fulminantis. Expressum hoc in Columna voluerunt, quod pietate militum Legionis Christianorum (quae proinde, ut vulgus credit, *Legio fulminatrix* dicta fuit) impetrata a Deo est pluvia exercitui sitiienti, & oblesso. Nam Gentiles id beneficium Diis suis tribuebant. Julius Capitolinus, in M. Antonino Philosopho (cap. 24.) *Fulmen de coelo precibus suis contra hostium machinamentum Marcus extorsit, suis pluvia impetrata, cum sui laborarent.* Legendus erit Baronius, in suis Annalibus accuratius haec describens (*Tom. II. An. Sal. 176.*)

Fuit autem elaborata non tanto artificio, quanto constat Trajani Columnam esse factam. Artes quippe tunc temporis magnam partem erant diminutae, ut notat Doctissimus Casalius (cap. II. de *Splendore Urbis.*)

Huic autem Imperatori, plura honoris & gloriae monumenta a Senatu Populoque Romano decreta fuisse, testantur Historici. Aurelius Victor (*in Epitome*) *De ejus morte nuntio Romam pervecto, &c. omnes pari sensu praesumpserunt, Marcum coelo receptum esse, ob cujus honorem templa, Columnae, multaque alia decreta sunt.* Et idem Auctor (*de Caesaribus.*) *Qui se juncti in aliis Patres & vulgus, soli omnia decrevere, templa, Columnas, sacerdotes.*

Hanc Columnam, ex marmore Pario factam, ruinis fatiscentem, & incendiis ac vetustate collapsam, injuriaque temporum deformem, Sixtus V. restauravit. Factum id An. Sal. M. D. LXXXIX. Architecto operis Dominico Fontana, qui & Columnae fastigio imposuit S. Pauli simulacrum, ex aere deauratum, altumque palmos Romanos XIX. Nam huic Apostolo Columna haec ab eodem Pontifice fuit consecrata, quod & testatur Titulus, legendus subter pedes statucae Pauli, divisus in quatuor partes.

SIXTVS. V. S. PAVLO. APOST. PONTIF. ANNO. IV.

Inscriptiones sequentes habentur in quatuor Basis Columnae lateribus.

SIXTVS. V. PONT. MAX.
C O L U M N A M. H A N C.
C O C H L I D E M. I M P.
A N T O N I N O. D I C A T A M.
M I S E R E. L A C E R A M.
R V I N O S A M Q V E. P R I M Æ.
F O R M Æ. R E S T I T V I T.
A. M. D. LXXXIX. PONT. IV.


M. AVRELIVS. IMP
A R M E N I S. P A R T H I S
G E R M A N I S Q V E. B E L L O
M A X I M O. D E V I C T I S
T R I V M P H A L E M. H A N C
C O L U M N A M. R E B V S
G E S T I S. I N S I G N E M
I M P. A N T O N I N O. P I O
P A T R I D E D I C A V I T

SIXTVS. V. PONT. MAX.
C O L U M N A M. H A N C.
A B. O M N I I M P I E T A T E.
E X P V R G A T A M.
S. P A V L O. A P O S T O L O.
Æ N E A. E I V S. S T A T V A.
I N A V R A T A. I N. S V M M O.
V E R T I C E. P O S I T A. D. D.
A. M. D. LXXXIX. PONT. IV.

T R I V M P H A L I S.
E T. S A C R A. N V N C. S V M.
C H R I S T I. V E R E. P I V M.
D I S C I P V L V M. F E R E N S.
Q V I. P E R. C R V C I S.
P R Æ D I C A T I O N E M.
D E. R O M A N I S.
B A R B A R I S Q V E.
T R I V M P H A V I T.

Manifeste in hac tertia Inscriptione erratum est, contra fidem historiarum omnium. Siquidem, ut vidimus, hanc Columnam ipsi Marco Aurelio, jam defuncto, ponendam curavit Senatus, non contra, Marcus Aurelius vivens Patri, vel potius Socero.

Tota Columna alta est palm. Rom. cccxx. Diametros Scapi continet palm. xvi. & iv. poll.





T H E R M A E

T I T I



HERMAE TITI fuerunt prope ipsam aedem S. Petri in Vincula, coenobiumque & hortum. Ostendunt hoc manifestissime monumenta antiquitatis insignia, quae illic conspiciuntur, fabricis speciem Thermarum referentia. Testis Suetonius, Tito (*cap. 7.*) *Amphitheatro dedicato, thermisque juxta celeriter exstructis* (Titus) *munus edidit apparatusissimum, largissimumque.* Martialis, *de Spectaculis* (*epigr. 2.*)

*Hic, ubi miramur velocia munera thermas,
Abstulerat miseris tecta superbus ager.*

Et (*Lib. III. epigr. 20.*)

Titine thermis, an lavatur Agrippae.

Sunt qui Trajanum non fecisse novas thermas, sed veteres Titi instaurasse affirmant, contra auctoritatem Victoris & Rufi, qui utraque distinguunt, dividuntque. Multo tamen est verisimilius; Trajanum thermas Titi ampliavisse, aedificiis novis additis, ad majorem illarum splendorem, atque commoditatem. Et hinc quidem venit nomen *Thermarum Trajani*. Estque nulla ratio conjecturae vero propioris; quam novas a Trajano exstructas non fuisse thermas, in tanta vicinia thermarum Titi. Donati tamen sententia est; Titi Caesaris Thermas fuisse proximas, & paene contiguas thermis a Trajano aedificatis.

Inventa sunt, in his Thermis, duo marmoris frustra: in horum uno erat sculpta flamma cum hoc Titulo.

I O V I
I M P. V E S P A S I A N V S
A V G.
P E R. C O L L E G I V M. P O N T I F I C V M
F E C I T.

Sed Fulvius Ursinus, qui Marlianum notis illustravit, docet; falsam esse Inscriptionem de Titi Thermis, quum scribi debuisset Trajani, ex duabus basibus statuarum, quarum altera translata fuit e Trajani thermis in aedes Maffeorum, cum hac Inscriptione.

I V L I V S F E L I X C A M P A N I A
N V S V C P R A E F E C T V S V R B I
A D A V G E N D A M T H E R M A
R V M T R A I A N A R V M G R A T I A M

♦ C O N L O C A V I T ♦

Magna est controversia de loco nuncupato Italica Lingua, *le sette Sale di Vespasiano*, *septem aulae, sive atria Vespasiani*; & de loco in thermis Diocletiani, vulgo, dicto *Botte de therme* (ad quae verba notat Ursinus Marliani commentator: *Hic quae thermarum dolia vocitantur erat dicendum.*) Est autem sciendum, castella aquarum fuisse. Neque enim thermas, tantum ad usus publicos exstructas, sua habuerunt castella, in quae juxta moduli erogationem, quinarias suas accipiebant, quas subministrarent balneis, prout requirebat usus; verum etiam privatis thermis, ut Frontinus refert, sua fuerunt castella, in quae derivarent aquam, ex publico castello depromptam, eandemque in usus sibi necessarios distribuerent. Sententia Montefauconii est, fuisse Lymphaeum, sive Nymphaeum Claudii, a Rufo consequenter post Thermas Titi & Trajani recensitum: nam & locus quadrat, ac

Tom. II.

A a

vix

vix putarē quispiam tam nobile aedificium in enumeratione praetermissum fuisse; neque potest suspicio cadere in quidpiam aliorum, quae memorantur a Rufo. Notat idem Montefauconius, in singulis aulis septem esse portas, a quibus ad vicinas sit transitus, ita concinne positas, ut ab ultima aula, qui in porta consistit, septem una serie portas a prima ad postremam aulam linea transversa videat. A constanti septem portarum numero impetratum est, ut aulae, quae novem sunt, septem aulae, sive *le sette Sale*, plebejo usu vocitentur. Exstant vero hae novem camerae ingentes solo vicino demissiores, ubi quis ex S. Martini Ecclesia, spectandi causa, in conterminam ierit viam. Omnes autem sunt latitudine pedum xvii. cum dimidio. Longitudo varia est, nec una; ubi vero maxima, continet pedes cxxxvii.

Inter opera publica recensentur *Balneum Torquati & Vespasiani*. Intelligendus est autem *Titus Vespasianus*, qui *Amphitheatrum*, & prope illud *Balneum*, seu *Thermas* celeriter (ut loquitur Suetonius) exstruxerat. De his ita scribit Dion (*Lib. LXVI.*) *Amphitheatrum venationum causa, & Balnea suo nomine dedicavit*. Fuit ergo & ibi *Theatrum Torquati*, de quo tamen nihil dum me invenisse certo scio. Apud Sextum Rufum & P. Victorem legitur (*in regione prima*) *Lacus Torquati & Vespasiani*. Sed utrumque verum esse queat: nam lacus ad usum balnei erant.

Ante complures annos Ferdinandus Cardinalis Mediceus *Labrum ingens* ex his locis avexit in hortos suos, sitos in monte Pincio.

In ruinis prope has Thermas inventa fuit *Laocoontis statua*, quam in domo Titii Imperatoris collocatam fuisse Plinius auctor est (*Lib. XXXVI. cap. 5. sub finem*) his verbis: *Laocoön in Titii Imperatoris domo, omnibus & picturae, & statuariae artis praeferendum: ex uno lapide eum, & liberos, draconumque mirabiles nexūs de consilii sententia fecere summi artifices Agesander, & Polydorus, & Athenodorus, Rhodii*. Sed observarunt aliqui, statuam hanc *Laocoontis & liberorum ejus*, quae in Vaticano nunc est collocata, e duobus lapidibus esse factam, & propterea hanc statuam *Laocoontis* esse non posse, quae stetit in domo Titii. Omnibus tamen rite consideratis rationibus, dubitari nefas est, quin Vaticanus *Laocoön* non sit alius ab eo, de quo Plinius loquitur.

Duas exhibemus harum Thermarum Icones.







T H E R M A E

49

P H I L I P P I



D Thermas Philippi censentur pertinuisse rudera, quae ad Ecclesiam S. Matthaei in Merulana. Et quamquam certi nihil ea de re constar; conjecturae tamen aliquatenus confirmantur, ex situ loci, & forma ruinarum. Videtur enim id ipsum probare vetus Inscriptio, ibidem reperta, & a Panvinio allegata.

L. RVBRIVS. GETA. CVR. P. CCCXXIII
D. N. PHILIPPI AVG. THER.....

Hinc verisimile existimatur quoque, quum Philippus habuerit suam domum in Regione secunda, fuisse hanc Thermis ejus vicinam in Suburra. Adscendebatur forte ad has Thermas per eam partem Tabernolae, quae ducebat in Exquilias. De hoc Varro (*Lib. IV. de LL. p. 15.*) *Oppius mons terticeps lucum Exquilinum, dexterior via in Tabernola est.* Ergo & non potuit procul abuisse ab his Thermis Lucus Exquilinus.

Balnearum usus quotidianus apud Hebraeos, Assyrios, Graecos, aliosque Orientis populos, receptus antiquitus fuisse, in historiis legitur; hinc ad Romanos postea est translatus, propter aëris aestum nimium, unde sudore manantibus, & pulvere conspersis corporibus, frequenti ablutione opus esse, constat.

Valerius Maximus (*Lib. IX. cap. 1. exempl. 1.*) & Macrobius (*Saturn. Lib. II. cap. 11.*) scribunt; Sergium Oratam, hominem voluptarium, etiam penfiles Romae Balneas instituisse. Et Plinius (*Lib. XXXIX. cap. 1.*) tradit, usum Balnearum coepisse L. AEmilio & M. Licinio Cos. An. U. C. DXXXV.

Erant in illis Caldaria, Frigidaria & Tepidaria. Plinius (*Lib. V. epist. 6.*) *Frigidariae cellae connectitur media, cui Sol benignissime praesto est, caldariae magis: prominet enim, tertia a Sole longius, a luce non longius.* Vitruvius (*Lib. V. cap. 10.*) *Abena supra hypocaustum tria sunt componenda, unum caldarium, alterum tepidarium, tertium frigidarium: & ita collocanda, uti ex tepidario in caldarium, quantum aquae caldae exierit, insuat de frigidario in tepidarium ad eundem modum.* Excitabatur autem primo sudor in caldaria cella, qui aqua calente abstergebatur; post solum deinde in tepidaria corpus, tandem in frigidaria sensim ad nativum temperamentum revocabantur loti, qui etiam in unguentaria ungebantur. Hic erant etiam Apodyteria, in quibus Balnea ingressuri vestes deponebant. Idem Plinius (*in Epist. dicta*) *Inde Apodyterium Balnei laxum & bilare excipit cella frigidaria, in qua baptisterium amplum atque opacum.*

Domesticis Balneis usus fuisse cives paullo diutiores, testatur Cicero, Terentiani monens, *ut curet, ne labrum in Balneo desit* (*Lib. XIV. ad Fam. epist. 20.*) Terentius (*Eun. At. III. sc. 5. v. 34.*) ubi de Pamphila loquitur.

— — — Continuo haec adornant, ut lavet.

Nonnulli postea privati cives, lucri caussa, in pluribus Urbis vicis, Balnea exstruxerunt, ubi minimo pretio lavabantur, & refocillabantur quivis illuc advenientes. Martialis (*Lib. II. ep. 14.*)

*Nec Fortunati spernit, nec Balnea Fausti;
Nec Grylli tenebras, AEoliamque Lupi:
Nam Thermis iterum cunctis iterumque lavatur.*

Curatores Balnearum privatorum erant hi, Fortunatus, Gryllus & Faustus.

Postea Imperatores superbiore structura Thermas moliebantur; quippe apud deliciores necessarii usus ratio vertebatur in luxum & lasciviam. Ostendunt hoc Thermæ Agrippae sub Augusto, Neronis, Titi, Trajani, Caracallae & Diocletiani, quarum rudera exhibemus in effigiebus operis hujus nostri.

In initio hae Thermæ solis Imperatoribus serviebant, & patebant; sed postea etiam aperiebantur cuivis e populo. Quin & Principes ad id dementiae venerant, ut cum populo promiscue lavarentur. Spartianus (*in Hadr. cap. 17.*) *Publice & frequenter cum omnibus lavit.*

Tom. 11.

Bb

Fuc-

Fuerunt etiam Thermae Hiemales. Vopiscus (*in Aureliano cap. 45.*) *Thermas in Transiberina regione Aurelianus facere paravit hiemales, quod aquae frigidioris copia illic deesset.*

Fuerunt haec Balnea interdum mixta, seu communia viris ac feminis; de his Cyprianus (*Lib. de Habitu Virg.*) Christiane haec scribit. *Quid vero, inquit, quae promiscuas Balneas adeunt, quae oculis ad libidinem curiosis pudori & pudicitiae corpora dicata prostiunt, quae cum viros, atque a viris nuda vident turpiter, ac videntur, nonne ipsae illecebram vitiis praestant? nonne ad corruptelam & injuriam suam desideria praesentium sollicitant, & invitant.*

Tempus pomeridianum erat his lavationibus tributum, & quidem aestate hora octava, hieme nona, quae apud Italos sunt vigesima tempore aestivo, & vigesima prima hiberno, hoc est, apud veteres Romanos, horis ante Solis occasum tribus, & paullulum ante coenam. Plinius (*Lib. III. epist. 1. de Spurinna*) *Ubi hora, inquit, balnei nuntiata est (est autem hieme nona, aestate octava) in Sole, si caret vento, ambulat nudus. Deinde movetur pila vehementer & diu. Martialis (Lib. XI. ep. 53.)*

Octavam poteris servare, lavabimur una:

Scis quam sint Stephani Balnea juncta mihi.

Lavandi hora indicabatur tintinnabulo, quo ad Thermas vocabantur, qui lavari volebant, ut properarent; non venientibus enim periculum denuntiabatur, ut sola frigida lavarentur, clausis Thermis. Martialis (*Lib. XIV. ep. 163.*)

Redde pilam: sonat aes Thermarum: ludere pergis?

Virgine vis sola lotus abire domum?

Ad hos usus adhibebantur aenei, aut ferrei strigiles, ad fricandum & purgandum corpus; ampullae item, & gutti ad guttatim perfundendum corpus lotum oleo, & unguentis bene olentibus. Juvenalis (*Sat. III. v. 263.*)

— — & sonat (domus) unctis

Strigilibus, & pleno componit lintea gutto.

Delicatiores enim hic variis frictionibus & exspolitionibus corporum indulgebant; unde illud Lucillii.

Rador, subvellor, desquamor, pumicor, ornor,

Depilor, & pingor.

Loturi sedebant in foliis perforatis, qui marmorei erant in Thermis magnificentissimis. Martialis (*Lib. II. ep. 70.*)

Non vis in folio prius lavari

Quemquam, Coile.

Martialis etiam tradit, linteis usos fuisse Veteres in abstergendis corporibus. (*Lib. XII. epigr. 71.*)

Lintea ferret Apro vacuus cum vernula nuper,

Et supra togulam lusca federet anus.

Anui enim huic servandae vestes fuerant datae.


Post lotionem loti iterum in lectum reponebantur. Terentius (*Eunuch. Act. III. sc. 5. v. 44.*)

— — Accersitur lavatum interea virgo:

It, lavit, redit, deinde eam in lectum illae collocarunt.

AEdilibus in Municipiis quibusdam demandata erat cura Balneorum publicorum, qui ipsi quandoque municipibus praestabant, ut gratuito lavarentur. Alfenus (*in l. qui Insulam. 30. §. 1. ff. locati*) AEdilis, inquit, in municipio Balneas conduxerat, ut eo anno municipes gratis lavarentur: post tres menses incendio facto, respondit, posse agi cum balneatore. Arcadius Charisius (*l. ult. 18. ff. de muner. & honor. §. 5. cura quoque.*) docet; Curatores publice factos, qui Balnea publica calefieri curabant, quibus ex publico ad hunc usum pecunia dabatur. Inter personalia, ait, munera in quibusdam civitatibus numeratur & calefactio publica Balnei, si ex redditibus alicujus civitatis curator pecunia subministratur. Est etiam memorabilis lex Imperatorum, Arcadii & Honorii, super Balneis civitatum (*l. Ne splendidissimae. 11. C. de operibus publ.*) Ne splendidissimae urbes vel oppida vetustate labantur, de redditibus fundorum juris Reipublicae tertiam partem reparationi publicorum moenium & Thermarum restitutioni deputamus.





T H E R M A E

D I O C L E T I A N I

THERMAE DIOCLETIANI vastae in monte Quirinali sese produnt. Harum partem occupavit hodie Carthusianorum amplum Monasterium, eorundemque Templum, ingens satis. Templum vero D. Bernardi rotundum, nec valde magnum, Calidaria Diocletiani pro parte obtinuit. Reliqua Thermarum vel ruinis jacent obruta, vel minantur eas. Olim hae Thermae Urbis paene speciem referebant, complexae ambitu spatiosissimo, hinc *Fontem Terminorum* dictum, & granaria publica; inde villam Peretam, multosque hortos, vineasque.

Exstruere coeperunt has Thermas Diocletianus & Maximianus Imperatores. Dicuntur autem xl millia Christianorum, in iis aedificandis, serviles operas praestitisse. (Cardinalis Baronius *Ann. Tom. II. ad ann. C. ccxcviii.*) Inchoatas autem a prioribus Principibus, Successores eorum Constantius & Maximianus dedicarunt, exornaruntque nominibus propriis, primorumque Conditorum statuis in iis erectis. Docet hoc marmoris illic effossi Titulus sequens.

THERMAS. DIOCLETIANAS
A VETERIBVS. PRINCIPIB
INSTITVTAS. OMN

Item.

D. D. NN. DIOCLETIANVS. ET
MAXIMIANVS. INVICTI. SENIORES
AVGVSTI. PATRES. IMPERATORVM. ET
CAESARVM. CONSTANTIVS. ET. MAXIMIA
NVS. INVICTI AVGG. ET. SEVERVS. ET. MAXI
MIANVS. NOBILISS. CAESARES. THERMAS
FELICES. DIOCLETIANI AVG. FRATRIS. SVI
NOMINE. CONSECRAV. COEPTIS. AEDI
FICIIS. PRO. TANTI. OPERIS. MAGNITV
DINE. OMNI. CVLTV. PERFECTAS
ROMANIS. SVIS. DEDICAV

Huc quoque pertinet alterius marmoris Inscriptio, quae sequitur.

CONSTANTIVS. ET. MAXIMIANVS
INVICTI AVGG.
SEVERVS. ET. MAXIMIANVS
CAESS
THERMAS. ORNAVER. ET
ROMANIS. SVIS. DEDICAV

In iisdem Thermis Diocletiani legebantur hae Inscriptiones.

D. D. N. N. C. AVREL. VALER. DIOCLETIANVS. ET. M. AVREL. VALER. MAXIMIANVS
INVICTI. SENIORES. AVGG. PATRES. IMPP. ET. CAES. P. P.

D. D. N. N. FL. VALER. CONSTANTIVS. ET. GALER. VALER. MAXIMIANVS
NOBILISSIMI. CAESARES. FF.

THERMAS. FELICES. DIOCLETIANO. COEPTAS. AEDIFICIIS. PRO. TANTI. OPERIS
MAGNITVDINE. OMNI. CVLTV. IAM. PERFECTAS. NVMINI. EIVS. CONSECRARVNT

Balnea autem & Thermae, quam infano sumptu exstruerentur, docet Seneca (*Epist. 86.*) his verbis.
At nunc quis est, qui sic lavari sustineat. Pauper sibi videtur, ac sordidus, nisi parietes magnis & pretiosis orbibus resulerunt, nisi Alexandrina marmora Numidicis crustis distincta; nisi illis undique operosa,

C c

rosa, & in picturae modum variata circumlitio praetextitur; nisi vitro absconditur camera; nisi Thasius lapis, quondam rarum in aliquo spectaculum templo, piscinas nostras circumdedit, in quas multa sudatione corpora exinanita demittimus; nisi aquam argentea epistomia fuderunt: & adhuc plebejas fistulas loquor. Quid cum ad balnea libertinorum pervenero? quantum statuarum, quantum columnarum est, nihil sustinentium, sed in ornamentum postiarum, impensae causa? quantum aquarum per gradus cum fragore labentium? Eo deliciarum pervenimus, ut nisi gemmas calcare velimus. De his Ammianus Marcellinus (Lib. XVI. cap. 6.) Lavacra in modum provinciarum exstructa.

Fuerunt in his Thermis plusquam tria millia soliorum, sellarumque in usum lavantium, altissimi item fornices; hemisphaeria, camerationes, testudines, porticus, subdiales areae latissimae, aliaque admirabilia, ut videre est in Molis totius ichnographia. Hodie autem in locum harum Thermarum successerunt horti multi, horrea publica, duo coenobia, vineta & plateae amplissimae.

Fatur etiam Montefauconius, harum Thermarum immane fuisse spatium. In medio camerae praegrandes in Ecclesiae formam, Michaële Angelo Bonarota artifice, actae sunt, & in crucis Graecae morem concinnatae. Columnarum hic olim magna vis fuit; ad ducentas olim exportatas, aliique admotas aedificiis, narrabat Carhusiae prior; eae solum relictæ, quas amoliri, gravitatis causa, non licuit, suntque octo numero, aliae aliis densiores, sublimioresque.


In has Thermas translata leguntur varia exercitationum genera, urbanaeque deliciae, ludi, ambulae, scholae & colymbethrae. Fuit etiam in his Thermis Bibliotheca Ulpia, in qua libri lintei atque elephantini, Principum continentes gesta & Senatusconsulta. De ea Vopiscus scribit in vita Probi (cap. 1.) *Usus sum praecipue libris ex Bibliotheca Ulpia, aetate mea Thermis Diocletiani.* Et alio in loco, in Taciti vita (cap. 8.) *Bibliotheca Ulpia elephantini pugillares, in sexto armario fuit.*

Thermae hae vocantur *Diocletianae* & *Maximianae* vero nomine, etsi dici quoque possunt *Constantinianae*, vel rectius *Constantianae*, eo quod Constantius Imp. postea exornavit illas. Maximianus vero reversus ex Africa aedificavit eas in honorem Diocletiani, An. Sal. ccxcviii, & alias item sibi Carthagini in Africa. Nam quum defessus esset occidendis militibus Christianis, damnavit eos ad hoc opus faciendum, consumpsitque in eo absolvendo totum septennium. Testantur hoc Aëla D. Marcelli a Surio (26. Septemb.) & Baronius (loco superius citato) ubi haec leguntur: *Tempore illo, quo Maximianus ex Africae partibus rediit Romam, volens placere Diocletiano Augusto, ut in nomine ejus Thermas aedificaret, coepit, ob invidiam Christianorum, omnes milites, sive Romanos, sive alterius generis, ad afflictionem laboris compellere, & per varia loca alios ad lapides, alios ad arenam fodiendam damnare.* Et Eusebius (in Chronicis.) *Hoc anno, inquit, xv. imperii Diocletiani, Thermae Diocletiani Romae factae; & Maximiani Carthagine.* Postea Constantius, Pater Constantini Magni, & ejus Collegae Imperii, dedicarunt has Thermas Diocletiani, ut liquet ex Inscriptionibus supra adscriptis, ex Panvinio in Fastis. *Constantius & Maximianus invicti Augusti &c.* Exinde igitur hae *Thermae* sunt appellatae *Constantianae*, non *Constantinianae*. Erant enim Romae & aliae *Thermae Constantini*, quarum Ammianus meminit (Lib. XXVII. cap. 2.)

Has Thermas, sanctorum martyrum manibus exstructas, magis integras religio servavit nobis, everis aliis, ut pie eruditeque observavit Baronius, earumque muri superstites conversi sunt in Ecclesiam S. Mariae Virginis, Dominae Angelorum, consecrante hanc AEdem Pio IV. Pontifice Maximo, tot jam ante seculis Sanctorum sudore ac sanguine consecratam.

Tres exhibemus harum Thermarum Icones.









T H E R M A E

A G R I P P A E.



HERMIS AGRIPPAE plerique, & recte, adjudicant partem magnam *Caldarii* sphaericam, quae etiam nunc superest, haud ita longe a Pantheo, ubi *Arcus* fuit, dictus *Ciambellae*. In *Ruso* legimus. . . *M. Agrippae*. Sed hic excidit probabiliter vox *Pantheon*. Sequitur mox, *Horti & Thermae Agrippae*, quod non leve vicinitatis praebet argumentum.

Fuerunt autem, inter *Ostavae Porticum & Pantheon*, ubi adhuc harum *Thermarum* exstant vestigia. De his ita scribit *Plinius* (*Lib. XXXVI. cap. 25. in calce*) *Litrostrata coepit jam sub Silla, parvulis certe crustis, exstat bodieque, quod in Fortunae delubro Praeneste fecit. Pulsa deinde ex humo pavimenta in cameras transferre e vitro: novitium & hoc inventum. Agrippa certe in Thermis, quas Romae fecit, figlinum opus encausto pinxit. In reliquis albaria adornavit: non dubie vitreas facturus cameras, si prius inventum id fuisset, aut a parietibus scenae, ut diximus, Scavi pervenisset in cameras. Idem Auctor (Lib. XXXV. cap. 4.) M. Agrippa, vir rusticitati quam deliciis propior, &c. Verum illa torvitas duas tabulas Ajacis & Veneris mercata est a Cizycenis XII. pondo. In Thermarum quoque calidissima parte marmoribus incluserat parvas tabellas, paulo ante quam rescicerentur sublatas. Plinius certe (ibidem) Thermas has inter praecipua Urbis ornamenta numerat. Et testatur *Fabricius*, frustula vitrea eo in loco effodi: nam habuerunt arcus & pavimenta ex vitro, quod & *Plinium* testari vidimus. Idem auctor *Fabricius* scribit, sua aetate sedilia & ordines scamnorum adhuc apparuisse, & sitas fuisse inter *Templa S. Mariae Rotundae, & S. Mariae supra Minervam*. De his loquitur *Martialis* (*Lib. III. epig. 36.*)*

*Lassus ut in thermas decima, vel serius hora
Te sequar Agrippae.*

Ante has Thermas stetit *Apoxyomeni* signum, quod *Tiberius*, clamoribus populi reposcentis reponere est coactus, quum id, alio substituto signo, in cubiculum suum transtulisset. *Plinius* (*Lib. XXXIV. cap. 8.*) Inter quas (statuas) distringentem se a *Lyfippo* factum ante thermas dicavit, mire gratum *Tiberio Principi*. Qui non quivit temperare sibi in eo, quamquam imperiosus sui, inter initia Principatus, transtulitque in cubiculum, alio ibi signo substituto, eumque clamoribus populi reposcentis reposuit.


Itaque quod ad situm harum *Thermarum* attinet, fuere in Campo, aut finibus Campi utriusque, prope Pantheon. *Dion* (*Lib. LIII. prope finem*) *Agrippa* vaporarium *Laconicum* fecit. *Laconicum* autem vocatur id genus balnei, quoniam hic tum nudari corpora, tum inungi oleo praecipue videbantur. Idem (*Lib. LIII.*) *Moriens Agrippa* populo hortos, & balneum a se denominatum legavit.

In schedis *Flamini* *Vaccae* legitur haec observatio. *AEdes*, inquit, quas incolo, structae sunt ad Thermas *Agrippae*. Ibi quum cellam vinariam adornarem, incidi in struem, canalibus bene multis, qui lateritiis ex tabulis confecti erant, perforatam. Hi haud dubie deducendae in hypocausta aquae calidae usui erant. Subtus reperi pavementum, olim permeandis subterraneis hujusmodi ab antiquis usurpatum, tabellis marmoreis ab uroque latere vestitum, subjectumque pavementum firmissime structum, pilis bene multis fultum erat. Inter binas autem pilas ignis olim supponebatur, ibidemque in cineres & carbones incidimus. Vacuum item grande inveni, vestitum plumbeis laminis, quae clavos aeneis fixae erant, columnas item ex *Granito* marmore mediocris altitudinis deprehendi. Operae pretium me facturum arbitror, si, quae ad hunc *Flamini* *Vaccae* locum adnotavit *Montefauconius*, non omittam. Insignia de Thermis *Agrippae* nobis hic aperit *Flaminius*, & Vaporarium, sive Hypocaustum describit, quale a *Dione* atque *Plinio* recensetur, uti jam diximus. *Flaminius* igitur istius Vaporarii *Laconici* formam exprimit, quum ait, pavementum firmissimum pilis sustentatum fuisse, ita ut inter pilas hujusmodi pavimento & hypocausto calefaciendo ignis subijceretur: id autem Vaporarium, perinde atque *Plinius* marmoribus vestitum narrat.

Ad has Thermas suas magis ornandas, Agrippa addiderat *Stagnum*, atque *Euripum*, cum *parva Silva*, inter utrumque media. Posuit autem in hac silva Statuam, *Lylippi* manu elaboratam, & repraesentantem *Leonem cadentem*, ut refert Strabo (*Lib. XIII.*) Ne autem huic orto, thermis, stagnoque deessent undae salientes, *Ranum Aquae Virginis* illuc transtulit Agrippa.

Dubitari autem potest; an ad eandem Thermas & Pantheon fuerit *Campus Agrippae*; an potius ad *Porticum Vipsianum*, & *Fontem Aquae Virginis*. *Campum autem Agrippae*, teste Dione (*Lib. LV.*) *Porticu excepta*, ac *Diribitorium* ipse Augustus dedicavit, sive *publici juris fecit*. Et haec quidem Agrippae sunt Monumenta. Nero autem, quum deliciis loci invitaretur, non raro ibi convivatus est splendide, Tacito id referente, (*Ann. XV. cap. 37. §. 2.*) qui tamen Nero, *Solatium populo exturbato, & profugo Campum Martis, ac Monumeta Agrippae, hortos quin etiam suos*, eodem teste Tacito (*Ann. XV. cap. 39.*) patefecit.





THERMAE

ANTONINIANAE.



ANTONINIANAE THERMAE sunt in Regione XII. testibus Panvinio & Pancirollo. De his Eutropius ait (*Lib. VIII. sub finem.*) Opus egregium fecit Lavacri, quae Antoninianae appellantur. Lampridius scribit; has Antoninum Thermas inchoasse, Severum absolvisse, multumque exornasse, in Alexandro (*cap. 25.*)

Hae Thermae Antoninianae fuere omnium, quae Romae erant nobilissimae, sitae inter montes Coelium & Aventinum. De his loquitur Spartianus, in Severo (*cap. 21.*) Vixit diu in odio populi Antoninus, quamvis & vestimenta populo dederit, unde Caracalla est dictus, & Thermas magnificentissimas fecerit. Idem in Caracalla (*cap. 9.*) Opera Romae reliquit (Caracalla) Thermas nominis sui eximias, quarum cellam solearem Architecti negant posse ulla imitatione, qua facta est, fieri. Nam & ex aere, vel cupro cancelli superpositi esse dicuntur, quibus cameratio tota concredita est, & tantum est spatii, ut id ipsum fieri negent potuisse docti Mechanici. Idem viam novam munivit, quae est sub ejus Thermis (Antoninianis scilicet) qua pulchrius inter Romanas plateas non facile quidquam invenias. Hanc ergo Spartianus fuisse testatur inter plateas Romanas pulcherrimam, eamque necesse est, uti Forum aliquod, cinctam fuisse columnationibus & porticibus. Aurelius Victor (*de Caesaribus.*) Per cum (Caracallam) aucta Urbs magno accessu viae novae, & ad lavandum absoluta opera pulchri cultus. Et Olympiodorus: Habebant in usum lavantium sellas mille sexcentas, e polito marmore factas. In his fuerunt etiam duae sellae istae, quae hodie conspiciuntur in Templo Lateranensi, ut vult Nardinus. Sed Borrichius asserit; fuisse haec forsitan sedilia Poppeae parturientis; quia sunt fundo pertuso, instituto obstetricibus laudato. Nardini sententiam nihilominus confirmat Montefauconius; quia ante Martinellus, jam ante Nardinum, hoc existimaverit, Olympiodorum secutus: has nempe sellas Lateranenses perforatas, nec non aliam similem, in monte Cassino, & si quae id genus sunt, fuisse Thermis deputatas.

Vel in ipsis harum Thermarum ruinis specimen praeteritae magnificentiae comparet. Sunt enim peramplae. Ferunt spatium Thermarum interius septingentorum cubitorum longitudine fuisse. Sub Thermis, in declivi versus viam Appiam, longa series camerarum, seu tabernarum visitur, quas Montefauconius existimat esse latus Viae Novae, a Caracalla munitae: nam situs apprime consentit cum supra adductis Spartiani verbis. De his Thermis Eusebius testatur quoque, tam amplas & spatiosas fuisse eas, ut illic invenirentur cubacula infinita, marmoreis crustis singula ornatiora, quorum januae & cancelli fuerunt operis aenei, sed deaurati.

Itaque in hac Regione XII. his Thermis nihil par fuit, in operibus Romanae elegantiae, quas sitas fuisse animadvertimus, in latere Aventini, via Ardeatina, & ab Oriente habuisse templum SS. Nerei & Achillei, a Septemtrionibus S. Priscae, prope viam S. Balbinae, e regione S. Sixti.


Fuerunt autem omnium Thermarum Romanarum magnificentissimae, ita ut comparari cum iis nequiverint ne quidem Diocletiani lavacra, utcumque tot millium Christianorum sudore erecta; sed marmora illinc sunt ablata, & lacerae omni cultu, minitantesque parietinarum ruinam. Videntur hic tamen muri celsi ex latere coctili, cum fornicibus altissimis, pavimentis tessellatis albi nigrique coloris, vestigiisque canalium, quibus in diversos alveos aqua distribuebatur: conclavia item non unius structurae & ampla; atque in locis quibusdam aqua profunda, quae superfuit ex Ductu Appiae, obruto & foedato.


Porticus his Thermis addere instituit Elagabalus, sed eas Alexander Severus perfecit. Lampridius, in Elagabalo (*cap. 17.*) Et lavacrum, quod Antoninus Caracalla dedicaverat, & lavando, & populum admittendo, sed porticus defuerant, quae postea ob hoc sub dicto Antonino exstructae sunt, & ab Alexandro perfectae. Idem, in Alexandro (*cap. 25.*) Antonini Caracallae Thermas additis porticibus perfecit, & ornavit.

Eusebius & Cassiodorus in Chronicis volunt Antoninum Caracallam fecisse has Anno Imperii quarto, quas, ut diximus, Elagabalus ornatiores reddidit, Alexander perfecit, & ornavit. Serlius autem Architectus, qui ex parietinis sculpturis descripsit earum ichnographiam, asserit, dimensionibus partium & symmetria esse omnium, quae exstant, pulcherrimas. Nam & in iis multo major videbatur ambitus, quam quidem reliquiae earum stantes demonstrant.

Quoniam vero praecelsi e laterculo parietes magnam in his locorum amplitudinem includunt, proinde Paulus V. Pontif. Max. Thermas has dedit Patribus Soc. Jesu, Seminarium Romani, qui hunc locum destinarent ludicrae recreationi tironum, horis feriatis.

Septem exhibemus harum Thermarum Icones.




















THE R M A E

NERONIS & ALEXANDRI.



HERMAS NERO, operis eximii, extruxerat suas in Campo Martio, quarum fornices & arcus altissimi existant, prope S. Eustachium. Martialis (*Lib. VII. epigr. 34.*)

— — — *Quid Nerone pejus?*
Quid Thermis melius Neronianis?

Et Statius, laudans Balneum Etrusci (*Lib. I. Carm. 5. v. 61.*)

— — — *fas sit componere magnis*
Parva, Neronea nec qui modo lotus in unda
Hic iterum sudare neget, &c.

Eusebius testatur (*in Chronico.*) *Ædificatas has fuisse a Nerone, anno imperii nono, Neronianasque appellatas. Thermae tamen Neronianae, ut voluit Victor, postea dictae sunt Alexandrinae.* Cassiodorus (*in Chronico*) *Thermae a Nerone aedificatae, quas Neronianas appellavit; cujus odio, mutato vocabulo, nunc Alexandrinae nominantur.* Eusebius tamen, in eodem *Chronico* refert: *novas ab Alexandro excitatas, anno imperii quinto.* Et Lampridius (*cap. 25.*) *Opera veterum Principum instauravit, ipse nova multa instituit. In his thermas nominis sui, juxta eas, quae Neronianae fuerunt, aqua inducenda, quae Alexandrina nunc dicitur. Nemus Thermis suis de privatis aedibus suis, quas emerat, dirutis aedificiis, fecit.* Fuit igitur Alexander instaurator Veterum operum, qui *Neronis Thermas restituit, atque ornavit; novaeque praeterea aedificavit ipse.* Et fortasse non parum audacter quis dixerit, quum Neronianis Thermis Alexandrinae fuerint proximae, utraque fortasse *Alexandrinās* fuisse dictas; eo quod in novos Principes prona semper est adulatio. Huc facit, quod Alexander Thermis Neronianis addidit lucos & silvas: qui etiam non his tantummodo, sed & aliis thermis lumina praebuit, ut per noctem usui quoque essent. Lampridius (*cap. 24.*) *Artium vestigal pulcherrimum instituit: ex eoque jussit thermas, & quas ipse fundaverat, & superiores, populi usibus exhiberi: silvas etiam in thermis publicis deputavit. Addidit & oleum luminibus thermarum, cum antea non ante auroram paterent, & ante Solis occasum clauderentur.* Ante Alexandrum tamen & ipse Nero legitur, thermis oleum praebuisse. Suetonius (*Neron. cap. 12.*) *Nero, dedicatis thermis, atque gymnasio, Senutui quoque & Equiti oleum praebuit.* Caesar autem Tacitus, Vopisco teste (*in ejus vita, cap. 10.*) *denuo thermas omnes ante lucernam claudi jussit, ne quid per noctem seditionis oriretur.*

Magnificentiam & luxum Thermarum Neronis & Alexandri testantur statuae quamplurimae, illic repertae, cum columnis & operibus anaglyphis, qualia multa hic sunt inventa, in eruendis fundamentis Palatii Justinianorum, quod superstruendum est parti cuidam harum thermarum. Etenim hoc Palatium tam abundanter repletum est monumentis splendoris antiqui, repertis in his locis, ut in nullo alio reperiantur plura. Igitur minime falso Seneca legitur, reprehendisse luxum temporum suorum, in balneis, in Epistola LXXXVI: *cujus verba jam descripsimus supra, in explicatione Thermarum Diocletiani.*

Alexander fertur quoque addidisse omnibus Urbis Regionibus, quae forte non habebant, balnea nova. Lampridius (*cap. 29.*) *Nam & hodie multa dicuntur Alexandri.* Quam vero frequenter Veteres usi sint balneis, Commodi probat exemplum, qui legitur septies de die lavisse, & in balneis saepius comedisse, prout idem scripsit Lampridius.

Latissime autem patuerunt hae Thermae Neronis & Alexandri, teste Marliano, nimirum a Sancto Eustachio, ad domum Gregorii Narniensis, in cujus cella vinaria vidisse se Marlianus testatur, uti & in domibus adjacentibus Thermis Neronis versus Septemtriones, pavimenta antiqua, & fistulas plumbeas, puteumque, quem exsiccare nulla ratione poterant. Et existimavit Marlianus, hunc esse

ductum Aquae, quam Alexandrinam vocat Lampridius. Palatium autem Gregorii Narniensis situm fuit prope Arcem Navonam, proxime Ecclesiam S. Jacobi in Thermis, quae nunc dicitur S. Salvatoris. Apparent quoque harum Thermarum vestigia, prope Templum S. Ludovici, gentis Gallicae, in aedibus Mediceis ad circum Alexandri ejusdem, in cujus vicinia fuerunt Thermae Neronis & Alexandri. Occupabant igitur hae Thermae quidquid erat spatii, inter Pantheon & plateam Navonam, quo in loco nunc visuntur Palatia Justinianorum, Magnique Ducis Hetruriae, pars item Templi S. Ludovici, & Ecclesiae S. Salvatoris.





B A L N E A

P A V L L I

59



ALNEA isthaec creduntur fuisse in Clivo Quirinali, ubi monasterium nunc est, quod Romanis corrupte dicitur *Bagnana Poli*, quali dicas, *Balnea Paulli*. Juvenalis (*Sat. VII. y. 211.*)

— — aut horas noverit omnes
Tanquam unguis, digitosque suos, ut forte rogatus
Dum petit aut thermas, aut Pauli Balnea, dicat
Nutricem Anchisae.

Notant tamen Docti, in quibusdam MSS. Codicibus hic legi *Phoebi*. Judicent haec alii. Fabricius vero testatur, se hoc in loco vidisse in lapide projecto formam *strigilis* & *ampullae* exsculptam. *Strigilis* usus erat ad fricandum, purgandumque; *ampullis* utebantur ad abluendas aquae infusione sordes. Hoc autem tempore *strigilum* loco utuntur balneatores Itali *chirothecis*, ex serico factis, ad abstergendum sudorem.

Quis vero sit ille *Paullus*, controversitur. Quidam existimant, esse *AEmilium Paullum*, qui Basilicam in Foro extruxit. Alii vero eum *Paullum* esse suspicantur, qui Romae *Porticum* construxerat, de quo Dion loquitur (*Lib. XLIX. prope finem.*) *Porticum*, quae *Paulli* dicitur, *AEmilius Lepidus Paullus* propriis impensis perfecit, & in Consulatu suo dedicavit. Qui autem viderit aedificium arcuatum curvatis in hemicyclum, & lateritiis pilis; porro erectum parietibus continuatis, de balneorum conditore nihil certi statuet. Nobiscum certe censet Franciscus Gualdus, Ariminensis, Eques S. Stephani, qui vicinam domum celebri ornavit museo, studiosus rei antiquariae.

Creduntur vero *Balnea Pauli* fuisse, ubi *Palatium* aedificatum est a nobili familia Romana, *Comitum*. Est enim is ferme mos Nobilium Romanorum, ut sibi extruendorum Palatiorum loca legant, in rudibus antiquis aedificiorum collapsorum, vel dirutorum.

Monasterium *S. Catharinae Scenensis* nunc est situm in una parte horum balneorum. Partem inferiorem invasit *Palatium*, olim *Comitum*, nunc *Grillorum*, ut vult Nardinus. In aedibus vero *Rubertorum* sub monasterio, teste eodem, conspicitur etiam nunc *Porticus subterranea*, cum columnis e latere cocto, in theatri speciem incurva, quo in loco arbitrantur Antiquarii fuisse partem *Balneorum*. Donatus tamen hunc hemicyclum aliud quoddam fuisse aedificium autumat. Nardinus autem hucusque non pervenisse censet *Balnea Paulli*, quae parva forte fuerunt: aut veluti in re dubia, aedificium hoc additum fuisse credit *Paulli* balneis ad usus alios, quam lavandi; qualia multa thermis addi solebant.

Supra Forum Trajani, in clivo Montis Quirinalis primo occurrit *Turris militiarum*. *Milites Trajani*, quorum illic olim fuit statio, loco huic dedere nomen. Exstant ibidem, aliquanto tamen inferius, fornices concameratione triplici, & crypto-porticus, in forma hemicycli, reddentes a fronte theatralem caveam.

In descensu Clivi, qui ad Viminalem ducit, a dextra, ut scribit Marlianus, ante annos aliquot fuit Sacellum, variorum piscium, concharumque marinarum pictura nobili ornatum. Et haec indicia ostendere putat, locum hunc Neptuno fuisse sacrum.





F O N S

ANTIQUVS, IN FORO ROMANO.



ABRVM FONTIS hujus, excisum ex uno lapide marmoris Graniti, repertum fuit, ut aliqui tradunt, quum terra egeretur, e fundamentis aedis *S. Lucae & Martinae*, in Foro Romano, quae olim *Martis* fuit *Templum*, prout nos docet distichon antiquum, quondam inscriptum portae Ecclesiae veteris.


*Martyrii gestans virgo Martina coronam,
Ejecto hinc Martis numine, templa tenet.*

Quidam referunt, quum *Marforii statua* ex eo, ubi inventa fuit, loco transferretur in Capitolium, tunc quoque repertum fuisse Labrum hoc ingens. Nardinus ergo putat, hanc imaginem Marforii stetit, in angulo Fori Magni, contra carcerem, in prospectu Lacus Servilii, atque inservisse usibus Labri hujus; quia fieri non potuerit, ut haec, ceu Rheni Fluminis statua, subjacerit pedibus Equi Domitiani. Hanc autem statuam Marforii constat, diu jacuisse neglectam humi, in platea vulgo dicta *salita di Marforio*, post Capitolium.

Hoc Labro usi sunt Romani, in restaurando Fonte, qui visitur in Foro Romano, prope rudera Templi Jovis Statoris, ad armentorum & pecorum commodum, & sitim restinguendam, quorum hic frequens est transitus, & mercatus ingens. Patet hoc legentibus Titulum sequentem.

SENATVS. POPVLVSQVE. ROMANVS.
PVBLICO. NEGOTIANTIVM.
BOARIOIVM. VSVI. FORIQVE.
COMMODITATI
cId. cId. xciiI.
FABRITIO. BVCCAPADVLIO. I. C.
CAMILLO. PLANCA. CORONATO. CONS.
PROSPERO. IACOBATIO. DE. FACHESCHIS.
LAVRENTIO. ALTERIO. PRIORE.





A Q V A

C L A V D I A

Primis Urbis Conditae temporibus, per annos CCCXLI. omnis alius usus aquarum fuit incognitus, auctore Frontino, praeterquam quas vel Tiberis, vel putei, vel fontes suggerebant, uti & Rivus Aquae Mercurii, Lacus Iuturnae, Fons Pici & Fauni, alii-que minores. Postea vero, crescente luxuria & opibus, subterraneis cuniculis, aut opere arcuato magnam aquarum copiam invexere, non modo ut Fontibus abundaret civitas; sed etiam ut Balneis & Navalibus Ludis copia aquarum ingens suppetere. Maxime vero insuebant hae Aquae prope Portam Naeviam, Viminalem, Latinam & Janiculensem.

Horum operum moliumque magnitudinem ostendit Dionysius Halicarnasseus (*Lib. III. cap. 91.*) *Mibi sane, ait, magnificentissima videntur, ex quibus maxime apparet amplitudo Romani imperii, aquaeductus, viae stratae, cloacae.* Et haec illa tria sunt, quae mirantur Strabo (*Lib. V. in descript. Urbis Romae*) & Cassiodorus. Hujus verba sunt (*Lib. VII. Var. Epist. 6.*) *In formis autem Romanis utrumque praecipuum est, ut fabrica sit mirabilis, & aquarum salubritas singularis: Quod enim illuc flumina quasi constructis montibus perducuntur, naturales credas alveos, soliditates saxorum; quando tantus impetus fluminis tot seculis firmiter potuit sustineri.*

Fiebant vero Aquaeductus ratione non una. Interdum enim Arcus molium maximarum surgebant ad altitudinem CXLV. palmorum Romanorum, ab uno fundi solo. Interdum per cuniculos subterraneos longe infra terram ducebantur; prout situs & soli ratio exigebat.

Magnam certe Aquarum vim investitam fuisse moenibus Romanis docet Plinius (*Lib. XXXVI. sub fin. cap. 15.*) *Quod si quis, inquit, diligentius aestimaverit aquarum abundantiam in publico, balneis, piscinis, domibus, eurypis, hortis, suburbanis villis, spatioque advenientis arcus exstructos, montes perosos, convalles aequatas, futebitur, nihil magis mirandum fuisse in toto orbe terrarum.*

Testatur Frontinus (*de Aquaeduct.*) Aquaeductus prope Urbem, a sexto, nempe, milliaro, plures Aquas singulos sustinuisse. Horum autem fuisse quatuordecim indicat Procopius (*Belli Goth. Lib. I. cap. 16.*) *Romae, inquit, aquaeductus decem & quatuor numero sunt, cocto ex lapide per praefatos homines aedificati, ea latitudine ac simul profunditate, ut equester vir aliquis cum equo per eos superne evadere liberius queat.* Hos autem Belisarius, ne Gothi per eos Urbem invaderent, aedificiis complexus munivit, ac sepit.

Ex his omnibus tres duntaxat Romae superstitēs cernuntur Aquaeductus.

I. *Aquae Virginis*, quam instauravit Pius IV. Pont. Max.

II. *Aquae Felicitis*, a Sixto V. Romam perductae.

III. *Aquae Sabatinae*, sive *Alfietinae*, restauratae per Paulum V.

Claudiam Aquam (de qua hic loquimur) C. Caligula, inchoatis binis ductibus, a Claudio perfectis, perduxit Romam per millia passuum XLVI, opere subterraneo & arcuato, una cum Aniene novo. Auctor Plinius (*Lib. XXXVI. cap. 15. sub finem*) *A lapide quadragesimo (XXXVIII. juxta Frontinum) ad eam excessitatem, ut in omnes Urbis montes levarentur, influxere Curtius, atque Caeruleus fontes. Erogata in id opus sesterterium ter millies (hoc est, 18750000 florenorum) Suetonius (Claud. cap. 20.) Opera magna potius, quam necessaria quammulta perfecit, sed vel praecipua aquaeductum a Cajo inchoatum.* Et postea (*eod. cap.*) *Claudius aquae gelidos atque uberes fontes, quorum alteri Caeruleo, alteri Curtio, & alteri Albulino nomen est, simulque rivum Anienis, novo & lapideo opere, in Urbem perduxit, divisitque in plurimos & ornatissimos lacus.* Ductus Anienis efficiebat passuum LVIII. millia DCC. opere altissimo, quae arcuatim attollebatur.

Cajus Caesar enim, quum cognosceret, non sufficere VII. ductus aquarum civium usibus, & voluptatibus publicis, secundo imperii sui anno extruxit duos alios Aquaeductus. Hoc autem opus, ut vidimus, magnificentissime absolvit, perfecit, dedicavitque Claudius. Huic vero *Claudiae Aquae* nomen fuit datum, quae ex fontibus Caeruleo & Curtio ducebatur, quae bonitate proxima erat *Martiae*. Di-

etus hic *Anio novus*, ad *Veteris* discrimen, quem M. Curius & L. Papirius Curfor Censores in Urbem deducendum curarunt, teste Plinio (*Lib. III. cap. 5. & 12.*) Frontinus (*Lib. I. sub initium*) Post annos XL. quam Appia perducta est, anno ab Urbe condita CCCCLXXXIX. M. Curius Dentatus, qui Censuram cum L. Papirio gessit, Anienis, qui nunc dicitur Vetus, aquam perducendam in Urbem ex manubiis de Pyrrho captis curavit. Hi duo rivi Anienis ex ejusdem nominis flumine in Urbem sunt corrivati: vetus tamen humilior, quia propior Urbi. At Claudia, quae secundum obtinebat locum altitudinis, post Anienem, arcubus finitis post hortos Pallantinos (hi autem erant ad S. Eusebium, in colle Exquilino) fistulis cum Aniene novo distribuebatur per Urbem hinc inde. Id vero antequam fieret, partem Aquae suae transferebat in montem Coelium, ad Portam, quae nunc vocatur *Major*.

De hoc Aquaeductu intelligenda sunt haec Suetonii verba (*cap. 21.*) *Caligula*, inquit, *inchoavit Aquaeductum in regione Tiburti, & amphitheatrum juxta Septa: quorum alterum a successore ejus Claudio peractum, omisum alterum est.* Hic Aquaeductus, ut primum intra Urbem pervenit, Portae obiciebatur Naeviae; ut autem liber ad eam esset aditus, in eodem ductu altera e marmore exstructa est Porta.

Ex dictis discimus, triplici nomine notam fuisse *Aquam Claudiam*. Dicebatur quippe *Albudina*, *Curtia*, & *Caerulea*. His demum accessit quartum *Herculana*, quum *Herculeus rivus*, supra Anienem novum conceptus, & natura purissimus, amissa splendoris sui gratia in Urbe jungeretur Aquae Martiae & Coelium irrigaret Montem.

Concipiebatur autem *Aqua Claudia* Sublacensi via ad miliarium XXXVIII. diverticulo sinistrorsum intra passus CCC. aquarum suarum maximam copiam hauriens, ex quatuor fontibus amplissimis & speciosis, *Caeruleo*, *Curtio*, *Albudino* & *rivo Herculaneo*. Frontinus porro, a Plinio dissentiens, initium Aquaeductus numerat a lapide XXXVIII. Plinius vero a lapide XL. Hi auctores ita sunt conciliandi, ut dicamus, alterum distantiam intelligere ab eo fonte, qui ab Urbe distaret ulterius, alterum ab eo loco, ubi ambo jungebantur.

Fuit autem Fons Aquae Augustae supplementum Aquae Martiae, quam Augustus perduxit, quoties siccitates ingruerent, a quo etiam haec Aqua fuit denominata. Ejus autem Fons nascebatur ultra Fontem Aquae Martiae, & antequam ad eam accederet, habebat passus DCC. Quia tamen Aqua Martia sufficere sibi videbatur, fons Aquae Augustae derivatus est in Aquam Claudiam. Et nihilominus Aqua Martia praesidiaria Augustae habebatur, Claudiam Aquam adjuvante Augusta.

In eodem Aquaeductu, juxta Nosocomium Lateranense, quo in loco ego hunc Aquaeductum delineavi, haec legebatur Inscriptio sequens, prout id ipsum R. D. Raphaël Fabretus (*in sua Dissert. I. de Aquis & Aquaeduct.*) etiam ostendit ex veteri MS. instructissimae Bibliothecae D. Marcelli Severolii.

IMP. CAES. DIVI. M. ANTONINI

PII. GERM. SARM. FILIVS. DIVI. COMMODI
FRATER. DIVI. ANTONINI. PII. NEP. DIVI
HADRIANI. PRONEP. DIVI. TRAIANI
PARTHICI. ABNEP. DIVI. NERVAE. ADNEPOS

L. SEPTIMIUS. SEVERVS. PIVS

PERTINAX. AVG. ARABIC. ADIAB. PARTHIC
MAX. PONT. MAX. TRIB. POT. VIII. IMP. XI
COS. H. P. P. PRO. COS. ET

IMP. CAES. L. SEPTIMI. SEVERI. PII


PERTINACIS. AVG. ARABIC. ADIAB
PARTH. MAX. FIL. DIVI. M. ANTONINI
PII. GERM. SARM. NEP. DIVI. ANTONINI

PII. PRONEP. DIVI. HADRIANI. ABNEP. DIVI
TRAIANI. PARTHIC. ET. DIVI. NERVAE. ADNEP

M. AVRELIVS. ANTONINVS. PIVS

FELIX. AVG. TRIB. POTEST. III. PRO. COS
ARCVS. COELIMONTANOS. PLVRIFARIAM
VETVSTATE. CONLAPSOS. ET. CONRVPTOS
A. SOLO. SVA. PECVNIA. RESTITVERVNT

Aquaeductus Claudiae habebat longitudinem passuum XLV. millium. Ex eo rivo subterraneo passuum XXXV. millium, opere supra terram pass. X. millium. Haec Aqua in Commentariis habebat non plus quinaris II. millibus DCCCLVI. Ad caput Frontinus invenit quinaris III. mille DCVII. Ex his extra Urbem dabantur nomine Caesaris CCXVII. Privatis cccclxxxix. Intra Urbem hae Aquae cum Aniene Novo jungebantur: & utriusque quinariae dividebantur per Regiones Urbis XIII. in Castella XCII.





A Q V A

A N T O N I N I A N A.



QVA ANTONINIANA, brachium Aquae Claudiae, appellatur ab Imperatore Bafiano Caracalla, qui sibi *Antoninorum* nomen assumpserat. Legitur quippe hic Imperator cum patre suo Septimio Severo restaurasse Aquaeductus Neronis, sicuti jam a nobis in Descriptione Aquae Claudiae est ostensum; quoniam Nero hos Aquaeductus perduxerat juxta montem Aventinum, quos Caracalla forte continuaverat usque ad *Thermas suas, quas, Spartiano teste (in Caracalla cap. 9.) exstruxerat omnium*

pulcherrimas.

Prope Portam, ex Tiburtino lapide constructam, quam in icone adjuncta expressimus, legitur NONIANA, litteris lateritiis & majusculis, cujus vocis priores litterae perierunt: aliqui exinde colligunt Aquae hujus denominationem.

Ibidem legitur quoque sequens Inscriptio, litteris vetustate corrofis, supra dictam Portam, cui superstructus postea fuit Aquaeductus hicce, prope AEdem D. Mariae in Dominica, in Monte Coelio.

P. CORNELIVS. P. F. DOLABELLA

C. IVNIVS. C. F. SILANVS. FLAMEN. MARTIAL CoS

EX. S. C

FACIENDVM. CYRAVERVNT. IDEMQVE. PROBAVERVNT

Hi duo Consules fuerunt, An. U. C. DCCXLIII. qui fuit annus post Christ. Nat. XIII. Hinc liquet, multo hanc Portam esse vetustiore ipso Aquaeductu, cui conjuncta fuit postea. Apud Scriptores Veteres nulla hujus Portae fit mentio, cui nimirum usui ac fini fuerat excitata, quamque aedificandam curaverant, & probaverant ex Senatusconsulto Consules, in adducta Inscriptioe nominati. Non a vero prorsus alienum est, aedificium hoc quondam fuisse ex Urbanis Portis unam.





A Q V A

N E R O N I S.




ERo exstructis arcubus voluit, ut deduceretur Aqua Claudia in Palatium. *ii directi*, dicit Frontinus (*Lib. I.*) *per Coelium montem, juxta templum D. Claudii terminantur.* Et: *Nero Imperator Claudiam opere arcuato assumpsit, exceptam usque ad templum D. Claudii perduxit, ut inde distribueretur.* Castella erant ibi, per quae partim ad laevam versus Aventinum, partim ad dextram versus Palatinum aqua distribebatur. Hi vero Arcus Neroniani magna ex parte hodie adhuc supersunt, Montem Coelium interfecantes longo tractu. Incipiunt enim Aquae, Claudiae nomine, intra Urbem a Porta Maggiore, secundum hortos Card. Frederici Cornelii per dorsum Coeli, & procurunt ad Basilicam Lateranensem, & in aedem S. Stephani, cognomine *Rotundam*, quae dicitur fuisse templum Claudii. *Modum*, aquae, quem acceperunt, ait Frontinus (*dicto loco*) *aut circa ipsum montem Coelium, aut in Palatium, Aventinumque, & in transiberinam regionem dimittunt.* Neronianos autem Arcus Severus, & Caracalla Filius reficiendos curarunt, prout ex vetere lapide observavit Marlianus, reperto ad Portam Naeviam, cujus Inscriptionem jam in Aquae Claudiae enarratione retulimus, ex qua quoque discimus *Coelimonianos* fuisse appellatos; quum jam ante Aquaeductus omnes Vespasianus ac Titus reddita aqua restituisent. De Claudia Aqua in Aventinum perducta scribit Cassiodorus (*Lib. VII. Variar. Form. 6.*) *Claudiam per tantam fastigii molem sic ad Aventini caput esse perductam, ut cum ibi ex alto lapsa ceciderit, cacumen illud excelsum, quasi imam vallem irrigare videatur, &c. Aegyptius Nilus certis temporibus crescens per campos jacentes superducto diluvio aëre sereno turbulentus exaestuât: sed quanto pulcrius est, Claudiam Romanam per tot siccas montium summitates lavacris ac domibus liquores purissimos fistularum uberibus emisisse; & ita aequaliter fluere, ut numquam se possit desiderata subducere.*

Alii paulo aliter haec interpretantur, dicentes: Aquaeductus, qui a Porta Maggiore ad sinistram per Coelium Montem extenduntur, Neronianos fuisse, partemque Aquae Claudiae detulisse. Hac autem in re Frontinum auctorem sequuntur. Verba ejus sunt: *Finuntur Arcus eorum (Claudia & Anienis) post hortos Pallantianos, unde in usum Urbis fistulis deducuntur, partem tamen sui Claudia prius in Arcus, vocantur Neroniani, ad spem (speciem in alio MS.) Veterem, transfert: ii directi per Coelium Montem, juxta Templum Divi Claudii terminantur.* Ex his autem Frontini verbis colligunt: falsam esse divisionem Aquae Claudiae, quasi unus ductus e Coelio in Capitolium, alter in Aventinum tenderet. Verum hi subdivisionem pro prima & summa divisione obtrudere nobis conantur contra Frontinum; partis, nempe, illius, quae transferebatur per Arcus Neronianos, praetermissa altera, quae, ut Frontinus supra loquitur, *post hortos Pallantianos in usum Urbis fistulis deducebatur.*

Est hoc prae caeteris admiratione dignum, quod accidit circa Montes Coelium & Aventinum. Hi quidem colles utebantur Martia & Julia. Sed postquam Nero Imperator Aquam Claudiam eo transtulit, exceptamque opere arcuato usque ad Templum D. Claudii perduxit, priores aquae non ampliatæ, sed omissæ sunt. Castella enim nulla adjecit Nero, sed usus est iisdem, quorum veterem appellationem retinuit, sed mutata aqua, quemadmodum hac de re Frontinus loquitur.

Reliquiae horum Aquaeductuum Neronianorum supersunt hodieque, & pergunt ad AEdem SS. Johannis & Pauli, ab AEdē S. Stephani.





A Q V A

V I R G O.



Agrippa in Urbem legitur perduxisse *Aquam Virginem*, ab octavi lapidis diverticulo II. millia passuum via Praenestina, prope Rivum Herculaneum; hunc quippe fugiens hujus Aquae cursus, *Virginis* ei nomen acquisivit, teste Plinio, qui de eadem Aqua haec scribit: (*Lib. XXXVI. cap. 15. sub finem*) *Agrippa, in aedilitate sua, adjecta Virgine Aqua, caeteris corrivatis, atque emendatis, lacus fecit DCC. praeterea salientes CV. castella CXXX. complura etiam cultu magnifica. Operibus his signa CCC. aerea, aut marmorea imposuit. Columnas ex marmore CCCC. eaque omnia annuo spatio.* Dion item (*Lib. LIV.*) *Aquam, quae Virgo vocabatur, propriis sumptibus Agrippa adduxit, Augustumque nominavit.* De hac eadem Aqua Frontinus ait (*Lib. I.*) *Idem Agrippa, quum jam tertium Cos. fuisset, C. Sentio & Sp. Lucretio Coss. post annum tertium decimum, quam Juliam deduxerat, Virginem, in agro quoque Lucullano collectam, Romam perduxit. Virgo appellata est: quod quaerentibus aquam militibus puella Virguncula venas quasdam monstravit, quas secuti, qui foderunt, ingentem aquae modum invenerunt. AEdicula fonti apposta hanc virginem pictura ostendit. Concipiebatur Virgo via Collatina, ad milliarium VIII. palustribus locis, signino circumjecto, continendarum scaturiginum causa. Adjuxabatur ex compluribus aliis acquisitionibus. Veniebat per longitudinem pass. XI. millium CV. Ex eo rivo subterraneo pass. XI. millium DCCCLXV. Supra terram pass. MCCXL. Ex eo, substructione rivorum locis compluribus pass. DXL. Opere arcuato pass. MCCCXV. Hujus Aquae adscriptus erat modus quinariorum DCCLII. Mensura ad caput inveniri non poterat: quoniam ex pluribus, ut diximus, acquisitionibus constabat. Propterea Frontinus ipsam egit ad milliarium septimum; ubi invenit quinariorum duo millia DIV. amplius, quam in Commentariis, quinaris MCCLII. Exhibant extra Urbem quinae CC. reliquae II. mille CCCIV. dividebantur per regiones VII, VIII, XIV. In castella XVIII. Ex quibus nomine Caesaris quinae DXLIX. Privatis CCCXXXVIII. Usibus publicis MCCCXVII. Ex eo muneribus duobus quinae XXVI. Lacubus XXV. quinae LXI. Operibus publicis MCCCXVII. Antiquus vero Aquaeductus maximam partem vetustate & injuria temporum collapsus est: & Aqua, quae nunc perfertur in Urbem, concipitur prope Pontem Salarium, ex fonte, seu lacu, qui est in monte vulgo *de Zoie* nominato; & puto, hunc posse colligi ex quibusdam acquisitionibus, ex quibus Frontinus vult, hanc aquam fuisse austam. In Anonymo IX. seculi a V. Cl. Mabillonio in *Analectis* edito, memoratur Forma Aquae Virginis prope Obeliscum S. Laurentii in Lucina, seu Aquaeductus cum arcubus, qui jam fracti erant, ut ibidem dicitur, quod sententiae Nardini favet, aquam Virginem has in partes derivantis. Aqua autem Virgo, ut est apud Calliodorum (*Form. 6. Lib. VII. Variar.*) *Ideo sic appellata creditur, quod nullis sordibus polluitur. Nam quum aliae pluviarum nimietate terrena commixtione violentur, haec aërem perpetuo serenum purissime labens unda mentitur.* Etiam nunc haec Aqua Virgo habetur omnium optima, saluberrima & purissima.*

Ager autem Lucullanus, ubi prius colligebatur, non est alius a Tusculano. Sed Luculli nomen accepit, quod is Villam splendidissimam in eo construxisset. Nunc vero Frascatum vocant. Hujus vero Aquaeductus, subterraneo rivo perveniens in Campum Martium, attollitur sub colle Hortulorum. In aedibus Abbatis Scarlati invenitur Inscriptio, Lapidi Tiburtino incisa, nomen praeferebat Imperatoris Claudii.

TI. CLAVDIVS. DRVSI. F. CAESAR. AVGVSTVS. GERMANICVS
PONTIFEX. MAXIM. TRIB. POTEST. V. IMP. XI. P. P. COS. DESIG. IIII

ARCVS. DVCTVS. AQVAE. VIRGINIS. DISTVRBATO. PER. C. CAESAREM
A. FVNDAMENTIS. NOVVS. FECIT. AC. RESTITVIT

Non procul ab hoc loco leguntur versus sequentes in marmore quodam.

HVIVS. NYMPHA. LOCI. SACRI. CVSTODIA. FONTIS
DORMIO. DVM. BLANDAE. SENTIO. MVRMVR. AQVAE
PARCE. MEVM. QVISQVIS. TANGIS. CAVA. MARMORA. SOMNVN
RVMPERE. SIVE. BIBAS. SIVE. LAVERE. TACE

Hujus Arcus docet Ovidius partem Campi Martii transiisse (I. *Fast.* §. 463.)

*Tc quoque lux eadem Turni soror aede recepit,
Hic, ubi Virginea Campus obitur aqua.*

Ex his quoque carminibus liquet, Juturnam juxta ejusdem nominis lacum, in quo submersa illi cognomen dedit, habitasse. Hujus lacus aqua est inter salubres, Auctore Varrone (in voce *Nympha Juturna*) *Nympha*, inquit, *Juturna*, quae juvaret: itaque multi aegroti propter id nomen hinc aquam petere solent. Id autem hodie fieri videmus e puteo, qui est in AEdē D. Mariae, cognomine in *Via*, non longe a *Fonte Trivii*.

Nicolaus V. *Aquam Virginem*, multo jam ante dilapsam, Urbi reddidit, nomenque ejus in *Triviam* mutavit. Docet hoc fronti praeposita Inscriptio.

NICOLAUS. V. PONT. MAX.
POST. ILLVSTRATAM. INSIGNIBVS. MONVMENTIS. VRBEM.
DVCTVM. AQVAE. VIRGINIS. VETVSTATE. COLLAPSVN.
SVA. IMPENSA. IN. SPLENDIDIOREM. CVLTVM. RESTITV.
ORNARIQVE. MANDAVIT.
ANNO. DOMINI. NOSTRI. IESV. CHRISTI. MCCCCLIII.
PONTIFICATVS. SVI. VII.

Sixtus IV. eam quoque restauravit, & amissam rursus Pius IV. recuperavit, ac restituit. Ciacconius (*de gestis Pii. IV.*) *Aquam Saloniā, olim Virgineam appellatam, in Urbem reduxit.*

Nunc fluit per Campum Martium, super arcuatū opus, ex lapide quadrato, deducta primum ex Agro Tusculano, ut ostendimus, per Agrippam; perque viam Collatinam, ut Frontinus scribit, incidit in Praenestīnam, ut vult Plinius (*Lib. XXXI. cap. 3. med.*) Est vero hoc in primis observandum, *Capitula Arcuum Veteris Aquaeductus Virginis* supra terram eminere duntaxat, prout hoc conspicitur in iconē illorum nostra.

Solebant vero, qui in arte Gymnastica exercebantur in Campo, abluere sudorem & pulverem hac Aqua, si Ovidio credimus (*Lib. III. Fast.*)

*Nunc ubi perfusa est oleo labente juvenus,
Defessos artus Virgine tingit aqua.*

Stattius autem eundem usum tribuit Aquae Anienis (*Silv. I. Balm. Hetr. §. 25.*)

*Quas praeceps Anien, atque exceptura natatus
Virgo juvat.*

Plinius vero hoc eam ornat elogio (*Lib. XXXI. cap. 3. medio*) *Quantum, inquit, Virgo tactu, tantum praestat Martia haustu.* Significat, hanc bibentibus salubrem, illam vero natantibus & lavantibus esse commodiorem. Fuit autem Aqua Virginis frigidior caeteris, ut Ovidius indicat (*III. de Arte v. 385.*) Hoc quoque legitur Aquaeductui Inscriptum extra Portam, vulgo dictam *del Popolo*, ad eum Fontem, quo villa Julia Aquis Virgineis irrigatur, ex Decreto Julii PP. III.

AQVAM. HANC. QVOD. VIRGO. EST.
NE. TEMERANTO.
SITIMQVE. FISTVLIS. NON. FLVMINE.
POCVLIS. NON. OSCVLO. AVT. VOLIS.
EXTINGVUNT.





CASTELLVM

AQVAE MARCIAE, seu TROPAEA MARI.



AQVAE MARCIAE CASTELLVM offert sese inter *S. Bibianae*, & *S. Eusebii* Templa; via, quae recta a *S. Mariae Majoris* Ecclesia ad *S. Crucis* in Hierosolymis ducit. Sunt autem huic superstruati duo Arcus e lateribus: & fuere in his bina *Tropaea marmorea*, haud multis abhinc annis inde in Capitolium aucta, & translata. *Ligorius* autem in *Paradoxis* iudicat, aedificium illud fuisse *Castellum Aquarum*. Et certe *Donatus* censet, *Tropaea Marii* nullo modo illic fuisse, sed pro certo affirmat, fuisse istam molem *Castellum Aquae*. Siquidem, ut ex *Frontino* constat, (*Lib. I.*) *Aqua* tam *Claudia*, quam *Marcia*, effundebatur post hortos *Pallantianos*, qui fuerunt in *Exquilis*.

Plerique tamen ejus sunt sententiae, *Tropaea*, quae hoc in loco steterunt, posita fuisse *Mario*, de victis *Cimbris*, tum quod jam olim, vicum, qui illic est, *Cimbrium* nominarint, teste *Petrarcha*; tum quod Arcus isti triumphales, tam simplici ornatu, perquam egregie *Marianis* respondeant temporibus. *Suetonius* (*Caes. cap. 11.*) *Caesar*, inquit, *tropaea C. Marii de Jugurtha*, deque *Cimbris*, atque *Teutonis*, olim a *Sylla* disiecta, restituit. Obijciunt: *Tropaea Marii* de *Cimbris* jam olim in Capitolio fuisse erecta; sed hoc non esse verum, docet *Plutarchus*, qui sola illa de *Jugurtha* *Tropaea* a *Boccho* Rege *Numidarum* in Capitolio posita, refert.

Castellum autem *Aquae Marciae* hic fuisse, non est dubium. Transierunt per hoc *Castellum* tres *Aquae*, *Julia*, *Tepula* & *Marcia*, uti vulgo creditur, quae rursus illinc derivabantur per Urbem, ut liquet manifeste ex quinque foraminibus, etiam hodie illic conspiciendis: usque adeo hujus *Aquae* divisio in plura, & praecipue *Tria Capita*, in hujus *Castelli* rudetibus est non dubia.

Castellum in *Aquaeductibus* quid sit, optime docet *Ulpianus* (*l. 1. §. 39. hoc inter dictum ff. de aqua cotid. & aestiva.*) *Castellum*, inquit, est receptaculum, quod *Aquam publicam* suscipit. Usus *Castellorum* hic erat. Quum *Ductus Aquarum* ad divortia viarum, vel regionum essent perducti, *Castella* in *Formarum* summitate exstruebantur, ex quibus *Aqua* distribuebatur a *Castellario* per digitos, uncias & modulos, aedificiis privatorum, & operibus, muneribusque publicis. *Castellarius* igitur vocatur *Custos Castellum Aquarum*. Ostendit id sequens *Inscriptio*.

D M
CLEMENTI. CAESAR
VM. N. SERVO. CASTE
LLARIO. AQVAE. CL
AUDIAE. FECIT. CLAV
DIA. SABBATHIS. ET. SI
BI. ET. SVIS

Tropaea Romae pluribus in locis erant. *Valerius* autem *Maximus* duo *Marii* fuisse *Tropaea* scribit (*Lib. II. cap. 2. exempl. 3.*) *Tropaeum* porro dicebatur *Saxum*; aut *Arbor*, ramis decisis; aut *Arcus*, aut *Columna*, cum quadam in *Victoris* laudem *Inscriptione*. *Suetonius* (*Calig. cap. 45.*) *Truncatis arboribus*, & in modum *Tropaeorum* adornatis. *Plutarchus* conqueritur; imprudenter simul, & asperere nimis egisse primos ex Graecis, qui *Tropaea*, aut marmore incisa, aut aere sculpta facientes, odium simul & bellum

bellum a conservata victi ignominia, perpetuum reddidissent. Egebantur tropaea locis eminentibus. Sallustius, de Pompejo (in Fragmentis incertis) *Devictis Hispanis Tropaea in Pyreneis jugis constituit.*

Tropaei autem significatio, juxta Varronem, haec est. Hostium fuga Graece dicitur Τροπή; a τρέπω verito, quod ibidem loci erigebantur, ubi hostes primum terga vertere coeperant. Hinc *spolia capta* fixa stipitibus appellantur *Tropaea* vel corrupte *Trophaea*; utroque enim modo scriptum reperitur.

Caeterum *Tropaea*, quorum modo mentionem fecimus, quaeque conjiciuntur, *Mario* fuisse posita, non sunt illius, sed *Trajano*, propter victorias a Dacis reportatas, erecta. Et haec quidem D. Bellorii certa est sententia, argumentis ex ratione artis statuariae desumptis, quae plane respondet temporibus Caesaris hujus. Et sane in Columna Imperatoris hujus conspiciuntur non alterius formae clypei, galeae, loricae, gladii, aliaque instrumenta militaria, atque quibus Trajanus cernitur usus fuisse in Bello Dacico. Et nec ipse a vero prorsus alienum existimaverim, *Aquae Marciae Castellum* hocce a Trajano fuisse auctum & ornatum, qui & isthaec ornamenta poni, atque fieri in eo jussit, Frontino teste. Montefauconius tamen in his dissentit a D. Bellorio, cujus hae sunt observationes. *Eodem itinere visitur Castellum Aquae Marciae semirutum, a cujus fronte Tropaea Marii olim sita, ut ex ipsis Tropaeis, quae ibidem erecta proximis seculis erant, atque ex remotissima traditione discimus. Qua de re haud leves exortae controversiae, & ad hos poene dies productae. At rem probe tenentibus nihil loci controversiis, ac quaestionibus. Tropaea istuc fuisse, nemo inficias eat. Ea autem ipsa fuisse, quae C. Mario de Cimbris & Teutonibus erecta sunt, haud minus certum; nam a multis jam seculis locus Cimbrum vocatur. Rem aperte testatur Anonymus xiii. seculi. Sic ille habet. In Exquilino monte fuit templum Marrii, quod nunc vocatur Cimbrum, eo quod viciit Cimbros. Licet enim, pergit Montefauconius, imperite Templum Marrii istuc constituat, quia fortasse, ut nugax erat, Castrum Aquae Marciae pro templo habuit, nihil minoris est momenti, ad Tropaea Cimbrica ibidem reponenda: quod item Petrarcha confirmat, longe melioris notae scriptor. Hinc est, quod, a multis retro seculis, Ecclesia S. Eusebii proxime sita ad Cimbrum vocetur, a Tropaeis nempe Cimbricis.*

FINIS TOMI SECVNDI.

I N D E X

E F F I G I E R V M,

Ut Operi inferantur e regione Titulorum a Bibliopego.

Effigies secundi Tomi omnes Notam habent Lit. *b*

T O M V S II.

Num.		Pag.	Num.		Pag.
1 ad 3.	<i>Arcus Titi. III. Tab.</i>	- - 1	24.	<i>Columna Milliaria.</i>	- - - 37
4.	<i>Septimii Severi.</i>	- - 3	25.	<i>Duilia.</i>	- - - 39
5.	<i>Horatii Coclitis.</i>	- - 5	26.	<i>Incognita.</i>	- - - 41
6.	<i>Septimii Severi in Foro Boario.</i>	7	27.	<i>Pacis.</i>	- - - 43
7.	<i>Gallieni.</i>	- - 9	28.	<i>Antonini.</i>	- - - 45
8 & 9.	<i>Constantini. II. Tab.</i>	- 11	29 & 30.	<i>Thermae Titi. II. Tab.</i>	- - 47
10.	<i>Obeliscus S. Mabuti.</i>	- - 13	31.	<i>Philippi.</i>	- - - 49
11.	<i>Barberinus.</i>	- - 15	32 ad 34.	<i>Diocletiani. III. Tab.</i>	51
12.	<i>Ludovicianus.</i>	- - 17	35.	<i>Agrippae.</i>	- - - 53
13.	<i>Mediceus.</i>	- - 19	36 ad 42.	<i>Antoninianae. VII. Tab.</i>	55
14.	<i>Mattbeius.</i>	- - 21	43.	<i>Neronis & Alexandri.</i>	57
15.	<i>S. Mariae Majoris.</i>	23	44.	<i>Balnea Paulli.</i>	- - - 59
16.	<i>Populi.</i>	- - 25	45.	<i>Fons Antiquus in Foro Romano.</i>	61
17.	<i>S. Mariae supra Minervam.</i>	27	46.	<i>Aqua Claudia.</i>	- - - 63
18.	<i>Vaticanus.</i>	- - 29	47.	<i>Antoniniana.</i>	- - - 65
19 & 20.	<i>Pamphilus. II. Tab.</i>	31	48.	<i>Neronis.</i>	- - - 67
21.	<i>S. Ioannis Lateranensis.</i>	33	49.	<i>Virgo.</i>	- - - 69
22 & 23.	<i>Forum Nervae. II. Tab.</i>	- - 35	50.	<i>Castellum Aquae Marciae.</i>	- 71

RELIQVIAE
ANTIQVAE
VRBIS ROMAE,

Quarum singulas

INNOCENTIO XI. ALEXANDRO VIII. & INNOCENTIO XII.
P P. M M.

diligentissime perscrutatus est, ad vivum delineavit,
dimensus est, descripsit, atque in aes incidit

BONAVENTURA AB OVERBEKE.

OPVS POSTVMVM

MICHAEL AB OVERBEKE

fuis sumptibus edi curavit.

TOMVS III.




AMSTELÆDAMI

excudit IOANNES CRELLIVS. Anno cId Idcc viii.
CVM PRIVILEGIO.

THE UNIVERSITY OF CHICAGO
PRESS
CHICAGO, ILL. 60607







P O N S

HORATII, SVBLICIVS, HERCVLIS, SACER,

A E M I L I I L E P I D I

DE *Ponte Sacro* ac *Sublicio* Epicadus, Syllae libertus, apud Macrobiū (*Lib. I. cap. 11.*) scribit: Herculeū primum fuisse Pontis huius structorem; Et *Sacrum* postea fuisse denominatum, Dionysius refert (*Lib. III. cap. 58.*) Extruxerat illum Hercules ad tempus, quū victor, interfecto Geryone, per Italiam armenta duceret. Fuit autem parte ea, qua Ancus Martius postea extruxit *Pontem Sublicium*, perpetuo mansurum, quamvis totus esset ligneus. Nam contignatione ita erat conjunctus, sine clavo ferreo, & sine fulturis, ut belli tempore trabes eximerentur, & rursus reponerentur.

Pontem Sublicium hunc *Lapidem* postea fecisse narrant AEmiliū Lepidū Praetorem, nomenque exinde habuisse *Pontis AEmilii, Lepidive*. Antoninus Imp. (*in Itiner.*) *Post iterum*, inquit, *unus effectus per Pontem Lepidi, qui nunc abusive Lapidem dicitur*. Tiberius *Pontem* hunc, Tiberinis fluctibus fractum, restituit. Tacitus vero commemorat (*Hist. I. cap. 86. n. 3.*) Othone imperante, inundatione subita, ruptum rursus fuisse. Et Julius Capitolinus (*in Anton. Pio cap. 8.*) auctor est; ab Antonino Pio iterum fuisse restructum.

Hic ille Pons est, de quo Livius (*Lib. II. cap. 10.*) refert, quod in illo Horatius Cocles, civis Romanus, & vir fortissimus, tamdiu unus sustinuerit impetum Hetruscorum irrupentium, donec Romani Pontem rupissent post illum; quo peracto, armatus praecipitem se dejecit in Tiberim, evasitque incolumis, & ad suos pervenit. Retulit autem a Senatu Populoque Romano hoc praemium, ut publice illi erigeretur statua in Comitio; dederuntque illi tantum agri, quantum uno die circumaraverat. Sacer hic Pons habitus est ab eo tempore, quo ab Horatio tam fortiter fuerat defensus. Plinius (*Lib. XXXIV. cap. 4.*) Et quia clavis confixus aegre solvi potuerat, idcirco postea nullo ferro eum transigi licuit: neque enim tum rursus solvebantur ejus contignationes, ut antea. Plinius (*Lib. XXXVI. cap. 15. in init.*) *Romae sine ferreo clavo Pontem Sublicium religiose fieri, postquam Horatio Coclite defendente aegre revulsus est.*

Hunc Pontem, ut diximus, ad Janiculum montem ducentem, in adversam Tiberis ripam, Ancus Martius Rex fecit. Dionysius (*Lib. III. cap. 58.*) *Sublicium Pontem mere ligneum, cui compingendo usus est, quidquam ferri aerisque addere, ille imposuisse Tiberi dicitur, quique superest & sacer habetur ab omnibus. Quod si qua pars ejus sarcienda est, id Pontifices curant, non sine solenni sacrificio.* Hujus enim Pontis cura Pontificibus demandata erat. Varro (*Lib. IV.*) *Pontifices, ut Q. Scaevola Pont. Max. dicebat, a posse & facere. Pontifices ego a Ponte arbitror: nam ab his Sublicius est factus primum, & restitutus saepe, cum ideo sacra & uls & cis Tiberim non mediocri ritu fiant.* Si Ovidio, ut infra dicetur, credimus, qui *roborem* vocat, ipso quoque Augusti aeo fuit *ligneus*. Postea tamen, incertum quando, constructus est ex solido marmore, unde & aliquando *Pons Marmoratus* dictus legitur. Antoninus autem marmoreum fecisse fertur, vel potius instaurasse. Volunt enim ex Livio constare, AEmiliū Lepidū ex marmore primum construxisse eum. Hoc autem intelligendum esse censet Nardinus, vel de AEmilio Lepido, qui Pontifex Maximus fuit & Triumvir cum Augusto; vel de alio AEmilio Lepido, qui sub Augusto Censor fuit cum Munatio Planco. Res haec tanto incertior est, quod nomen *Sublicii Pontis*, numquam amiserit, ne quidem quum jam factus esset marmoreus totus, teste Marliano. Sed & M. AEmilius Scaurus refecisse hunc Pontem dicitur, Olao Borrichio notante.

Inter Romanae autem Urbis Pontes, hic est omnium primus, & antiquissimus; at hodie omnino nullus. Fundamenta ejus etiamnunc apparent, in alveo fluminis, parum supra Nyalia, ex saxis ingentibus & marmoreis. Et causa nulla est, cur non credamus, haec eadem esse Pontis hujus vestigia,

quamvis omnes non consentiant de loco situs illius. Id certum est, stetit eum ad Aventini radices. Ostendit hoc Appianus, dicens: *Aventinum ascenderat Gracchus, mox inde fugiens per Pontem ligneum, ad alteram fluminis partem evehus est.*


Dicitur vero *Sublicius*, quia *ilex* species est *quercus*, ex qua primum factus erat, & solebat refici. Alii dictum volunt a *Sublicibus* lignis; quia *Lingua Volca* trabes magnae, directae ad perpendicularum, *Sublices* dicuntur. Et ideo Caesar, in Pontis supra Rhenum constructione, dicit (IV. *de Bello Gall. cap. 4.*) *se tigna posuisse non Sublice modo directae, sed prona.*

Mos fuit solemnissimus ad d. xv. five Eidus Majas, *Argeos* in Tiberim jacere. Docet hoc Ovidius (V. *Fast. w. 621.*)

*Tum quoque priscorum virgo simulacra virorum
Mittere roboreo scirpea ponte solet.*

De hoc ritu Varro loquitur. *Argei sunt e scirpeis virgultis: simulacra sunt hominum triginta, & quotannis a Ponte Sublicio a Sacerdotibus publice jaci solent in Tiberim.* Fuit, uti fertur, institutum Herculis, qui hoc invenit, pro hominibus vivis, antehac in flumen dejici solitis, teste Dionysio (*Lib. I. cap. 38.*) Macrobius autem (*Lib. I. Saturn. cap. 7.*) scribit: Herculem hunc ritum Pelasgis tradidisse, qui eo tempore incolebant loca *Lacui Culyensi* vicina; & ab iis hanc caerimoniam ad Romanos pervenisse. Per virgines autem Vestales id fieri solitum auctor post Ovidium est Festus. *Argeos*, inquit, vocabant *scirpeas* effigies, quae per Virgines Vestales annis singulis jaciebantur in Tiberim.





P O N S

SENATORIVS, PALATINVS,

nunc S. MARIAE AEGYPTIACAE.



PONS SENATORVM nomen accepit a Senatoribus, qui hunc Pontem transibant ad consulendos Libros Sibyllinos, quo tempore Libri Vatum istarum fervabantur in Monte Janiculo. Dicitur & *Palatinus*, a propinquo Monte Palatino.

M. Fulvius Cenfor hunc Pontem primus Tiberi imposuit, post aedificationem Pontis Sublicii. Livius (*Lib. XL. cap. 51.*) *M. Fulvius plura, & majoris locavit usus: portum & pilas Pontis in Tiberim, quibus pilis fornices post aliquot annos P. Scipio Africanus, & L. Mummius Cenfores locaverunt imponendos.*

Fuit hic Pons major caeteris ad palmos circiter quingentos; fornices habuit sex, pilas quinque. Sed tanto facilius fuit dejectus, quod aquam cum impetu defluentem duabus partibus ex Insula excipiebat. Ignoratur certum tempus quando id acciderit.

Nomen ejus hodiernum est *Pons S. Mariae*, vel quod proxima illi adjacet aedicula *S. Mariae Aegyptiacae*; ut communis vult opinio; vel ab imagine B. Virginis, clara miraculis, quae facellum habuit suum in Ponte medio.


Pontem hunc ruptum restituendum censuit Julius III. atque iterum magna ex parte Gregorius XIII. sub initium anni Secularis M D LXXV. manentibus etiam Fornicibus ad ripam utramque. Verum Tiberi, ut numquam ante, inundante Anno M D XCVIII. ruptus iterum versus oram Palatinam, ad usum nondum instauratus fuit.

Hujus ultimae reparationis monumentum etiam nunc visitur in Tabula marmorea, his verbis.

EX. AVCTORITATE. GREGORII. XIII.
PONTIF. MAXIMI
S. P. Q. R.
PONTEM. SENATORIVM. CVIVS. FORNICES.
VETVSTATE. COLLAPSOS. ET. IAM. FRIDEM.
REFECTOS. FLVMINIS. IMPETVS. DENVO.
DEIECERAT. IN. PRISTINAM. FIRMITATEM.
AC. PVLCRITVDINEM. RESTITVIT.
ANNO. IVBILAEI. M. D. LXXV.

Desideranti cognoscere harum reparationum solemnia adeundus erit Philippus Bonanni S. J. in Numismatibus Gregorii XIII. Tom. I.





P O N S

EXQVILINVS, CESTIVS,

nunc S. BARTHOLOMAEI.

PXQVILINVS PONS dicitur, qui ex *Insula Tiberina* versus *Transiberinam Regionem* tendit. Factus est forma Arcus Triumphalis, ingenti in medio fornice, & ab utraque parte multo minore.

Dicitur & *Cestius*, a conditore ejus *C. Cestio*, quem *Plinius* (*Lib. X. cap. 43.*) & cum eo *Tacitus* (*Lib. VI. Ann. cap. 31.*) affirmant, Consulem fuisse cum *M. Servilio Rufo*. Fuit hic annus aerae Christianae xxxv. sub *Tiberio*. Habuit is Patrem *Cestium Senatorem*, qui, *Tiberio* impellente, accusavit *Minutium Thermum*, uti scribit *Tacitus*. (*Lib. eodem, Ann. cap. 7.*) Et potuit hic quoque fuisse Curator Pontis hujus.

Pons hic nunc vocatur *S. Bartholomaei*, ab Ecclesia Sancti hujus, in hac Insula exstructa.

In hanc Insulam deportari solebant altioris fastigii, & dignitatis homines, capitis damnati, e decreto *Tiberii*. Priusquam autem traderentur carnifici, relinquebantur illic mensem integrum. Docet haec nos *Sidonius* (*Lib. I. Ep. 7.*) ubi de *Arvando Praefecto* loquitur. *Sed ut judicio, per hebdomadem duplicem comperendinato, capite multatus, in Insulam coniectus est Serpentis Epidaurii, ubi usque ad inimicorum dolorem devenustatus, & a rebus humanis, veluti vomitu Fortunae nauseantis, exsputus, nunc ex vetere Senatusconsulto Tiberiano, triginta dierum vitam post sententiam trahit, unum, & Gemonias, & laqueum, per horam turbulenti carnificis horrescens.*

Hunc Pontem instaurarunt iidem *Valentinianus*, *Valens* & *Gratianus*, uti patet ex marmoribus ad laevam, dextramque partem cum his Inscriptionibus collocatis.

DOMINI . NOSTRI . IMPERATORES . CAESARES

FL. VALENTINIANVS. PIVS. FELIX. MAXIMVS. VICTOR. AC. TRIVMF. SEMPER. AVG. PONTIF. MAXIMVS ☉

GERMANIC. MAX. ALAMANN. MAX. FRANC. MAX. GOTHIC. MAX. TRIB. POT. VII. IMP. VI. CONS. II. P. P. P. ET ☉

FL. VALENS. PIVS. FELIX. MAX. VICTOR. AC. TRIVMF. SEMPER. AVG. PONTIF. MAXIMVS ☉

GERMANIC. MAX. ALAMANN. MAX. FRANC. MAX. GOTHIC. MAX. TRIB. POT. VII. IMP. VI. CONS. II. P. P. P. ET ☉

FL. GRATIANVS. PIVS. FELIX. MAX. VICTOR. AC. TRIVMF. SEMPER. AVG. PONTIF. MAXIMVS ☉

GERMANIC. MAX. ALAMANN. MAX. FRANC. MAX. GOTHIC. MAX. TRIB. POT. III. IMP. II. CONS. PRIMVM. P. P. P. ☉


PONTEM. FELICIS. NOMINIS. GRATIANI. IN. VSM. SENATVS. AC. POPVLI. ROM. CONSTITVI. DEDICARIOVE. IVSSERVNT ☉

Hoc eodem in Ponte incisa leguntur alio in lapide sequentia.

. . . NEDICTVS. ALME
VRBIS. SVMMO SENATO
R. RESTAVRAVIT. HVN
C. PONTEM. FERE DIRV
TV M

Ipse ego, Romae degens, ex lapide Pontis hujus haec descripsi, quia non optima fide descripta ab aliis legeram. Mensus quoque fui hunc Pontem, reperique, longum esse passibus LXIII. latum vero XII.





7

P O N S

TARPEIVS, FABRICIVS,

nunc QVATVOR CAPITVM.



ONS TARPEIVS dicitur a *Tarpeja rupe* vicina.

FABRICIVS hic *Pons* Urbi connectit *Insulam*. Dicitur ita a *L. Fabricio*, qui faciendum eum curaverat. Et significat id ipsum *Titulus*, qui exsculptus exstat in arcubus *Pontis*. Licet autem hic *Titulus* legatur in *Fornice* utroque; in altero tamen *Confulum* duntaxat nomina, qui id opus probavere, sunt expressa.

L. FABRICIVS. C. F. CVR. VIAR IDEMQVE
FACIENDVM COERAVIT PROBAVIT

Q. LEPIDVS. M. F. M. LOLLIVS. M. F. COS. EX. S. C. PROBAVERVNT

Horatius hujus *Pontis* mentionem facit his verbis (*Lib. II. Sat. 3. v. 36.*)

Atque a Fabricio non tristem Ponte reverti.

De eodem *Dionysius* (*Lib. XXXVII. in fin. ann. 692.*) *Pons quoque lapideus ad Insulam, quae in Tiberi exstat, pertingens exstructus, Fabriciusque dictus est.*

Hodie vocatur *Pons quatuor Capitem*, quia in aditu *Pontis* a sinistra collocata visuntur simulacra *quadrifrontis Jani*, sive *Termini*.

Habet *Fornices* duos ingentes. *Nardino* autem verisimile videtur cccvi. *Fabios* *Porta Carmentali*, per *Cestium* & hunc *Pontem*, fuisse egressos, insistentes viam versus, ubi nunc est *Theatrum Marcelli*, unde transierunt ad *Pontes* *Hetruriam* versus. *Usus* enim *Insulae Lycaoniae* *Pontibus* indigebat.

Paulus III. hunc *Pontem* corruptum refecit, ac restituit.

Longus est hic *Pons*, memet dimetiente, passus LXXVI. Latus autem pass. VIII.


2 2 4 1

115

100

11





P O N S

IANICVLENSIS, AVRELIVS, RVPTVS,

nunc S I X T I.



IANICVLENSIS nomen obtinuit hic Pons a proximo Monte *Janiculo*.

AVRELIVS etiam dicebatur, vel a *Via*, sive *Porta Aurelia*; vel, ut alii volunt, ab *Imperatore Aurelio*; vel ab *Aurelio Consule*, qui eum refecerat, ut commodior ei esset transitus in hortos suos, ex adversa Tiberis parte sitos, ubi nunc Ecclesia est *S. Pancratii*.

Marlianus, Nardino teste, hanc Inscriptionem in hoc Ponte quondam inventam & visam memorat.

IMP. CAES. DIVI. TRAIANI. PARTHICI. DIVI
NERVÆ. NEPOTIS. TRAIANI. ET. HADRIANI
AVG. PONT. MAX. TRIB. POT. IMP. IIII.
COS. III. DERESIVS. RVSTICVS. CVRATOR
VALETRIARVM. TYBERIS. ET. CLOACARVM.
VRBIS. R. R. RESTITVIT. SECVNDVM. PRAESI-
DENT. TERMINATIONEM. PROXIMAM. CC.
PP. C. II.

Corrupte tamen esse descriptam Nardinus censet, & in ea corrigit ac reponit notam F. post vocem PARTHICI. hoc est *Filii*. Vocem quoque DERESIVS corrigendam existimat, confusamque cum Praenomine: Et pro VALETRIARVM reponendum ait: ALVEI ET RIPARVM; uti liquet ex alia, & forsan eadem Inscriptione, sed emendatius descripta, quam Dempsterus profert *ad Rosin. in Paralip. (Lib. VII. cap. 32.)* Illic enim legitur inter caetera.

L. MESSIVS. RVSTICVS. CVRATOR. ALVEI. ET. RIPARVM. TYBERIS.

Celebris quondam hic Pons fuit, quod Romani Veteres eum pertransirent, auspicia capturi prope sepulcrum Numae Pompilii, sepulti in Monte Janiculo.

Hunc Pontem restituit iterum Antoninus Pius, & diu stetit integer, donec Gothorum improba vi disiectus, *Rupti Pontis* nomen obtineret, usque ad tempora Sixti IV. Is Pontifex Maximus, ut narrat Phoebeus (*in Tractatu de Jubilaeo*) restituit hunc Pontem magna cura & impensa a fundamentis ex Tiburtino lapide. Retinetque adhuc *Sixti* nomen, iussu ejusdem Pontificis, uti docent Inscriptiones sequentes.

M CCCC LXXIII.
QVI. TRANSIS. SIXTI. IV.
BENEFICIO. DEVM. ROGA.
VT. PONT. OPT. MAX.
DIV. VOBIS. SALVET. AC. SOSPITET.
BENEVOLE. QVISQVIS. ES. VBI
HÆC. PRECATVS. FVERIS.

SIXTVS. IV. PONT. MAX.
AD. VTILITATEM. POPVLI. ROMANI.
PEREGRINÆQVE. MVLTITVDINIS.
AD. IVBILEVM. VENTVRÆ. PONTEM.
HVNC. QVEM. MERITO. RVPTVM. VOCABANT.
A. FVNDAMENTIS. MAGNA. CVRA. ET.
IMPENSA. RESTITVIT.
SIXTVMQVE. DE. SVO. NOMINE. APPELLARI. VOLVIT.
M. CD. LXXV.

Tom. III.

E

Ipsc-

Ipsemet Pontifex primum lapidem posuit, cui haec erant insculpta.

SIXTVS. IV. PONT. MAX. FIERI. FECIT. ANNO. DOMINI. M. CD. LXXIII.

Notandum vero, discrepare inter se has Inscriptiones ob annorum notas. Fuit autem incoeptus hic Pons, An. 1473. die 29. Aprilis; & perfectus sub Annum. 1479. ex relatione Gregorii de Laude (*in Vaticaniis Beati Juchimi*) Stephanus vero Infessura (*in suis Diariis*) enarrat, quo pacto primi lapidis positio peracta sit Anno 1473. his nempe ritibus.

Anno dicto, die 29. Aprilis, Pontifex Maximus cum comitatu IV. Cardinalium, multorumque Episcoporum, e Palatio petiit Regionem Transiberinam, Pontemque vulgo *Ruprum* dictum, quem restituere cogitabat. Quumque ad Fluminis imam partem descendisset, posuit, in fundamentis Pontis reficiendi, manibus suis lapidem quadratum, cum hac Inscriptione SIXTVS IV. ut supra, & una quadam Numismata aurea, effigiem suam praeferentia. Hoc lapide posito Pontem iussit reaedificari, denominarique de nomine suo *Pontem Sixti*, abolito priore *Pontis rupti* nomine, prout ex Inscriptionibus superioribus jam didicimus.

Longus est passus CXLV. Latus. XI.





P O N S

TRIVMPHALIS, seu VATICANVS.

Situs est inter Pontes, *Aelium & Aurelium*, diciturque alio nomine *Vaticanus*, quia ducit in Campum & Montem Vaticanum. Fuit autem hic Pons non alium in finem excitatus, quam ut per eum triumphantes Urbem cum pompa ingrederentur, quod & soliti erant facere cum praeda, manubiis & captivis; neque per aliam viam Urbem ingredi erat illis licitum. Dicebatur autem propterea etiam *Pons amplissimus*, quod soli Imperatores cum victore exercitu, hostibus devictis, eum transirent, petentes Capitolium. Hujus Pontis reliquiae pilae quatuor conspiciuntur etiam nunc, & ex aqua eminent, e regione nosocomii Sancti Spiritus.

Occasione autem Pontis hujus, brevem hic apponere descriptionem Pompae Triumphalis, peropportunitatem nobis visum est. Populus, Victorem Triumphantem comitatus, solebat convenire prope Templum Apollinis, situm ubi nunc extructa est Basilica S. Petri, Principis Apostolorum; interea dum in ipsa Urbe adornarentur, usui futura in solemnibus diei hujus. Ex campo igitur Vaticano praecipue progrediebantur Imperator Triumphalis cum suo comitatu, omnibus servantibus dignitatem ordinis & loci, singulis monstrati, per Pontem Triumphalem, transeuntes Arcus Triumphales, Campum Florae, Theatrum Pompeji, & Templum Junonis Reginae, cui nunc nomen est *S. Angeli in Piscaria*, Theatrum item Marcelli. Interdum praeteribant quoque Circum Maximum, pervenientes ad Viam Sacram, usque ad Gradus Capitolii, a parte posteriore, quos omnes suo ordine ascende-bant, quorum erat, praesentes adesse huic ritui solemnium. Moris erat, hanc eandem viam pertransire Pontifices, Augures, Sacerdotes, Magistratus, Senatores, milites. Erecta cernebantur ubique tropaea infinita, & praebant ex more Triumphantis currum captivorum ingens numerus, currusque onusti praeda bello capta, adstante & vidente populi undique adfluentis turba maxima.

Patebant hoc die templa omnia, ornata floribus ac fertis, contextis ex omnis generis frugibus, ornamentisque supellectilis varii, sumptuosissimique. Ornatus quoque aedium privatarum non erat ab hoc diversus, & conspiciebantur in iis magni pretii tapetes, tabulae pictae, & vasa pretiosa, publice exposta. Viae stratae erant floribus ac herbis, repletaeque odoramentis plurimis. Ubique locorum omnia personabant cantu tibicinum, fidium, instrumentorumque musicorum. Quidquid enim valebat, ad excitandum vulgi gaudium, adhibebatur summa diligentia. Clamor omnis multitudinis unus erat; *Io triumphe! io triumphe!*

Atque hoc quidem honore, ac praemio afficiebantur a Populo Romano, qui Patriam, Remque Publicam sibi demeruerant, rebus praeclare contra hostes Populi Romani gestis. Consulendi super hac re erunt Appianus (in *Punicis & Mithridaticis*) de Scipionis & Pompeji triumphis. Plutarchus (in *Paullo AEmilio*) Josephus (de *Bello Jud. Lib. VII. cap. 24.*) aliique.





P O N S
A E L I V S, H A D R I A N I,
nunc S. A N G E L I.



AELIVS dicitur ab AElío Hadriano, a quo excitatus est, prope molem sepulcri sui. Spartianus (*cap. 19.*) *Fecit & sui nominis Pontem, & sepulcrum juxta Tiberim.* Et nulla alia causa construendi Pontus hujus commoda satis adfertur, nisi ut transeuntes per ipsum propius spectarent, & admirarentur molem Mausolei hujus. Dion (*Lib. LXIX.* in vita Hadriani *prope finem*) *Sepultus est juxta flumen ad Pontem AElium, ubi monumentum fecerat, propterea quod Augusti Mausoleum plenum erat, in quo nemo amplius sepultus est.*

Hunc Pontem vel bellorum vi, vel injuria temporum dirutum, Clemens VIII. Anno 1598. refecit. Urbanus deinde VIII. extrema laxamenta Arcuum aperuit, egesta humo.

Clemens VII. in ingressu Pontis posuit duo marmorea signa Divorum Petri & Pauli. Lorenzetus sculptor fecit statuam S. Petri; & Paulus Romanus statuam S. Pauli. Subter pedes Petri leguntur haec verba.

HINC.
HVMILIBVS.
VENIA.

Et in Basi ipsius.

CLEMENS. VII.
PONT. MAX.
PETRO. ET. PAVLO. APOSTOLIS. VRBIS. PATRONIS.
ANNO. SALVT. HVM. M. D. XXXIV.
PONTIFICATVS. SVI. DECIMO.

Subter pedes Pauli haec verba incisa legis lapidi.

HINC.
RETRIBVTIO.
SVPERBIS.

In Basi sub D. Paulo haec exstant.

CLEMENS. VII. P. M.
BINIS. HOC. LOCO. SACELLIS. BELLICA. VI.
ET. PARTE. PONTIS. IMPETV. FLVMINIS.
DISIECTIS. AD. RETINENDAM. LOCI. RELIGIONEM.
ORNATVMQVE. HAS. STATVAS.
SVBSTITVIT.

Clemens vero IX. parietibus hinc inde excurrentibus, restituit omnia ex Tiburtino lapide, interpositis cancellis ferreis. Addidit operis ornameto simulacra decem Angelorum, praeferentium Instrumenta

menta Passionis Domini. Exsculperunt hos Artifices egregii e marmore Pario. Angelum enim Columnam manibus tenentem fecit Antonius Raggius. In ejus Basi legitur.

THRONVS. MEVS. IN. COLUMNA.

Angelum, Velum Veronicæ explicantem, Cosmus Fancellus. Ejus symbolum in Basi positum est.

RESPICE. IN. FACIEM. CHRISTI. TVI.

Angelum Clavos ostendentem, Eques Hieronymus Lucenti, his verbis subscriptis.

ADSPICANT. AD. ME. QVEM. CONFIXERVNT.

Angelum, a quo Crux regitur, Hercules Ferrata. Basis ejus hæc habet verba insculpta.

CVIVS. PRINCIPATVS. SVPER. HVMERVM. EIVS,

Angelum, Lanceam habentem, Dominicus Guidus, cum hac Inscriptione,

VVLNERASTI. COR. MEVM.

Angelum, qui Flagellam tenet, Lazarus Morellus, cum hoc Titulo in Basi.

IN. FLAGELLA. PARATVS. SVM.

Angelum, qui Titulum Crucis ostendit, Eques Laurentius Berninus. Ejus dictum in Basi hoc est.

REGNAVIT. A. LIGNO. DEVS.

Angelum, cum Corona spinea, Paulus Naldinus, cum hac subscriptione.

IN. AERVMNA. MEA. MEA. DVM.

CONFIGITVR. SPINA.

Angelum, cum Tunica & Talis, Paulus Naldinus, additis in Basi verbis hæc.

SVPER. VESTEM. MEAM. MISERVNT. SORTEM.

Angelum, Spongiam in Arundine tenentem, Antonius Giorgietus. Basis talem habet Inscriptionem.

POTAVERVNT. ME. ACETO.

Totum Clementis IX. opus Eques Berninus delineavit, & direxit. Hæc reparatio Pontis merito habetur argumentum excelsæ mentis Pontificis Restauratoris. Noluit enim permittere, ut operi incideretur aliquod vel nominis sui, vel stemmatis Rospiglosi monumentum: usque adeo gloriam omnem contemptui habuit, humanaque omnia infra se posuit. Nam & mortuo sibi erigi sepulcrum noluit. Abunde tamen hac in parte publico voto, posteritæque gratæ, satisfecit Clemens X. hac Inscriptione, posita ad exitum Pontis.

CLEMENTI. IX.

PONT. OPT. MAX.

ÆLIO. PONTE. AD. SANCTI. ANGELI

ARCEM. ANGELORVM. STATVIS.

REDEMPTIONIS. MYSTERIA. PRÆFERENTIVM. EXSCVLPTO.

E. T. EXORNATO.

QVOD. SINE. EIVS. TITVLO.

ET. INSIGNIBVS. OPVS. ABSOLVI.

EX. ANIMI. MODERATIONE. MANDAVERIT.

CLEMENS. X. P. M.

VT. BENEFICENTISSIMI. PRINCIPIS.


MEMORIA. EXSTARET.

POSVIT. ANNO. M. DC. LXXII.

Vocatur autem hodie *Pons S. Angeli*. Narrant enim, quodam pestilentiae tempore, sub Papa Gregorio Magno, Anno 590, Angelum conspicuum sese præbuisse, in summitate Arcis, cui hic Pons est conjunctus: qui & evaginatum gladium recondiderit: fuitque hoc præsagium cessaturæ pestilentiae.

Longus hic Pons est pass. CXLII. latus pass. XIV.





In hac Insula fuit etiam *Jovis Templum*, pröpe AEsculapii. Ovidius (*Lib. I. Fast. v. 289.*)

*Quod tamen ex ipsis licuit mihi discere Fastis;
Sacravere Patres hac duo templa dic.
Accepit Phaebo Nymphaque Coronide natum
Insula, dividua quam premit annis aqua
Jupiter in parte est. cepit locus unus utrumque:
Functaque sunt magno templa nepotis avo.*

Dedicaverat hoc Jovis Templum C. Servilius Duumvir, ex voto locatum sex annis ante a L. Furio Purpurione Praetore, & ab eodem Consule. Fuit hoc Jovis Templum, ut aliqui putant, ubi nunc D. Joannis Baptistae est Ecclesia.

In prora hujus Insulae fuit & *AEdes Fauni*, cujus vestigia adhuc supersunt. Meminit ejus Vitruvius (*Lib. III. cap. 1.*) *Prostyli exemplar est in Insula Tiberina, in aede Jovis & Fauni.* Ovidius (*Lib. II. Fast. §. 193.*)


*Idibus agrestis fumant altaria Fauni,
Hic, ubi discretas Insula rumpit aquas.*


In Insula hac fuit etiam Statua Julii Caesaris, quae, ut scribit Tacitus (*Hist. I. cap. 86. §. 2.*) *sereno & immoto die conversa est ab Occidente in Orientem sponte sua.* Eodem in loco Simoni Mago Statuam Ethnici posuerunt, ut narrat Eusebius (*Ecclef. Histor. Lib. II. cap. 12.*) Illa autem vetus Inscriptio, quam hic inter rudera repertam fuisse scribit Baronius,

S E M O N I
S A N C O
D E O . F I D I O
S A C R V M
S E X . P O M P E I V S . S P . F
C O L . M V S S I A N V S
Q V I N Q V E N N A L I S
D E C V R
B I D E N T A L I S
D O N V M . D E D I T

loquitur non de Simone Mago, sed de *Semone*, cui & *Sanci*, & *Dei-fidii* nomen, Gentilium Deorum aliquo. De ara & statua Simoni Mago erecta, res est incertissima, si non fabula. Caeterum legendus erit, de roto hoc negotio, Oudano-Ouzelianus Thesaurus; uti & Antonius van Dale (*Differt. peculiari, post Differt. de Oraculis, in quarto.*)

In Hortis Fratrum S. Bartholomaei visuntur hodieque complures lapides majores prorae Insulae hujus: in quorum uno exsculptus cernitur *Serpens*.





VESTIGIA

HORREORVM AD RIPAM TIBERIS.



ORREA ANICETI, quorum meminit Victor (*in Reg. XII. five Aventino monte*) item *Vargunteji*, & *Domitiani*, si modo vere ulla unquam fuerunt, in nulla parte Urbis verius exstiterunt, quam in hac, ubi naves e *Sardinia* & *Sicilia*, (quae Insulae vulgo *horrea* Urbis dicebantur) itemque ex *Attica* & *AEgypto* solebant appellari. Et sane alia in hac Urbis Regione planities nulla fuit, quam haec, ad flumen; at vero in Aventini collis locis editis horrea aedificata fuisse, dicere, dementiae fuerit.

Neque tamen valde repugnarem, horrea isthaec etiam aliis mercibus condendis inservisse. Erant enim & *horrea*, in quae aurum, argentum, gemmae, & pretiosa quaeque a civibus deponebantur, timentibus nimirum, ne domi furto auferrentur. Deferebantur vero hae res in horrea, soluta pensione periculo fuscipientium. Auctor Labeo (*in l. 80. cum in plures, §. 6. locator. ff. Locat. conduct.*) *Locator*, inquit, *horrei propositum habuit, se aurum, argentum, margaritam non recipere suo periculo; deinde cum sciret, has res inferri, passus est proinde eum futurum tibi obligatum, ac si propositum fuit remissum, videtur.* Praeter frumentaria, erant & olearia, & mercium quarumvis.

Inscriptio vetus meminit *Fortunae Horreorum Galbianoorum & Conservatricis*, uti & *Genii* eorumdem, cujus mentionem quoque facit Victor. Descripsit eam Panvinius, his verbis.

NVM. DOM. AVG
SACRVM
GENIO. CONSERVATO
RI HORREORVM. GAL
BIANORVM
M. LORINVS
FORTVNATVS
MAGISTER
S. P. D. D

NVM. DOM. AVG
SACRVM
FORTVNAE. CONSER
VATRICI. HORREOR
GALBIANORVM
M. LORINVS. FORTVN
TVS. MAGISTER
S. P. D. D

Panciroillus censet Horrea isthaec non *Galbae* fuisse, sed *Galbionis*: verum Nardinus regerit, si a *Galbione* dicerentur, scribendum fuisse *Galbioniorum*, non *Galbianorum*. Et vitiosa foret lectio Notitiae, ubi habetur *Horrea Galbae*. Fulvius vero & Marlianus testantur, in vinea Marcelli Capizuchi Inscriptiones has fuisse inventas. Haec autem erat in planitie Montis Testacei. Sed & in alia ejusdem planitiei vinea conspicitur *Frons Aedificii majoris*. Nardinus suspicatur, superesse hoc ex horreo aliquo grandiore, vel ex conjunctis tabernis pluribus, quod conjici posse putat ex pluribus januis fenestrisque, quae in hoc aedificio etiam nunc videntur.

Idem Nardinus arbitratur, in hac eadem Aventini parte fuisse quoque *Forum Pistorum*, quod a P. Victore in hac regione collocatur. Etenim in praeruptis locis collis, & altioribus nullus est locus Foro commodus. Pistoribus item cum Horreis bene convenit, ut frumentum habeant usus suis paratum. Inchoaverat hoc Forum Domitianus, Trajanus vero tandem absolvit, qui & primus *Pistorum Collegium* instituit. Conjecturae huic favent haec verba Sexti Aurelii Victoris. *Romae a Domitiano coepta Fora, atque alia multa magnifice coluit, ornavitque, & annonae perpetuae mive consultum, reperto, firmatoque Pistorum Collegio.*

Statuam P. Minucio Augurino, Praefecto Annonae, positam fuisse prope horrea perquam verisimile videtur. De hac Plinius (*Lib. XVIII. cap. 3. med.*) *Minucius Augurinus, qui Sp. Melium coarguerat, farris pretium in trinis numidinis ad assem redegit, undecimus plebei Tribunus: qua de causa statua ei extra Portam Trigeminam a Populo stipe collata statuta est.* Idem (*Lib. XXXIV. cap. 5.*) *P. Minucio Praefecto annonae extra Portam Trigeminam unciaria stipe collata, nescio an primo honore tali a Populo, antea enim a Senatu erat.* Nardinus hic loqui Plinium existimat de columna, cui statua superimposita fuerit, non autem, de statua communi. Atque hanc sententiam suam firmat Numismate veteri, in quo habet consentientes sibi interpretes Nummorum Consularium.





H O R T I S A L L V S T I A N I

HORTI hi creduntur ipsius fuisse C. Crispi Sallustii, scriptoris Historiarum. Hic, quum totum poene patrimonium absumpisset, domumque paternam vendere coactus fuisset, ut se redimeret ab adulterii crimine, a C. Julio Caesare Numidiae Praefecturam impetravit. Illic ditissimus factus expilatione Provincialium, emit sibi hortos amoenissimos, sub Quirinali, intra pomoerium ad Collinam Portam, prope Malum Punicum (*Suet. Domit. cap. 1.*) & Villam Tiburti. Hos adeo diligenter ornavit & excoluit, ut Horti Sallustiani a potentissimis Principibus in deliciis semper sint habiti, possessique primum ab Augusto, Nerone, aliisque Principibus. Tacitus (*Lib. XIII. de Nerone; cap. 47.*) *Regrediendi per Flaminiam, compositis insidiis futo evitavit, quoniam diverso itinere Sallustianos in hortos remeaverit.* Plinius (*Lib. VII. cap. 16.*) narrat, Augusto vivente, Pulsionis & Secundillae cadavera ingentia, decem pedum & trium unciarum, pro miraculo in his hortis fuisse sepulta. Nervam in his hortis tata suprema occuparunt, uti scribit Eusebius (*in Chronicis.*) Vopiscus praeterea docet; Aurelianus in his, & Domitiae Hortis perlibenter vicissasse; & in illis Porticum Milliarensem exornasse. Vopisci verba sunt (*cap. 49.*) *Displicebat ei, cum esset Romae, habitare in Palatio, & magis placebat in hortis Sallustii, vel Domitiae vivere; Milliarensem denique Porticum in hortis Sallustii ornavit, in qua quotidie & equos & se defatigabat, quamvis esset non bonae valetudinis. Milliarensem vocat, quam Suetonius in Nerone Millenariam. Salmasius erudite ad hunc locum id nos docet, dicens: Milliarensis est millenaria, a millenis scilicet columnis; ut centenaria porticus, quam ἐκατόνυλον Graeci; sic milliarense genus nummi a millenario numero dictum, quod Graeci μυριάριον appellant.* Hi Horti itaque in Imperatorum Romanorum bonis habiti semper fuere. Discimus hoc ab Ulpiano (*in l. 39. cum servus legatus §. 8. si vero &c. de Legat. 1.*) *Si vero Sallustianos hortos, qui sunt Augusti, &c. legaverit quis, furiosi est talia legata testamento adscribere.*

Victor & Rufus (*in Reg. VI. sive Alta semita*) agnoscunt, Templum Veneris fuisse in Hortis Sallustianis, Hoc confirmant duae Inscriptiones apud Gruterum (*pag. XXXIX. n. 4. & pag. CII. n. 1.*) qui & loca ubi sunt inventae & sententiam eorum explicat.

Romae, in hortis Sallustianis, in pariete vineae Angeli Colotii, quo in loco templi Veneris angustia vestigia adhuc exstant: in basi plana marm.

Romae ad Bellajanos hortos est tabula cum Spe, muliere solata, dextra tangens caput columellae, sinistra ostendens spicas quinque & papaverum capita bina. ad caput hinc sculptuntur sarcinae colligatae, ad pedes inde alvearium, de cuius fastigio prominent spicae quatuor, rosae duae, caput papaveris unum. in basi est.

M. AVRELIVS. PACORVS
M. COCCEIVS. STRATOCLES
AEDITVI. VENERIS. HORTORVM
SALLVSTIANORVM. BASEM. CVM
PAVIMENTO. MARMORATO
DEANAE.
.D. φ .D.

M. AVR. PACORVS. AEDI
TVVS. SANCTAE. VENE
RIS. IN. SALVST. HORTIS
SPEI
ARAM. CVM. PAEMENTO
SOMNIO. MONITVS. SVM
TV. SVO. D. D

DEANAE. vox in prima Inscriptione a Graeco *δεαυα* confecta est, & *Deam* significat, ut Montefaucionius bene hanc vocem interpretatur.

Prope Collinae, seu Salariae Portae moenia fuerunt hi horti Sallustiani, & multa Christianorum sacra monumenta. Nemo autem dubitat, quin ad Collinam Portam in Quirinali fuerint. Circus enim, cujus hodie vestigia ostenduntur, prope Collinam Portam in angustiore valle, inter Quirinalem & Pincium, Sallustii fuit. Obeliscus Circi hujus, insignitus notis Hieroglyphicis, visitur etiam nunc in Hortis Ludovisianis, qui probabiliter partem faciunt Hortorum Sallustianorum. Circo autem huic a dextris adhaerebat *Forum Sallustii*; a sinistris, in clivo Pincii, *Hortus Sallustianus*.





M O N S

C O E L I V S.



COELIVM MONTEM Tacitus scribit, prius *Querquetulanum* appellatum fuisse. Verba ejus sunt: (*Lib. IV. An. cap. 65.*) *Haud fuerit absurdum tradere, montem eum antiquitus Querquetulanum cognominatum fuisse, quod talis silvae frequens, foecundusque erat, mox Coelium appellatum a Coelio Vibenna, qui dux gentis Hetruscae, cum auxilium tulisset, sedem eam acceperat a Tarquinio Prisco, seu quis alius Regum dedit, nam scriptores in eo dissentiunt, caetera non ambigua sunt; magnas eas copias per plana etiam ac foro propinqua habitavisse, unde Thuscum vicum e vocabulo advenarum dictum.* Varro (*de Ling. Latin. Lib. IV. ubi de vico Thusco*) dictus est autem Coelius a Coelio Vibenna Thusco duce nobili, qui cum sua manu dicitur Romulo venisse auxilio. Festus refert: Coelen Romulo auxilium praebuisse adversus Sabinos. Post hujus autem Coelii mortem, quod nimis munita loca insiderent, & parum fidi crederentur, deducti fuerunt in planum, habueruntque, ut Tacitus ait, vicum vulgo *Thuscum*. Et ideo eodem in loco cultus & positus fuit *Vertumnus*, qui Princeps habetur Deus Hetruriae, teste Varrone dicto loco. Coeliani, qui a perfidiae suspicione erant liberi, translati sunt in locum, qui *Coeliolus* dicitur, hoc est, *Coelius minor*, quia omnino Romae fuerunt duo montes Coelii. Martialis utriusque meminit, (*Lib. XII. epigr. 18. ad Furocnalem.*)

*Dum per limina te potentiorum
Sudatrix toga venilat, vagumque
Major Coelius & minor fatigat.*

Coeliolus hic, sive *Coelicolus* is locus est, ubi nunc exstat Ecclesia D. Joannis Euangelistae, quae olim fertur *Dianae aedes* fuisse. Hic autem nihil reperitur memorabile, praeter hanc *Dianae Aedem*, prout testatur Cicero (*Orat. de Responsis Aruspicum cap. 15.*) Tiberius autem *Montem Coelium* deinceps vocari jussit *Augustum*, ut docet Suetonius (*Tiber. cap. 48.*) & Tacitus (*Lib. IV. An. cap. 64.*) scribit, actum in Senatu, ut mons *Coelius* deinceps *Augustus* appellaretur, quando deusto monte, & cumilis circumflagentibus, sola *Tiberii effigies*, sita in domo *Funii Senatoris*, inviolata mansisset. Cum etiam Caesar, teste Suetonio, dicto loco, obviam irerat tribuendo pecunias ex modo detrimenti.

Hunc Montem *Tullus Hostilius*, Tertius Romanorum Rex, Albanis victis, ipsisque in civitatem translatis, Urbi addidit, pmoerio prolato. *Livius* (*Lib. I. cap. 30.*) *Roma* interim crescit *Albae* ruinas; duplicatur civium numerus. *Coelius* additur Urbi mons, & quo frequentius habitaretur, eandem sedem *Tullus Regiae* cepit, ibique deinde habitavit. Et *Dionysius* (*Lib. III. cap. 2.*) *At ne ullus sine domicilio esset, eum collem, qui Coelius dicitur, muro communiens, Urbi addidit, ubi quidem quicumque erant sine laribus Romani, ex eo loco sortiri. quod satis esset, sibi aedes construerent, ipso quoque in eodem colle habitante.*

Fuere in hoc Monte aedificia plurima; sed in ruinis omnium tanta est confusio, ut nullis prope modum certum assignare locum liceat. Notiora pauca notabimus. Fuit hic *Cyria Hostilia*, quam primam *Tullus Hostilius* excitavit, ubi nunc D. D. Joannis & Pauli est aedes. Testis *Livius* his verbis (*Lib. I. cap. 30.*) *Tullus Rex in Coelio monte templum ordini a se aucto Curiam fecit, quae Hostilia usque ad Patrum nostrorum aetatem appellata est.* Fuit & altera *Cyria Hostilia*, ubi postea Templum *Pacis* fuit.

Non longe hinc, sub ductu *Aquae Claudiae*, superest Castellum aquarum, fere integrum. Parietes ejus in ambitu latitudinem habent pedum vi. interius vero iii. Operti tectorio crassitudine digitorum iii. Longitudo vero concamerationum pedum xxi. Latitudo non una est.

Ubi nunc D. *Mariae in Dominica* est Ecclesia, fuisse Mansiones Albanas, ex *Sext. Rufi* verbis possumus conjicere (*in Reg. II.*) Sed *Ursinus* ad *Marlianum* id negat, *Panvinio* tamen *Marliani* sententiam confirmante.

Fauni Templum fuit in proximo, forma circulari, multis per ambitum columnis ornatum, id hodie D. *Stephano* sacrum est.

Plerique praeterea consentiunt, Castra peregrina constituta fuisse ab Augusto, in parte ea montis Coelii, in qua Ecclesia est Sanctorum quatuor Coronatorum, quaeque spectat Carinas.

Domus Lateranorum fuit quoque in hoc Monte, ubi hodie est Basilica D. Joannis Lateranensis. De hac domo loquitur Julius Capitolinus (*in M. Anton. Philos. cap. 1.*) *M. Aurelius educatus est in eo loco, in quo natus est, in domo avi sui, juxta aedes Laterani.* Et Juvenalis, *Sat. X. §. 16.*

*Claust, & egregias Lateranorum obsidet aedes
Tota cohors.*

Palatium Fl. Constantini dicitur hic etiam fuisse, prope hanc Basilicam, versus Portam Gabiufam. Sessoriani autem, quod vocatur, Palatium, inter Portam Naeviam & AEdem nunc S. Crucis, fuit olim Veneris & Cupidinis.

Amphitheatrum Castrensis & Laterani operis vestigia conspiciuntur hic in proximo, nunc in ipsis moenibus. Brutus, qui primus Consul factus est, in hoc Monte Coelio legitur, Templum construxisse Deae Carnae, quae Dea praeest vitalibus humanis, quod idonea esset emendationi publici status.

Suetonius etiam commemorat, Templum Claudii Imperatoris ibidem fuisse coeptum ab Agrippina, sed a Nerone destructum, a Vespasiano tandem perfectum (*Vespas. cap. 9.*)

Fuit & in hoc Monte Coelio domus Mamurrae Formiani, Praefecti fabrum Caesaris in Gallia, & hanc quidem primam omnium marmoreis crustis ornatam fuisse, scribit Plinius (*Lib. XXXVI. cap. 6.*)

Stetit in eodem Monte Domus Claudii Centimali, ut docet Valerius Maximus (*Lib. VIII. cap. 2. exempl. 1.*) De ea Cicero (*Lib. III. de Offic. cap. 16.*) *Cum in arce augurium augures acturi essent, jussissentque, T. Claudium Centimalum, qui aedes in Coelio Monte habebat, demoturi eas, quarum altitudo officeret auspiciis, emit Calphurnius Lanarius.*

Domus Tetricorum, qui fuerunt duo ex triginta tyrannis, stetit itidem in hoc monte longe pulcherrima, inter duos lucos, contra Isium Metellinum, ut loquitur Trebellius Pollio, in Tetrico Juniore.

Domus Junii Senatoris, ubi, in conflagratione Montis, Tiberii statua manserat illaesa, fuit hic etiam. T. Claudius Glyptus Hymnologus habuit hic etiam domum suam, prout testatur illius Epitaphium, apud Gruterum (*pag. DCXLV. n. 4.*)

TI. CLAUDIO. GLYP
TO. HYMNOLOGO. DE
CAMPO. CAELEMONTANO.
VIXIT. ANNIS. XXV.
MESIBVS. VIII. FE
CIT. L. CEIONIVS. MAGNVS.
FILIASTRO. BENE. MERENTI
ET. TI. CLAVDIVS. CHRYSOCOENVS.
FRATRI. PIENTISSIMO.


Campus Martialis, in quo fiebant Equiria, si aquae Tiberis inundassent Martium Campum, fuit etiam in hoc Monte, ex veteri instituto, uti scribit Festus, & Ovidius his versibus, *III. Fast. §. 5 19*

*Altera gramineo spectabis equiria campo,
Quem Tiberis curvis in latus urget aquis.
Qui tamen ejecta si forte tenebitur unda,
Coelius accipiet pulverulentus equos.*

Fuit denique in eodem Monte Macellum magnum, Antrum Cyclopis, Spoliarium, & Armamentarium.

Quum prima vice Romae commorarer, prope Ecclesiam S. Johannis & Pauli, multum operae sumebatur, in effodienda humo Montis hujus. Reperiebantur illic abscondita parva cubicula, plurimaeque rudera ambulacrorum subterraneorum, quorum nonnulla picturis, & opere musivo erant exornata. Omnia haec a fossoribus, praemio aliquo donatis, ostendebantur Domino Sancto Bartoli. Itaque peropportuna hac occasione, & benevolentia clarissimi Viri usus, vidi multa earum rerum, quas dixi, monumenta, quae postmodum diruebantur, & subvertebantur, ita ut nihil eorum esset reliquum.





M O N S P A L A T I N V S.

23



Vander & Romulus in hoc Monte habitasse feruntur. Hinc a Statio (*Sylv. IV. carm. 1. v. 7.*) *Collis Evandrius* fuit dictus, & a *Trebellio Pollione* Historico *Romulius* (*in Salo- nino Gallieno*) Strabo eum appellat nomine *της ἀρκας*, quia prima in eo fuit fedes Re- gia, in initio *Descriptionis Romae* (*pag. mibi 230. media.*)

Vocem quod atinet, maxime nobis arridet illa, quam Virgilius adfert de Arcadibus & Evandro, sententia (*Æn. VIII. v. 53.*)

*Delegere locum & posuere in montibus Urbem
Pallantis proavi de nomine Pallanteum.*

Festus a *Palantone*, Hyperborci filia, quae ibi habitaverit. Alii ab aliis deducunt. Livius (*Lib. I. cap. 5.*) a *Palanteo*, urbe Arcadica, unde & vox *Palatium* traxit originem. Sed alii apud Varronem a *Palatia*, uxore Latini, nomen venisse putarunt (*Varr. IV. de Ling. Latin.*) *Quartae regionis*, inquit, *Palatium*, quod *palantes* cum *Evandro* venerunt; aut quod *Palatini*, qui & *Aborigenes*, ex agro *Reati- no*, quod appellatur *Palatium*, ibi confederunt, &c. Alii ex Festo: quod ibi Hyperborci filia *Palanto* habitaverit, quae ex *Hercule* *Latinum* peperit; alii eundem, quod *Pallas* ibi sepultus sit, existimant ap- pellari. Et sane Polybius, apud Dionysium *Halicarnasaeum* (*Lib. I. cap. 32.*) eum a *Pallante* *Evandri* Filio fuisse dictum putat. Varro rursus (*Lib. IV. de Latin. Ling.*) Eundem hunc locum a pecore dictum, putant quidam; itaque *Naevius* *Balanitum* appellat. Hinc *Germalum* & *Vehias* conjunxerunt, & in hac regione *Sacriportus* est. Et ideo Festus; *Palatium* mons *Romae* appellatus est, quod ibi pecus pascens balare consueverit; vel quod *palare*, id est, errare ibi pecudes soleant. Nec ab hoc dissentiant *Ovidius* (*Fast. V. v. 639.*) & *Propertius* (*Lib. IV. Eleg. 1. v. 3.*)

Ad Ortum habet Montem *Coelium*, spectatque versus Arcum *Constantini*; ad Meridiem *Aventi- num* habet, & vicinum sibi *Circum Maximum*; ad Occasum vero *Capitolinum*, ubi in proximo fuit *Romuli aedes* & *Velabrum*; & denique ad *Septentriones* illi adjacent templa, quae in Foro sunt.

Erant in hoc Monte *Ædes* & *Templa* *Mammeae*, *Febris*, *Jovis Victoris*, *Fidei*, *Victoriae*, *Victo- riae Germanicae*, *Solis*, *Apollinis*, *Vestae Palatinae*, *Divorum Caesarum*, *Minervae*, *Lunae* *noctilucae*, *Augusti*, *Jovis Propugnatoris*, ubi legebatur *Inscriptio* vetus isthaec, *Grutero* teste, (*pag. cce- num. 2.*)

P. MARSIVS VERVS. IMP. COMMODO. VI. ET. PETRONIO
SEPTIMANO. CO. S. A. P. R. C. DCCCXII. KAL. DECEM.

IN. PALATIO. IN. AEDE. IOVIS. PROPVGNATORIS IN. LOCVM
M. VERI..... L. ATTIDIVS. CORNELIANVS. COOPTATVS
TI. SATVRNINO. ET. C. GALLO. COS. A. P. R. C. DCCCCL.
PR. EID. DEC. IN. PALATIO. IN. AEDE. IOVIS. PROPVGNATORIS
IN. LOCVM ATTIDI CORNELIANI VITA. FVNCTI. CL.
PATERNVS. COOPTATVS.....

TI. SEVERO. C. AVFIDIO. VICTORINO. CO. S. A. P. R. C.
DCCCCLII. EID. APR. IN. PALATIO. IN. AEDE. IOVIS. PROPVGNAT.
IN. LOCVM. CLAVDI. PATERNI. VITA. FVNCTI..... ALLIVS
COLONIVS..... COOPTATVS.

Tom. III.

M

Bacchi

Bacchi item, Cybeles, Rhamnusiae, Pentapylon (ut Nardinus putat) Jovis Arbitratoris, Fortunae quoque Respicientis, & Martis. Sacella denique, Lararium & Deae Viriplacae. Valerius Maximus (*Lib. II. cap. 1. exempl. 6.*) quoties inter virum & uxorem aliquid jurgii intercefferat, in Sacellum Deae Viriplacae, quod est in Palatio, veniebant, & ibi invicem locuti, quae voluerant, contentione animorum deposita, concordēs revertebantur. De hoc igitur Monte Palatino, tot ac tantis Templis, AEdibus sacris, & Sacellis instructo, merito obinde cecinit Claudianus (*in VI. Conf. Honorii §. 43.*)

*Tot circum delubra videt, tantisque Deorum
Cingitur excubiis.*

Domus vero, sive Palatia, in hoc Monte fuisse dicuntur Viturbii Vani, M. & Q. Ciceronum, L. Crassi, Q. Catuli, C. & Tib. Gracchorum, AEmilii Scauri, M. Antonii, Clodii, Cn. Domitii, Calvini, Hortensii Oratoris; ita tamen, ut eadem arcae plurimum saepe possessorum aedibus inservierint.

Erant hic quoque AEdificia alia; ut Curia Vetus; & in ejusdem conclavibus etiam locus dictus *Sacrarium Saliorum Palatinorum*. Elegerat hos Numa e Patriiis n. XII. Juvenes omnes, ut auctor est Dionysius Halicarnassicus (*Lib. II. cap. 71.*) Horum munus fuit; fervare in quodam penetrali mysteria Urbis, Ancilia sacra, Apices, Trabeasque, & Lituum Romuli auguralem. Valerius Maximus (*Lib. I. cap. 8. ex. 11.*) *Deusto*, scribit, *sacrario Saliorum, nihil in eo praeter Lituum Romuli integrum repperit* est. Quoties bellum genti alicui indicebatur, soliti erant Salii, movere ancilia, teste Servio (*ad Lib. VII. AEn. v. 603.*) Prope hoc *Sacrarium* erant domus, seu domicilia Saliorum, quas *Mansiones Saliorum Palatinorum* appellat, ex vetere Inscriptione, Apianus, quae, in effodiendis Ecclesiae S. Basilii fundamentis, fuit inventa. Ejus verba sunt, apud Gruterum *pag. CLXXIII. n. 5.*

MANSIONES. SALIORVM. PALATINOR. A. VETERIBVS
OB. ARMORVM. ANNALIVM. CVSTODIAM. CONSTITVTAS
LONGA. AETATE. NEGLECTAS. PFCVN. SVA. REPARAVERVNT
PONTIFICES. VESTAE. V. V. C. C. PRO. MAGISTERIO
PORTIL. ACILLIL. LVCILLI. VITRASL. PRAETES TATI
V. V. C. C.

Fuit & hic *Porticus Stabuli*. Vopiscus in Carino (*cap. 19.*) *Ludos Romanos, novis ornatos spectaculis dederunt, quos in Palatio circa Porticum Stabuli pictos vidimus.* De marmoreis crustis & ornamentis Lampridius scribit, in Alexandro (*cap. 25.*) *Alexandrinum opus marmoris, de duobus marmoribus, hoc est, Porphyretico & Lacedaemonio, primus instituit; Palatio exornato hoc genere marmorandi.*

In hoc Monte fuit etiam Atrium, augurato conditum, in quo consulebatur Senatus. De hoc Atrio id testatur Servius (*ad AEn. XI. v. 235.*) *Idcirco etiam in Palatii Atrio, quod augurato conditum est, apud Majores consulebatur Senatus: ubi etiam arietes immolabantur.*

Area Palatina capax fuit Theatri. De hac Josephus (*Lib. XIX. Antiq. Jud. cap. 1. medio*) *Exstructa ante Regiam scena, conveniunt eo spectatum Romanorum nobiles, &c.* Et paulo post: *Consedit (Caligula) in Theatro, quod compactile instaurabatur per singulos annos hoc modo. Duas habet januas; alteram versus subdivalem arcam; alteram versus porticum, per quam Actores ingrediebantur, &c.*

De *Viridario*, Lampridius (*in Elagabalo cap. 23.*) *Montem niveum in Viridario domus aestate fecit.*

Balneas Palatinas commemorat Josephus (*Lib. XIX. Antiq. Jud. cap. 1.*) *Mox ubi Regiam ingressi sunt, deflexi ad infrequentem quandam cryptam ducentem ad balneas.*

Gynaecium, seu domicilium feminarum, hic etiam fuisse fertur, sed intelligitur forte (his Plutarchi verbis, in vita Poplicolae, *παλλακιδιον διαστα*, *pellicum diacta*) locus, qui dicebatur *Coenatio*, quod illic epularentur. Et ita quidem Plutarchi verba interpretatur Donatus (*de Urbe Roma, Lib. III. cap. 11. de hoc Palatio.*)

Fuit & hic *Colossus Tuscanici operis* ex aere, altus pedes L. qui palmos Romanos conficiunt LXII. Plinius (*Lib. XXXIV. cap. 7.*) *Vidimus certe Apollinem in Bibliotheca Templi Augusti Tuscanicum, L. pedum a pollice, dubium aere mirabiliorē, an pulchritudine.* Martialis (*Lib. I. Ep. 70.*)

*Nec te detineat miri radiata Colossi,
Quae Rhodum moles vincere gaudet opus.*

Plateae

Plateae hic erant marmore stratae. Lampridius (*in Elagabalo cap. 24.*) *Stravit & saxis Lacedaemoniis & Porphyriticis plateas in Palatio, quas Antoninianas appellavit, quae saxa usque ad nostram memoriam manserunt, sed nuper eruta & arecta sunt.*

Splendorem suum & majestatem hoc Palatium retinuit, usque ad Valentiniani Imperatoris tempora, prout ex Sidonio Apollinari colligitur. Post hunc enim, Imperatoribus pulsus a Regibus Gothicis, habitari desit, ruinamque hinc inde minari. Nam & a nemine reficiebatur; & Romani Pontifices ornamentis ejus utebantur, in aedificandis Martyrum Christianorum Templis ac Basilicis.

Res haec eo tandem devenit, ut hodie suffossionibus & specubus sit totum quasi pensile, atque ruinis deformis, hortisque occupetur. Usque adeo nihil retinet antiqui splendoris, praeter ingentes parietinas.

In hujus quippe Palatii fundo horti nunc sunt Farnesiani, ubi pluribus in partibus ambulacra repertiuntur subterranea, quorum Porticus multae corruerunt. Tantopere autem haec Imperii Romani primaria sedes omni suo est ornatu spoliata; ut egomet illic invenerim memorabile nihil, aut notatu dignum. In Ambulacris, Forum Romanum spectantibus, quoties venalia eo aguntur pecora, includuntur boves, vaccae, & generis ejus gregum & pecudum armenta plura.

Observes hic mecum licet, quanta & quam deploranda sit vicissitudo rerum humanarum. Nunc hic stabula sunt bubilia & ovilia gregum & pecudum, quo in loco commorabantur quondam Monarchae, toto terrarum Orbe maximi; conventusque habebantur omnium Mundi populorum, quibus pro arbitrio suo imperabant Romani Principes.

Hac porro parte, versus Occasum, *Mons Palatinus* spectabat Capitolium, locumque *Germalum* dictum, quem Varro docet, ita vocatum a germanis, Romulo & Remo, qui illic fuerant expositi, & apud Ficum Ruminalem inventi, quo aqua hiberna Tiberis eos detulerat, expositos in alveolo: itemque *Velabrum*, quod nomen Paludis exsiccatae est, inter Montem Palatinum & Capitolinum. Memorantur haec illustria hic aedificia fuisse, usque ad Jani prope templum.

Rostra Romae fuerunt duo. Priora erant Templum in Foro, Curiae junctum, quod postea alio translatum est, Asconio teste (*in principio expos. orat. pro Milone*) Livius (*Lib. VIII. cap. 14.*) *Naves Antiatium*, inquit, *partim in navalia Romae subductae, partim incensae, rostrisque earum suggestum in Foro exstructum adornari placuit, Rostraque id templum appellatum.* Haec Rostra in medio tere Fori, sed propius radicibus montis Palatini, eminebant, erantque sedile editius, columnis superstructum, ornatumque Rostris, ut vidimus, navium Antiatium. Ex hoc suggestu concionabantur Consules, & Magistratus alii, laudesque praedicabant defunctorum, & de gravioribus Reipublicae negotiis in concione populi differebant.

*Alter*a, quae *Nova* vocabantur, fuerunt pro AEdē D. Julii, ut Suetonius indicat (*August. cap. 100.*) ubi agit de orationibus funebribus, Augusto dictis. Hoc & Dion confirmat (*Lib. LVI.*) ante orationem Tiberii funebrem, ubi agit de Laudationibus Augusti funebribus: *Postaque lectica supra suggestum, unde orabatur, ex eo Drusus legit quiddam: sed ex aliis rostris, Julii nuncupatis, Tiberius publice ita oravit ex decreto, &c.* Sic & idem Auctor (*in fine Lib. LIV.*) refert: Augustum orationem funebrem habuisse, deposito ante AEdem Juliam corpore Octaviae contexto. Et arbitror hoc intelligendum esse de iisdem Rostris, novis, & *Julii* appellatis. Fuerunt ergo rostra nova sita in Velabro, quo in loco AEdes fuit Julii Caesaris, inter Montes Capitolinum & Palatinum.

Graecostasis fuit etiam in Velabro. Is locus est, ubi non Graecorum modo, sed & aliarum Nationum Legati subsistebant, audiendi a Senatu. Varro (*Lib. V. de Ling. Latin.*) *Dextra e Comitio locus substructus, ubi Nationum subsisterent Legati, qui ad Senatum essent missi, is Graecostasis appellatur.* Nomen autem a Graecis accepit, quia propter artes liberales, quibus prae caeteris nationibus eruditi habebantur, eorum Legati hoc loco, tamquam digniori, excipiebantur, teste Marliano. Capitolinus (*in Anton. Pio cap. 8.*) *Graecostadium* vocat, scribitque restitutum esse ab Antonino Pio, post incendium.

Senaculum fuit inter Capitolium & Forum, ubi nunc est AEdes Concordiae: in eo Magistratus cum Senioribus deliberabant. Varro (*dicto loc.*) dicit; *Senaculum vocatum, ubi Senatus, vel ubi Seniores consisterent, dictumque regiorum.*

Basilica Opimii erat hic etiam, uti &

Ficus Ruminalis, quae Arbor fuit, de qua Tacitus (*Ann. XIII. cap. 58.*) ait, *Eodem anno Ruminalem arborem in Comitio, quae super octingentos & quadraginta ante annos Remi Romulique infantiam texerat,*

Tom. III.

N

mortuis

mortuis ramalibus & arescente trunco deminutam, prodigii loco habitum est, donec in novos foetus reviresceret. Et Servius (*ad Virg. AEn. VIII. v. 63.*) *Rumon Tiberis dictus est, unde Ficus Ruminalis.* Florus (*Lib. I. cap. 1.*) vult, repertos ad Arborem. Verisimile enim est, secundum Dionysium (*Lib. I. cap. 80.*) apud Lupercal expositos esse, nutritos vero ad arborem. *Ruminalem* porro *Ficum* sunt qui derivant a *Romulo*, quasi *Romularem*: alii a lacte infantibus dato, quia pars gutturis *Ruma* appellatur, sive quod mamma ipsa *rumis* appellaretur, secundum Festum, in voce *Ruminalis*. Hanc Arborem stetitisse testantur Scriptores usque ad Augusti tempora, & ultra. Ovidius (*Fast. II. v. 411.*)

Arbor erat, remanent vestigia, quaeque vocatur


Romula, nunc ficus, rumina ficus erat.


Romuli, sive *Quirini Templum*, quod hoc in loco est, secundum Vitruvium, Dorica erat structura. De eo haec scribit Dionysius (*Lib. I. cap. 81.*) *Antrum visitur, Palatinis conjunctum aedificiis, secundum viam, quae in Circum fert: & in propinquo est area: casum hunc aere antiqui operis expressum servans, lupam videlicet duobus pueris ubera praebentem.* Nunc vocatur *Aedes D. Theodori*.

Domus Catilinae juxta Basilicam Opimii fuit.

Faustuli casa fuisse fertur supra Comitium, prope *Graecostasin* & *Ficum Ruminalem*.

Casa Romuli vetus hic quoque erat. Is siquidem, quum inter pastores pastorem vitam ageret, cum fratre ex arundinibus & lignis suas aedificarunt tabernas, in ea montis parte, quae est e regione Capitoli.





M O N S

PALATINVS versus ORTVM.



RTVM versus spectabat hic Mons *Suburram* & *Montem Coelium*. Fuerunt illic in eo monte haec praecipue AEdificia.

Templum Junonis Sospitae.
Sacellum Mutini Titini.
AEdes Victoriae.

AEdes Orci non longe hinc aberat. Erat enim proximo angulo Palatini montis, ubi hic imminet *Arcui Constantini*.

In hoc eodem loco *Elagabalus* consecravit *Deum Elagabalum*, construxitque ei *Templum*, omnique studio id egit, ut *typum Matris Deum*, *Ignem Vestae*, *Palladium*, *Ancilia*, & quidquid venerandum Romae fuerat, immo & *Judaeorum religiosa*, & *Christianorum Sacra*, hunc unum in locum transferrentur; hoc consilio, ut unus sub aliorum quoque nominibus coleretur Deus *Elagabalus*, si *Lampri- dio* recte credimus, in *Elagabalo* (cap. 6. & 7.)

Supra *Orci*, erat *AEdes Matris Magnae*: hanc locaverat faciendam *M. Livius* & *C. Claudius Censores*. *Livius* (*Lib. XXIX. cap. 37.*) *Junius vero Brutus* eam dedicavit; atque in hujus facti memoriam *Ludi* anniversarii sunt instituti. *Livius* (*Lib. XXXVI. cap. 36.*) *Nostrae sententiae auctorem* dabimus *Ciceronem*, cujus haec sunt verba (*de Harusp. respons. cap. 12.*) *Nam quid ego de illis Ludis loquar, quos in Palatio nostri majores ante templum, in ipso Magnae Matris conspectu, Megalensibus fieri, celebrari- que voluerunt? qui sunt more institutisque maxime casti, solemnes, religiosi.* AEdificata vero haec est *AEdes*, quod *Pessinunte* advectum hujus *Deae* simulacrum ex *Templo Victoriae*, ubi aliquamdiu fuerat servatum, transferri decreverant. *Livius* (*Lib. XXIX. cap. 11. & 14.*) & praesertim *Herodianus* (*Lib. I. cap. 11.*)

AEdicula hic etiam fuit *Victoriae Virginis*. *Livius* (*Lib. XXXV. cap. 9.*) *Iisdem diebus aediculam Vi- ctoriae Virginis, prope aedem Victoriae M. Porcius Cato* dedicavit, biennio postquam vocit.

Tullus item *Hostilius* habitavit ab hac parte Montis hujus, antequam aedificaret *Curiam Hostilium*. Hujus partis duae sunt effigies.





M O N S

PALATINVS versus MERIDIEM.



ONS hic ad Meridiem habet Aventinum & Circum Maximum. Ab hac autem parte haec AEdificia fuisse narrantur.

Tiberianae domus mansiones magnificentissimae. Haec enim post Augustum Palatio accessit. In hac autem habitavit Tiberius, & fortasse eam quoque construxit, licet Suetonius de ea nihil referat, in vita ejus (*cap. 47.*) agens de operibus Tiberii. Spectavit autem Circum Maximum & Montem Aventinum.

Domitianus multis operibus hoc Palatium auxit & ornavit. Suetonius in ejus vita (*cap. 15.*) *Sollicitior indies, porticum parietes, in quibus spatiari consueverat, Phengite lapide displinxit; e cujus splendore per imagines, quidquid a tergo fieret, provideret.* Hinc de Domitiano Plutarchus (in vita Poplicolae) *Gaudes, quum in aedificia omnia profundas, qui, ut Midas ille, omnia tibi aurca fieri & gemmea cupis.* Hunc Imperatorem externis illud & laudatis aedificiis sublimius & pulcrius, caeloque par reddidisse, Auctor est Martialis (*Lib. VIII. Epigr. 35.*)

*Regia Pyramidum, Caesar, miracula ride;
Jam tacet Eoum barbara Memphis opus.
Pars quota Parrhasiae labor est Maeoticus aulae?
Clarius in toto nil videt orbe dies.
Septenos pariter credas assurgere montes:
Thessalicum brevior Pelion Ossa tulit.
Aethera sic intrat, nitidis ut conditus astris
Inferiore tonet nube serenus apex.
Et prius arcano satietur lumine Phoebi,
Nascentis Circe quam videt ora patris.
Haec, Auguste, tamen, quae vertice sidera pulsat,
Par domus est coelo: sed minor est Domino.*

Et Statius, in Eucharistico ad Domitianum (*ŷ. 18.*)

*Tectum augustum, ingens, non centum insigne columnis,
Sed quanta superos, coelumque Atlante remisso
Sustentare queant. Stupet hoc vicina Tonantis
Regia, teque pari laetantur sede locatum
Numina, ne magnum properes ascendere coelum.
Tanta patet moles, effusaeque impetus aulae,
Liberior campi multumque amplexus aperti,
Aethereo & tantum Domino minor, ille penates
Implet, & ingenti genio juvat. AEmulus illic
Mons Lybis, Iliacusque nitens, & multa Syene,
Et Cbios, & glauca certantia Doride saxa,
Lunaque portandis tantum suffecta columnis.
Longa super species; fessis vix culmina prendas
Visibus, auratque putes laquearia coeli.*

Omnia in hoc Palatio dicuntur distincta fuisse, non tantum variis marmorum seu glebis, seu crustis; verum etiam argento, auro & gemmis. Tacitus (*An. xv. cap. 42. §. 1.*) *Nero construxit domum, in qua haud perinde gemmae & aurum miraculo essent, solita pridem & luxu vulgata.*

Quatuor damus hujus partis icones.

Tom. III.

P


MONS











M O N S

31

PALATINVS versus SEPTEMTRIONES.



PN hoc Monte Palatino, qua parte Forum Romanum spectabat, haec fuerunt AEdificia publica, privataque.

Palatium Anci Martii, IV. Regis.

Palatium Tarquini Prisci, V. Regis, &

Servii Tullii, VI. Regis.

Domus Hortensiana, ubi primum habitavit Augustus; postea vero inde migravit in Aulam Palatinam. Suetonius (Aug. cap. 72.)

Palatium hoc Imperatorum, quod & *Augustale* vocabatur, Caligula ampliavit, & protulit usque ad Forum. Occupavit vero, quum esset maximum, octavam totius Montis partem. Suetonius (*Calig. cap. 22.*) *Partem Palatii ad Forum usque promovit, atque aede Castoris & Pollucis in vestibulum transfigurata &c.* Plinius Palatium comparat cum domo Neronis, quae tota stabat in Urbe (*Lib. XXXVI. cap. 15.*) *Bis, inquit, vidimus Urbem totam cingi domibus Caji & Neronis.*

Denique ab aliis Augustis haec Domus Imperatoria tot modis fuit aucta, ut totum poene Montem impleret; eumque in modum exornata, ut non indigna esset habitatio Dominorum Orbis universi. Huc respicit Claudianus (*in VI. Conf. Honor. vers. 39.*)

*Non alium certe decuit Rectoribus Orbis
Esse lavem, nulloque magis se colle potestas
Aestimatur, & summi sentit fastigia iuris,
Attollens apicem subiectis regia vestris.*

Ab Augusto enim deinceps omnes Romani Imperatores in hoc eodem Palatio fixerunt sedes suas. Hinc factum, ut ab Imperatoria sede cuiusvis Principis, aut potentis, & illustis Viri domus *Palatium* diceretur. De Domitiani in exornando Palatio cura singulari alibi sumus locuti.

Palatium autem hoc fuit ab Augusto ipso resectum, postquam arsisset. Suetonius (*cap. 57.*) *In restitutionem Palatinae domus incendio absumptae, Veterani, Decuriae, Tribus, atque etiam singillatim e caetero genere hominum, libentes ac pro facultate quisque pecunias contulerunt.* Et Dion (*Lib. LV.*) *Cum forte Palatium incendio perisset, rescelam Domum Augustus totam publicam esse iussit, sive quod ad eam aedificandam populus pecuniam contulisset, sive quod Pontifex Maximus esset, ut simul in propriis & publicis aedibus habitaret.*

Fuit in recessu hujus domus (Augusti) erectum *Apollini templum*, & in basi ejus feruntur reconditi fuisse *Libri Sibyllini*. Ab hoc Templo per domum Tiberianam via patebat versus *Milliare aureum*, quod erat in Foro positum. Nam, ut recit Tacitus (*Lib. I. Hist. cap. 27.*) *Galba sacrificante pro Aede Apollinis, Orbo, qui in eum conjuraverat, digressus per Tiberianam domum in Velabrum, inde ad Milliarium aureum sub Aedem Saturni perrexit.* Plutarchus (*in Galba*) *Per Tiberii domum, quam vocant, descendit in Forum.*

Erant hic Porticus, in quibus servabatur *Bibliotheca Graeca & Latina*, cujus meminerunt Dion, Tom. III.

Q

Pro-

Propertius, Suetonius, Ovidius, alique. Bibliothecae huic videtur praefuisse Sextus aliquis, aetate Martialis, & ab eo laudatus (*Lib. V. epig. 5.*)

Sexte, Palatinae cultor facunde Minervae, &c.
Ingenio fruere qui propiore Dei.

AEdes Deorum Penatium fuit quoque in hac parte Montis; de quibus Livius (*Lib. XLV. cap. 16.*) De prodigiis deinde nuntiatis Senatus est consultus. *AEdes Deorum Penatium in Velia* de coelo tacta erat.

Romae Templum etiam fuit in hac regione Montis. Ejus descriptionem habemus apud Dionysium Halicarnasensem (*Lib. I. cap. 68.*) Templum Romae non procul Foro ostenditur, secundum viam, quae ad Carinas fert compendio, supra modum obscurum, nec magnum structura, locus vernacula gentis lingua dicitur Subvelia. In eo posita sunt Trojanorum Deorum imagines, quas curvis fas est inspicere, cum inscriptione DENAS, quae Penates significat. Videntur enim mihi prisci, ante inventum P. usurpasse pro eo D litteram. Sunt autem hastati duo juvenes, habitu sedentium, admodum antiqui operis. Alia quoque multa in antiquis templis horum Deorum idola conspeximus, & in omnibus duos Juvenes, militari habitu.

Fuerunt & hic Tempia Castoris, & Vestae. Martialis (*Lib. I. Epigr. 70.*)

Quaeris iter? dicam: vicinum Castora canae
Transibis Vestae, Virgineamque domum.
Inde sacro veneranda petes Palatia clivo,
Plurima qua summi fulget imago ducis.

In hac AEde Vestae Palladium olim servatum fuisse docet Plinius (*Lib. VII. cap. 43. in fin.*) Is Metellus, inquit, orbam luminibus exegit senectutem, amissis incendio, quum Palladium raperet ex AEde Vestae, memorabili causa, sed eventu misero. Ovidius cum Martiale consentit, dicens (*Lib. I. Trist. Eleg. 1. v. 28.*)

— — Haec sunt Fora Caesaris, inquit,
Haec est a sacris quae via nomen habet.
Hic locus est Vestae, qui Pallada Servat & ignem,
Huc fuit antiqui regia parva Numae.
Inde petens dextram, Porta est, ait, ista Palati,
Hic Stator, hoc primum condita Roma loco est.

Gradus magni Vestibuli Neronis fuerunt iidem in hac Montis parte. Hi superfuerunt usque ad tempora Vitellii. Dion, de Vitellio (*Lib. LXV. sub finem*) Caesarem e Palatio, ubi magnas voluptates ceperrat, deducunt, trahuntque via Sacra. Magni item Palatii gradus quidam visebantur prope Arcum Titi, ubi in Palatii frontem ascendebatur. Et fertur Antoninus Pius hic in ipso Palatio extruxisse novam portam.

Domus quoque Ciceronis, M. Flacci, Proculi, & Cn. Octavii steterunt in his partibus Montis hujus, ut alibi monuimus.

Hippodromus vero non longe abfuit ab Arcu Titi, ubi nunc S. Sebastiani AEdes est, si alios audias. Sed Nardinus Palatii Hippodromum esse putat ipsum Circum Maximum.





VESTIGIA

CAPITOLII VETERIS.



CAPITOLIVM fuit initio sedes T. Tatii Sabini Regis, & mons dicebatur *Tarpejus* & *Saturnius*. De eo Varro (*Lib. IV. de Ling. Lat.*) *Sunt & nomina, ab tot Montibus, quos postea Urbs mureis comprehendit: e quibus Capitolium dictum, quod hic quum fundamenta foderentur aedis Jovis, caput hominis inventum dicitur.* Historiam fule refert Dionysius (*Lib. IV. cap. 66.*) Arnobius scribit (*Lib. VI.*) *Tolum* appellatum fuisse, atque ab eo Capitolium dictum. Pergit Varro. *Hunc antea Montem Saturnium appellatum prodiderunt, & ab eo late Saturnium terram, ut etiam Ennius appellat. Antiquum oppidum in hac fuisse scribitur Saturnia. Ejus vestigia etiam nunc manent tria; quod Saturni sanum in faucibus; quod Saturnia porta, quam Junius scribit, ibi, quam nunc vocant Pandaniam; quod post aedem Saturni in aedificiorum legibus parietes positi muri sunt scripti.* Virgilius quoque, loquens de Janiculo & Capitolio, inquit (*Lib. VIII. AEn. v. 357.*)

*Hanc Janus pater, hanc Saturnus condidit Urbem
Janiculumque illi, huic fuerat Saturnia nomen.*

Fuit hic igitur ante Urbem conditam, ut Virgilio quoque verba indicant, *Saturnia* oppidum constructum, quod & ex Dionysio probari posset, scribente (*Lib. I. cap. 38. & 44.*) habitatum illud fuisse a fociis Herculis, qui *Saturnium* hoc appellaverat in honorem Saturni, quem constabat, Montem cum coluisse. Et hoc ipsum confirmant Plinius (*Lib. III. cap. 5.*) *Saturnia, ubi nunc Roma est: Antipolis*, (alii MSS. *AEncipolis*) quod nunc Janiculum in parte Romae. Et Solinus (*cap. 2.*) *Et montem Capitolinum Saturnium nominarunt.*

Livius vero (*Lib. I. cap. 38.*) & Tacitus (*III. Hist. cap. 72.*) ostendunt, montem hunc fuisse muris septum. Commemorat enim, Tarquinium Priscum bello Sabinorum vovisse, se aedificaturum Capitolium, qui quum, positis fundamentis, fato functus esset, Superbus, capta Sueffa Pometia, ex spoliis hostium absolvit. Plutarchus (*in Poplicola*) & Livius (*Lib. I. cap. 53.*) Exactis deinde Regibus, Horatius Pulvillus consecrationem obiit. Livius (*Lib. II. cap. 8.*) Legitur autem fuisse ex saxo quadrato, & hoc idem probant Vestigia; & testatur Marlianus, se vidisse, ex ejusdem Capitolii fundamentis erui saxa tantae magnitudinis, ut minime falso dixerit Plinius (*Lib. XXXVI. cap. 15.*) *Sed tunc senes aggeris vastum spatium, & substructiones infanas Capitolii mirabantur.*

Limina Capitolii fuerunt aenea, facta a Cn. & Q. Ogulniis, AEdil. Cur. Livius (*Lib. X. cap. 23.*) Tegulas autem aereas Catulus inauravit. Aufonius *in claris Urbibus: de Narbona* (v. 16.) Et has quidem Honorius Pontifex ad AEdem D. Petri regendam transtulit, ubi nonnullae earum tempore Marliani adhuc cernebantur. Porro in Catilinaria (*Orat. III. cap. 8.*) Cicero significat, in Capitolio fuisse turres complures, quarum aliquas testatur de coelo tactas fuisse.

Scipione & Norbano Coss. Bello Mariano, igni absumptum legimus. Refecit Sulla, dedicavit Catulus, nomenque illius, ut notat Plutarchus (*in Poplicola*) mansit usque ad Vitellium. Immo & Marliani aetate superstit in Inscriptione reperta, ubi salis erat receptaculum, apud Gruterum (*pag. CLXX. num. 6.*)

Q. LVTATIVS. Q. F
Q. N. CATVLVS. COS
SVBSTRVCTIONEM. ET
TABVLARIVM. EX. S. C
FACIVND. CVRAV

Iterum arsit Capitolium bello Vitelliano, ut docet Cornelius Tacitus (*Hist. IV. cap. 54. n. 3.*) Et Suetonius asserit, instauratum a Vespasiano, his verbis (*cap. 8.*) *Restitutionem autem Capitolii aggressus, rudibus*

Tom. III.

R

deribus purgandis manus primus admovit, ac suo collo quaedam extulit. Quum vero sub Vespasiani mortem iterum incendio esset corruptum, Domitianus restitutionis curam suscepit. Auctor idem Suetonius (cap. 5.) *Plurima, & amplissima opera incendio absumpta restituit, in quibus & Capitolium, quod rursus arserat: sed omnia sub titulo tantum suo, ac sine ulla pristini auctoris memoria.* Sumptus hujus instaurationis excessisse feruntur XII. mill. talentorum.

Capitolium autem *vetus* habuit formam Arcis perfectae, situm quippe in colle edito & abrupto, munitumque opere & natura. Hinc Tacitus jure dixit (*Lib. III. Hist. cap. 78. n. 4.*) *Munitissimum Capitolii Arcem, & ne magnis quidem exercitibus expugnabilem.* De substructione Livius (*Lib. VI. cap. 4. sub fin.*) *Capitolium quoque saxo quadrato substructum est, opus vel in hac magnificentia Urbis conspiciendum.* Muris & turribus additae erant fores in summis clivis, per quas ascendebatur in Arcem ipsam.

Habet hic Mons fastigia duo, in altero templum est, dictum *Ara Coeli* & Monasterium Franciscanorum; & hoc quidem loco olim admirandum *Jovis Capitolini templum* se ostentabat. Alterum, prope desertum, vocatur *Mons Caprinus*, & in eo nunc est Palatium Ducis Caffarelli, ad cujus ultimum marginem spectatur *Rupes Tarpeja*.

Apollinis Statua, in Capitolium olim translata a Lucullo, ex Apollonia Ponti urbe, xxx. cubitorum, CL. talentis facta, jacet hodie in Aedibus Conservatorum fracta.

Tertullianus (*de Spectaculis*) omnium Deorum templum fuisse asserit (*ubi de munere*) *Capitolium*, inquit, *omnium dæmonum templum est.* In eoque jura civilia & artes liberales docebantur (*l. ult. C. Theod. de Stud. liberal. Urb. Rom. & Constant.*)


Habuit & Capitolium *Casam Romuli*, illo regnante cannis & viminibus testam, & a Sacerdotibus iisdem stramentis deinceps instauratam, ut semper integra permaneret. Hinc Ovidius ait (*Fast. III. v. 183.*)

*Quae fuerit nostri si quaeris regia nati?
Adspice de canna straminibusque domum.*

Juxta hanc *Curia* fuit, nomine *Calabra*. *Calabrae* nomen a *calando* derivata est, quod significat *vocare*, ἀπὸ τοῦ καλεῖν, quod omnis juxta eam *populus* vocaretur, ut docet Macrobius (*Lib. I. Saturn. cap. 15.*) *Antequam Fasti proderentur*, Pontifici minori haec provincia delegabatur, ut novae *Lunae* primum observaret aspectum, visamque Regi *Sacrificulo* nunciaret. Itaque sacrificio a Rege & minore Pontifice celebrato, idque Pontifex *calata*, id est, vocata in Capitolium plebe, juxta *Curiam Calabram*, quae *casae Romuli* proxima est, quot numero dies a *Kalendis* ad *Nonas*, superessent, pronuntiabat. Hanc *Curiam* etiam stramentis contegebant, ut priscam Majorum paupertatem indicarent. De hac dictum putat Servius a Virgilio (*Aeneid. VIII. v. 654.*)

Romulcoque recens horrebat Regia culmo.





T A R P E I A

R V P E S.




ARPEIA RVES dicta est pars Montis Capitolini post Clivum. Vertex enim ille Montis Capitolini, qui nunc vocatur *Mons Caprinus*, ubi est Domus Ducis Caffarelli, versus Meridiem, etiam nunc ostendit praecipitium Rupis, e saxo nativo assurgentis.

Mons quidem totus *Capitolium* dicitur, & tamen, accuratius loquendo, in tres dividitur partes, *Saxum* nempe, *Arcem* & *Capitolium*. *Saxum* vocatur praecipitium & aspera rupes, montisque pars, quae ad occasum & Tiberim spectat, & hodie sita est proxima Coenobio *Turris Speculorum*, *Foro*que *Montanario*, fuitque *Tarpeja* olim vocata. Plutarchus (*in Romulo*) *ATarpeja* virgine illic sepulta ille vocatus est *Tarpejus*, donec eum locum Jovi *Tarquinius* consecravit; quo tempore ossa ejus alio fuerunt translata, nomenque exolevit *Tarpejae*, excepto saxo, quod vocant etiam nunc *Tarpejum*, ex quo praecipitare sceleratos solebant. *Arc* significabat editiorem montis partem. Reliquum collis *Capitolium* erat. Et ita saepe distinguuntur haec ab Auctoribus. Livius (*Lib. VI. cap. 20.*) *Ne quis Patricius in Arce, aut Capitolio habitaret.* Dionysius (*Lib. II. cap. 15.*) *Locum Capitolium inter & Arcem situm, qui nunc Romana lingua inter duos lucos dicitur.*

Saxo igitur soli, seu *Rupi* adhaesit *Tarpejae* nomen, quae respicit *Forum Olitorium*, quod hodie vocatur *Piazza Montanara*. Atque hoc sensu Dionysius scribit (*Lib. VII. cap. 33.*) *Duci jussu cum in superstantem Foro collem.* Est enim is collis rupes vasta, unde mos est eis dejicere adversarios. Ne igitur huic sententiae contradixisse videamur, dicendum censebimus; totum montem nonnumquam & *Arcis*, & *Tarpejae rupis* nomine vocatum fuisse. Ita confunduntur ab Auctoribus haec nomina *Arcis*, *Capitolii*, *Saxi*. Tacitus (*Lib. III. Hist. cap. 71.*) *Diversos Capitolii aditus invadunt;* paulo ante dixerat, *Arcem Capitolinam.* Livius (*Lib. V. cap. 41.*) *Circumferentes oculos ad Tempia Deum Arcemque solam belli speciem tenentem, inde modico relicto praesidio, ne quis in dissipatos (Gallos) ex Arce aut Capitolio impetus fieret.*

Ex Rupe itaque *Tarpeja*, seu *Saxo*, proprie dicto, dejiciebantur fontes & scelerati. Hinc Cicero ad Atticum (*Lib. XIV. epist. 16.* in aliis libris 18.) *Quis enim audeat violare (Brutum scilicet) proposita cruce, vel Saxo.* Alii pro violare, legunt laudare, subintellige *Bruti caedem*. Et Plinius testatur (*Lib. VII. cap. 44.*) *Metellum ad Tarpejum raptum, ut praecipitaretur.* Gellius autem scribit (*Lib. XX. cap. 1. sub finem*) eodem mortis genere adfectos, qui falsum dixisse testimonium essent convicti.





R V I N A E

prope S. MARIAE CACABARINAE ECCLESIAM,

quae CIRCI FLAMINII RVDERA sunt forte.



Ars aliquantula ingentis & praelongi AEdificii hodie conspicitur prope Ecclesiam S. Mariae Cacabarinae. Situm hoc fuit inter Theatrum & Circum Flaminii. Serlius in Architectura sua (*Lib. III.*) reliquit nobis Ichnographiam illius, existimatque, occupasse hoc AEdificium in longitudinem omne spatium, quod est inter Subucularios & arcam Judaeorum, complectens Palatium Sanctaecruciorum, & nominatam illam aream, hoc fere modo; ut incipiens prope Theatrum extremum defineret ad Circum. Neque tamen complectebatur spatium omne intermedium, sed relinquebat partem quandam vacuum iis locis, quibus prospiciebat utrumque aedificium; ita ut eam Austrum versus cingeret instar areae.

Describit & exhibet Ichnographia Serliana Porticum vastam, duplicemque, ut quae inter latus Bo-reale, quo Theatro & Circo objacebat, & Australe, quo Montem Cincium prospiciebat & Tiberim, habuerit in medio AEdificium in longum porrectum, quo dividebatur latus utrumque. Erant hae duae Porticus, cum tribus scalis cochlidibus, quibus ascendebatur in superiorem Ordinem columnarum. Liquet enim ex altero schemate Serlii, fuisse hic duos Columnarum ordines sibi invicem superimpositos, quod & ostendunt residua, quae supersunt.

Fuerunt, qui crederent, fuisse hic *Domum Mavii*. Scilicet persuaserant sibi, nomen illud Cacabari corruptum esse e *Casa Mavii*. Sed id frustra est. Nomen enim Ecclesiae Cacabarinae adhaeret a *Cacabariis* artificibus, qui cacabos faciunt, & hoc in loco merces suas habuisse censendi sunt.

Doctiores alii existimaverunt, fuisse hic *Porticum Pompeji*. Est vero credibile, fuisse hanc Porticum in margine herbofo campi potius, quam inter multitudinem aedificiorum, undique hunc locum ambientium, ob platanorum umbras & deambulantium delicias. Et ostendit alicubi Nardinus; Porticum Pompeji fuisse ab ea parte Theatri Pompejani, qua fuerat scena. Praeterea Arcus magis e lateribus, quam Tiburtinis struſti lapidibus, majore aedificii hujus vetustatem indicant. Et illius Pilae potius, quam Columnae, non conveniunt magnificentiae Porticus Pompejanae.

Donatus credidit, fuisse hanc *Porticum Philippi*, propter vicinum illi Circum Flaminium. Nardinus vero hanc conjecturam non quidem damnat omnino, sed probabilius arbitrat, ut fuerit *Cn. Octavii*. Plinius enim & Victor tradunt, duplicem fuisse eam Porticum, & pariter vicinam Theatro Pompeji. De vicinia Theatri haec docet Festus, (*initio Lib. XVI.*) *Octaviae Porticus duae appellantur, quarum alteram Theatro Marcelli propiorem Octavia soror Augusti fecit; alteram Theatro Pompeji proximam Cn. Octavius Cn. Filius, qui fuit AEd. Cur. Pr. Cos. Decemvir sacris faciundis, triumphavitque de Rege Perſeo navali triumpho, quam combustam reficiendam curavit Caesar Augustus.* Vicinam Circo fuisse, haec Plinii verba docent (*Lib. XXXIV. cap. 3.*) *Invenio & a Cn. Octavio, qui de Perſeo navalem triumphum egit, factam porticum duplicem ad Circum Flaminium, quae Corinthia sit appellata a Capitulis aereis columnarum.* Et illa Velleji Paterculi (*Lib. II. cap. 1.*) *Tum Scipio Nasica in Capitolio Porticus; tum quas praediximus, Metellus; tum in Circo Cn. Octavius multo amoenissima moliti sunt.*

Si quid tamen valent iudicia testium oculatorum, dixerim; exſtare hic reliquias infimi ordinis *Columnarum Circi Flaminii*. Simillima enim haec sunt rudera vel Theatro, vel Amphitheatro, vel Circo, minimamque habent convenientiam cum Porticu. Quod autem dicta nostra in primis confirmat: hoc eodem in loco ruinae hae vetustae viſuntur, ubi constat fuisse Circum Flaminium.

Suſpiciant nonnulli, fuisse hic Templum Martis, quod erat exstructum in Circo Flaminio, cujus Architectus nominatur Hermodorus Salaminius, teste Cornelio Nepote apud Priscianum (*Lib. VIII.*)

Tom. III.

T

Cre-

Creditur autem hoc AEdificium magnificentissimum fuisse, opusque Architecturae politissimae, prout apparet ex duabus Columnis fractis, quondam, ut conjicitur, in stabuli quadam parte positis. Hic vero Circus Flaminius, ut opinantur, capax fuit spectatorum quadraginta millium, in locis suis sedentium; si vero Nardino credimus, octoginta millium.

Harum Columnarum pars dimidia, nam altera parieti est infixæ, lata est palmos Romanos v. cum pollic. xi. sunt autem factæ ex lapide Tiburtino.



C V R I A

H O S T I L I A.



CURIAE HOSTILIAE regis Tulli Hostilii duae fuerunt Romae. Una fuit prope Forum, ubi nunc est Templum Pacis, ut Marlianus scribit (*Topograph. Rom. Lib. III. cap. 6.*) in cujus ruinis marmor est repertum, cum hoc Titulo.

IN CVRIA. HOSTILIA.

Altera ab eodem Rege est condita, ubi nunc SS. Johannis & Pauli est Ecclesia. Ostendit hoc Livius (*Lib. I. cap. 30.*) his verbis: *Coelius additur Urbi Mons, & quo frequentius habitaretur, eam sedem Tullus Regiae capit, ibique deinde habitavit, &c. Templumque ordini a se aucto Curiam fecit, quae HOSTILIA usque ad patrum nostrorum aetatem appellata est.*

Blondus & alii opinantur; Curiam Hostiliam secundam fuisse olim, ubi nunc Ecclesia est SS. Johannis & Pauli, quam extruxit dictus Rex, Albanis in Urbem receptis. Nardinus vero fatetur, prorsus ignarum se esse, quo auctore, quoque indicio id dixerint. Acta tamen Martyrum SS. Johannis & Pauli, ab Juliano Apostata interemptorum, ostendunt, horum domum fuisse hoc in loco. In vicinia Ecclesiae hujus conspicitur fragmentum antiqui operis pulchrum, arcusque ex lapide Tiburtino, in quibus rudibus turris postea est aedificata. Veruntamen certi nihil colligi poterit ex his reliquiis, tam obscuris & perexiguis, quale nimirum aedificium hic steterit, fueritve.

Quidquid illius superest in rudibus Antiquis, effigies reliquiarum hic apposita videndum nobis exhibet.

At, quid est *Curia*? audiamus Varronem (*de vit. Pop. Rom. Lib. II. & de Ling. Lat. Lib. IV. & V.*) & Festum (*Lib. III. in voce Curia*) ex quorum verbis haec. *Curia* a *cura*. Tres autem significationes vocis *Curiae*. I. Curiae sunt triginta illae partes, in quas populum distribuit Romulus. II. Curiae, sacrae illae aedes, quas singulae harum triginta partium habuerunt, & in quibus sacra sua peragerent. III. Curiae, aedes illae, in quibus Senatus est habitus. Et talis erat Curia haec Hostilia, teste Rolino (*Antiquitat. Romanar. Lib. VI. cap. 2.*) citante quoque Dionysium (*Lib. II. cap. 7.*) & Livium (*Lib. I. cap. 13.*) circa significationem primam.






D O M V S

41

vulgo P I L A T I.

DOMVS parva, neque tamen integra, ostenditur e regione Ecclesiae S. Mariae AEgyptiae. Structura ejus est antiqua, & variis prisca operis sculpturis ornata. Fulvius eam sua aetate, quemadmodum & hodie in sermone vulgi, vocatam scribit *Domum Pilati*, quamvis hujus sententiae nulla verisimilis sit vel conjectura, vel probatio. Sed alii probabilius fuisse putant Domum alicujus *Nicolai di Renzo*: hujus enim Domini nomen inscriptum legitur januae cuidam, charactere recentiore. Atqui nullum est dubium, quin aedicula haec non sit antiquior Barbarorum temporibus, usque adeo arte omni & judicio caret ordo structurae illius, minimeque est conveniens cum praestantia architectonices priscae, vel hodiernae. Quae vero qualemcunque prae se ferunt similitudinem sculpturarum vetusti artificii, constructa sunt ex opere lateritio, eodem prorsus modo & exemplo, quo id factum conspicimus in Amphitheatro Castrensi, excepto, quod in hoc aedificio nostro nulla omnino ratio est habita generis structurae politioris; quemadmodum haec egomet Romae oculis diligenter inspexi, atque observavi.





THEATRUM

MARCELLI



THEATRUM hoc situm est Capitolium inter & Tiberim, in Foro Olitorio, partemque Theatri hujus occupat structura Palatii Sabellorum. Et haec quidem pars Theatri Marcelli, vetustate igneque corrupta, & fere penitus collapsa, etiam nunc Romae superest.

Exstruxit hoc Augustus nomine Marcelli, Octaviae sororis suae & C. Marcelli filii, qualia multa opera publica Augustus sub alieno nomine condidit. Suetonius (*Aug. cap. 29.*) Marlianus vult, cepisse illud loca LXXX. mill. sed numerat tantum xxx. millia P. Victor. Is Marcellus dum AEdilitatem ageret, paulo postquam Caesaris Filiam duxisset uxorem, mortem sponsum obiit. Ad ejus decus & memoriam Octavia mater Bibliothecam construxit, & Caesar ipse Theatrum Marcelli nomine inscripsit. Plutarchus (*Marcel. in fine.*)

Structura ejus fuit egregia, & opus maximum atque pulcherrimum, utpote ab eo excitatum, qui diligentiam summam adhibebat, ut praeclaris ornamentis & structuris Romam illustraret. Vitruvius ejus Architectus fuisse perhibetur; sed hoc Philander interpretis ejus negat, quia peccavit in Doricae coronae partibus formandis: & tamen Doricam Symmetriam ex hujus Theatri Columnis Architecti cum maxime eliciunt. Ordo enim structurae duplex est, Doricus & Ionicus, & quod observatu dignum, Doricae Columnae nulla basi fultae in plano erigebantur. Mensura etiam Columnarum Dorica palmorum est Rom. iv. & pollic. iv. Habuit vestibula & Januas XXXIX. fuitque constructum ex lapide Tiburtino.

Augustus hoc Theatrum condidit, quo loco Julius Caesar ante destinaverat. Suetonius (*Jul. Caes. cap. 44.*) *Destinabat exstruere theatrum summae magnitudinis, Capitolino monti accubans.* Ludis iis, quum ab Augusto dedicaretur, ut refert Dion (*Lib. LIV.*) *Trojam inter alios patricios pueros lusu nepos Augusti Cajus, feraeque Africanae sexcentae sunt occisae.* His iisdem Dedicationis Theatri Ludis evenit, teste Suetonio (*Aug. cap. 43.*) *ut laxatis sellae curulis compagibus Augustus caderet supinus.* Idemque Auctore Plinio (*Lib. VIII. cap. 17.*) tum primus omnium Romae ostendit *Tigrin in cavea mansuefactam;* jussitque, ut scribit Dion (*Lib. LIII. sub fine*) *ut Ludis Romanis effigies Marcelli aurea, aureaque corona, & sella curulis in theatrum inferretur, mediaque inter praefectos ludis Magistratus collocaretur.* Hujus Theatri scenam Vespasianus restituit. Suetonius (*Vespas. cap. 19.*) *Ludis, per quos scena Marcelliani Theatri restituta dedicabatur, Vetera quoque acroamata dedicaverat.* Alexander Severus destinaverat quoque Theatrum hocce reficere, neque tamen id perfecisse dicitur, ut vult Lampridius (*in Alexand. cap. 24.*) Exinde tamen liquet, jam tum incendio, aut alio modo, fuisse corruptum.

Marcellum jam mortuum fuisse ante dedicationem Theatri, auctor est Dion (*Lib. LIII.*) Non est ergo locus Propertii (*Lib. III. Eleg. 17. v. 14.*)

Aut modo tam pleno fluitantia vela theatro.

intelligendus de hoc Theatro, sed de Pompejano forte, quod unicum tunc temporis stabile reperiebatur in Urbe. Ovidius tamen hujus Theatri meminit (*Trist. III. Eleg. I. v. 69.*) quum liber jussus abire Palatio, ait

Altera templa peto, vicino juncta theatro.

Intelligit autem templum Pietatis, factum in ejus carceris sede, ubi nunc Marcelli Theatrum est, ut docet Plinius (*Lib. VII. cap. 36.*) ita ut constructo Theatro, nec tota carceris occupata sede, Templum tamen manere potuerit. Vel intelligitur ab Ovidio *Junonis aedes*, quae, Plinio teste (*Lib. XXXVI. cap. 5.*) in Octaviae Porticu fuit. Ex Tacito denique erit observandum; Statuam Augusti a Livia ad Theatrum Marcelli positam (*Lib. III. Ann. cap. 64. §. 2.*) *Neque enim, inquit, multo ante quum haud procul Theatro*

Tom. III.

Y

tro

THEATRVM MARCELLI

in Marcelli effigiem Divo Augusto Julia dicaret, Tiberii nomen suo postscripterat. Idque ille credebatur, ut inferius maiestate Principis, gravi & dissimulata offensione abdidisse.

De hoc Theatro Marcelli haec legitur Inscriptio, apud Gruterum (*pag. CCXLVI. Inscript. 9.*)

IMP. CAESARI. DIVI. NERVAE. F.
 NERVAE. TRAIANO. AVG. GERM.
 DACICO. PONT. MAX. TRIB. POTEST. VIII
 IMP. VIII COS. V. P. P. OPTIMO. PRINCIPI
 SAGARI. ATRI. MARCELL.
 CVLTORES. DOMVS. AVG





AMPHITHEATRVM CASTRENSE.




Niquitatum Romanarum periti nonnulli existimarunt *Amphitheatrum*, quod prope muros Urbis, partim intra moenia, partim extra illa situm est, vicinum *Templo S. Crucis Hierosolymitanæ*, & in ejusdem Ecclesiæ coenobio etiam nunc conspicitur dirutum, in agro *Sessoriano*, esse *Amphitheatrum a Statilio Turo* quondam aedificatum. Sed alii, melioribus rationibus persuasi, censent hoc esse *Amphitheatrum Castrense*, quod P. Victor testatur fuisse in Regione *Exquilina*.

Statilius vero Tauri Amphitheatrum fuit constructum ex solido marmore *Pario*, in *Campo Martio*. *Dion (Lib. LI. ubi de Caesaris quarto Consulatu) Caesare quartum Cos. Taurus Statilius suis expensis exstruxit Theatrum quoddam Lapidum pro venationibus in Campo Martio, consecravique cum pugna gladiatorum.* Atqui hæc pugna non in Theatris, sed in Amphitheatris exhiberi fuit solita. Idem (*Lib. XLIII. de Caesaris ædificiis*) *Theatrum quoque ad venationes aptum foris ac tabulatis instruxit, quod quia undique habet sedes, Amphitheatrum cognominatum est.* Et *Rufus* præterea atque *Victor* illud collocant in *Campo Martio*.

Hujus vero Amphitheatri *Castrensis* rudera, quæ visuntur etiam nunc ad sinistram *Sanctæ Crucis*, facta sunt ex latere cocto, etiam quoad columnas & alia ornamenta, opere nitido & *Corinthio*, estque impactum muro urbano. Non est autem verisimile, *Statilium Taurum*, hominem prædivitem ac potentem, & aliquando in Consulatu *Augusti* ipsius Collegam, & ex Imperatoris familiaribus præcipuis unum, *Agrippa mortuo*, testibus *Dione & Paterculo*, Amphitheatrum fecisse lateritium, ut *Augusto* gratificaretur, quo impellente opus inchoaverat, cujusque vulgare erat dictum, *Romam se relinquitur marmoream, quam invenerat lateritiâ.* *Suetonius (Aug. cap. 29.)*

In hoc Amphitheatro olim milites exercebantur pugnantes cum bestiis, ut fierent promptiores atque paratiores ad caedes humanas. Hos Ludos *Tiberius* aliquando transtulit *Circejos*. Testis *Suetonius (Tiber. cap. 72.)* *Circejos pertendit, ac ne quam suspicionem infirmitatis daret, Castrensis Ludis non interfuit solum, sed etiam missum in arenam aprum jaculis desuper petiit.*





M E T A

S V D A N S.





C Oelio monti succedunt Exquiliae, quae ab eo secernuntur via Labicana, & Convalle Quatuor Jugerum. In hac Convalle, ante Arcum Constantini & Amphitheatrum Flavium, exstat *Meta Lateritia*, in cuius vertice olim steterit Jovis simulacrum. Appellatur haec *Meta sudans* a Sexto Rufo, & dicuntur aquae ex ea manasse, quibus populus sitim restinguebat.


Fuit hic Fons percommodus sedandae siti eorum, qui ludos frequentabant. Superfuit hodieque ejus ruinae. Offerebat sese haec *Meta Sudans* extra Viam Sacram, fuitque Fons in area, vel emporio Amphitheatri constructus, sive in illius ornamentum, sive in usum populi.

Exhibebat speciem *Metae Circensis*, e cuius fastigio summo exsilebat aqua, & inferiora ejus irrigabat, unde illi nomen *Sudantis* datum. Ex ruinis vero ejus, & parte reliqua, neque valde magna, & ex lateribus facta, forma ejus vetus facile conjicitur. In ejus quoque medio cernitur cavitas, per quam aqua ascendebat in fastigium, sed brevi forte nihil exinde erit reliquum.

Imaginem hujus *Metae*, seu effigiem exhibet nobis Numisma vetus, in Dialogo iv. Augustini. Sed hic Nummus indicare videtur, constructorem & auctorem hujus *Metae* fuisse Titum, ad ornatum Amphitheatri sui, & illius arenae. Si vero Senecae credimus, exstitit jam diu ante Titum; nam meminit illius (*Epist. LVI.*) ubi refert strepitum & clamores, quos audiebat in aedibus suis. *In iis*, inquit, *quae me sive avocatione circumstrepunt, essedas transcurrentes pono, & fabrum inquilinum, & ferrarium vicinum, aut hunc, qui ad Metam Sudantem tubas experitur, & tibias; nec cantat, sed exclamat.* Non potest autem hic locus de alia *Meta Sudante* intelligi. Seneca enim, ut unus ex primi ordinis comitibus Principis, non longe a Palatio probabiliter habuit aedes suas. Suspiciatur itaque Nardinus, *Metam Sudantem* jam fuisse ante Titum, eodem in loco; sed quod a Nerone, aut alio quovis casu dirutam, restituerit Titus.







AMPHITHEATRVM

FLAVIVM, vulgo COLOSSAEVM.



AMPHITHEATRVM ingens, vulgo *Colosseum* appellatum, situm est inter Coelium Montem, & Exquilias. Nomen accepit a *Colosso* Neronis, cujus domus huic Amphitheatro fuit vicina, & in ejus Porticu positus erat hic Colossus, quod & probant aerea ejus Numismata. De hoc Colosso testatur Plinius (*Lib. XXXIV. cap. 7.*) *Zenodorus e Gallia Romam accitus est a Nerone, ubi destinatum illius Principis simulacrum Colossus fecit ex pedum longitudine, qui dicatus Soli venerationi est, damnatis sceleribus illius Principis.* Et paulo ante. *Moles excogitatas videmus statuarum, quas Colossos vocant, turribus pares.* Fuit autem hic Colossus Neronis totus factus ex marmore Pario.

Amphitheatrum hoc situm est in medio Urbis, ubi Augustus jam destinarat construere tale aedificium. Est enim hic locus in medio fere septem Urbis collium, a quibus in coronae modum cingitur, licet alius alio sit vicinior. Fuit autem exstructum supra partem Palatii aurei Neronis, quo in loco fuerunt prius stagna Neronis ipsius. Martialis (*de Spectaculis, epigr. 11.*)

*Hic ubi conspicui venerabilis Amphitheatri
Erigitur moles, stagna Neronis erant.*

Auctor ejus Vespasianus fuit. Testis Suetonius, in ejus vita (*cap. 9.*) *Item Amphitheatrum Urbe media, ut destinasse compererat Augustum.* Dedicavit autem Titus, ut idem Scriptor docet (*cap. 7.*) *Et tamen nemine ante se munificentia minor, Amphitheatro dedicato, thermisque juxta celeriter exstructis, munus apparatusissimum, largissimumque dedit.* Videtur autem Suetonius utrique, hoc est, Vespasiano & Tiro ejus filio, Amphitheatri constructionem tribuere. Contra Eusebius, exstructionis & dedicationis auctorem unum facit Titum. Cassiodorus item (*Lib. V. ep. 42.*) asserit, falso tamen, Titum ipsum hancce primum molem excogitavisse. At vero dubitat nemo, quin Titus, vel inchoaverit, & perfecterit; vel quod genitor ejus jam incoeperat, absolverit: praesertim si quis diligenter cognoverit reliqua aedificia, ab eodem Imperatore in proximo ibidem exstructa.

Videtur tamen Martialis hujus operis constructi auctorem facere Domitianum. Nam ad eum scribens, vocat *Caesareum Amphitheatrum* (*de Spectaculis, epigr. 1.*)

*Omnis Caesareo cedat labor Amphitheatro,
Unum prae cunctis fama loquatur opus.*

Sed per adulationem forte ita loquitur Martialis, ut recte censent Docti. Constat enim Domitianum nihil praestitisse in hoc Opere faciundo, nisi forte incrustatione ornat, posueritque signa in Arcubus superioribus. Et solitus erat hic Imperator, si quid ejusmodi praestitisset, suum operibus publicis praeponeere nomen, sine mentione veri Conditoris & Auctoris.

Velis interdum tectum fuisse, ex ipsa operis constructione liquet. Nam continuatus paries patentibus identidem fenestris, interque locatis opere composito quadratis columnis distinguitur. His epistylia, atque e zophoro prominentibus crassis mutulis, corona circum attollitur: cujus quia supremi lapides aequalibus spatiis perforati sunt, trajectae quondam, immiscaeque antennae demittebantur ad inferiores

mutulos, sub foraminibus ad lineam in muro prostantes. Hunc in modum firmatis trabibus, iisdemque supra fabricae coronam clatis, funes ad sustinenda vela, & inumbrandum circumfidentem populum alligabantur. Fiebat hoc ex vetere instituto, ut testatur Ovidius (*Lib. I. de Arte v. 102.*)

*Tunc neque marmoreo pendebant vela theatro:
Nec fuerant liquido pulpita rubra croco.
Illic, quas tulerant nemorosa Palatia, frondes
Simpliciter posita; scena sine arte fuit.
In gradibus sedit populus de cespite factis,
Qualibet hirsutas fronde tegente comas.*

Ipsa conspersio sedilium *Nimbus* appellatur a Martiale, qui ad Agathinum pugilem his verbis scribit (*Lib. IX. epigr. 38.*)

*Lubrica Corycio quamvis sint pulpita nimbo,
Et rapiant fortes vela negata noti.*

Ex quibus testimoniis aperte liquet contra aestum theatra velorum umbraculis tecta fuisse, & sedilia croco conspersa.

Forma Amphitheatri hujus interior & exterior tota est ovalis, licet alii scribant intrinsecus ovalis formae, extrinsecus rotundae fuisse: sed falsa horum comperitur dimensio. Lapide factum est Tiburtino, a parte exteriore; interiora vero lapidibus constructa sunt lateritiis; ornatis hinc inde incrustationibus marmoreis, signis, & statuarum anaglyphicarum ornamentis.

Infimus ordo columnarum Doricus est, quarum diametros complectitur palmos Romanos III. cum pollicibus XI. & dimidio. Alter Jonicus, latus Palmos Rom. III. cum pollicib. XI. & dimidio. Tertius Corinthius, latus palm. Rom. III. cum pollicibus XI. & dimidio. Quartus pilis constat latis palm. Rom. III. cum pollicibus XI. & dimidio.

In infima ejus parte habuit LXXX. Vestibula magna, ut commodior esset ingressus tam ingentis spectatorum multitudinis. Altera & tertia item Porticus singulae eodem exemplo sua habuerunt LXXX. vestibula majora, ut turba spectantium aëre frueretur puriore & aperto, seu liberiore, in tanta celebritate & frequentia spectatorum. Testatur autem P. Victor, capax fuisse hoc Amphitheatrum hominum suis locis commode sedentium LXXXVII. millium, & stantium praeterea XX. millium.

In singulis quoque Arcubus superioribus marmoreae posita fuerunt statuae, cum incrustatione, & signis, tam intrinsecus, quam extrinsecus. Sed & in quibusdam locis ornamenta ex gypso addita fuisse, ex reliquiis eorundem satis liquet.

In fornicibus subterraneis loca erant, servandis & alendis feris inservientia, leonibus puta, tigribus, ursis, tauris, aliisque.

In Dedicatione Amphitheatri hujus Titus occidisse dicitur quinque millia ferarum. Dion (*Lib. LXVI. in fin.*) Festique dies, hisce Ludis sacрати, continuis peragebantur diebus centum: quando erogabantur in populi delectationem decem milliones aureorum.

In medio Amphitheatro ara fuit posita, in qua sacrificabatur illi Deo, in cujus honorem ludi fiebant. Josephus (*Antiq. Jud. Lib. XXIX. cap. 1.*) *Progressus*, inquit, *deinde Imperator (Cajus) rem Divinam facit Augusto Caesari, ad cujus tum honorem ludi celebrabantur.* Clarius aliquanto post. *Tandem irrumpentibus militibus clamor toto Theatro tollitur, &c. & circumlata caesorum cum Asprenate capita, & in ara deposita.*

Area Amphitheatri interior dicebatur *Arena*, & inde per metonymiam partis pro toto, *Arena* ipsum vocatur Amphitheatrum; erat enim arena conspersum & repletum, ut gladiatores & certatores alii sine periculo caderent; & ut sanguis illico contegeretur; neve foedo illius aspectu detererentur cum adversariis & bestiis rursus pugnaturi; aut ne minus alacriter certamen inirent; atque etiam ut nudi perunclique pugiles, eo pulvere perfusi, tanto firmioribus complexibus tenerent adversarios. Martialis (*Lib. II. epigr. 75.*)

Refert Suetonius (*Tito, cap. 7.*) *Titum, edito munere apparatissimo, largissimoque, dedicasse suum Amphitheatrum.* Est vero *Dedicare*, splendidum ac magnificum spectaculum exhibere, primo die publici usus aedificii constructi, ex iis nempe exercitorum generibus, quorum gratia est extru-

alum;

stum, ut in Theatro, dramata sunt; in Amphitheatro autem, paria gladiatorum, venationesque ferarum; in Circo, cursus bigarum, quadrigarumque, & ludi equestres; in Naumachia, Navales pugnae.

Sed & in Amphitheatris, quod mirandum, etiam aliquando exhibebantur Navalia praelia. Amphitheatrum Flavium aquis subito repleti poterat ex vicinis illi Thermis Titi. Dion (*Lib. LXVI. prope finem*) Quum Titus dedicaret, Amphitheatro repente aqua impleto, in ipso equos, taurisque, aliaque mansueta animalia introduxit, quae facere didicerant ea, quae in terra consueverant. Introduxit & homines in navibus. Sed & ante Titum Nero navalia praelia exhibuisse legitur in Amphitheatris. Testis Dion (*Lib. LXI. medio*) Quum in theatro quodam spectacula praeberet, primum eodem ibeatro repente aqua maris expleto, in qua pisces & alia animalia natabant, bellum navale Perserum cum Atheniensibus fecit: deinde subito aquam eduxit, exsiccatoque solo, rursus multos pedites, non modo bimos, sed etiam confertos paribus utrinque numeris congregi iussit. Quin & Domitianus, post Titum, in Theatro edidit navale praelium. Saetonius (*in Domit. cap. 4.*)

Sed & fuit aliquod *θεατρικὸν ἀργύριον*, hoc est, theatrale argentum, quod Charisius Latino vocabulo *extar* appellavit. Romanus populus spectabat ludos coronatus, ad quos omnis aetas & sexus admittebatur. Valerius Maximus autem (*Lib. II. cap. 1.*) de institutis Romanorum memoriae prodidit, quae quisque addiderit Theatris & Scenae ad luxuriam.

Porro eadem saepe omnibus in locis sine discrimine peracta fuerunt, quamvis Theatra, Circi, Campique singulares suos ludos haberent, & exercitationes cuique loco accommodatas. Ita in Circo spectati sunt cursores, pugiles, luctatores, gladiatores, confectores ferarum. Regulariter vero destinabantur Circi bigarum, quadrigarumque curibus, & exhibebantur illic ludi tauriles, & ferarum venationes, & equestria ac pedestria praelia, secundum ea, quae testantur Horatius, Ovidius, Suetonius & Plinius. Et tamen illic quoque introducti leguntur mimi, saltatores, citharoedi, histriones, funambuli, qui in Theatris frequentius conspiciebantur.

Quamvis vero Amphitheatri hujus, ex solidis lapidibus constructi, tanta esset firmitas, & vis, ut Aurelius Victor loquitur (*in Vespasiano*) nihilominus parte sua aliqua incendiis, tempestatibus, aliisque de causis, saepe fuit corruptum, & poene dirutum, debuitque refici. Sic apud Capitolinum legitur, (*in Antonino Pio, cap. 8.*) *instructum fuisse Amphitheatrum ab Antonino Pio: & Lampridius inter Elagabali opera recenset quoque instructionem Amphitheatri post exustionem.* Idem scribit de Alexandro (*cap. 24.*) *Lenorum velligal, & meretricum, & exoletorum in sacrum aerarium inferri vetuit, sed sumptibus publicis ad instructionem Theatri, Circi, Amphitheatri, & Alerii deputavit.* Ubi hoc nostrum Amphitheatrum intelligi, non est dubium. Nam & Eusebius (*in Chronico, an. 254.*) *Romae, inquit, Theatrum incensum Decio Principe: & ante sub Macrino Romae incensum fuit Amphitheatrum, die Circensium Vulcanariorum.*

Africanus scribit (*in Oratione pro Cornelio, in princ.*) *Initio simulacra, & imagines hominum ex lino facta, foenaeque repleta, tauris ad consiciendum fuisse proposita. Postea introducebantur ad depugnandum capitalium criminum rei, captivi in bellis, & qui solvendo non erant.*

Initium usus Ludorum Gladiatoriorum hic fuit. Si quis apud Veteres homo primae dignitatis fato functus esset, aliqui de vita decertare erant soliti in exsequiis illius, quod existimarent, defuncti se futuros in altera vita comites, cui hac ratione probarent dolorem suum, fidemque ultimam. Hoc genus gladiatorum vocabantur *Busuarii*. Servius (*ad AEn. X. v. 519.*)

Hanc pugnam aggressuri exercebantur prius aliquot diebus sub magistro, *Lanista* dicto. Locus ubi exercebantur, *Battualia* appellabatur. Exercebantur autem baculis obtusis, gladiatorum in formam factis, quos *Rudis* nomine vocabant. Quidam pugnant nudi, ense & clypeo: alii toti erant armis recti: alii item obligatis oculis, qui nominabantur *Andabatae*, hoc est, in equis, obligatis oculis pugnantes: alii *Retiarii* dicebantur, quod reti uterentur contra adversarium; *Mirmillones* hi nominabantur, quod crista galeae referret genus piscis nominis hujus; sed alii rete ipsum hoc nomine vocatum volunt. Interdum soli certabant *Nani*, dicti *Pumiliones*; horum pugna omnium erat acerbissima. Interdum singulari pugna cuilibet cum suo lecto adversario erat certandum, quo devicto libertate donabatur, applaudente populo universo. Interdum catervatim pugnabatur, neque finiebatur certamen, donec una caterva alteram profligasset totam. Merces quae dabatur illis dicebatur *Auctoramentum*; qui hac donabantur *Avellorati*; quique fortibus factis suis libertatem sibi acquisiverant *Exauctorati*. De his omnibus agit Liptius (*in Saturnalibus.*)

Primis persecutionum adversus Christianos temporibus, eorum plurimi committebantur cum feris, iisdemque obijciebantur, quod sequens docet Inscriptio, picta non sculpta, in parte Colossaei versus Arcum Constantini.

AMPHITHEATRVM. FLAVIVM.
NON. TAM. OPERIS. MOLE. ET. ARTIFICIO. AC. VETERVM.
SPECTACVLORVM. MEMORIA.
QVAM. SACRO. INNVMERABILIVM. MARTYRV.
CRVORE. ILLVSTRE.
VENERABVNDVS. HOSPES. INGREDERE.
ET. IN. AVGVSTO. MAGNITVDINIS. ROMANÆ. MONVMENTO.
EXECRATA. CÆSARVM. SÆVITIA.
HEROES. FORTITVDINIS. CHRISTIANÆ.
SVSPICE. ET. EXORA.
ANNO. IVBILÆI. MDC. LXXV.

Ab altera Colossaei parte, qua spectat Basilicam S. Johannis Lateranensis haec legitur Inscriptio.

AMPHITHEATRVM. HOC. VVLGO.
COLOSSÆVM.
OB. NERONIS. COLOSSVM. ILLI.
APPOSITVM.
VERIVS. OB. INNVMERABILIVM. SS. MARTYRV.
IN. EO. CRVCIATORVM. MEMORIAM.
CRVCIS. TROPHÆVM.
ANNO. IVBILÆI. MDC. LXXV.

Ludi hi spectabantur a populo omni, sedente in lapideis sedilibus, introrsum in circuitu Amphitheatri constructis, quorum ordines erant complures. Primus ordo dicebatur *Orchestra*; alter *Quatuordecim*, qui proprius Equitum Romanorum locus erat. Primus ordo continebat sedilia Imperatoris, domusque & familiae Caesareae, eratque hic proximus *Arenae* & in Medio totius molis ovalis, unde omnia optime cognosci & videri poterant. Hic quoque sedilia erant summorum Magistratum, Cenforum, Consulium, Praetorum, AEdilium Curulium, Tribunorum Plebis, Pontificum, sediliaque Virginum Vestalium. Vicinus his sedibus erat locus Legatorum exterorum, obsidum, ac peregrinorum primae dignitatis & auctoritatis. Tum sequebantur sedilia Senatorum & Equitum. Ordines vero sedilium supremos occupabant omnium tribuum cives Romani indiscriminatum. Videatur Lipsius (*in Libro de Amphitheatro*.)

Quum Romae peregrinarer, dimidia fere pars Amphitheatri hujus ab uno latere supererat extrinsecus, sed interiora propemodum penitus viscebantur diruta & corrupta. Qui vero ante hos paucos annos, & modo nuper adfuit Romam terrae motus multis locis perfergit muros molis hujus.

Anno M. D. xxxiv. electus Papa Paulus III. Familiae Farnesinae, concessit Michaëli Angelo, ut de lapidibus & parietinis AEdificii hujus tantum lapidum peteret, quantum satis erat extruendo Palatio Farnesiano. AErarium quoque publicum, per Riarium Cardinalem, constructum est, ex ruinis hujus Amphitheatri; uti & area S. Marci, a Papa Paulo II. Veneto. Atqui his quidem vastationibus accidit, ut splendidissima hujus ingentis molis structura denudata sit, & orbata extrinsecus plus quam dimidia parte ornamentorum suorum. Multae etiam statuae dimidiatæ, ex gypso factæ, hinc fuerunt quoque avectæ in Palatium Vaticanum.

In lapidibus parietum exterioribus & interioribus ubique apparent foramina. Suspiciantur haec a Gothis, Vandalisque, aliisque hostibus, aedificii everfionem molientibus, operi esse facta. Donatus vero censet; haec foramina a mercatoribus & tabernariis muris Amphitheatri esse insculpta, ut in iis stipites figerent, quibus alligarent venalia mercimonia sua jam ab eo tempore, quo Paparum fixa sedes erat in Palatio S. Johannis Lateranensis. Est enim hoc Amphitheatrum situm, in via ad Capitolium ducente, & versus Basilicam Lateranensem S. Johannis, atque idcirco peropportuno, propter Porticus suas testas, vitando Solis aestui, imbriumque incommodis.


Montefauconius tamen existimat foramina, quae conspiciuntur in Colossaei extrema superficie, esse a Gothis omnia, ut fudes aeneas, colligandi causa positas, eximerent. Perforata a mercatoribus inferendis perticis fuisse, ut vult Donatus, mercium exponendarum causa, minus considerate dici, censetidem; quando in Colossaeo ipso, vel in sublimiore AEdificii ordine, paria foramina comparent.

Conspectus autem admirabilis hujus Amphitheatri damus xxii. varietate summo opere elegantes.

MONS
































































M O N S

TESTACEVS, FIGVLARIS, seu DOLIOLVM.



FIGVLI Romae pluribus habitabant in locis: neque id mirum cuiquam videbitur, quoniam fictilibus plurimum uterentur prisci, teste Plinio (*Lib. XXXV. cap. 12.*) Siquidem Deorum imagines, & ornatus templorum, & incrustationes parietum fiebant ex fictilibus, mortuique doliis fictilibus condebantur. Rex idcirco Numa instituisse dicitur septimum Collegium Figulorum. Plinius (*dicto loco.*) Omnium autem maximum horum Collegiorum fuerat commodissime institutum in hac planitie, propter usum & commoditatem aquarum. Nam & maxima hic conficiebantur vasa figlina. Quum vero Senatus vetuisset, ne artis ejus purgamenta projicerentur in Tiberim, ne scilicet repletum iis flumen sensum in Urbem restagnaret; his Artificibus certus locus assignatus est, quo deferrentur ea purgamenta. Atque ex his coacervatis ingens paullatim crevit cumulus, quem *Testaceum* dixerunt, cujus ambitus complectitur bis fere mille passus; altitudo, ubi maxima, est pedum CLX.

Est vero *Campus Figlinus* planities ampla ad latus Montis Aventini, ubi quondam Equiria fieri solebant. Id vero mirandum, unde tanta multitudo fragmentorum testarum, vasorumque fictilium; nec possunt Eruditi idoneam adferre causam, ut vult Donatus, cur in unum locum sint congesta, & in unum cumulum coacervata. Perpetuum enim apud Antiquos Scriptores hac de re est silentium. Sunt quidem, qui suspicantur, crevisse hunc cumulum ex fragmentis urnarum, quae fiebant ad cineres crematorum corporum servandos, quarum ingens copia quotidie effoditur, non e vineis solum, sed tota planitie Romana. Nemo tamen dicere queat, cur, aut quando fuerint congesta in unum locum.

DOLIOLVM etiam vocatur admirabilis ille Mons, fuit autem olim major, quam nunc: siquidem Nardinus refert, se vidisse, ingentem curruum numerum exinde onerari, ut complanarentur viae lutosae in vicinia.

Tarquinius Priscus legitur primus eo transtulisse figulos, quum Circum faceret; quia in propinquo erat flumen, ad avehenda vasa commodum. Et arbitror, veram denominationem Montis hujus satis jam esse demonstratam. Anilis enim fabulae instar est ducendum, natum hunc Montem ex fractis vasis figulinis, tributorum nomine advectis; ex provinciis & urbibus devictis.

Hoc igitur unum satis jam constare existimo: natum esse hunc Montem ex congestis fragmentis testarum a figulis, ingenti numero hic habitantibus, ut tanto commodius opportunitate fluminis uterentur ad avehenda vasa a se facta; & libertate gauderent comportandarum testarum in locum, auctoritate Senatus illis concessum. Vasa enim figlina, ut diximus, maximi fuerunt usus apud antiquos: & in iis soliti quoque erant Romani servare aquam, vinum, & quidquid erat liquorum, balneis, aliisque usibus servientium. Facilis itaque hinc conjectura est, veroque proxima, longo temporis progressu in eam, quam videmus, altitudinem Montem hunc crevisse.

Est & hoc cum maxime memorabile; in cavernis, & cellis Montis hujus, arte fabricatis, quarum aliquae ad centum graduum profunditatem assurgunt, servari hodie vina generosissima, & optimi saporis, ab oenopolis. Hanc vero causam adferunt, quare vinum, his in cellis custoditum, multo sit frigidius, meliusque, quam in aliis Urbis locis: quod nimirum tanta non sit densitas coacervata testarum harumce, ut ventis locus iste non sit penetrabilis, frigoribusque ideo magis expositus. Tribus autem quasi publice constitutis vicibus vinarii quotidie vina sua hinc petunt, & promunt, horis nempe matutinis, meridianis & vespertinis, utentes vehiculis testis floreis, ne Solis ardoribus vasa eorum vinaria sint exposita.





M V R I

V R B I S R O M A E.



N controverſia de Urbis Romae magnitudine, & moeniorum prolationibus, hoc primum quaeritur, an, quoties pomoerium ſit prolatum, muri etiam ampliores facti ſint. Negant hoc Nardinus & Borrichius, cauſaſque ſuae negationis adferunt minime dubias.

Pomoerium locus erat tam intra, quam extra Urbis murum, quem antiquitus condendis urbibus augurato conſecrabant, neque in eo ullum aedificium fieri patiebantur. Dictum eſt autem Pomoerium, ut auctor eſt Varro (Lib. IV. de Ling. Lat.) quaſi poſt moerium: nam quem antiqui moerum dicebant, nos murum dicimus. Plutarchus (in Romulo) idcirco docet; Portas Urbis ſacras non fuiſſe; nam quum Conditores aratro moenia designarent; Ubi portam, inquit, designare viſum eſt, uimere exemplo, atque aratro ſublato ſpatium relinquant. Unde totum habent murum praeter Portas ſacrum. Nam eas ſi ducerent ſacras, religioſum eſſet, neceſſaria & impari in Urbem recipere, & exportare. Sic (l. ſi quis ff. de Rerum Diviſ.) Si quis violaverit muros, capite punitur. Sicuti ſi quis tranſcendat ſcalis admoſis, vel alia qualibet ratione: nam ciues Romanos alia, quam per portas, egredi non licet, quum illud hoſtile & abominandum ſit. Nam & Romuli ſyater Remus occiſus traditur ob id, quod murum tranſcendere voluerit.

Morem vero condendi urbes Varro ſuſe expoſuit (Libro citato) Oppida, inquit, condebant in Latio Etruſco ritu multa, id eſt, iunctis bubus, tauro, & vacca interiore aratro circumagebant ſulcum. Hoc faciebant religionis cauſſa die auſpicato, ut ſoſſa & muro eſſent munita. Terram unde excuſpſerant ſoſſam vocabant, & introſum factum, murum. Poſtea quod fiebat orbis, urbs; principium quod erat poſt Murum Pomoerium dictum, ejuſque ambitu Auſpicia Urbana finiuntur. Cippi pomoerii ſtant, & circum Ardelam Ardeam, & circum Romanam. Quare & oppida, quae prius erant circumdata aratro ab orbe & urbo urbes, & ideo coloniae noſtrae ut urbes conduntur, quod intra pomoerium ponuntur.

Conſtat igitur Augurum in ea re auctoritatem fuiſſe deſideratam. Docet id haec Inſcriptio, apud Gruterum (pag. CXCVIII. num. 1.)

COLLEGIV
AVGVRRVM. AVCTOR
IMP. CAESARE. DIVI
TRAIANI. PARTHICI. F
DIVI. NERVAE. NEPOTE
TRAIANO. HADRIANO
AVG. PONTIF. MAX. TRIB
POT. VII. COS. III. PROCOS
TERMINOS. POMERII
RESTITVENDOS. CVRAVIT

Oſtendunt illinc Nardinus & Borrichius, falſam eſſe ſententiam dicentium, quoties muri promo-
vebantur, toties quoque promotum fuiſſe pomoerium. Verum Romani non ita religioſe Hetruſcorum
ſuperſtitioni fuerunt addiſti. Antiquiſſimum Romuli pomoerium, ut ait Gellius (Lib. XIII. cap. 14.) ra-
dicibus Palatini terminabatur. Protulit id poſtea Servius Tullius Rex: item L. Cornelius Sulla. Nam
pomoerii proferendi juſ penes illos erat, qui fines protuliſſent Imperii. Seneca (de brev. vii. cap. 14.)
Idem narrabat, Sullam ultimum Romanorum protuliſſe pomoerium, quod numquam Provinciali, ſed Italico
agro acquiſito, moſ proferre apud Antiquos fuit.

Terminabatur autem pomoerium multis lapidibus, prout ex Varrone jam dicimus. Eorum, ut diximus,
tutela penes Augures erat. Id ex inſcriptione diſcimus ſupra jam memorata; ritus autem hac in re adhi-
beri ſoliſos deſcribit Feſtus (in voce Proſumurium) Cum, inquit, pomoerium proferretur, tum Augures publi-

Tom. III.

E e

cos

cos P. R. haec verba praefere solitos: Dii tutelares, Urbis pomoerium hoc ne minus majusve faxitis, sed iis, quibus terminatum est, regionibus effratis.

Quoties autem proferebantur pomoeria, non dilatabantur aequaliter, extra omnes moenium partes, sed pro arbitrio proferentis. Sic Aventinus mons, moenibus urbanis ab Anco Martio inclusus, & ab Augusto una ex XIV. Regionibus factus, quibus Urbem diviit, tamen post Sullam & hunc Caesarem extra pomoerium fuit, a Claudio tandem intra Urbem locatus. Testes sunt Aulus Gellius (*dicto loco*) & Tacitus (*An. XII. cap. 23. & 24.*) qui quidem suo etiam aevo adhuc viros scribit terminos, istius prolationis indices, idque probari potuisse actis publicis.

Atque hac ratione liquet, vaños sibi fingere murorum ambitus, qui prolationem pomoerii colligunt ex magnitudine, murorumque ambitus mutatione. Livius id confirmat, ubi ambitum Urbis a Tullo Hostilio solummodo prolatum refert, & distinguit a *prolatione murorum pomoerii dilatationem*, quam uni Servio Tullio attribuit (*Lib. I. cap. 44.*) *Addit*, inquit, *duos colles, Quirinalem, Viminalemque; ac deinceps auget Exquilias; aggere, & fossa, & muro Urbem circumdat. Item pomoerium profert. Vox item manifestae distinctionis nota est.*

Diviserat autem Augustus hanc Urbem in Regiones XIV. quae tamen omnes non continebantur intra Urbis Pomoerium, prout jam ostendimus de Aventino Monte. Et hac quidem de re exstat etiam nunc in Capitolio insignis Inscriptio, apud Gruterum (*pag. CCXLIX. num. 8.*)

IMP. CAESARI. DIVI

TRAIANI. PARTHICI. FIL

DIVI. NERVAE. NEPOTI

TRAIANO. HADRIANO

AVG. PONTIF. MAXIMO

TRIBVNIC. POTESTAT. XX

IMP. II. COS. III. P. P

MAGISTRI. VICORVM. VRBIS

REGIONVM. XIII

Præter Tiberium Claudium, qui Montem Aventinum pomoerio inclusit, Gellius & alii dilatatum fuisse pomoerium volunt a Julio Caesare & Augusto, sed quousque, res est incertissima. Et tamen Dionysius scribit: *Murum a Servii Tullii tempore non progressum esse ulterius, vetantibus id religionibus.* Aurelianus tamen muros ampliavit, sed pomoerium non dilatavit, teste Vopisco (*cap. XXI. in Aureliano.*)

De Muris autem Urbis id compertum apud Nardinum & Borrichium reperi, fuisse nimirum longe minores & angustiores hodiernis. Neque enim Servii murus vel collem Hortulorum, vel Campum Martium, vel amplam circa montem Testaceum planitiem, vel Cestii sepulcrum, vel Tiberinam Insulam, vel Agri Transiberini tantum, quantum hodie, vel Burgum Vaticanum, sive Civitatem Leoninam, incluserat; quae omnia jam illo ambitu inclusa cernimus, nec extra muros hodiernos porrigebantur usquam. Aurelianus autem murus eundem paene ambitus circuitum habet, & veteribus fundamentis superstructus est, quibus hodiernus, nisi quod & Castrum Praetorium, & Amphitheatrum Castrensis extimam partem hodie includit, exclusa olim; & Burgum Vaticanum excluderat, hodie inclusum. Castrum autem Praetorium nonnulli fuisse volunt extra Portam Capenam: sed Panvinus rectius extra Portam Nomentanam ponit, ubi ejus rudera qualiacunque hodieque cernuntur, prope Portam Piam.

Antiqua Roma erat septicolis, hodierna decem quodammodo est collium, namque adhuc completitur Collem Hortulorum, (hodie dictum *Montem Pincium* & *Montem Trinitatis*) Caeliolum, & Janiculi reliquam partem, quam hodie appellant Montem Vaticanum, ut de Testaceo monte, sive Doliolo, satis grandi, non nativo tamen; sed ex testulis figulorum surgente, jam nihil dicam.

In magnitudine ambitus murorum designanda Auctores tam antiqui, quam hodierni multum inter se discordant. Just. Lipsius, H. Vossius, & alii immensam paene faciunt Romanam Urbem, & murorum ambitum, vel cum Vopisco credunt, extendisse se ad quinquaginta fere milliaria: Lipsius autem contendit ad viginti tria, Italica suspicor, non horaria, hoc est, mille passuum. Sed Borrichius credit, ampullari more suo Vopiscum, aut subesse mendum, & pro *quinquaginta*, *quindecim* esse legendum.

Vossianam autem rotunditatem circularem falsitatis redarguunt murorum ambitus descriptiones a Nardino, Donato & Borrichio concinnatae. Borrichius negat ulla hodie vestigia rudum tam prodigi

gioli muri usquam in campis Latii apparere; quum etiam nunc Servii murus variis locis evidentibus sese ostendat monumentis. Nam & ex fabrica & vetustate murorum multarumque Portarum, adhuc manentium, facile colligimus, murum Aurelianum vix hodierno fuisse ampliorem. Suburbia quidem Romae longius processerunt, neque tamen ita prodigiose, uti volunt nonnulli Antiquariorum, dicentes, hinc Otriculum, illinc Tibur, istinc Ostiam & mare attigisse. Refelluntur enim vel unius Martialis testimonio, qui (*Lib. VII. epigr. 31.*) scribit.

*Quidquid villicus Umber, aut colonus,
Aut rus, marmore tertio notatum,
Aut Thufci tibi, Tusculique mittunt,
In tota mihi nascitur Suburra.*

Ex quibus verbis Borrichius evidenter confici posse pluribus docet, Suburbium ista parte Urbis vix ultra mille & ducentos passus potuisse ab urbanis moenibus recedere.

Post Aurelianum legimus quidem moenia a Barbaris hinc inde diruta fuisse aliquoties, sed restaurarunt illa Honorius, Theodoricus, Belisarius & Narfes; Pontifices item Romani aliquot: non autem ampliarunt; nisi quod Pontifices posteriores aliquid in Transiberina regione immutarunt & addiderunt.

De Portis Plinii xxxvii. respondet Borrichius, superesse hinc inde in muris portas quasdam clausas, nominis incerti, reliquas vero plane sublatas, multiplici ista murorum restauratione; immo & in Capitolio fuisse plures portas privatas; & in Plinii contextu posse latere aliquod mendum.

Videri possemus absolvisse nostram de Muris & Pomoerio Romanae Urbis tractationem, sed & operae pretium existimamus, ut aliorum quoque audiantur sententiae, in quibusdam a supra dictis dissentientes, & praesertim quomodo & per quos Roma creverit, liquidum fiat.

Livius, Plutarchus, Strabo, alique docent: Palatium, in quo ipse educatus erat, a Romulo primum munitum; sed & iidem testantur, ante Sabinorum & Tatii adventum Capitolium a Romulo jam munitum fuisse, arce Romana ibidem collocata. Hanc enim Sabini ceperunt, prodicione virginis Tarpejae, qui & a Romanis postea inde pelli non potuerunt. Non tamen Romulus ultra Palatini Montis radices pomoerium protulit. Ne qua vero vis externa Urbem opprimeret, finitimique colles hostium fierent propugnacula & arces, munitos eos fuisse scribit Strabo (*Lib. V.*) neque tamen recepti legantur intra pomoerium. Sic Livius (*Lib. I. cap. 12.*) negat, Urbem ipsam fuisse captam, quum Arx Tarpeja a Sabinis caperetur. *Sed Romanos, inquit, cum Sabinis post arcem Tarpejam occupatam pugnantes, hostes usque ad portam Palatii fugarunt.* Et haec certe tunc fuit Porta Urbis Romae.

Ita & Ancus Martius Janiculum munit, non tamen Urbis pomoeria eousque protulit. Sed & ante eum Tullus Hostilius, tertius a Romulo, Alba eversa, ipsique Albanis in civitatem receptis, addidit Urbi Coelium montem, quem Romulus primo munierat. Livius (*Lib. I. cap. 30.*) *Roma interim crescit Albae ruinis: duplicatur civium numerus. Coelius additur Urbi mons, & quo frequentius habitaretur, eandem sedem Tullus regiam capit.* Strabo in his adversatur Livio, & Ancum Martium muniisse montem Coelium & Aventinum, & jacentem inter hos Campum scribit. Plinius item; *Aventinum & Janiculum montes Urbi addidit.* Loquitur autem de Anco Martio. Quod vero Scriptores tradunt, Ancum Martium Aventinum multitudini concessisse, non idcirco eum intra pomoerium recepisse significat. *Multa enim loca, inquit Dionysius (Lib. III. cap. 56.) circum Urbem extra moenia proximis collibus & vallibus habitata, & praesertim Aventinus.* Sed forte hi Reges aliquando in iis montibus habitaverunt, quos alii aedificiis ornavunt, vel pars ab uno, reliquum ab altero Urbi fuit additum.

L. Tarquinius Priscus porro, quamvis imperium populi Romani propagaverit, multis agris ab hostibus captis, vetere tamen contentus, pomoerium non protulit. Urbem autem ultimo imperii sui tempore munire adgressus, saxis magnis ad regulam formatis (prius enim vilibus structuris aedificati fuerant) inchoatum non absolvit opus, morte praeventus. Servius ergo Tullius, successor ejus, & quintus a Romulo, secundum Plinium, Eutropium & Livium, tres colles Urbi addidit, Quirinalem, Viminalem & Exquilias, adduntque, aggeres & fossas fecisse. Muros autem, a Tarquinio Prisco coeptos, perfecit ipse ingenti quadrato saxo, Gabino, Albano, Tiburtino & Praenestino, ignique impervios praestitit. Et, teste Borrichio, cernuntur adhuc muri ad xx. passus ex saxis quadratis surgentes, sed quae prae vetustate topis jam arenaceis similia in pulverem se redigi patiuntur, & ex Servii aevo manere se adhuc

tacite significant. Alibi rursus conspiciuntur capiteLLa murorum, ex solido marmore constructa, in argumentum aevi posterioris, sed potentioris. Quae super sunt, secula infelicia indicant, utpote facta perfunctorie e latere cocto, hinc inde confarcinato.

Servius ergo Tullius muro lapideo sex colles complexus, Urbem primus divisit in quatuor Tribus urbanas, Palatinam, Suburrinam, Exquilinam & Collinam. Is enim primus post Romulum pomoerium dilatavit. Tarquinius denique Superbus, Latinorum, caeterorumque hostium incursionem, quibus Urbs ipsa occupari poterat, veritus, Urbem ab oriente ingenti aggere munivit. Plinius (*Lib. III. cap. 5.*) *Clauditur Urbs ab oriente aggere Tarquini Superbi, inter prima opere mirabili: namque cum muris aequavit, qua maxime patebat aditu plano; cetero munita erat praecelsis muris, aut abruptis montibus.* Et sane aggeres isti, teste Panvinio, adhuc videntur parum ultra Thermas Diocletiani, porrecti ab eo loco, usque ad Arcum fere Gallieni.

Donati haec est sententia. Romam hodiernam ad veterem referendo, optime apparere, quomodo septem montes pomoerio concluderet. Nam Aventinus, deficiens ad Portam Trigeminam, planiciem, ubi navalia fuerunt, circumjacentem habet. Coelius in muris ipsis definit. Exquilinus aut interjecto Campo longe a pomoerio finitur, aut certe in planiciem cum Viminali excurrit, qua parte ductus est Agger Tarquini, qui plana collis terminabat, hodieque terminat. A Porta Collina deinde murus latiori circuitu descendit in Martium Campum, qui sub Regibus per praerupta Montis Quirinalis recta ducebatur in vallem, ubi Columna Trajani est, unde pergebat in summum Capitolium; a Rupe vero Capitolina, ante Ciceronem, per Forum, nunc Montanarium, tendebat ad Tiberim.

Super sunt veteres Transiberini muri: eos Donatus censet maxima ex parte adhuc superstites, nec contractiores, nec ampliores esse veteribus. Incipiunt illi non longe a Porta Portuensi vetere, cujus Inscripção antiqua, ab Imperatoribus Arcadio & Honorio posita, apud Gruterum legitur, & a nobis suo loco est descripta. Hinc parte eorum diruta, propter recentiores munitiones, porriguntur ad Portam Janiculensem, atque per Portam Septimianam ad usque Tiberim rursus extenduntur, & finiuntur.

Ergo post Aurelianum Arcadius & Honorius Imperatores restaurarunt muros veteres, non ampliarent. Deinde qua murus per acclivitatem Janiculi ad Portam S. Pancratii, & jugum Collis evadit, indeque flexus ad Portam Septimianam, Tiberimque descendit, dicendus est eisdem habere fines, quos illi Rex olim Ancus imposuit, ut ex Livio, Dionysio & Procopio recte colligitur.

Haec ergo est Donati sententia, murorum ambitum ante Aurelianum multo fuisse minorem illo, quem hodie videmus. Post Aurelianum & Constantinum, aut idem fuit, aut alicubi parum differens. Etsi enim moenia saepius diruta & collapsa sunt, iisdem tamen prope vestigiis ac fundamentis fuerunt superstructa; ita ut idem fere terrae spatium Roma infederit, in maxima sua amplitudine. Ex hujus quoque sententiae fuerunt Marlianus ac Blondus. Marlianus enim (*Lib. I. cap. 8.*) ait: *Credimus super fundamentis priscis muros nunc existentes exstructos fuisse.* Blondus autem (*initio Romae Restauratae*) *Quamquam, inquit, muri partim collapsi & corrosi sint, partim ruinam multis in locis minentur; in ipso tamen remanent prisco vestigio veteris fundamenti.* Aurelianum autem muris validioribus & laxioribus Urbem sepius, testis est Eutropius (*Lib. IX.*) Zosimus autem dicit; eos ab Aureliano quidem inchoatos, sed ab ejus successore perfectos fuisse (*Lib. I.*) Panvinus hinc ergo colligit; Aurelianum Urbis moenia a Porta Collina per Collem Hortulorum, usque ad Tiberim, ut nunc videntur, Campumque Martium deduxisse. Sed quod Vopiscus dicere videtur; Aurelianum muros Urbis ampliassse, ut quinquaginta prope millia passuum eorum ambitus teneret, ingenue fatetur se ignorare.

Ad Nardini sententiam nunc venimus. Is in eo Donato adversatur, ut credat; Transiberina loca & Janiculum ingenti murorum ambitu olim Urbi fuisse connexa, eo solo muniendi intermisso spatio, quod interfluens ad transitum Tiberis occupabat, qui quum nullas ripas murus impediret, libere hinc inde pontibus transibatur, ita ut utraque ripa intra moenia inclusa fuerit. Livius (*Lib. I. cap. 33.*) *Janiculum quoque adjectum* (loquitur de Anco Mario, uti ante dixerat) *Coelius additur Urbi mons, quem ubi muro cinctum narravit, pergit: id non muro solum, sed & ob commoditatem itineris Ponte Sublicio, tum primum in Tiberim facto, conjungi Urbi placuit.* At in moenibus a Servio Tullio conditis majorem adhibere diligentiam voluit Nardinus, longa & accurata probatione sententiae suae, quae huc redit: ore pleno affirmari posse, nullam, medio inter Servium Tullium & Aurelianum tempore, factam mutationem situs moenium, quamquam ultra pomoerium in immensum quantum spatium aedificationem prolata non negat; neque tamen, aut Augusti aevo, aut Vespasiani moenia Urbis prolata fuerunt. Affir-

mat

mat quoque; nihil se aut legisse, aut vidisse in testimoniis Scriptorum Veterum, usque ad Aurelianum Principem, quod sententiae huic vere sit contrarium. Colligit igitur sufficere ea posse, quae ab auguriis petuntur, murorum prolationem vetantibus, ad quae, praeter Dionysium, Cicero quoque alludere videtur in iis, quae (*Epist. XXXIII. Lib. XIII. ad Atticum*) refert, de mentione facta, Campum Martium moenibus includendi. Censet porro, abunde magnum, validumque in muris non factae mutationis argumentum esse; quod de re tam memorabili ne minimum quidem apud quemquam Scriptorum Veterum ullum omnino verbum, vel indicium, aut vestigium reperiatur. Roma enim longe lateque extra muros habitata, imperiique magnitudine, & ingenti amplitudine sua nixa, veluti gentium domina, ab incursionibus tuta securaque, murorum nullam postea habuit curam; donec triginta sub Galieno exortis tyrannis, Aurelianum ea subiit cogitatio; prospiciendum Urbis securitati, muroque universam includendam esse, firmandamque.

Addatur his denique accurata ambitus murorum descriptio a Panvinio concinnata: Hic enim ambitum murorum Urbis a Tarquinio Superbo hunc fuisse existimat. Muri haud longe a Ponte, qui nunc dicitur Sixti, versus Farnesiorum palatium inchoabant, ex adverso murorum ab Anco Martio Rege in Transiberina regione structorum, & Porta, quae nunc Septimiana dicitur, qui per mediam Urbem planam, circa Campos Florae, Agonalemque, & Pantheum, usque ad Quirinalis radices, ea parte, in qua Cardinalis Carpenfis horti sunt collocati, protendebantur, gyabantque paullo ultra therinas Dioeletiani, & circa Basilicam S. Mariae Majoris, secundum ipsos Tarquinii aggeres, prope Arcum Galieni, AEdiculum S. Matthaei, & Basilicam Lateranensem: hinc per dorsum Coelii Montis paullo ultra formas Aquae Claudiae, prope Templum Sancti Stephani in Coelio Monte, & S. Mariae in Navicula, Piscinam publicam, Thermaeque Antoninianas; usque ad Circum Maximum ducebantur, eorumque finis erat haud longe ultra Pontem Sublicium, e regione murorum trans Tiberim, qua navalia sunt, positorum. Transiberinae vero regionis moenia ab Anco Martio condita adhuc visuntur, quae etsi saepius restituta fuisse credibile est, paullo tamen ab antiquis sedibus mutata esse, constat. Atque hic, vel non multo diversus fuit Urbis ambitus, extremis Regum, & primis Reipub. temporibus. Martium vero Campum, cum Borrichio, Nardino, & aliis, Aureliani demum temporibus Urbi additum fuisse Panvinus responder, quum sub Severo Imperatore, ut est apud Herodianum (*Lib. IV. cap. 2.*) adhuc extra Urbem fuerit. Itaque, inquit Panvinus, noster murorum ambitus aliquot locis antiquo major, aliquot vero minor, aliquot autem antiquis in fundamentis situs credi possit. Hanc enim sententiam confirmant variae atque diversae murorum species, quibus conditi sunt. Alicubi enim opere reticulato, alicubi lapidibus quadratis, alicubi lateritia struc, alicubi muro arcuato, alibi alia ratione fabricati videntur.

Proderit, hanc tractationem finire brevi Epilogo ultimarum restorationum murorum Urbis post Aurelianum. Imperator Constantinus, Castro Praetorio exciso, ea parte Urbis ambitum ampliorem fecit. Imperatores autem Arcadius & Honorius muros Urbis vetustate corruptos restituerunt. Senatus etiam Populusque Romanus Urbis moenia, temporum injuria collabentia, ex auctoritate Regis Italiae Theodoric fecit. Belisarius sub Imp. Justiniano Augusto tertiam murorum Urbis partem, bello Gothico a Totila Rege disiectam, refecit. Narfes Urbis moenia, vetustate & ruinis quassata, sub Justiniano & Justino Juniore Augustis, quorum in Italia, exactis Gothis, Praefectus fuit, firmavit. Gregorius II. & Hadrianus I. Pontifices Maximi, muros Urbis, temporis diuturnitate consumptos, additis turribus, restituerunt. Leo Papa IV. moenia Urbis refecit, turre addidit; Vaticanum Montem, in quo sita est Basilica Principis Apostolorum, aucto murorum ambitu, cinxit. Quos postea temporis injuria collabentes variis temporibus restituerunt Pontifices Maximi Urbanus V. & Nicolaus IV. Martinus V. Nicolaus V. Pius II. Paulus II. & Sixtus IV. Paulus III. novum murorum Urbis ambitum inchoavit, quem imperfectum reliquit. Paulus item IV. additis tota Urbe aggeribus terreisque propugnaculis Romam munivit. Bonifacius IX. primus, Mole Hadriani munita, Romanorum Pontificum potestatem stabilivit. Hanc postea Alexander VI. additis fossa, aggeribus, latioribusque propugnaculis, tutiorem reddidit. Postremo Paulus IV. additis amplioribus propugnaculis, tutissimum Urbis munimentum fecit.

De hodiernorum murorum Urbis ambitu jam in Praefatione monui, memet ipsum pedestri itinere circuitum murorum fuisse emensum ab utraque Tiberis ripa, atque comperisse completi majora miliaria horaria quinque, quae conficiunt passuum viginti millia.

Observandum tamen, ut dixi, in primis erit; Urbem ab adverſa Tiberis parte, ubi Baſilica eſt S. Petri, multum a Pontificibus eſſe amplificatam & auctam, munimentisque inſtructam ad rationem hodiernae artis militaris. Non autem ſatis potui cognoscere, aut certo ſcire; quantum hoc incrementum Urbis ab ea parte majus ſit muris vetuſtis, quoniam perpauca ex muris antiquis ſuperſunt rudera, cacteris dirutis, ac vaſtatis.

FINIS TOMI TERTII.

I N D E X

E F F I G I E R V M.

Ut Operi inferantur e regione Titulorum a Bibliopego.

Effigies tertii Tomi omnes Notam habent Lit. c

T O M V S I I I.

Num.		Pag.	Num.		Pag.
1.	<i>Pons Horatii.</i>	1	14 ad 17.	<i>Mons Palatin. versus Merid. IV. Tab.</i>	29
2.	<i>Senatori.</i>	3	18.	<i>versus Septentriones.</i>	31
3.	<i>Exquilinus.</i>	5	19.	<i>Vestigia Capitoli Veteris.</i>	33
4.	<i>Tarpeius.</i>	7	20.	<i>Tarpeia Rupes.</i>	35
5.	<i>Janiculensis.</i>	9	21.	<i>Ruina prope S. M. Cacabarinae Eccl.</i>	37
6.	<i>Triumphalis.</i>	11	22.	<i>Curia Hostilia.</i>	39
7.	<i>AElius.</i>	13	23.	<i>Domus Pilati.</i>	41
8.	<i>Insula Tiberina.</i>	15	24.	<i>Theatrum Marcelli.</i>	43
9.	<i>Vestigia Horreorum.</i>	17	25.	<i>Amphitheatrum Castrense.</i>	45
10.	<i>Horti Sallustiani.</i>	19	26.	<i>Meta Sudans.</i>	47
11.	<i>Mons Coelius.</i>	21	27 ad 48.	<i>Amph. Flav. vulg. Colossacum. XXII. T.</i>	49
12.	<i>Mons Palatinus.</i>	23	49.	<i>Mons Testaceus.</i>	53
13.	<i>versus Ortum.</i>	27	50.	<i>Muri Urbis Romae.</i>	55

1875 11 13 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200

201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300

301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400


401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500


501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600

601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700

701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800

801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900







SPECIAL 82-B
3449
-2
VI-3

THE GUSTY CENTER
LIBRARY

